





John Cranford,

M. D.















A. CORN. CELSUS

D E

REMEDICA.

ACCESSURUS

INDEX VOCABULORUM OMNIUM, et cu-  
juscunque ad Rem pertinentis, More

D I C T I O N A R I I.

In usum MEDICINÆ et CHIRURGICÆ studiosorum.

P A R S A L T E R A.

G L A S G U Æ:

Excudebat GULIELMUS BELL.

Veneunt apud FOULIS, GILMOUR, et DUNCAN: EDIN-  
BURGI, KINCAID et BELL, BALFOUR, FLEMING,  
DRUMMOND, et DONALDSON: LONDINI, apud  
Eundem, MILLAR, et WILSON.

M D C C L X V I.

19166



# INDEX CAPITUM.

C A P.

Pag.

## LIBER QUINTUS.

### PROEMIUM.

177

- I. De Simplicibus facultatibus quarumcunque rerum ex quibus medicamenta fiunt: et primo de his, quae sanguinem supprimunt. 178
- II. Quae vulnus glutinent. ibid.
- III. Quae concoquunt, et movent pus. 179
- IV. Quae aperiunt vulnera. ibid.
- V. Quae purgant. ibid.
- VI. Quae rodant. 180
- VII. Quae exedant corpus. ibid.
- VIII. Quae adurant. ibid.
- IX. Quae crustas ulceribus inducant. 181
- X. Quae crustas ulceribus resolvant. ibid.
- XI. Quae discutiant ea, quae in aliqua parte corporis coierunt. ibid.
- XII. Quae evocent, et educant. ibid.
- XIII. Quae exasperata laevent. 182
- XIV. Quae carnem nutrant, et ulcus impleant. ibid.
- XV. Quae molliant. ibid.
- XVI. Quae cutem purgant. ibid.
- XVII. De Misturis simplicium rerum; et de ratione ponderum. ibid.
- XVIII. De Malagmatis. 148
- XIX. De emplastris. 191
- XX. De Pastillis. 196
- XXI. De Pessis. 198
- XXII. De Medicamentis, quibus aridis utimur. 199
- XXIII. De Antidotis et quibus malis opitulentur. 201
- XXIV. De Acopis. 203
- XXV. De Catapotiiis. 204
- XXVI. De Quinque generibus noxarum corporis. 207
- XXVII. De vulneribus, quae per morsus inferuntur, eorumque curationibus. 224
- XXVIII. De interioribus ulceribus, quae, aliqua corporum parte corrupta, nascuntur. 230

## LIBER SEXTUS.

- I. De Vitiis singularum corporis partium. 250
- II. De Porrigine, et ejus curatione. ibid.



## INDEX CAPITUM.

III. De Sycoſi, et ejus curatione.	251
IV. De Areis, et earum curationibus.	252
V. De Varis, et Lenticulis, et Ephelide, eorumque cura. ib.	
VI. De oculorum morbis: et primo de his morbis qui leni- bus medicamentis curantur.	253
VII. De Aurium morbis, et curationibus.	270
VIII. De Narium morbis, et curationibus.	276
IX. De Dentium dolore, et curationibus.	277
X. De Tonſillis, et earum cura.	279
XI. De Oris ulceribus, et curationibus, quæ et antheræ.	280
XII. De Linguae ulceribus.	282
XIII. De Parodontidibus, et ulceribus gingivarum.	ibid.
XIV. De Uvae morbo, et curatione.	283
XV. De Cancro oris.	284
XVI. De Parotidibus quæ ſub auribus oriuntur.	285
XVII. De Umbilici prominentis curatione.	ibid.
XVIII. De obſcœnarum partium vitiis.	286
XIX. De Digitorum ulceribus.	293

## LIBER SEPTIMUS.

De Chirurgica, et qui in ea claruerint, et qualis eſſe Chi- rurgicus debeat, et quid hoc in libro deſcribatur.	295
I. De luxatis, et vexatis.	297
II. De his: quæ per ſe intumeſcunt, quomodo incidenda, et curanda ſint.	ibid.
III. De bonis, malivſve ſignis Suppurationum.	299
IV. De Fiſtulis.	300
V. De Telis e corpore extrahendis.	303
VI. De Gangliis, et Meliceride, et Atheromate, et Stea- tomate, capitis tuberculis.	305
VII. De Oculorum vitiis, quæ manu curantur.	307
VIII. De Aurium morbis, qui manu curantur.	318
IX. Curta in auribus, labriſque ac naribus, quomodo ſar- ciri et curari poſſint.	319
X. De Polypi curatione per ferrum.	321
XI. De Ozaena.	ibid.
XII. De Dentibus et oris vitiis manu et ferro curandis.	322
XIII. De Cervicis vitiis, et curatione.	325
XIV. De Umbilici vitiis, et curatione.	ibid.
XV. Quomodo Aqua hydropicis emittatur.	327
XVI. De Ventre icſtu perforato et Intestiſtis vulneratis.	328



## INDEX CAPITUM.

XVII. De Interiore membrana abdominis rupta.	330
XVIII. De Testiculorum natura, et morbis eorum.	331
XIX. De Testiculorum curationibus communibus : et primo de incisione et curatione Inguinis, vel Scroti.	334
XX. De Intestini in scrotum devoluti curatione.	337
XXI. De Omenti in scrotum prolapsi curatione.	338
XXII. De Ramicis curatione.	339
XXIII. De Carne, quae inter tunicas testiculorum concretum, et de Nervo indurato.	341
XXIV. De Ramice inguinis.	ibid.
XXV. Ad tegendum Glandem colis, si nuda est.	ibid.
XXVI. De Urinae reddendae difficultate et curatione.	343
XXVII. De Cancro, qui excisa vesica nascitur.	351
XXVIII. Si Naturalia foeminarum non admittunt concubitum, quomodo curari conveniat.	353
XXIX. Qua curatione Partus emortuus ex utero excutitur.	354
XXX. De Ani vitiis, et eorum curatione.	357
XXXI. De Varicum curatione.	358
XXXII. De Digitis cohaerentibus, et curvatis.	359
XXXIII. De Gangraenae curatione.	360

## LIBER OCTAVUS.

I. De positu et figura Ossium totius humani corporis.	361
II. Ossia vitiata et corrupta quibus signis cognoscantur, et qua ratione curentur.	367
III. Quomodo os excidatur ; et de Modiolo, et Terebra, ferramentis ad id paratis.	369
IV. De calvaria fracta, et curatione.	372
V. De narium fractarum curatione.	377
VI. De Aurium fractarum curatione.	378
VII. De Maxilla fracta, et quibusdam ad omnia ossa pertinentibus.	379
VIII. De Juguli fracti curatione.	380
IX. De Costarum fractarum curatione.	382
X. De Humerorum, brachiorum, femorum, crurum, digitorum fractorum, vel evulforum, communibus curationibus.	384
XI. De Ossibus luxatis.	391

## A. CORN. CELSUS

D E

## M E D I C I N A.

## L I B E R Q U I N T U S.

## P R O O E M I U M.

**D**IXI de his malis corporis, quibus victus ratio maxime subvenit. Nunc transeundum est ad eam medicinae partem, quae magis medicamentis purgat. His multum antiqui auctores tribuerunt, et Erasistratus, et hi qui se Empiricos nominaverunt, praecipue tamen Herophilus, deductique ab illo viri, adeo ut nullum morbi genus, sine his curarent. Multaque etiam de facultatibus medicamentorum memoriae prodiderunt, qualia sunt vel Zenonis, vel Andreae, vel Apollonii, qui Mys cognominatus est. Horum autem usum ex magna parte Asclepiades non sine causa sustulit: et cum omnia fere medicamenta stomachum laedant, malique succi sint, ad ipsius victus rationem potius omnem curam suam transtulit. Verum ut illud in plerisque morbis utilis est, sic multa admodum corporibus nostris incidere consueverunt, quae sine medicamentis ad sanitatem pervenire non possunt. Illud ante omnia scire

convenit, quod omnes medicinae partes ita innexae sunt, ut ex toto separari non possint, sed ab eo nomen trahant, a quo plurimum petunt. Ergo ut illa quae victu curat, aliquando medicamentum adhibet, et illa quae praecipue medicamentis purgat, adhibere etiam rationem victus debet, quae multum admodum in omnibus malis corporis proficiat. Sed cum omnia medicamenta proprias facultates habeant, ac saepe simplicia opitulentur, saepe mista, non alienum videtur ante proponere et nomina, et vires, et misturas eorum, quo minor ipsius curationis ex sequentibus mora sit.

## C A P. I.

15

*De simplicibus facultatibus quarumcunque rerum ex quibus medicamenta fiunt, et primo de his, quae sanguinem supprimunt.*

20 **S**anguinem supprimunt, atramentum futorium, quod Græci *χάλας* appellant, chalcitis, acacia, et ex aqua lycium, thus, aloe, gummi, plumbum combustum, porrum, herba sanguinalis, creta vel cimolia vel figuralis, misy, frigida aqua, vinum, acetum, 25 alumen, melinum, squama et ferri, et aeris, atque hujus quoque duae species sunt, alia tantum æris, alia rubri æris.

## C A P. II.

30

*Quae vulnus glutinent.*

**G**lutinant vulnus, myrrha, thus, gummi, praecipueque acanthinum, psyllium, tragacantha, cardamomum, bulbi lini semen, nasturtium, ovi album, gluten, ichthyocolla, vitis alba, contusae cum 35 testis suis cochleæ, mel coctum, spongia vel ex aqua frigida, vel ex vino, vel ex aceto expressa: ex iisdem lana succida, si levis plaga est; etiam aranea. Repri-  
munt alumen et scissile, quod *χίσον* vocatur, et liquidum,

dum, melinum, auripigmentum, aerugo, chalcitis, atramentum futorium.

## C A P. III.

*Quae concoquant et movent pus.*

5

**C**Oncoquant et movent pus, nardum, myrrha, costus, balsamum, galbanum, propolis, styrax, thuris et fuligo et cortex, bitumen, pix, sulphur, resina, sebum, adeps, oleum.

19

## C A P. IV.

*Quae aperiunt vulnera.*

**V**ulnera aperiunt tanquam ora in corporibus, quod <sup>ἀράσσει</sup> Graece dicitur, cinnamomum, balsamum, panaces, juncus quadratus, pulegium, flos albae violae, bdellium, galbanum, resina terebinthina et pinea, propolis, oleum vetus, piper, pyrethrum, chamaepitys, uva taminia, sulphur, alumen, rutae se-  
men. 20

## C A P. V.

*Quae purgant.*

25

**P**urgant, aerugo, auripigmentum, quod ἀρσενικὸν a Graecis nominatur (huic autem et sandarachæ in omnia eadem vis; sed validior est) squama æris, pumex, iris, balsamum, styrax, thus, thuris cortex, resina, et pinea, et terebinthina liquida, œnanthe, la-  
certi stercus, sanguis columbae, et palumbi, et h-  
rundinis, ammoniacum, bdellium (quod in omnia  
idem, quod ammoniacum, potest; sed valentius est)  
abrotanum, ficus arida, coccum Gnidium, scobis  
eboris, omphacium, radícula, coagulum, sed maxi-  
me leporinum (cui eadem, quae caeteris coagulis, fa-  
cultas, sed ubique validior est) fel, vitellus crudus,  
cornu cervinum, gluten, mel crudum, misyos, chalcis-  
tis, crocum, uva taminia, abrotanum, spuma argenti,  
galla,



galla, squama aeris, lapis hæmatites, minium, costum, sulphur, pix cruda, sebum, adeps, oleum, ruta, porrum, lenticula, ervum.

## C A P. VI.

5

*Quae rodant.*

**R**ODUNT, alumen liquidum, sed magis rotundum, aerugo, chalcitis, misy, squama aeris, sed magis rubri, aes combustum, sandaracha, minium  
 10 sinopicum, galla, balsamum, myrrha, thuris cortex, galbanum, resina terebinthina humida, piper utrumque, sed rotundum magis, cardamomum, auripigmentum, calx, nitrum, et spuma ejus, apii semen, narcissi radix, omphacium, alcyonium, oleum ex  
 15 amaris nucibus, allium, mel crudum, vinum, lentiscus, squama ferri, fel taurinum, scammonia, uva taminia, cinnamomum, styrax, cicutæ semen, resina, narcissi semen, fel, nuces amarae, oleumque earum, atramentum futorium, chrysocola, veratrum, cinis.

20

## C A P. VII.

*Quae exedant corpus.*

**E**XEDUNT corpus, acaciae succus, hebenus, aerugo, squama aeris, chrysocola, cinis Cyprius,  
 25 nitrum, cadmia, spuma argenti, hypocistis, diphryges, sal, auripigmentum, sulphur, cicuta, sandaracha, salamandra, alcyonium, aeris flos, chalcitis, atramentum futorium, ochra, calx, acetum, galla, alcionium, alumen, lac caprifici, vel lactucae marinae,  
 30 quae *τιθύμαλλος* a Græcis nominatur, fel, thuris fuligo, spodium, lenticula, mel, oleæ folia, marrubium, lapis, hæmatites, et Phrygius, et Asius, et scissilis, misy, vinum, acetum.

35

## C A P. VIII.

*Quae adurant.*

**A**DURUNT, auripigmentum, atramentum futorium, chalcitis, misy, aerugo, calx, charta combusta, sal, squama aeris, fex combustae, myrrha, stercus

stercus et lacerti, et columbae, et palumbi, et hirundinis, piper, coccum gnidium, allium, diphryges, lac utrumque (quod proximo capite supra comprehensum est) veratrum et album et nigrum, cantharides, corallium, pyrethrum, thus, salamandra, eruca, 5 sandaracha, uva taminia, chrysoçolla, ochra, alumen scissile, ovillum stercus, oenanthe.

## C A P. IX.

*Quae crustas ulceribus inducant.*

10

**E**ADEM fere crustas ulceribus tanquam igne adustis inducunt, sed praecipue chalcitis, utique si cocta est, flos aeris, aerugo, auripigmentum, misy, et id quoque magis coctum,

## C A P. X.

15

*Quae crustas ulceribus resolvat.*

**C**RUSTAS vero has resolvit, farina triticea cum ruta, vel porro, aut lenticula, cui mellis aliquid adjectum est.

20

## C A P. XI.

*Quae discutiant ea, quae in aliqua parte corporis coierunt.*

**A**D discutienda vero ea, quae in corporis parte aliqua coierunt, maxime possunt, abrotanum, 25 helenium, amaracus, alba viola, mel, lilium, sanfucus, cyperus, lac, fertula campana, serpyllum, cypressus, cedrus, iris, viola purpurea, narcissus, rosa, crocum, passum; juncus quadratus, nardum, cinnamomum, cassia, ammoniacum, cera, resina, uva taminia, spuma argenti, styrax, ficus arida, tragoriganus, lini et narcissi semen, bitumen, sordes ex gymnasio, pyrites lapis, aut molaris, crudus vitellus, 30 amarae nuces, sulphur.

## C A P. XII.

35

*Quae evocant, et educunt.*

**E**VOCAT et educit, ladanum, alumen rotundum, hebenus, lini semen, omphacium, fel, chalcitis,

chalcitis, bdellium, resina terebinthina et pinea, propolis, ficus arida decocta, stercus columbae, pumex, farina lolii, croci in aqua cocti, elaterium, lauri baccae, nitrum, sal.

5 C A P. XIII. *Quae exasperata laevant.*

**L**ÆVAT id, quod exasperatum est, spondium, hebenus, gummi, ovi album, lac, tragacanthum.

C A P. XIV.

10 *Quae carnem nutriunt, et ulcus implent.*

**C**ARNEM alit, et ulcus implet, resina pinea, ochra Attice, mel, asteriace, cera, butyrum.

15 C A P. XV. *Quae molliunt.*

**M**olliunt, æs combustum, terra Eretria, nitrum, papaveris lachryma, ammoniacum, bdellium, cera, sebum, adeps, oleum, ficus arida, sesamum, fertula Campana, narcissi et radix et semen, rosæ folia, 20 coagulum, vitellus crudus, amaræ nuces, medulla omnis, stibi, pix, cochlea cocta, cicutæ semen, plumbi recrementum, *σκαρίαν πολύβδον* Graeci vocant, panaces, cardamomum, galbanum, resina, uva taminia, sty-rax, iris, balsamum, sordes ex gymnasio, sulphur, butyrum, ruta.

C A P. XVI. *Quae cutem purgant.*

**C**UTEM purgat mel, sed magis, si est cum galla, vel ervo, vel lenticula, vel marrubio, vel iride, 30 vel ruta, vel nitro, vel aerugine.

C A P. XVII.

35 *De misturis simplicium rerum, et de ratione ponderum; et quid malagma, et emplastrum, et pastillus inter se differant.*

**E**xpositis simplicibus facultatibus, dicendum est, quemadmodum misceantur, quae ex his fiant. Miscentur autem varie, neque hujus ullus modus est, cum



cum ex simplicibus alia demantur, alia adjiciantur; iisdemque servatis, ponderum ratio mutetur. Itaque, cum facultatum materia non ita multiplex sit, innumerabilia misturarum genera sunt; quae comprehendere si possent, tamen esset supervacuum. Nam et iidem effectus intra paucas compositiones sunt, et mutare eas cuilibet, cognitis facultatibus, facile est. Itaque contentus his ero, quas accepi velut nobilissimas. In hoc autem volumine eas explicabo, quae vel desiderari in prioribus potuerunt; vel ad eas curationes pertinent, quas protinus hic comprehendam sic, ut tamen, quae magis communia sunt, simul jungam, Si qua singulis, vel etiam paucis commodata sunt, in ipsorum locum differam.

Sed et antea scire volo, in uncia pondus denarium septem esse. Unius deinde denarii pondus dividi a me in sex partes, id est sextantes, ut idem in sextante denarii habeam, quod Graeci habent in eo, quem *ὀβολον* appellant. Id ad nostra pondera relatum paulo plus dimidio scrupulo facit.

Malagmata vero, atque emplastra, pastillique, quos *τροχίσκος* Graeci vocant, cum plurima eadem habeant; differunt eo, quod malagmata maxime ex floribus eorumque etiam furculis, emplastra pastillique magis ex quibusdam metallicis fiunt. Deinde malagmata contusa abunde mollescunt: nam super integram cutem injiciuntur: laboriose vero conteruntur ea: ex quibus emplastra pastillique fiunt; ne laedant vulnera, cum imposita sunt. Inter emplastrum autem et pastillum hoc interest, quod emplastrum utique liquati aliquid accipit: in pastillo tantum arida medicamenta aliquo humore junguntur. Tum emplastrum hoc modo fit. Arida medicamenta per se teruntur: deinde mistis his instillatur aut acetum, aut si quis alius non pinguis humor accessurus est; et ea rursus ex eo teruntur. Ea vero, quae liquari possunt, ad ignem simul liquantur; et si quid olei misceri debet, tum infunditur. Interdum etiam aridum aliquod ex oleo prius coquitur. Ubi facta sunt, quae sepa-

separatim fieri debuerunt, in unum omnia miscentur. At pastilli haec ratio est. Arida medicamenta contrita humore non pingui, aut vino vel aceto, coquuntur, et rursus cocta, inarescunt: atque, ubi utendum est, ejusdem generis humore diluuntur. Tum emplastrum imponitur, pastillus illinitur, aut alicui molliori, aut cerato miscetur.

### C A P. XVIII. *De Malagmatis.*

10

#### *Malagma adversus calidas podagras.*

**H**IS cognitis, primum malagmata subjiciam; quae fere non sunt refrigerandi; sed calefaciendi causa reperta. Est tamen, quod refrigerare possit; ad calidas podagras aptum. Habet gallae et immaturae et alterius, coriandri seminis, cicutae, lachrymae aridae, gummi, singulorum plenum acetabulum, cerati eloti, quod *πεπλυμένον* Graeci vocant, selibram. Reliqua fere calefaciunt. Sed quaedam digerunt materiam, quaedam extrahunt, quae *ἐπισπασικά* vocantur: pleraque certis magis partibus membrorum accommodata sunt.

#### *Malagma ad materiam extrahendam.*

Si materia extrahenda est, ut in hydropico, in lateris dolore, incipiente abscessu, in suppuratione quaque mediocri, aptum est, id habet resinae aridae, nitri, ammoniaci, galbani, singulorum p. \*. ceræ p. \*. Aut in quo haec sunt: aeruginis rasae, thuris, singulorum p. ii. \*. ammoniaci salis p. vi. \*. squamæ æris, ceræ, singulorum p. viii. \*. resinae aridae, p. xii. \*. aceti cyathus. Idem præstat cumini farina cum struthio, melle p. ii. \*.

#### *Malagma ad jecur dolens.*

Si jecur dolet, id in quo est balsami lachrymae p. xii. \*. costi, cinnamomi, cassiae, corticis, myrrhae, croci, junci, rotundi: balsami seminis, iridis illyricae, cardamomi, amomi, nardi, singulorum. p. xvi. \*. Quibus adjicitur nardinum unguentum, donec cerati crassitudo sit. Et hujus quidem recentis usus est: si vero

si vero servandum est, resinae terebinthinae p. xvi.\*. ceræ p. x.\*. ex vino leni contunduntur, &c.

*Malagma ad lienem.*

At, si lienis torquet, glandis, quam *Εύλανον* Graeci vocant, cortex et nitrum paribus portionibus contunduntur, respergunturque aceto quam acerrimo: ubi cerati crassitudinem habet, linteo, antea in aqua frigida madefacto, illinitur, et sic imponitur, supraque farina ordeacea injicitur: sed manere ibi non amplius sex horis debet, ne lienem consumat: fatiusque est id bis, aut ter fieri.

Commune autem et jecinori, et lieni, et abscessibus, et strumae, parotidibus, articulis, calcibus quoque suppurantibus, aut aliter dolentibus, etiam concoctioni ventris, *Lyfias* composuit ex hyssopi, p. 15 naxis, styracis, galbani, resinae, singulorum p. ii. \*. ammoniaci, bdellii, ceræ, sevi taurini, iridis aridae p. iii.\*. cachryos acetabulo, piperis granis quadraginta: quae contrita irino unguento temperantur.

*Malagma ad laterum dolores.*

20

Ad laterum autem dolores compositio est *Apollophanis*: in qua sunt resinae terebinthinae, thuris fuliginis, singulorum p. iv.\*. bdellii, ammoniaci, iridis: sevi vitulini, aut caprini a renibus, sicci, singulorum p. iv.\*. Haec autem eadem omnem dolo- 25 rem levant dura emolliunt, mediocriter calefaciunt.

Ad idem latus *Andreae* quoque malagma, est quod etiam resolvit, humorem educit, pus maturat, ubi id maturum est, cutem rumpit, et ad cicatricem perducit. Prodest impositum minutis majoribusque 30 abscessibus: item articulis, ideoque et coxis, et pedibus dolentibus: item, si quid in corpore collisum est, reficit: praecordia quoque dura et inflata emollit: ossa extrahit: ad omnia denique valet, quae adjuvare calor potest. Id habet ceræ p. xi. \*. visci fycami, quam alias sycomorum vocant, lachrymae, singulorum p. i.\*. piperis et rotundi, et longi, ammoniaci thymiamatis, bdellii, iridis *Illyricae*, cardamomi, xylobalsami, thuris masculi, myrrhae, resinae



aridae, singulorum p. x. \*. pyrethri, cocci Gnidii, spumae nitri, falis ammoniaci, radice aristolochiae Creticae, ex cucumere agresti, resinae terebinthinae liquidae, singulorum p. xxv. \*. quibus adjicitur  
 5 unguenti irini, quantum satis est ad ea mollienda, atque cogenda.

*Malagmata ad resolvenda, quae adstricta sunt; mollienda, quae dura sunt; et digerenda, quae coeunt.*

Praecipuum vero est ad resolvenda, quae adstricta  
 10 sunt, mollienda, quae dura sunt, digerenda, quae coeunt, id, quod ad Polyarchum auctorem refertur. Habet junci quadrati, cardamomi, thuris fuliginis, amomi, cerae, resinae liquidae, pares portiones.

*Aliud malagma ad eadem.*

15 Aliud ad eadem Nilei: crocomagmatis, quod quasi recrementum ejus est, p. iv. \*. ammoniaci thymiamatis, cerae, singulorum p. xx. \*. ex quibus duo priora ex aceto teruntur, cera cum rosa liquatur, et tum omnia junguntur.

20 *Malagma Moschi ad molliendum.*

Proprie etiam dura mollit id, quod Moschi esse dicitur. Habet galbani unciam, thuris fuliginis p. iii. \*. cerae, ammoniaci thymiamatis trientes, picis aridae p. ii. \*. aceti heminas tres.

25 *Malagma Medi ad digerenda, quae coeunt.*

Fertur etiam ad digerenda, quae coeunt, sub auctore Medo: quod habet cerae p. iii. \*. panacis p. \*. semis, squamae aeris, aluminis rotundi, item scissilis, singulorum p. i. \*. plumbi combusti p. i. \*. et semis.

30 *Malagma Panthemii ad eadem.*

Ad eadem Panthemius utebatur, calcis. p. \*. semis, sinapis contriti, item foeni graeci, aluminis, singulorum p. i. \*. fevi bubuli p. ii. \*. et semis.

*Malagma ad strumas.*

35 Ad strumam multa malagmata invenio. Credo autem, quo pejus id malum est, minusque facile discutitur, eo plura esse tentata quae in personis varie responderunt. Andreas auctor est, ut haec misceantur: urticae feminis p. i. \*. piperis rotundi, bdellii,  
 gal-

galbani, ammoniaci thymiamatis, resinae aridae, singulorum p. iv. \*. resinae, liquidae, cerae, pyrethri, piperis longi: lactucae marinae feminis, sulphuris ignem non experti, quod *ἀπυρον* vocatur.

*Aliud Miconis ad idem.*

5

Hoc autem Miconis est: fecis aridae, aceti, spumae nitri, falis ammoniaci, sinapis, cardamomi, radicis cucumeris silvestris, resinae, singulorum p. viii. \*. Quae ex leni vino contunduntur.

*Aliud Malagma ad idem valens.*

10

Expeditius ad idem fit, quod habet visci, felini stercoris, resinae, sulphuris ignem non experti pares portiones. Et in quo est sulphuris p. i. \*. lapidis, quem pyriten vocant, p. iv. \*. cumini acetabulum. Item in quo est lapidis ejusdem pars una, sulphuris 15 duae partes, resinae terebinthinae partes tres.

*Malagma ad strumam, et phymata.*

Arabis autem cujusdam est ad strumam, et orientia tubercula, quae *φύματα* vocantur, quod haec digerit. Habet myrrhae, falis ammoniaci, thuris, resi- 20 nae et liquidae et aridae, crocomagmatis, cerae, singulorum p. i. \*. lapidis ejus, quem *πυρίτην* vocant, p. iv. \*. quibus quidam adjiciunt sulphuris p. ii. \*.

*Malagma ad strumam, et tubera, et καρκινώδη.*

Est etiam proficiens in struma; et in his tuberculis 25 quae difficulter concoquuntur; et in his, quae *καρκινώδη* vocantur, quod ex his constat: sulphuris p. ii. \*. nitri p. iv. \*. myrrhae p. vi. \*. fuliginis thuris p. \*. semis, falis ammoniaci p. iii. \*. cerae p. i. \*.

*Malagma Protarchi ad parotidas, et favum, et mala ulcera.* 30

Protarchus autem ad *παρωτίδας* eaque tubercula, quae *μελικηρίδες*, id est favi, vel *φύματα* nominantur, item mala ulcera, pumicis, resinae pineae liquidae, thuris fuliginis, spumae nitri, iridis, singulorum p. viii. \*. cum cerae p. ix. \*. miscebat, hisque olei cya- 35 thum et dimidium adjiciebat.

*Malagma adversus panum, et phymata.*

At adversus panum, tum primum orientem quod phylethlon Graeci vocant, et omne tuberculum, quod

phyma nominatur, miscetur ochra, quae Attice nominatur, cum duabus partibus similae, hisque, contunditur, subinde mel instillatur, donec malagmatis crassitudo sit.

5 *Malagma adversus phymata.*

Discutit etiam omne tuberculum, quod phyma vocatur, id, quod habet calcis, spumae nitri, piperis rotundi, singulorum p. i. \*. galbani p. ii. \*. falis p. iv. \*. quae excipiuntur cerato ex rosa facto.

10 *Malagma ad supprimendum omne, quod abscedit.*

Supprimitque omne, quod abscedit id, in quo est galbani, fabae fresae, singulorum p. i. \*. myrrhae, thuris, ex radice capparis corticis, singulorum p. iv. \*. Satisque omnia abscedentia digerit murex com-  
15 bustus, et bene contritus, aceto subinde adjecto.

*Malagma ad sanguinem supprimendum et phymata.*

At, si satis sanguis subit, recte imponitur, quod adversus phymata quoque potest. Constat ex his: bdellii, styracis, ammoniaci, galbani, resinae et ari-  
20 dae et liquidae pineae: item ex lentisci, thuris, iridis, singulorum p. ii. \*.

*Malagma ad carcinodas et phymata lenienda.*

Carcinodoe vero et phymata commode his leniuntur: galbani, visci, ammoniaci, resinae terebinthi-  
25 nae, in singulis p. i. \*. sevi taurini p. \*. semis, fecis combustae quam maxima portione, dum id siccius non faciat, quam esse malagma oportet.

*Malagma ad faciei contusae livorem.*

Quod si facie contusa livor subcruentus est, haec  
30 compositio nocte et die imposita tollit. Aristolochiae, thapsiae, singulorum p. ii. \*. bdellii, styracis, ammoniaci thymiamatis, galbani, resinae aridae, et ex lentisco liquidae, thuris masculi, iridis Illyricae, cerae, singulorum p. iv. \*. Item faba quoque imposita  
35 proficit.

*Malagmata stomachica ad aperiendum.*

Sunt etiam quaedam malagmata, quae ἀνασπασίμα Graeci vocant, quoniam aperiendi vim habent. Quale est, quod ex his constat: piperis longi, spumae  
nitri,



nitri, singulorum p. ii. \*. erysimi p. iv. \*. quae cum melle miscentur. Idoneaque etiam strumae aperientae sunt. Ejus generis, vehementiusque ex his est, id quod habet calcis p. iv. \*. piperis grana sex, nitri, cerac, singulorum p. x. \*. mellis p. iii. \*. olei heminam. 5

*Miconis Malagma, ad resolvendum aperiendumque ac purgandum.*

Miconis quoque est, quod resolvit, aperit, purgat. Habet alcyonium, sulphur, nitrum, pumicem, paribus portionibus; quibus tantum picis, et cerac adjicitur, ut fiat cerati crassitudo. 10

*Malagma ad ossa et nervos.*

Ad ossa autem Aristogenis, fit ex his; sulphuris p. i. \*. resinae terebinthinae, nitri spumæ, et ex scilla partis interioris, plumbi eloti, singulorum p. ii. \*. 15 thuris fuliginis p. viii. \*. ficus aridae quam pinguis- simae, fevi taurini, singulorum p. viii. \*. cerac p. xi. \*. iridis Macedonicae p. vi. \*. fescami fricti acetabulum: maximeque nervis et articulis malagma convenit.

*Malagma Euthylei ad articulos et ad omnem dolorem. 20*

Igitur Euthylei est, et ad articulos, et ad omnem dolorem, et ad vesicae, et ad recenti cicatrice contractos articulos, quas agylas Graeci nominant, quod, habet fuliginis thuris acetabulum, resinae tantundem, galbani sine furculis fescunciam, ammoniaci, 25 bdellii, singulorum p. \* iii. semis cerac p. \*. semis. Aliud item fit, quod habet iridis, ammoniaci, galbani, nitri, singulorum p. xiv. \*. resinae liquidae p. vi. \*. cerac p. xvi. \*.

*Malagma Sofagorae ad dolores articulorum. 30*

Ad dolores articulorum Sofagorae: plumbi combusti, papaveris lachrymae, corticis hyoscyami, sty- racis, peucedani, fevi, resinae, cerac pares portiones.

*Chryssippi Malagma, ad idem valens.*

Chryssippi resinae liquidae, sandaracae, piperis, 35 singulorum p. xii. \*. quibus cerac paulum adjicitur.

*Ctesiphontis Malagma ad idem valens, et ad parotidas, et phymata, et strumam.*

Ctesiphontis: cerac Creticae, resinae terebinthinae, nitri



nitri quam ruberrimi, singulorum p. \*. semis, olei cyathi tres. Sed id nitrum ante per triduum, instillata aqua, teritur, et cum sextario ejus incoquitur, donec omnis humor consumatur. Potest vero ea  
5 compositio etiam ad parotidas, phymata, strumam, omnemque coitum humoris emolliendum.

*Malagma ad articulos.*

Ad articulos fici quoque aridi, partem nepetae mistam; vel uvam taminiam sine feminibus cum pu-  
10 legio recte aliquis imponit.

*Malagma Aristonis, adversus podagras et recentia phymata, et omnes dolores.*

Eadem podagrae praesidio sunt. Sed ad eam fit Aristonis quoque, quod habet nardi, cinnamomi,  
15 casiae, chamaeleontis, junci rotundi, singulorum p. viii. \*. sevi caprini ex irino liquati p. xx. \*. iridis p. i. \*. quae in aceto quam acerrimo jacere per xx. dies debet. Idem autem etiam recentia phymata doloresque omnes discutit.

20 *Theofeni Malagma ad pedum dolores.*

At Theofenus ad pedum dolores, sevi a renibus partem tertiam, salis partes duas miscebat, hisque membranulam illitam imponebat; tum superinjiciebat ammoniacum thymiana in aceto liquatum.

25 *Numenii Malagma ad podagram, caeterosque articulos induratos.*

At Numenius podagram, caeterosque articulos induratos hoc mollebat: abrotani, rosae aridae, papaveris lacrymae, singulorum p. iii. \*. resinae terebin-  
30 thinae p. iv. \*. thuris, spumae nitri, singulorum p. viii. \*. iridis, aristolochiae, singulorum p. xii. \*. cerae p. iii. \*. quibus adjicitur cedriae cyathus unus, olei laurini cyathi tres, olei acerbi sextarius.

*Devii Malagma, si quando callus in articulis increvit.*  
35 Si quando autem in articulis callus increvit, Devius docuit imponere, calcis p. iv. \*. cerussae p. viii. resinae pineae p. xx. \*. piperis grana xx. cerae p. ii. \*. Quibus, dum contunduntur, hemina vini lenis instillatur.

C A P. XIX. *De Emplastris.*

**E**X emplastris autem nulla majorem usum præstant, quam quæ cruentis protinus vulneribus injiciuntur. ἱναιμα Graeci vocant. Haec enim reprimunt inflammationem, nisi magna vis eam cogit; atque illius quoque impetum minuunt, tum glutinant, vulnera, quæ id patiuntur, cicatricem iisdem inducunt. Constant autem ex medicamentis non pinguibus, ideoque alipenae nominantur. 10

*Barbarum Emplastrum nigrum, quod cruentis protinus vulneribus injicitur.*

Optimum ex his est, quod Barbarum nominatur. Habet aeruginis rasæ p. xii. \*. spumæ argenti p. xx. \*. aluminis, picis aridæ, resinae pineæ, aridæ, singulorum p. i. \*. quibus adjiciuntur olei et aceti singulae heminae. 15

*Chacon Emplastrum nigrum, ad idem valens.*

Alterum ad idem, quod Choacon vocant, habet spumæ argenti p. c. \*. resinae aridæ tantundem, 20 sed spuma prius ex tribus olei heminis coquitur. His duobus emplastris color niger est, qui fere talis sit, ex pice atque resina: at ex bitumine nigerrimus; ex æruginis, aut æris squama, viridis; ex minio ruber; ex cerussa, albus. 25

*Basilicon Emplastrum nigrum ad idem.*

Paucae admodum compositiones sunt, in quibus aliquid misturæ varietas novat. Ergo id quoque nigrum est, quod βασιλικόν nominatur. Habet panacis p. i. \*. galbani p. ii. \*. picis, et resinae singulorum 30 p. x. \*. olei dimidium cyathum.

*Smaragdinum Emplastrum ad idem.*

At, quod perviride est, Smaragdinum appellatur, in quo sunt resinae pinæ p. iii. \*. ceræ p. i. \*. æruginis, p. \*. semis, thuris fuliginis p. ii. \*. olei tantundem, et aceti, quo fuligo et aerugo in unum cogantur.

*Emplastrum rufum ad idem.*

Est etiam coloris fere rufi, quod celeriter ad cicatricem

tricem vulnera perducere videtur. Habet thuris p. i. \*. refinæ p. ii. \*. squamæ æris p. iii. \*. spumæ argenti p. xx. \*. ceræ p. c. \*. olei heminam.

*Parakolletikon Emplastrum ad idem.*

5 Praeterea est, quod paracolleticon a glutinando vocant. Constant ex his: bituminis, aluminis scissilis p. iv. \*. spumæ argenti p. iv. \*. et olei veteris hemina.

*Cephalicum Emplastrum Philotæ, capiti conveniens.*

10 Praeterea sunt quaedam generis ejusdem, quæ, quia capitibus fractis maxime conveniunt, κεφαλικά a Graecis nominantur. Philotæ compositio habet terræ Eretriæ, chalcitidis, singulorum p. iv. \*. myrrhæ, æris combusti, singulorum p. x. \*. ichthyocollæ  
15 p. vi. \*. æruginis rasæ, aluminis rotundi, misyos crudi, aristolochiæ, singulorum p. viii. \*. squamæ æris p. xx. thuris masculi p. ii. \*. ceræ p. i. rosæ, et olei acerbi, ternos cyathos, aceti quantum satis est, dum arida ex eo conteruntur.

20 *Emplastrum viride ad idem valens.*

Aliud ad idem viride. Æris combusti, squamæ æris, myrrhæ, ichthyocollæ, singulorum p. vi. \*. misyos crudi, æruginis rasæ, aristolochiæ, aluminis rotundi, singulorum p. viii. \*. ceræ p. vi. olei hemi-  
25 na, aceti quod satis sit.

*Tetrapharmacum Emplastrum, ad pus movendum.*

Puri autem movendo non aliud melius, quam quod expeditissimum est, et tetrapharmacum a Graecis nominatur. Habet pares portiones ceræ, picis, refinæ,  
30 sevi taurinini; si id non est, vitulini.

*Enneapharmacum Emplastrum ad pus movendum, et ad purgandum valens.*

Alterum ad idem, enneapharmacum nominatur; quod magis purgat. Constat ex novem rebus, cera,  
35 melle, sevo, refina, myrrha, rosa, medulla vel cervina vel vitulina vel bubula hyssopo, butyro. Quorum ipsorum quoque pondera paria miscentur.

Sunt autem quaedam emplastra quibus utriusque rei facultas est, quæ si singula habenda sunt, meliora sunt;



sunt; sed in copia rejicienda sunt; his potius adhibitis, quae id proprie, quod eo tempore opus est, consequuntur. Exempli causa duo proponam.

*Attalum Emplastrum ad vulnera.*

Est igitur ad vulnera Attalum: quod habet squa- 5  
mæ æris p. xvi. \*. fuliginis p. xv. \*. ammoniaci tantundem, resinæ terebinthinæ liquidæ p. xxv. \*. sevi taurini tantundem, aceti heminas tres, olei sextarium.

*Judaei Emplastrum, fracto capiti accommodatum.*

At inter ea, quæ fracto capiti accommodantur, 10  
habent quidam id, quod ad authorem Judæum refertur. Constat ex his: salis p. iv. \*. squamæ æris rubri, æris combusti, singulorum p. xii. \*. ammoniaci thymiamatis, thuris fuliginis, resinæ aridæ, singulorum p. vi. \*. resinæ Colophonias, cerae, sevi 15  
vitulini curati, singulorum p. xx. \*. aceti sesquicyathum, olei minus cyathum. Tetherapeumena Græci appellant, quæ curata vocant; cum ex sevo puta omnes membranulæ diligenter exemptæ sunt, ex alio medicamento.

20

*Emplastra epispastica.*

Sunt etiam quaedam emplastra nobilia ad extrahendum, quæ ipsa quoque epispastica nominantur. Quale est, quod lauri baccas habet, diadaphnidon appellatur. In eo est, resinæ terebinthinæ p. x. \*. 25  
nitri, cerae, picis aridæ, baccarum lauri, singulorum p. xx. \*. olei paulum. Quoties aut baccam, aut nucem, aut simile aliquid posuero, scire oportebit, antequam expendatur, ei summam pelliculam esse demendam.

30

*Aliud diadaphnidon, ad extrahendum, et pus movendum.*

Aliud eo nomine, quod puri quoque movendo est. Sevi vitulini, ammoniaci thymiamatis, picis, cerae, nitri, baccarum lauri, resinæ aridæ, aristolohiae, pyrethri, pares portiones.

35

*Philocrates Emplastrum, ad extrahendum, et pus movendum.*

Praeter has est Philocratis: quod habet salis ammoniaci p. vii. \*. aristolochiae p. viii. \*. cerae, resinæ terebinthinæ, fuliginis thuris, singulorum p. xv. \*.

spumae argenti p. xxxii. \*. Quibus, ut pus quoque moveant, iridis p. iv. \*. galbani p. vi. \*. adjiciuntur.

*Rhypodes Emplastrum, ad extrahendum.*

Optimum tamen ad extrahendum est id quod a  
5 similitudine sordium *ῥυπώδες* Graeci appellant. Habet  
myrrhae, croci, iridis, propolis, bdellii, capitulorum  
punici mali, aluminis et scissilis et rotundi, misyos,  
chalcitidis, atramenti futorii cocti, opopanax, salis  
ammoniacy, visci, singulorum p. iv. \*. aristolochiae  
10 p. viii. \*. squamae aeris p. xvi. \*. resinae terebinthinae  
p. lxxv. \*. cerae, et sevi vel taurini vel hircini  
p. c. \*.

*Emplastrum Hecatei, ad extrahendum.*

Hecataeo quoque authore emplastrum generis ejus-  
15 dem fit ex iis: galbani p. ii. \*. fuliginis thuris  
p. iv. \*. picis p. v. \*. cerae, et resinae terebinthinae,  
singulorum p. viii. \*. quibus paulum irini unguenti  
miscetur.

*Alexandrinum Emplastrum viride, ad extrahendum.*

20 Valensque ad idem emplastrum viride Alexandri-  
num est. Habet aluminis scissilis p. viii. \*. salis am-  
moniacy, p. vii. \*. squamae aeris p. xvi. \*. myrrhae,  
thuris, singulorum p. xviii. \*. cerae p. cl. \*. resinae  
Colophoniacae aut pinae p. cxc. \*. olei heminam,  
25 aceti sextarium.

*De Emplastris exedentibus.*

Quaedam autem sunt emplastra exedentia, quae  
*σντρίμα* Graeci vocant, quale est id, quod habet resinae  
terebinthinae, fuliginis thuris, singulorum p. ii. \*.  
30 squamae aeris p. i. \*. ladani p. ii. \*. aluminis tantun-  
dem, spumae argenti p. iv. \*.

*Emplastrum, quod exest corpus et ossa resolvit, et super-  
crescentem carnem coercet.*

Exest etiam vehementer corpus, atque ossa quoque  
35 resolvit, et supercrescentem carnem coercet, id, quod  
habet spumae argenti, squamae aeris, uncias singulas;  
nitri ignem non experti, lapidis Afii, aristolochiae  
p. sextantes, cerae, resinae terebinthinae, thuris, olei  
veteris, atramenti futorii, salis ammoniacy p. semis  
aeruginis

æruginis rasæ p. bessem, aceti scillitici heminam, vini aminæi tantundem.

*Emplastra adversus morsus, et alia recentiora vulnera.*

Sunt etiam adversus morsus quædam accommodata; quale est Diogenis nigrum: quod habet bituminis, ceræ, resinæ pineæ aridæ, singulorum p. xx. \*. spumæ argenti p. c. \*. olei sextarium. Aut in quo sunt squamæ æris p. iv. \*. cerussæ, et æruginis rasæ singulorum p. viii. \*. ammoniaci p. xii. \*. ceræ, resinæ pineæ, singulorum p. xxv. \*. spumæ argenti p. c. \*. olei sextarium. Aut in quo sunt squamæ æris p. xiv. \*. galbani p. vi. \*. cerussæ, et æruginis rasæ, singulorum p. viii. \*. ammoniaci p. xii. \*. ceræ, resinæ pineæ, singulorum p. lv. \*. spuma argenti concoquitur.

*Ephesium Emplastrum rubrum, ad idem valens.*

Rubrum quoque emplastrum, quod Ephesium vocatur, huc aptum est. Habet resinæ terebinthinæ p. ii. \*. galbani p. iv. \*. minii sinopici p. vi. \*. thuris fuliginis p. vi. \*. ceræ p. viii. \*. spumæ argenti p. 20 lvi. \*. olei veteris haeminam.

*Aliud Emplastrum, ad idem valens.*

Item id, quod ex his constat; squamæ æris, thuris fuliginis, singulorum p. iv. \*. galbani p. vi. \*. falis ammoniaci p. xii. 3. \*. ceræ p. xxv. \*. olei tribus 25 heminis. Haec autem aliis quoque recentioribus vulneribus recte imponuntur.

*Leuca Emplastra non gravibus vulneribus accommodata, et maxime senilibus.*

Sunt etiam alba lenia, leuca Graeci vocant, fere 30 non gravibus vulneribus accommodata, præcipueque senilibus. Quale est quod habet cerussæ p. lii. \*. fevi vitulini curati, et ceræ, singulorum p. lviii. \*. olei heminas tres, ex quibus ea cerussa coquitur.

*Elephantinum Emplastrum.*

Aliud, quod habet cerussæ p. x. \*. ceræ, p. liv. \*. olei heminam, aquae sextarium. Quæ quoties adjiciuntur cerussæ vel spumæ argenti, scire licet, illa ex his coquenda esse. Est autem ea percandida com-



positio, quae supra posita est, ideoque elephantina nominatur.

*Lenia Emplastrum.*

Lenia quoque quaedam emplastra sunt, quas lip-  
5 tras fere Graeci nominant; ut id quod habet minii  
p. iv. \*. spumae argenti p. xxv. \*. cerae, et adipis  
suillae singulorum p. xxxvii. \*. vitellos ovorum qua-  
tuor.

*Emplastrum lene.*

10 Alia compositio generis ejusdem : cerae, resinae te-  
rebinthinae, singulorum p. vi. \*. cerussae p. viii. \*.  
spumae argenti, plumbi recrementi, (σικωρίαν μουρβδα  
Graeci vocant) singulorum p. x. \*. cicini olei, et myr-  
tei, singulorum heminae.

15 *Archagathi Emplastrum lene.*

Alia, quae ad auctorem Archagathum refertur :  
misii cocti, æris combusti, singulorum p. iv. \*. cerus-  
sae coctae p. viii. \*. resinae terebinthinae p. x. \*. spu-  
mae argenti p. vi. \*.

20 *Emplastra ejusdem generis, ad leniendum apta.*

Etiamnum generis ejusdem : spumae argenti, cerae,  
adipis suillae, singulorum p. xxvii. \*. vitelli cocti  
quatuor rosae hemina. Aut cerati ex oleo myrtæo  
facti partes tres, adipis suillae pars quarta, paulum  
25 ex plumbi recremento. Aut spumae argenti selibra :  
ex olei hemina, et aquae marinae altera, cocta donec  
bullire desierit, cui paulum cerae sit adjectum. Aut  
pares portiones cerae, sevi, stibii, spumae argenti,  
cerussae.

30

C A P. XX. *De Pastillis.*

*Et primo de his, qui ad recentia vulnera glutinanda, san-  
nandaque apti sunt.*

35 **P**astilli quoque facultates diversas habent. Sunt  
enim ad recentia vulnera glutinanda sanandaque  
apti. Qualis est, qui habet chalcitis, misii, spumæ  
nitri, floris æris, gallae, aluminis scissilis modice coc-  
ti, singulorum p. i. \*. æris combusti, capitulorum  
mali



mali punici, singulorum p. iii. \*. Hunc oportet diluere aceto, sic, ubi vulnus glutinandum est, illinere. At, si nervosus aut musculosus is locus est, commodius est cerato miscere, sic ut illius octo partes, nona hujus sit.

*Alius Pastillus ad glutinanda vulnera.*

Alius ad idem. Constat ex his: bituminis, aluminis scissilis, singulorum, p. i. \*. æris combusti p. iv. \*. spumae argenti, olei sextario.

*De Sphragide Pastillo, quem Polybius confecit ad glutinandum vulnus.*

Sed longe Polybii celeberrimus est: σφαγίς autem nominatur. Qui habet aluminis scissilis p. iv. \*. atramenti futorii p. ii. \*. myrrhæ p. v. \*. aloes tantundem, capitulorum punici mali, fellis taurini, singulorum p. vi. \*. quæ contrita vino austero excipiuntur.

*Pastillus ad ulcera sordida, et nigritiem in auribus, naribus, et in obscoenis partibus, inflammationesque eorum.*

Ad ulcera sordida, et nigritiem in auribus, naribus, obscoenis partibus, inflammationesque eorum: chrysocollæ p. i. \*. atramenti futorii, aluminis scissilis, singulorum p. ii. \*. halicacabi corticis p. iv. \*. minii p. vi. \*. spumae argenti p. xii. \*. cerussæ p. xvi. \*. quæ ex aceto et coguntur, et, ubi utendum est, diluuntur.

*Pastillus Andronis ad uvam inflammatam, ad naturalia sordida, etiam cancro laborantia.*

Andronis vero est ad uvam inflammatam, ad naturalia sordida, etiam cancro laborantia: gallæ, atramenti futorii, myrrhæ, singulorum p. i. \*. aristolochiæ, aluminis scissilis, singulorum p. ii. \*. capitulorum punici mali p. xxv. \*. ex passo coactorum et cum usus exigit, aceto vel vino dilutorum, prout valentius aut lenius vitium est, cui medendum est.

*Pastillus ad fissa ani, vel ora venarum fundentia sanguinem, vel cancrum.*

Proprie autem ad ani fissa, vel ora venarum fundentia sanguinem, vel cancrum: aeruginis p. ii. \*. myrrhæ

myrrhæ p. xv. \*. stibis, lachrymæ papaveris, acaciæ, singulorum p. xvi. \*. quæ ex vino et teruntur, et in ipso usu deliquantur.

*Pastillus ad expellendum calculum cum urina.*

- 5 Expellere autem ex vesica cum urina calculum videtur hæc compositio: cassiæ, croci, myrrhæ, costi, nardi, cinnamomi, dulcis radicis, balsami, hyperici pares portiones conteruntur; deinde vinum lene instillatur, et pastilli fiunt, qui singuli habeant p. i. \*.  
10 hique singuli quotidie mane jejuno dantur.

### C A P. XXI. *De Pessis.*

- H**ÆC tria compositionum genera, id est, quæ in malagmatis, emplastris, pastillisque sunt, maximum præcipueque varium usum præstant. Sed alia quoque utilia sunt: ut ea quæ foeminis subjiuntur, <sup>ῥιττός</sup> Græci vocant. Eorum hæc proprietas est: medicamenta composita molli lana excipiuntur, eaque lana naturalibus conditur.

- 20 *Ad sanguinem evocandum.*

- Ad sanguinem autem evocandum, cuneis duabus adjicitur nitri p. i. \*. aut alii semen conteritur, adjicitur myrrhæ paululum, et unguento fusino miscetur. Aut cucumeris sylvestris pars interior ex lacte  
25 muliebri diluitur.

*Ad vulvam molliendam.*

- Ad vulvam molliendam, ovi vitellus, et foenum Græcum, et rosa, et crocum temperantur. Aut elaterii p. iii. \*. salis tantundem, uvæ taminiae p. vi. \*.  
30 melle excipiuntur.

*Alia Pessi compositio, ad idem valens.*

- Aut Boetho auctore: croci, resinae terebinthinae, singulorum p. iv. \*. myrrhæ p. iii. \*. rosae viii. i. \*. fevi vitulini p. iii. \*. ceræ p. ii. \*. miscentur.  
35 *Ad inflammationes vulvæ, Numenii pessus.*

Optima autem adversus inflammationes vulvæ, Numenii compositio est, quæ habet croci p. iii. \*. ceræ p. i. \*. butyri p. viii. \*. adipis anserini p. xii. \*. vitellos coctos duos, rosae minus cyatho.

*Ad*

*Ad ejiciendum e vulva infantem mortuum.*

Si vero infans intus decessit, quo facilius ejiciatur, malicorium ex aqua terendum, eoque utendum est.

*Si mulier vitio locorum concidit, qua curatione utendum sit.*

Si concidere vitio locorum mulier solet, cochleæ cum testis suis comburendæ, conterendæque, deinde his mel adjiciendum est. Si non comprehendit, adeps leonina ex rosâ mollienda est.

C A P. XXII. *De Medicamentis, quibus aridis utimur.*

*Ad carnem supercrescentem exedendam.*

QUÆDAM misturæ medicamentorum sunt, quibus aridis neque coactis utimur sic, ut in-  
spargamus; aut cum aliquo liquido mixta illinamus: quale est, ad carnem supercrescentem exedendam, quod habet squamæ, fuliginis thuris, singulorum p. i. \*, æruginis p. ii. \*. Haec autem eadem cum melle purgant ulcera; cum cera, implent. Misy quoque et galla, si paribus portionibus misceantur, corpus consumunt: eaque vel arida inspergere licet, vel excepta cadmia illinire.

*Ad putrem carnem continendam, ne ultra serpat, eamque leniter exedendam, plures compositiones*

Putrem vero carnem continet, neque ultra serpere patitur, et leniter exest, mel vel cum lenticula, vel cum marrubio, vel cum oleæ foliis, ante ex vino decoctis. Item fertula campana in mulso cocta, deinde contrita. Aut calx cum cerato. Aut amaræ nuces cum allio, sic ut hujus pars tertia sit, paulumque his croci adjiciatur. Aut quod habet spumæ argenti p. vi. \*, cornu bubuli combusti p. xii. \*. olei myrtei, et vini cyathos ternos. Aut quod ex his constat: floris punici mali, atramenti futorii, aloes, singulorum p. ii. \*. aluminis scissilis, thuris, singulorum p. iv. \*. gallæ p. viii. \*. aristolochiæ p. x. \*. Vehementius idem facit, etiam adurendo, auripigmentum cum chalcitide, et aut nitro, aut calce,

aut



aut charta combusta. Item sal cum aceto. Vel ea compositio, quae habet chalcitidis, capitulorum mali punici, aloes, singulorum p. ii. \*. gallae p. viii. \*. aristolochiae p. x. \*. mellis quantum satis sit ad ea cogenda. Vel cantharides p. i. \*. sulphuris, p. i. \*. lolii p. iii. ꝑ. quibus adjicitur picis liquidae quantum satis est ad jungendum. Vel chalcitis quoque cum resina et ruta mixta: aut cum eadem resina diphryges: aut uva taminia cum pice liquida. Idem vero pos-  
 10 sunt feces vini combustae, et calcis et nitri pares portiones. Vel aluminis scissilis p. i. thuris, fandarachae, nitri, singulorum p. i. \*. gallae p. viii. \*. aristolochiae p. x. \*. mellis quantum satis est.

*Hierae compositio.*

15 Est etiam Hierae compositio, quae habet myrrhae, chalciditis, singulorum p. ii. \*. aloes, thuris, aluminis scissilis, singulorum p. iv. \*. aristolochiae, gallae immaturae, singulorum p. viii. \*. malicorii contriti p. xx. \*.

20 *Judaei compositio.*

Est et Judaei: in qua sunt calcis partes duae, nitri quam ruberrimi pars tertia: quae urina impuberis pueri coguntur, donec strigmenti crassitudo sit. Sed subinde is locus, cui id illinitur, madefaciendus est.

25 *Jollae compositio.*

At Jollas, chartae combustae, fandarachae, singulorum p. i. \*. calcis p. ii. p. auripigmenti tantundem miscebat.

30 *Ad sanguinis profluvia vel ex membrana cerebri, vel aliis locis; et ad cancrum, et ad inducendam cicatricem, et ad coercendam carnem crescentem.*

Si vero ex membrana, quae super cerebrum est, profluit sanguis, vitellus combustus et contritus inspergi debet. Si alio loco sanguinis profluvium est,  
 35 auripigmenti, squamae æris, singulorum p. i. \*. fandarachae p. i. \*. marmoris cocti p. iv. \*. inspergi debent. Eadem cancro quoque obsistunt. Ad inducendam cicatricem, squamae æris, thuris fuliginis singulorum



lorum p. ii. \*. calcis p. iv. \*. Eadem incrementem quoque carnem coercent.

*Timaei compositio ad ignem sacrum vel cancrum*

Timaeus autem ad ignem sacrum vel ad cancrum his utebatur: myrrhae p. ii. \*. thuris, atramenti futo- 5  
rii, singulorum p. iii. \*. sandarachae, auripigmenti, squamae æris, singulorum p. iv. \*. gallae p. vi. \*. cerussae combustae p. viii. \*. Eadem vel arida inspersa, vel melle excepta idem praestant.

*Ad sternutamenta excitanda.*

10

Sternutamenta vero et albo veratro, vel struthio coniecto in nares excitantur, vel his mistis: piperis, veratri albi, singulorum p. \*. iii. castorei p. \*. i. spumae nitri p. \*. ii. struthii p. \*. iii.

*Gargarizationes quibus fieri debeant.*

15

Gargarizationes autem aut laevandi causa fiunt, aut reprimendi, aut evocandi. Laevant, lac, cremor vel ptisanæ, vel furfurum. Reprimit autem aqua, in qua vel lenticula, vel rosa, vel rubus, vel cotoneum malum, vel palmulae decoctæ sunt. Evocant, sinapi, 20  
piper.

C A P. XXIII.

*De Antidotis, et quibus malis opitulentur.*

25

**A**NTIDOTA raro, sed precipue interdum necessaria sunt, quia gravissimis casibus opitulantur. Ea recte quidem dantur collisis corporibus vel per ictus, vel ubi ex alto deciderunt, vel in viscerum, laterum, faucium, interiorumque partium doloribus. 30  
Maxime autem desideranda sunt adversus venena, vel per morsus, vel per cibos, aut potiones nostris corporibus inserta.

*Compositio antidoti.*

Unum est, quod habet lacrymae papaveris p. \*. z. 35  
acori, malabathri p. v. \*. iridis Illyricae, gummi, singulorum p. ii. \*. anisi p. iii. \*. nardi Gallici, foliorum rosae aridorum, cardamomi, singulorum p. iv. \*. petroselini p. \*. iii. z. trifolii p. v. \*. casiae ni-

grae, filis, bdellii, balsami, feminis piperis albi, singulorum p. \*. z. styracis p. \*. v. z. myrrhae, opopanax, nardi Syri, thuris masculi, hypocistidis succi, singulorum p. vi. \*. castorei p. vi. \*. costi, piperis  
 5 albi, galbani, resinae terebinthinae, croci, floris junci rotundi, singulorum p. vi. \*. z. dulcis radicis p. viii. \*. z. quae melle vel passo excipiuntur.

*Aliud antidotum, Ambrosia nominatum; quod Zopyrus Ptolemaeo regi composuit.*

10 Alterum, quod Zopyrus regi Ptolemaeo dicitur composuisse, atque Ambrosiam nominasse, ex his constat: costi, thuris masculi, singulorum p. v. \*, piperis albi p. \*. z. floris junci rotundi p. ii. \*. cinnamomi p. iii. \*. casiae nigrae p. iv. \*. croci Cilicii p.  
 15 \*. iv. z. myrrhae quam staeten nominant, p. v. \*. nardi Indici p. \*. v. z. quae singula contrita melle cocto excipiuntur: deinde, ubi utendum est, id, quod Aegyptiae fabae magnitudinem impleat, in potione vini diluitur.

20 *Antidotum Mithridatis.*

Nobilissimum autem est Mithridatis, quod quotidie sumendo rex ille dicitur adversus venenorum pericula tutum corpus suum reddidisse. In quo haec sunt: costi p. \*. z. acori p. v. \*. hyperici, cumini, sa-  
 25 gapeni, acaciae succi, iridis Illyricae, cardamomi, singulorum p. ii. \*. anisi p. iii. \*. nardi Gallici, gentianae radicis, aridorum rosae foliorum, singulorum p. iv. \*. papaveris lachrymae, petroselini, singulorum p. \*. iv. z. casiae, fileris, lolii, piperis longi singulo-  
 30 rum p. vi. \*. styracis p. \*. v. z. castorei, thuris, hypocistidis succi, myrrhae, opopanax, singulorum p. vi. \*. malabathri folii p. vi. \*. floris junci rotundi, resinae terebinthinae, galbani, dauci Cretici feminis, singulorum p. \*. v. z. nardi, opobalsami, singulorum  
 35 p. \*. vi. z. thlaspis p. \*. vi. radicis Ponticae p. vii. \*. croci, zinziberis, cinnamomi, singulorum p. \*. viii. Haec contrita melle excipiuntur, et adversus venenum, quod magnitudinem nucis Graecae impleat, ex vino datur. In caeteris autem affectibus corporis pro

pro modo eorum vel quod Ægyptiæ fabae vel ervi magnitudinem impleat, fatis est.

C A P. XXIV. *De Acopis.*

*Acopum nervis utile.*

5

**A**COPA quoque utilia nervis sunt. Quale est, quod habet floris junci rotundi p. \*. ii. zz. costis, junci quadrati, lauri baccarum, ammoniaci, cardamomi, singulorum p. \*. iv. z. myrrhae, æris com-10 busti, singulorum p. vii. \*. iridis Illyricæ, ceræ, singulorum p. iv. \*. Alexandrini calami, junci rotundi, aspalathi, xylobalsami, singulorum p. xviii. \*. fevi p. i. \*. unguenti irini cyathum.

*Acopum Eleodes nervis utile.*

15

Alterum, quod *ἐλαιώδες* vocant, hoc modo fit: ceræ p. \*. z. olei tantundem, resinae terebinthinae ad nucis juglandis magnitudinem; simul incoquantur: deinde infusa in mortario teruntur, instillaturque subinde quam optimi mellis acetabulum, tum irini 20 unguenti, et rosae terni cyathi.

*Ἐγχρίστα ad ulcera purganda et implenda*

*Ἐγχρίστα* autem Graeci vocant liquida, quae illinuntur. Quale est, quod fit ad ulcera purganda et implenda, maxime inter nervos, paribus portionibus 25 inter se mixtis, butyri, medullae vitulinae, fevi vitulini, adipis anserinae, ceræ, mellis, resinae terebinthinae, rosae, olei cicini. Quae separatim omnia liquantur, deinde liquida miscentur, et tum simul teruntur. Et hoc quidem magis purgat: magis vero 30 emollit, si pro rosa cyprus infunditur.

*Ad sacrum ignem.*

Ad sacrum ignem: spumae argenti p. vi. \*. cornu bubuli combustum p. ii. \*. conteruntur, adjiciturque invicem vinum, et id, quod specialiter sic vocatur, 35 et myrteum, donec utriusque terni cyathi conficiantur.



C A P. XXV. *De Catapotiiis.*

*Catapotium ad somnum accersendum, et levationem doloris,  
et simul ad coquendum.*

5 **C**Atapotia quoque multa sunt, variisque de causis fiunt. Anodyna vocant, quae somno dolorem levant quibus uti, nisi nimia necessitas urget, alienum est, sunt enim ex vehementibus medicamen-  
10 tis, et stomacho alienis. Prodest tamen etiam ad concoquendum, quod habet papaveris lachrymae, galbani, singulorum p. i. \*. myrrhae, castorei, piperis, singulorum p. ii. \*. Ex quibus, quod ervi magnitudinem habet, satis est devorasse.

15 *Catapotium valentius ad somnum.*

Alterum, stomacho pejus, ad somnum valentius, ex his fit: mandragorae p. \*. z. apii feminis, item hyoscyami feminis, singulorum p. iv. \*. quae ex vino  
20 teruntur. Unum autem ejusdem magnitudinis, quae supra posita est, abunde est sumpsisse.

*Catapotium ad plurimos dolores per somnum leniendos.*

Sive autem capitis dolores, sive ulcera, sive lippitudo, vel dentes, sive spiritus difficultas, sive intesti-  
25 norum tormenta, sive inflammatio vulvae, sive coxae est, sive jecur, aut lienis, aut latus torquet, sive vitio locorum aliqua prolabitur et obmutescit, occurrit dolori per quietem ejusmodi catapotium. Silis, acori, rutae silvestris feminis, singulorum p. ii. \*. castorei, cinnamomi, singulorum p. ii. \*. papaveris  
30 lachrymae, panacis radices, mandragorae malorum aridorum, junci rotundi floris singulorum p. ii. \*. piperis grana L vi. Haec per se contrita, rursus instillato subinde passio, simul omnia teruntur, donec crassitudo fordium fiat. Ex eo paulum aut devoratur,  
35 aut aqua diluitur, et potui datur.

*Catapotium aliud ad multa valens.*

Quinetiam silvestris papaveris, cum jam ad excipiendam lachrymam maturum est, manipulus, qui manu comprehendi potest, in vas demittitur, et su-



per infunditur aqua, quae id contegat, atque ita coquitur. Ubi jam bene manipulus is coctus est, ibidem expressus projicitur; et cum eo humore passi pari mensura misceatur, inferveatque, donec crassitudinem sordium habeat. Cum infrixit, catapotia ex eo fiunt, ad nostrae fabae magnitudinem, habentque usum multiplicem. Nam et somnum faciunt, vel per se assumpta, vel aqua data et aurium dolores levant, adjectis exiguo modo rutae succo, ac passo: et tormina supprimunt ex vino liquata: et inflammationem vulvae coercent, mista cerato ex rosa facto, cum paululum his croci quoque accessit: et ex aqua fronti inducta, pituitam in oculos decurrentem tenent.

*Catapodium ad inducendum somnum, quod vulva dolens 15*  
*prohibuit.*

Item, si vulva dolens somnum prohibuit, croci p. ii. \*. anisi, myrrhae, singulorum p. i. \*. papaveris lacrymae p. iv. \*. cicutae seminis p. viii. \*. miscentur, excipiunturque vino veteri et quod lupini magnitudinem 20  
habet, in tribus cyathis aquae diluitur. Id tamen in febre periculose datur.

*Ad jecur sanandum.*

Ad sanandum jecur, nitri p. \*. 3. croci, myrrhae, nardi Gallici, singulorum p. i. \*. melle excipiuntur, 25  
daturque, quod Aegyptiae fabae magnitudinem habeat.

*Ad finiendos dolores lateris.*

Ad lateris dolores finiendos piperis, aristolochiae, nardi, myrrhae pares portiones. 30

*Ad thoracis dolores finiendos.*

Ad thoracis, nardi p. i. \*. thuris, casiae, singulorum p. iii. \*. myrrhae, cinnamomi, singulorum p. vi. \*. croci. p. viii. resinae terebinthinae quadrans, mellis heminae tres. 35

*Catapodium Athenionis ad tussim*

Ad tussim, Athenionis: myrrhae, piperis, singulorum p. i. \*. castorei, papaveris lacrymae, singulorum p. i. \*. Quae separatim contusa postea junguntur,

tur, et ad magnitudinem fabae nostrae, bina catapotia mane, bina noctu dormituro dantur.

*Catapotium Heraclidis Tarentini ad tussim et somnum.*

Si tussis somnum prohibet, ad utrumque Heraclidis Tarentini: croci p. i. \*. cinnamomi, castorei, papaveris lacrymae, singulorum p. i. \*. myrrhae, piperis longi, costi, galbani, singulorum p. \*. z.

*Catapotium ad purganda ulcera in faucibus tussientibus.*

Quod si purganda sunt ulcera faucibus tussientibus, panacis, myrrhae, resinae terebinthinæ, singulorum p. v. \*. galbani p. \*. z. hyssopi p. \*. z. conterenda sunt, hisque hemina mellis adjicienda, et quod digito excipi potest, devorandum est.

*Colice Cassii medici.*

Colice vero Cassii ex his constat: croci, anisi, castorei, singulorum p. iii. \*. petroselini p. iv. \*. piperis et longi et rotundi, singulorum p. v. \*. papaveris lacrymae, junci rotundi, myrrhae, nardi, singulorum p. vi. \*. quae melle excipiuntur. Id autem et devorari potest, et ex aqua calida sumi.

*Ad infantem mortuum aut secundas expellendas.*

Infantem vero mortuum, aut secundas expellit aquae potio, cui salis ammoniaci p. i. \*. aut cui dictami cretici p. i. \*. adjectum est.

25 *Laborantibus ex partu quid dari debeat.*

Ex partu laborantibus, erysimum ex vino tepido jejuna dari debet.

*Ad adjuvandum vocem.*

Vocem adjuvat, thuris p. i. \*. in duobus cyathis 30 vini datum.

*Adversus difficultatem urinae.*

Adversus urinae difficultatem: piperis longi, castorei, myrrhae, galbani, papaveris lacrymae, croci, costi, unciae singulae, styracis, resinae terebinthinæ 35 pondo sextantes, mellis absinthii cyathus. Ex quibus ad magnitudinem fabae Ægyptiæ et mane et cœnato dari debet.

*Arteriaceae compositio quomodo fiat.*

Arteriaceae vero hoc modo fit: casiae, iridis, cinamo-

namomi, nardi, myrrhae, thuris, singulorum p. i. \*. croci p. i. \*. piperis grana xxx. ex passi tribus sextariis decoquuntur, donec mellis crassitudo his fiat. Aut croci, myrrhae, thuris singulorum p. i. \*. conjicitur in passi eundem modum, eodemque modo deco- 5 quuntur. Aut ejusdem passi heminae tres usque eo coquuntur, donec extracta inde gutta indurescat, et adjicitur tritae casiae p. i. \*.

## C A P. XXVI.

10

*De quinque generibus noxarum corporis.*

CUM facultates medicamentorum proposuerim; genera, in quibus noxa corpori est, proponam. Ea quinque sunt. Cum quid extrinsecus laesit, ut in 15 vulneribus. Cum quid intra seipsum corruptum est, ut in cancro. Cum quid innatum est, ut in vesica calculus. Cum quid increvit, ut vena, quae intumescens in varicem convertitur. Cum quid deest, ut cum curta pars aliqua est. Ex his alia sunt, in qui- 20 bus medicamenta, alia in quibus plus manus proficit. Ergo, dilatis his, quae praecipue scalpellum in manum postulant, nunc de his dicam, quae maxime medicamentis egent. Dividam autem hanc quoque curandi partem, sicut priorem; et ante dicam de his, 25 quae in quamlibet partem corporis incidunt; tum de his, quae certas partes infestant. Incipiam a vulneribus.

*De vulneribus, quae per tela inferuntur.*

In his autem ante omnia scire medicus debet, quae 30 insanabilia sint, et quæ difficilem curationem habeant, quae promptiorem. Est enim prudentis hominis, primum eum, qui servari non potest, non attingere, nec subire speciem ejus, ut occisi, quem fors ipsius peremit. Deinde, ubi gravis metus sine certa tamen 35 desperatione est, indicare necessariis periclitantis, in difficili rem esse: ne, si victa ars malo fuerit, vel ignorasse, vel fefellisse videatur. Sed ut haec prudenti viro conveniunt: sic rursus histrionis est, par-  
vam



vam rem attollere, quo plus praestitisse videatur. Obligareque aequum est confessione promptae rei, quo curiosius etiam circumspiciat, ne, quod per se exiguum est, majus curantis negligentia fiat.

5 *Quae vulnera insanabilia sint.*

Servari non potest, cui basis cerebri, cui cor, cui stomachus, cui jecinoris portae, cui in spina medulla percussa est; cuique aut pulmo medius, aut jejunum, aut tenuius intestinum, aut ventriculus, aut  
10 renes vulnerati sunt; cuive circa fauces grandes venae, vel arteriae praecisae sunt.

*Quae vulnera difficilem curationem habeant.*

Vix autem ad sanitatem perveniunt, quibus ulla parte pulmo, aut jecinoris crassum, aut membrana,  
15 quae continet cerebrum, aut lienis, aut vulva, aut vesica, aut ullum intestinum, aut septum transversum vulneratum est. Hi quoque in praecipiti sunt, in quibus usque ad grandes intusque conditas venas in alis vel poplitibus mucro defedit. Periculosa etiam vul-  
20 nera sunt, ubicunque venae majores sunt, quoniam exhaurire hominem profusione sanguinis possunt. Idque evenit non in alis tantum, atque poplitibus; sed etiam in his venis, quae ad anum testiculosque perveniunt. Praeter haec malum vulnus est, quod-  
25 cunque in alis vel feminibus, vel inanibus locis, vel in articulis vel inter digitos est. Item quodcunque musculum, aut nervum, aut arteriam, aut membranam, aut os, aut cartilaginem laesit.

*Quae vulnera tutiorem curationem habeant.*

30 Tutissimum omnium, quod in carne est. Et haec quidem loco vel pejora, vel meliora sunt. Modo vero periculum facit, quodcunque magnum est.

*Observationes in vulneris genere et figura.*

Aliquid etiam in vulneris genere figuraque est. Nam  
35 pejus est, quod etiam collisum, quam quod tantum discissum est, adeo ut acuto quoque, quam retuso telo, vulnerari commodius sit. Pejus etiam vulnus est, ex quo aliquid excisum est; ex quoque caro alia parte abscissa, alia dependens. Pessima quaeque plaga cur-



va est: tutissima, quae lineæ modo recta est. Quo deinde propius huic illive figurae vulnus est, eo vel deterius, vel tolerabilius est.

*Aetatis observatio, et corporis, et vitae, et temporis.*

Quin etiam confert aliquid et aetas, et corpus, et vitae propositum, et anni tempus quia facilius sanescit puer vel adolescens, quam senior: valens, quam infirmus: neque nimis tenuis, neque nimis plenus, quam si alterum ex his est: integri habitus, quam corrupti: exercitatus, quam iners: sobrius et temperans, quam vino venerique deditus. Opportunissimumque curationi tempus vernum est; aut certe neque fervens, neque frigidum; siquidem vulnera et nimius calor et nimium frigus infestant; maxime tamen horum varietas: ideoque perniciosissimus autumnus est.

*Signa eorum, quae intus laesa sunt.*

Sed pleraque ex vulneribus oculis subjecta sunt: quorundam ipsae sedes indices sunt, quas alio loco demonstravimus, cum positus interiorum partium ostendimus. Veruntamen, quia quædam vicina sunt, interestque, vulnus in summa parte sit, an penitus penetraverit, necessarium est notas subdicere, per quas quid intus actum sit, scire possimus; et ex quibus vel spes, vel desperatio oritur.

*Signa percussæ cordis.*

Igitur corde percusso, sanguis multus fertur, venae languescunt, color pallidissimus, sudores frigidi, malique odoris, tanquam in ægrotato corpore oriuntur: extremisque partibus frigidis matura mors sequitur.

*Signa pulmonis icti.*

Pulmone icto, spirandi difficultas est: sanguis ex ore spumans, ex plaga rubens, simulque etiam spiritus cum sono fertur: in vulnus inclinari juvat: quidam sine ratione consurgunt. Multi si in ipsum vulnus inclinati sunt, loquuntur: si in aliam partem, obmutescunt.

*Signa jecinoris vulnerati.*

Jecinoris autem vulnerati notae sunt: multus sub dextra parte praecordiorum profusus sanguis: ad spinam reducta praecordia; in ventrem cubandi dulcedo; punctiones, doloresque usque ad jugulum, junctumque ei latus scapularum, os intentum: quibus nonnunquam etiam biliosus vomitus accedit.

*Signa percussorum renum.*

Renibus vero percussis, dolor ad inguina testiculosque descendit: difficulter urina redditur; eaque aut est cruenta, aut cruor fertur.

*Signa vulnerati lienis.*

At, liene icto, sanguis niger a sinistra parte prorumpit: praecordia cum ventriculo ab eadem parte indurescunt, fitis ingens oritur: dolor ad jugulum, sicut jecinore vulnerato, venit.

*Signa percussae vulvae*

At, cum vulva percussa est, dolor inguinibus, et coxis, et femoribus est: sanguinis pars per vulnus, pars per naturale descendit: vomitus bilis insequitur. Quaedam, obmutescunt: quaedam mente labuntur; quaedam, sui compotes, nervorum oculorumque dolore urgeri se confitentur; morientesque tandem, eadem quae corde vulnerato patiuntur.

*Signa percussi cerebri, vel membranae ejus.*

Sin cerebrum membranae ejus vulnus accepit, sanguis per nares, quibusdam etiam per aures exit; fereque bilis vomitus insequitur: quorundam sensus obtunduntur, appellatique ignorant: quorundam trax vultus est: quorundam oculi, quasi resoluti, huc atque illuc moventur; fereque tertio, vel quinto die delirium accedit. Multorum etiam nervi distenduntur. Ante mortem autem plerique fascias, quibus caput diligatum est, lacerant, ac nudum vulnus frigori objiciunt.

*Signa stomachi percussi.*

Ubi stomachus autem percussus est, singultus, et bilis vomitus insequitur: si quid cibi vel potionis assumptum est, id redditur cito: venarum motus clangue-

guescunt: sudores tenues oriuntur; per quos extremae partes frigescent.

*Signa jejuni intestini, et ventriculi vulnerati, et aliorum intestinorum.*

Communes vero jejuni intestini et ventriculi vulnerati notae sunt. Nam cibus et potio per vulnus exeunt: praecordia indurescunt: nonnunquam bilis per os redditur. Intestino tantum sedes inferior est. Caetera intestina icta vel sterco, vel odorem ejus exhibent.

10

*Signa percussae medullae quae in spina est.*

Medulla vero, quae in spina est, discussa, nervi resolvuntur, aut distenduntur: sensus intercidit: interposito tempore aliquo sine voluntate inferiores partes vel semen, vel urinam, vel etiam sterco ex-

15

*Signa septi transversi percussi.*

At, si septum transversum percussum est, praecordia sursum contrahuntur, spina dolet, spiritus rarus est, sanguis spumans fertur.

20

*Signa vesicae vulneratae.*

Vesica vero vulnerata, dolent inguina: quod super pubem est, intenditur: pro urina, sanguis; aut ex ipso vulnere urina descendit: stomachus afficitur: itaque aut bilem vomunt, aut singultiunt: frigus,

25

*De sanguine, et sanie, et pure, et eorum speciebus: quandoque meliora, deteriorave sint.*

His cognitis, etiamnum quaedam alia noscenda sunt, ad omnia vulnera ulceraque, de quibus dicturi sumus, pertinentia. Ex his autem exit sanguis, sanies, pus. Sanguis omnibus notus est. Sanies est tenuior hoc, varie crassa, et glutinosa, et colorata. Pus crassissimum albissimumque, glutinosius et sanguine et sanie. Exit autem sanguis ex vulnere recenti, aut jam sanescente. Sanies est inter utrumque tempus. Pus ex vulnere jam ad sanitatem spectante. Rursus et sanies et pus quasdam species Graecis nominibus distinctas habent. Est enim quaedam

35



sanies, quae vel ἰχώρ, vel μελίκηρα nominatur. Est pus,  
 quod ἱλαϊῶδες appellatur. Ἰχώρ tenuis, subalbidus, ex  
 malo ulcere exit, maximeque ubi, nervo laeso, in-  
 flammatio secuta est. Μελίκηρα crassior, et glutinosior,  
 5 et subalbida, mellique albo subfimilis. Fertur haec  
 quoque ex malis ulceribus, ubi nervi circa articulos  
 laesi sunt; et inter haec loca, maxime ex genibus.  
 Ἐλαϊῶδες tenue, subalbidum, quasi unctum colore. at-  
 que pinguitudine oleo albo non dissimile apparet in  
 10 magnis ulceribus sanescentibus. Malus est autem san-  
 guis, nimium aut tenuis, aut crassus; colore vel li-  
 vidus, vel niger; aut pituita mistus, aut varius. Op-  
 timus calidus, rubens, modice crassus, non glutino-  
 sus. Itaque protinus ejus vulneris expedita magis  
 15 curatio est, ex quo sanguis bonus fluxit. Itemque  
 postea spes in his major est, ex quibus melioris gene-  
 ris quaeque proveniunt, Sanies igitur mala est, mul-  
 ta, nimis tenuis, livida, aut pallida, aut nigra, aut  
 glutinosa, aut mali odoris, aut quae et ipsum ulcus,  
 20 et junctam ei cutem erodit. Melior non multa, mo-  
 dice crassa, subrubicunda, aut subalbida. Ἰχώρ autem  
 pejor est multus, crassus, sublividus aut subpallidus,  
 glutinosus, ater, calidus, mali odoris. Tolerabilior  
 est subalbidus, qui caetera omnia contraria prioribus  
 25 habet. Melicera autem mala est, multa, et percras-  
 sa: melior, quae et tenuior, et minus copiosa est.  
 Pus inter haec optimum est. Sed id quoque pejus  
 est, multum, tenue, dilutum; magisque, si ab ini-  
 tio tale est; itemque, si colore fero simile, si palli-  
 30 dum, si lividum, si foeculentum est, praeter haec; si  
 male olet; nisi tamen locus hunc odorem excitat.  
 Melius est, quo minus est, quo crassius, quo albidius:  
 itemque, si laeve est, si nihil olet, si aequale est. Mo-  
 do tamen, convenire et magnitudini vulneris, et  
 35 tempori debet. Nam plus ex majore, plus nondum  
 solutis inflammationibus naturaliter fertur. Ἐλαϊῶδες  
 quoque pejus est multum, et parum pingue: quo  
 minus etiam, quoque id ipsum pinguius, eo me-  
 lius est.



*Curatio adversus profusionem sanguinis in vulneribus.*

Quibus exploratis, ubi aliquis ictus est, qui servari potest, protinus prospicienda duo sunt: ne sanguinis sit profusio, neve inflammatio. Si profusionem timeamus (quod ex sede vulneris, et magnitudine ejus ex impetu ruentis sanguinis intelligi potest) siccis linamentis vulnus implendum est, supraque imponenda spongia ex aqua frigida expressa, ac manu super comprimenda. Si parum sic sanguis conquiescit, saepius linamenta mutanda sunt. Et, si sicca parum valent, aceto madefacienda sunt. Id vehemens ad sanguinem suppressendum est: ideoque quidam id vulnere infundunt. Sed alius rursus metus subest; ne, nimis valenter ibi retenta materia, magnam inflammationem postea moveat. Quae res efficit, ut neque ro-  
dentibus medicamentis, neque adurentibus, et ob id ipsum inducentibus crustam, (quamvis pleraque ex his sanguinem suppressunt) sit utendum: sed, si semel ad ea decurritur, potius quae mitius idem efficiunt. Quod si illa quoque profluvio vincuntur, venae, quæ sanguinem fundunt, apprehendendae, circaque id, quod ictum est, duobus locis deligandae intercidendaeque sunt, ut et in se ipsae cocant, et nihilominus ora praeclusa habeant. Ubi ne id quidem res patitur, possunt ferro candenti aduri. Sed etiam satis multo sanguine effuso ex eo loco, quo neque nervus, neque musculus est, utputa in fronte, vel superiore capitis parte, commodissimum tamen est, cucurbitulam admove-  
re a diversa parte, ut illuc sanguinis cursus revocetur.

30

*Curationes adversus vulnerum inflammationem.*

Et adversus profusionem quidem in his auxilium est: adversus inflammationem autem, in ipso sanguinis cursu, eaque timeri potest, ubi laesum est vel os, vel nervus, vel cartilago, vel musculus, aut ubi parum sanguinis pro modo vulneris fluxit. Ergo quoties quid tale erit, sanguinem mature suppressere non oportebit; sed pati fluere, dum tutum erit, adeo ut, si parum fluxisse videbitur, mitti quoque ex brachio debeat;

debeat; utique, si corpus juvenile, et robustum, et exercitatum est: multoque magis, si id vulnus ebrietas praecessit. Quod si musculus laesus videbitur, praecidendus erit, nam percussus, mortiferus est: 5 praecisus, sanitatem recipit.

*De glutinatione vulnerum.*

Sanguine autem vel suppresso, si nimius erumpit; vel exhausto, si per se parum fluxit; longe optimum est, vulnus glutinari. Potest autem id, quod vel in 10 cute, vel etiam in carne est; si nihil ei praeterea mali accedit. Potest caro, alia parte dependens, alia inherens: si tamen etiamnum integra est, et conjunctione corporis fovetur.

In his vero, quæ glutinantur, duplex curatio est. 15 Nam si plaga in molli parte, sui debet: maximeque, si discussa auris ima est, vel imus nasus, vel frons, vel bucca, vel palpebra, vel labrum, vel circa guttur cutis, vel venter. Si vero in carne vulnus est, hiataque, neque in unum orae facile attrahuntur, futura 20 quidem aliena est: imponendae vero fibulae sunt (*ἀγκυρας* Graeci nominant) quae oras, paulum tamen, contrahant; quo minus lata postea cicatrix sit.

Ex his autem colligi potest, id quoque, quod alia parte dependens, alia inhaerebit, si alienatum adhuc 25 non est, futuram, an fibulam postulet. Ex quibus neutra ante debet imponi, quam intus vulnus purgatum est: ne quid ibi concreti sanguinis relinquatur. Id enim et in pus vertitur, et inflammationem movet, et glutinari vulnus prohibet. Ne linamentum 30 quidem, quod suppressendi sanguinis causa inditum est, inibi relinquendum est, nam id quoque inflammatur. Comprehendi vero futura, vel fibula, non cutem tantum, sed etiam aliquid ex carne, ubi suberit haec, oportebit, quo valentius haereat, neque cutem 35 abrumpat. Utraque optima est ex acia molli, non nimis torta, quo mitius corpori incidat. Utraque neque nimis rara, neque nimis crebra injicienda est. Si nimis rara est, non continet; si nimis crebra est, vehementer afficit; quia, quo saepius acus corpus transivit,

transivit, quoque plura loca injectum vinculum mordet, eo majores inflammationes oriuntur; magisque aestate. Neutra etiam vim ullam desiderat: sed ea haecenus utilis est, qua cutis ducentem quasi sua sponte subsequitur. Fere etiam fibulae latius vulnus, esse patiuntur: futura oras jungit, quae ne ipsae quidem inter se contingere ex toto debent: ut si quod intus humoris concreverit; sit qua emanet. Si quod vulnus neutrum horum recipit, id tamen purgari debet. Deinde omni vulnere primo imponenda est spongia ex aceto expressa. Si sustinere aliquis aceti vim non potest, vino utendum est. Levis plaga juvatur etiam, si ex aqua frigida expressa spongia imponitur. Sed ea, quocunque modo imposita est, dum madet, prodest: itaque, ut inarescat, non est committendum. Licetque sine peregrinis, et conquisitis, et compositis medicamentis vulnus curare. Sed si quis huic parum confidit, imponere medicamentum debet, quod sine sevo compositum sit ex his, quae cruentis vulneribus apta esse proposui: maximeque si caro est, Barbarum: si nervi, vel cartilago, vel aliquid ex eminentibus, quales aures, vel labra sunt, Polybi sphragidem. Alexandrinum quoque viride nervis idoneum est: eminentibusque partibus ea, quam Graeci *ῥυτίττα* vocant. Solet etiam, colliso corpore, exigua parte findi cutis. Quod ubi incidit, non alienum est, scalpello latius aperire; nisi muscoli, nervique juxta sint, quos incidi non expedit, ubi factis diductum est, medicamentum imponendum est. At, si id, quod collisum est, quamvis parum diductum est, latius tamen aperiri propter nervos aut musculos non licet; adhibenda sunt ea, quae humorem leniter extrahant; praecipueque ex his, id, quod *ῥυτίττα* vocari proposui. Non alienum est etiam, ubicunque vulnus est grave, impositum, quo id juvetur, insuper circumdare lanam succidam ex aceto et oleo: vel cataplasma, si mollis is locus est, quod leniter reprimat; si nervosus, aut musculosus, quod emolliat.



*Quomodo vulnus ligari conveniat.*

Fascia vero ad vulnus diligandum lintea aptissima est: eaque lata esse debet, ut semel injecta non vulnus tantum, sed paulum utrinque etiam oras ejus  
5 comprehendat. Si ab altera parte caro magis recessit, ab ea melius attrahitur: si æque ab utraque, transversa comprehendere oras debet: aut si id vulneris ratio non patitur, media primum injicienda est, ut tum in utramque partem ducatur. Sic autem dili-  
10 genda est, ut et contineat, neque adstringat, quod non continetur, elabitur: quod nimis adstrictum est, cancro periclitatur. Hieme sæpius fascia circuire debet: æstate, quoties necesse est. Tum extrema pars ejus inferioribus acu assuenda est; nam nodus vulnus  
15 lædit; nisi tamen longe est. Porro neminem decipi decet, ut propriam viscerum curationem requirat aliis quibus supra posui. Nam plaga ipsa curanda extrinsecus, vel futura, vel alio medicinæ genere est. In visceribus nihil movendum est; nisi, si quid aut ex  
20 jecinore, aut liene, aut pulmone duntaxat extremo dependeat, præcidatur. Alioquin vulnus interius ea victus ratio eaque medicamenta sanabunt, quæ cuique visceri convenire superiore libro proposui.

*De ratione victus et notis vulnerum curationibusque eorum.*

25 His ita primo die ordinatis, homo in lecto collocandus est: isque si grave vulnus est, abstinere, quantum vires patiuntur, ante inflammationem a cibo debet: bibere, donec sitim finiat, aquam calidam, vel, si æstas est, neque febris, neque dolor est, etiam  
30 frigidam. Adeo tamen nihil perpetuum est, sed semper pro viribus corporis æstimandum, ut imbecillitas etiam cibum protinus facere necessarium possit; tenuem scilicet, et exiguum, qui tantum sustineat. Multique etiam ex profluvio sanguinis intermorien-  
35 tes ante ullam curationem vino reficiendi sunt; quod alioqui inimicissimum vulneri est. Nimis vero intumescere vulnus, periculosum: nihil intumescere, periculosissimum est, illud indicium est magnæ inflammationis, hoc emortui corporis. Protinusque si  
mens



mens homini consistit, si nulla febris accessit, scire licet, mature vulnus sanum fore. Ac ne febris quidem terrere debet, si in magno vulnere, dum inflammatio est, permanet. Illa perniciofa est, quae vel levi vulnere supervenit, vel ultra tempus inflammationis durat, vel delirium movet: vel si nervorum rigor aut distentio, quæ ex vulnere orta est, eam non finit. Vomitus quoque biliosus non voluntarius, vel protinus ut percussus est aliquis, vel dum inflammatio manet, malum signum est in his duntaxat,<sup>10</sup> quorum vel nervi, vel etiam nervosi loci vulnerati sunt. Sponte tamen vomere, non alienum est, præcipue his, quibus in consuetudine fuit: sed neque protinus post cibum, neque jam inflammatione orta, neque cum in superioribus partibus plaga est. Biduo<sup>15</sup> sic vulnere habito, tertio die id aperiendum, detergendaque sanies ex aqua frigida est, eademque rursus injicienda sunt. Quinto jam die, quanta inflammatio futura est, se ostendit. Quo die rursus detecto vulnere, considerandus color est. Quod si lividus, aut<sup>20</sup> pallidus, aut varius, aut niger est; scire licet, malum vulnus esse, idque, quandocunque animadversum est, terrere nos potest. Album, aut rubicundum esse ulcus, commodissimum est. Item cutis dura, crassa, dolens, periculum ostendit. Bona signa sunt, ubi<sup>25</sup> hæc sine dolore, tenuis, et mollis est. Sed si glutinatur vulnus, aut leviter intumuit, eadem sunt imponenda, quae primo fuerunt. Si gravis inflammatio est, neque glutinandi spes est, eaque pus moveat, aquae quoque calidae necessarius usus est, ut et ma-<sup>30</sup>teriam digerat; et duritiam emolliat, et pus citet. Ea sic temperanda est, ut manu contingenti jocunda sit, usque eo adhibenda, donec aliquid minuisse ex tumore, caloremque ulceri magis naturalem reddidisse videatur. Maximeque, si grande vulnus est, tetra-<sup>35</sup>pharmacum: si in articulis, digitis, locis cartilaginosis, *procedet*. Post id fomentum, si lata plaga non patet, imponi protinus emplastrum debet, et si latius hiat, illud emplastrum liquari ex irino unguento

E c

oportet,

oportet, eoque illita linamenta disponi per plagam: deinde emplastrum supra dari, et super id lanam fucidam; minusque etiam, quam primo, fasciae adstringendae sunt.

5 *Curationes propriae articularum.*

Proprie quaedam in articulis visenda sunt, in quibus si praecisi nervi sunt, qui continebant, debilitas ejus partis sequitur. Si id dubium est, et ex acuto telo plaga est, ea transversa, commodior est: 10 et si ex retuso et gravi est, nullum in figura discrimen est: at visendum est, pus supra articulum, an infra nascatur. Si sub eo nascitur, albumque et crassum diu fertur, nervum praecisum esse credibile est: magis quoque, majores dolores inflammationesque, 15 quo maturius excitatae sunt. Quamvis autem non abscissus nervus est; tamen, si circa durus tumor diu permanet, necesse est, et diuturnum ulcus esse, et sano quoque eo, tumorem permanere: futurumque est, ut tarde membrum id extendatur, vel contrahatur. 20 Major tamen in extendendo mora est, ubi recurvato articulo curatio adhibita est; quam in recurvando eo, quod rectum continuerimus. Collocari quoque membrum, quod ictum est, ratione certa debet. Si glutinandum est, ut superius sit: si in 25 inflammatione est, ut in neutram partem inclinatum sit: si jam pus profluit, ut devexum sit. Optimum etiam medicamentum, quies est. Moveri, et ambulare, nisi sanis, alienum est. Minus tamen periculosum his est, qui in capite vel in brachiis, quam qui 30 in inferioribus partibus vulnerati sunt. Minimeque ambulatio convenit, femine, aut crure, aut pede laborante. Locus, in quo cubabit, tepidus esse debebit. Balneum quoque, dum parum vulnus purum est, inter res infestissimas est. Nam id et humidum et 35 fordidum reddit. Ex quibus ad cancrum transitus esse consuevit. Levis frictio recte adhibetur; sed his partibus, quae longius absunt a vulnere.

*Vulnus quomodo purgandum est.*

Inflammatione finita, vulnus purgandum est. Id optime

optime faciunt tincta in melle linamenta: supraque id emplastrum, vel *ἐννεαφάρμακον* dandum est. Tum demum vero purum ulcus est, cum rubet, ac nimium neque siccum, neque humidum est. Ac quodcunque sensu caret, quod non naturaliter sentit; quod nimium aut aridum aut humidum est; quod aut pal-  
lidum, aut albidum, aut lividum, aut nigrum est; id purum non est.

*Quomodo vulnus implendum est.*

Purgato, sequitur ut impleatur; jamque calida a-  
qua eatenus necessaria est, ut sanies removeatur. Lanae succidæ supervacuus usus est: lota melius circumdatur. Ad implendum autem vulnus proficiunt quidem etiam medicamenta aliqua: itaque ea adhiberi non alienum est; ut butyrum cum rosa, is  
exigua mellis parte; aut cum eadem parte aut cum eadem rosa, *τετραφάρμακον*; aut ex rosa linamenta. Plus tamen proficit balneum rarum. Cibi boni succi; vitatis omnibus acribus, sed jam plenioribus, nam et avis, et venatio, et suilla elixa dari potest. Vinum  
omnibus, dum febris, dum inflammatio est, alienum est: itemque usque ad cicatricem, si nervi, musculi vulnerati sunt; etiam, si alte caro. At, si plaga in summa cute generis tutioris est, potest non per-  
vexus, modice tamen datum, ad implendum quoque  
proficere. Si quid molliendum est, quod in nervosis locis, musculosisque necessarium est, cerato quoque super vulnus utendum est. At, si caro supercrevit, modice reprimit siccum linamentum; vehementius, squama æris. Si plus est, quod tolli opus est, adhi-  
benda sunt etiamnum vehementiora, quæ corpus ex-  
edant. Cicatricem, post omnia hæc, commode inducit lycium ex passio aut lacte dilutum; vel etiam per se impositum siccum linamentum.

*De ulceribus, quæ extrinsecus per vulnera incidunt, cu-  
rationibusque eorum.*

Hic ordo felicitis curationis est. Sed quaedam tamen periculosa incidere consueverunt. Interdum enim vetustas ulcus occupat, induciturque ei callus, et cir-



cum orae crassae livent. Post quae, quicquid medicamentorum ingeritur, parum proficit; quod fere negligenter curato ulceri supervenit.

Interdum vel ex nimia inflammatione, vel ob aestus immodicos, vel ob nimia frigora, vel quia nimis vulnus adstrictum est, vel quia corpus aut senile, aut mali habitus est, cancer occupat. Id genus a Græcis diductum in species est, nostris vocabulis non est. Omnis autem cancer non solum id corrumpit, quod  
 10 occupavit; sed etiam serpit: deinde aliis aliisque signis discernitur. Nam modo super inflammationem rubor ulcus ambit,isque cum dolore procedit: ἐρυσί-  
 πηλας Graeci nominant: modo ulcus nigrum est, quia caro ejus corrupta est, idque vehementius; etiam pu-  
 15 trescendō intenditur, ubi vulnus humidum est, et ex nigro ulcere humor pallidus fertur, malique odoris est, et carunculæ corruptae: interdum etiam nervi ac membranae resolvuntur, specillumque demissum descendit aut in latus, aut deorsum, eoque vitio non-  
 20 nunquam quoque os afficitur: modo oritur ea, quam Graeci γάγγραιναν appellant.

Priores in qualibet parte corporis fiunt: hoc in prominentibus membris, id est inter ungues, et alas, vel inguina; fereque in senibus, vel in his, quorum  
 25 corpus mali habitus est. Caro in ulcere vel nigra, vel livida est; sed sicca et arida, proximaque cutis, plerumque subnigris pustulis impletur; deinde ei proxima, vel pallida, vel livida fereque rugosa et sine sensu est. Ulterior in inflammatione est, omniaque  
 30 ea simul serpunt: ulcus, in locum pustulosum: pustulae, in eum, qui pallet aut livet: pallor aut livor, in id quod inflammatum est: inflammatio, in id quod integrum est, transit. Inter haec deinde febris acuta oritur, ingensque sitis: quibusdam etiam deli-  
 35 rium accedit: alii, quamvis mentis suae compotes sunt, balbutiendo tamen vix sensus suos ore explicant, incipit affici stomachus: fit foedi spiritus ipse odoris. Atque initium ejus quidem mali recipit curationem:



ubi vero penitus infedit, insanabile est; plurimique sub frigido fudore moriuntur.

*Curatio ulceris.*

Ac pericula quidem vulnerum haec sunt. Vetus autem ulcus scalpello circumcidendum est, exciden- 5  
daeque ejus orae, et, quicquid super eas livet, æque incidendum. Si varicula intus est, quae his sanari prohibet, ea quoque excidenda. Deinde, ubi sanguis emissus, novatumque vulnus est, eadem curatio ad-  
hibenda, quae in recentibus vulneribus exposita est. 10  
Si scalpello aliquis uti non vult, potest sanare id emplastrum, quod ex ladano fit: et, cum ulcus sub eo exesum est, id, quo cicatrix inducitur.

*Curatio Erysipelatum.*

Id autem, quod ἐρυσίπελας vocari dixi, non solum 15  
vulneri supervenire, sed sine hoc quoque oriri consuevit: atque interdum periculum majus adfert; utique, si circa cervices aut caput constitit.

Oportet, si vires patiuntur, sanguinem mittere: deinde imponere simul reprimentia et refrigerantia; 20  
maximeque cerussam solani succo, aut cimoliam creatam aqua pluviali exceptam; aut ex eadem aqua subactam farinam cupressi adjecta, aut, si tenerius corpus est, lenticulam. Quicquid impositum est, betae folio contegendum est, et super linteolum frigi- 25  
da aqua madens imponendum. Si per se refrigerantia parum proderunt, miscenda erunt hoc modo: sulphuris p. x. \*. cerussae, croci, singulorum p. x. \*. eaque cum vino conterenda sunt, et id his illinendum: aut, si durior locus est, solani folia contrita 30  
suillae adipi miscenda sunt, et illita linteolo superinjicienda.

At, si nigrities est, neque dum serpit imponenda sunt, quae carnem putrem lenius exedunt; repurgatumque ulcus sic, ut caetera, nutriendum est. Si 35  
magis putre est, jamque procedit ac serpit, opus est vehementius erodentibus. Si ne haec quidem evincunt, aduri locus debet, donec nullus ex eo humor feratur: nam quod sanum est, siccum est, cum aduritur.

ritur. Post uftionem putris ulceris, superponenda sunt, quae cruftas a vivo resolvant: eas escharas vocant. Ubi exciderunt, purgandum ulcus, maxime melle et refina est. Sed aliis quoque purgari potest,  
 5 quibus purulenta curantur, eodemque modo ad sanitatem perducendum est.

*Curatio Gangraenae.*

Gangraenam vero, si nondum plane tenet, sed adhuc incipit, curare non difficillimum est; utique in  
 10 corpore juvenili: et magis etiam, si muscoli integri sunt; si nervi vel laesi non sunt, vel leviter affecti sunt; neque ullus magnus articulus nudatus est; aut carnis in eo loco paulum est, ideoque non multum, quod putresceret, fuit; consistitque eo loco vitium;  
 15 quod maxime fieri in digito potest. In ejusmodi casu primum est, si vires patiuntur, sanguinem mittere. Deinde, quicquid aridum est, et intentione quadam proximum quoque locum male habet, usque ad sanum corpus concidere.

20 Medicamenta vero, dum malum serpit, adhibenda nulla sunt, quae pus movere consuerunt; ideoque ne aqua quidem calida. Gravia quoque, quamvis reprimentia, aliena sunt; sed his quam levissimis opus est: superque ea, quæ inflammata sunt, utendum  
 25 est refrigerantibus. Si nihilo magis malum constitit, uri id, quod est inter integrum ac vitiatum locum, debet.

Praecipueque in hoc casu petendum, non a medicamentis solum, sed etiam a victus ratione praesidium est. Neque enim id malum, nisi corrupti vitiosique corporis est. Ergo primo, nisi imbecillitas prohibet, abstinentia utendum. Deinde danda, quae per cibum potionemque alvum, ideoque etiam corpus adstringant; sed ea levia. Postea, si vitium  
 35 stitit, imponi super vulnus eadem debent, quæ in putri ulcere praescripta sunt. Ac tum quoque plenioribus cibis uti licebit ex media materia; sic tamen non nisi alvum, corpusque ficcantibus: aqua vero pluviali frigida. Balneum, nisi jam certa fiducia  
 red-

redditae sanitatis est, alienum est; siquidem emollitum in eo vulnus cito rursus eodem malo afficitur. Solent vero nonnunquam nihil omnia auxilia proficere, ac nihilominus serpere his cancer. Inter quae miserum, sed unicum, auxilium est, ut caetera pars, corporis tuta sit, membrum, quod paulatim emoritur, abscindere.

Hae gravissimorum vulnerum curationes sunt. Sed ne illa quidem negligenda, ubi integra cute est interior pars collisa; aut ubi derafum, attritumve aliquid est; aut ubi furculus corpori infixus est; aut ubi tenuis, sed altum vulnus infedit.

In primo casu commodissimum est malicorium ex vino coquere interioremque ejus partem conterere, et cerato miscere ex rosa facto, idque supponere: deinde, ubi cutis ipsa exasperata est, inducere lene medicamentum, quale λιπαρά est.

Derafo vero, detritoque, imponendum est emplastrum τετραφάρμακον, minuendusque cibis et vinum subtrahendum. Neque id, quia non habebit altiores ictus, contemnendum erit: siquidem ex ejusmodi casibus saepe canceri fiunt. Quod si levius id erit, et in parte exigua, contenti esse poterimus eodem leni medicamento.

Surculum vero, si fieri potest, oportet vel manu, vel etiam ferramento ejicere. Si vel præfractus est, vel altius descendit, quam ut ita fieri possit, medicamento evocandus est. Optime autem educit superimposita arundinis radix, si tenera est, protinus contrita; si jam durior, ante in mulso decocta; cui semper mel adjiciendum est aut aristolochia cum eodem melle. Pessima ex furculis, arundo est; quia aspera est. Eademque offensa etiam in filice est. Sed usu cognitum est, utramque adversus alteram medicamentum esse, si contrita superimposita est. Facit autem idem in omnibus furculis, quodcunque medicamentum extrahendi vim habet. Idem altis tenuibusque vulneribus aptissimum est. Priori rei Philocratis: huic Hecatæi emplastrum maxime convenit.



*Quomodo cicatrix vulnere inducenda, purgandaque sit.*

Ubi vero in quolibet vulnere ventum ad inducendum cicatricem est (quod perpurgatis jam, repletisque ulceribus necessarium est) primum ex aqua frigida linamentum, dum caro alitur: deinde cum jam continenda est, siccum imponendum est, donec cicatrix inducatur: tum deligari super album plumbum oportet, quo et reprimitur cicatrix, et colorem maxime sano corpori similem accipit. Idem radix fil-  
 10 vestris cucumeris praeſtat. Idem compositio, quae habet elaterii p. i. \*. spumae argenti p. ii. \*. unguenti pondo iv. \*. quae excipiuntur resina terebinthina, donec emplastri crassitudo ex omnibus fiat. Ac nigras quoque cicatrices leniter purgant, paribus portioni-  
 15 bus mixta, ærugo, plumbum elotum, eademque rosa cocta; sive ungitur cicatrix, quod in facie fieri potest; sive id ut emplastrum imponitur, quod in aliis partibus commodius est.

At si vel excrevit cicatrix, vel concava est, stultum est decoris causa rursus, et dolorem et medicinam sustinere. Alioqui res utrique succurri patitur. Siquidem utraque cicatrix exulcerari scalpello potest. Si medicamentum aliquis mavult, idem efficiunt compositiones hae, quae corpus exedunt. Cute  
 25 exulcerata, super eminentem carnem exedentia medicamenta conjicienda sunt: super concavam implentia, donec utrumque ulcus sanæ cuti aequetur, et tum cicatrix inducatur.

30

## C A P. XXVII.

*De vulneribus, quae per morsus inferuntur eorumque curationibus.*

**D**IXI de his vulneribus, quae maxime, per tela  
 35 inferuntur. Sequitur, ut de his dicam, quae morſu fiunt, interdum hominis, interdum simiae, sæpe canis, nonnunquam ferorum, aut aliorum animalium, aut serpentium. Omnis autem feræ morſus habent quoddam virus.

Itaque,

Itaque, si vehemens vulnus est, cucurbitula admo-  
venda est: si levius, protinus emplastrum injicien-  
dum, praecipueque Diogesi; si id non est, quodli-  
bet ex his, quæ adversus morsus proposui; si ea non  
sunt, viride Alexandrinum; si ne id quidem est, quod- 5  
libet non pingue ex his, quæ recentibus vulneribus  
accommodantur. Sal quoque his praecipueque ei,  
quod canis fecit, medicamentum est, si manus vul-  
neri imponitur, superque id duobus digitis verbera-  
tur, exsaniat enim. Ac fassamentum quoque recte 10  
super id vulnus deligatur.

*Curatio adversus rabiosi canis morsum.*

Utique autem, si rabiosus canis fuit, cucurbitula  
virus ejus extrahendum est. Deinde, si locus neque  
nervosus, neque musculosus est, vulnus id aduren- 15  
dum est. Si uri non potest, sanguinem homini mitti  
non alienum est. Tum usto quidem vulnere super-  
imponenda, quæ caeteris ustis sunt. Ei vero, quod  
expertum ignem non est, ea medicamenta, quæ ve-  
hementer exedunt. Post quæ nullo novo magiste- 20  
rio, sed jam supraposito ulcus erit implendum, et ad  
sanitatem perducendum. Quidam post rabiosi canis  
morsum protinus in balneum mittunt; ibique pati-  
untur desudare, dum vires corporis sinunt, ulcere ad-  
aperto; quo magis ex eo quoque virus distillet: de- 25  
inde multo meracoque vino excipiunt; quod omni-  
bus venenis contrarium est. Idque cum ita per tri-  
dum factum est, tutus esse homo a periculo videtur.  
Solet autem ex eo vulnere, ubi parum occursum est,  
aquæ timor nasci, *ὕδροφοβία* Graeci appellant. Miser- 30  
rimum genus morbi: in quo simul aeger et siti et a-  
quæ metu cruciatur; quo oppressis in angusto spes  
est. Sed unicum tamen remedium est, nec opinan-  
tem in piscinam non ante ei provisam projicere, et,  
si natandi scientiam non habet, modo merum bibere 35  
pati, modo attollere; si habet, interdum deprimere,  
ut invitus quoque aqua satietur; sic enim simul et  
sitis, et aquæ metus tollitur. Sed aliud periculum  
excipit, ne infirmum corpus in aqua frigida vexa-  
tum,

tum, nervorum distentio absumat. Id ne incidat, a piscina protinus in oleum calidum demittendus est. Antidotum autem (praecipue id, quod primo loco posui; ubi id non est, aliud) si nondum æger aquam  
 5 horret, potui ex aqua dandum est: et, si amaritudine offenditur, mel adjiciendum est: at, si jam is morbus occupavit, per catapotia sumi potest.

*Curationes communes adversus omnes morsus serpentium.*

Serpentium quoque morsus non nimium distantem  
 10 curationem desiderant: quamvis in ea multum antiqui variarunt; ut in singula anguium genera singula medendi genera praeciperent; atque aliis alia; sed in omnibus eadem maxime proficiunt. Igitur in primis super vulnus id membrum deligandum est: non tamen  
 15 nimium vehementer, ne torpeat, Dein venenum extrahendum est. Id cucurbitula optime facit. Neque alienum est, ante scalpello circa vulnus incidere, quo plus vitiati jam sanguinis extrahatur. Si cucurbitula non est, (quod tamen vix incidere potest) tum quod-  
 20 libet simile vas, quod idem possit. Si ne id quidem est, homo adhibendus est, qui vulnus exfugat.

Neque hercule scientiam praecipuam habent hi, qui Pfylli nominantur; sed audaciam usu ipso confirmatam. Nam venenum serpentis, ut quædam eti-  
 25 am venatoria venena, quibus Galli praecipue utuntur, non gustu, sed in vulnere nocent. Ideoque colubra ipsa tuto estur: ictus ejus occidit, et, si stupente ea (quod per quaedam medicamenta circulatores faciunt) in os digitum quis indidit, neque per-  
 30 cussus est, nulla in ea saliva noxa est. Ergo quisquis, exemplum Pfylli secutus, id vulnus exfuxerit, et ipse tutus erit, et tutum hominem praeſtabit. Illud ne intereat ante debet attendere, ne quod in gingivis, palatove, aliave parte oris ulcus habeat. Post hæc is  
 35 homo loco calido collocandus est, sic, ut id, quod percussus erit, in inferiorem partem inclinetur.

Si neque qui exfugat, neque cucurbitula est, forbere oportet jus anserinum, vel ovillum, vel vitulinum, et vomere. Vivum autem gallinaceum pullum  
 per



per medium dividere, et protinus calidum super vulnus imponere sic, ut pars interior corpori jungatur. Facit id etiam hædus agnusve discissus, et calida ejus caro statim super vulnus imposita. Emplastra quoque, quæ supra comprehensa sunt. Aptissimumque est, vel Ephesium, vel id quod ei subjectum est. Præfensque in aliquo antidoto præsidium est. Sin id non est, necessarium est exorbere portionem meri vini cum pipere, vel quidlibet aliud, quo calor movendus est, ne humorem intus coire patiatur, nam maxima pars venenorum frigore interimit. Omnia etiam urinam moventia, quia materiam extenuant, utilia sunt.

*Speciales curationes adversus ictus serpentium: et primo  
adversus ictum Aspidis.*

15

Haec adversus omnes ictus sunt communia: usus tamen ipse docuit, eum, quem Aspis percussit, acetum potius bibere debere. Quod demonstrasse dicitur casus cujusdam pueri, qui cum ab hac ictus esset, et partim ob ipsum vulnus, partim ob immodicos æstus fiti premeretur, ac locis siccis alium humorem non reperiret, acetum, quod forte secum habebat, ebibit, et liberatus est. Credo quoniam id, quamvis refrigerandi vim habet, tamen habet etiam dissipandi. Quo fit, ut terra respersa eo spumet. Eadem ergo vi verisimile est, spissescentem quoque intus humorem hominis ab eo discuti, et sic dari sanitatem.

*Adversus ictum Scorpionis.*

In quibusdam etiam aliis serpentibus certa quædam auxilia satis nota sunt. Nam scorpio sibi ipse pulcherrimum medicamentum est. Quidam contritum cum vino bibunt, Quidam eodem modo contritum super vulnus imponunt, Quidam super prunam eo imposito, vulnus suffumigant, undique veste circumdata, ne is fumus dilabatur; tum carbonem ejus super vulnus deligant. Bibere autem oportet herbae solaris (quam *ἡλιοτρόπιον* Graeci vocant) semen, vel certe folia ex vino. Super vulnus vero etiam fursures ex aceto, vel ruta silvatica recte imponitur, vel

cum melle sal tostus. Cognovi tamen medicos, qui ab scorpione ictis nihil aliud, quam ex brachio sanguinem miserunt.

*Adversus Aranei et scorpionis ictum.*

- 5 Ad scorpionis etiam, et ad aranei ictum, allium cum ruta recte miscetur, ex oleoque contritum superimponitur.

*Adversus Cerastes, et Dipsadis, et Haemorrhoidis ictum.*

- At, si cerastes, aut dipsas, aut haemorrhoids percussit, asphodeli, quod Ægyptiæ fabae magnitudinem aequet, arefactum, in duas potiones dividendum est sic, ut ei rutae paulum adjiciatur. Trifolium quoque et mentastrum, et cum aceto panaces aequè proficiunt. Costumque, et casia, et cinnamomum  
15 recte per potionem assumentur.

*Adversus Cherfydri ictum et Cerastis.*

- Adversus Cherfydri vero ictum, panaces, aut laser, quod sit scrupulorum p. ii. \*. vel porri succus cum hemina vini sumendus est, et edenda multa satureia.  
20 Imponendum autem super vulnus stercus caprinum ex aceto coctum: aut ex eodem hordeacea farina; aut ruta, vel nepeta, cum sale contrita, melle adjecto. Quod in eo quoque vulnere, quod cerastes fecit, aequè valet.

- 25 *Adversus Phalangii ictum.*

- Ubi vero phalangium nocuit, praeter eam curationem, quae manu redditur, saepe homo demittendus in folium est, dandusque ei myrrhae et uvae taminiae par modus ex passi hemina; vel radiculæ semen, aut  
30 lolii radix ex vino; et super vulnus furfures ex aceto cocti, imperandumque, ut is conquiescat.

*Adversus ictus Italorum anguium, qui minus terribiles peregrinis sunt.*

- Verum haec genera serpentium et peregrina, et a-  
35 liquanto magis, pestifera sunt; maximeque, æstuosis gignuntur locis. Italia frigidioresque regiones hac quoque parte salubritatem habent, quod minus terribiles angues edunt. Adversus quos fatis proficit herba betonica, vel cantabrica, vel centaurion, vel agrimonia,

agrimonia, vel trixago, vel perfonina, vel marinæ pastinacæ singulæ binæve tritæ, et potui datae cum vino, et super vulnus impositæ. Illud ignorari non oportet, omnis serpentis ictum et jejuni et jejuno magis nocere, ideoque perniciosissimi sunt, cum incubant: utilissimumque est, ubi ex anguibus metus est, non ante progredi, quam quis aliquid assumpsit.

*Remedium generale adversus omnia venena, vel in cibo, vel in potione assumpta.*

Non tam facile his opitulari est, qui venenum, vel in cibo, vel in potione sumpserunt. Primum, quia non protinus sentiunt, ut ab angue icti: ita ne succurrere quidem statim sibi possunt. Deinde quia noxa non a cute, sed ab interioribus partibus incipit. Commodissimum est tamen, ubi primum sensit aliquis, protinus oleo multo epoto vomere. Deinde ubi præcordia exhaustit, bibere antidotum: si id non est, vel merum vinum.

*Specialia remedia adversus quaedam venena: et primo adversus Cantharidas.*

20

Sunt tamen quædam remedia propria adversus quaedam venena, maximeque leviora. Nam si cantharidas aliquis ebibit, panaces cum lacte contusa, vel galbano, vino adjecto dari, vel lac per se debet.

*Adversus Cicutam.*

25

Si cicutam, vinum merum calidum cum ruta quamplurimum ingerendum est; deinde is vomere cogendus: posteaque laser ex vino dandum. Isque si febre vacat, in calidum balneum mittendus: si non vacat, ungendus ex calefacientibus est. Post quæ quies ei necessaria est.

*Adversus Hyoscyamum.*

Si hyoscyamum, fervens mulsum bibendum est, aut quodlibet lac, maxime tamen asininum.

*Adversus Cerussam.*

35

Si cerussam, jus malvæ, vel jus glandis ex vino contritæ, maxime profunt.

*Adversus Sanguisugam, si epota est, et lac, quod intus coit.*

Si sanguisuga epota est, acetum cum sale bibendum



dum est. Si lac intus coit, aut passum coagulum, aut cum aceto lafer.

*Adversus Fungos inutiles.*

Si fungos inutiles quis assumpserit, radícula aut epota, aut cum sale et aceto edenda est. Ipsi vero hi et specie quidem discerni possunt ab utilibus, et cocturae genere idonei fieri. Nam sive ex oleo inferbuerunt, sive piri furculus cum his inferbuit, omni noxa vacant.

10 *De adustis corporis locis, et quomodo curare debeant.*

Aduſtis quoque locis extrinsecus vis infertur; itaque sequi videtur ut de his dicam. Haec autem optime curantur foliis aut lilii aut linguae caninae, aut betae in vetere vino oleoque decoctis. Quorum quidlibet protinus impositum ad sanitatem perducit.

Sed dividi quoque curatio potest in ea, quae mediocriter exedentia reprimentiaque, primo et pustulas prohibeant, et summam pelliculam exasperent: deinde ea, quae lenia ad sanitatem perducant. Ex prioribus est lenticulae cum melle farina: vel myrrha vel vino; creta cimolia cum thuris cortice contrita, et aqua coacta, atque, ubi usus necessitas incidit; aceto diluta. Ex insequentibus, quaelibet λιπαρά. Sed idonea maxime est, quae vel plumbi crementum, vel vitellos habet.

Est etiam illa aduſtorum curatio, dum inflammatio est, impositam habere cum melle lenticulam: ubi ea declinavit, farina cum ruta, vel porro, vel marrubio, donec crustae cadant, tum ervum cum melle, aut irim, aut resinam terebinthinam, donec ulcus purum sit: novissime siccum linamentum.

C A P. XXVIII. *De interioribus ulceribus, quae aliqua corporum parte corrupta, nascuntur.*

35 *De CARBUNCULO, et ejus curatione.*

**A**B his, quae extrinsecus incidunt, ad ea veniendum est, quae interius, corrupta aliqua corporum parte, nascuntur. Ex quibus non aliud carbunculo

bunculo pejus. Ejus hae notae sunt. Rubor est, superque eum non nimium pustulae eminent, maxime nigrae, interdum sublividae, aut pallidae, in his fanies esse videtur, infra color niger est, ipsum corpus aridum, et durius, quam naturaliter oportet, circa, quem quasi crusta est, eaque inflammatione cingitur, neque in eo loco levare cutis potest, sed inferiori carni quasi affixa est. Somnus urget, nonnunquam horror, aut febris oritur, aut utrumque. Idque vitium subteractis quasi quibusdam radicibus serpet, interdum celerius, interdum tardius. Supra quoque, procedens inalbescit, dein lividum fit, circumque exiguae pustulae oriuntur. Et si circa stomachum faucesve incidit, subito spiritum saepe elidit,

Nihil melius est, quam protinus adurere, neque id grave est, nam non sentit, quoniam ea caro mortua est, finisque adurendi est, dum ex omni parte sensus doloris est. Tum deinde vulnus, sicut caetera adusta, curandum est. Sequitur enim sub medicamentis erodentibus crusta: quae undique a viva carne ducta, trahit secum, quicquid corruptum erat, purusque jam sinus curari potest implantibus. At, si in summa cute vitium est, possunt succurrere quaedam vel exedentia tantum, vel etiam adurentia. Vis pro magnitudine adhibenda est. Quodcumque vero medicamentum positum est, si satis proficiet, protinus a viva corruptam partem resolvit. Certaue esse fiducia potest fere, ut undique vitiosa caro excedat, quae hujusmodi medicamen exest; si id non sit, medicamentumque malo vincitur, utique ad ustionem properandum est. Sed in ejusmodi casu abstinendum a cibo, a vino est, aquam liberaliter bibere expedit, magisque ea servanda sunt, si febricula quoque accessit.

*De Carcinomate, et ejus curatione.*

Non idem periculum *καρκινώμα* affert, nisi imprudentia curantis agitata est. Id vitium fit maxime in superioribus partibus, circa faciem, nares, aures, labra, mammas foeminarum, et in jecore, autem aut splene hoc nascitur. Circa locum aliqua quasi puncta senti-

- fentiuntur: isque immobilis, inæqualis tumet: interdum etiam torpet. Circa eum inflatae venae quasi recurvantur: hæque pallent, aut livent: nonnunquam etiam in quibusdam delitescunt. Tactusque is locus,
- 5 aliis dolorem affert, in aliis eum non habet. Et nonnunquam sine ulcere durior aut mollior est, quam esse naturaliter debet: nonnunquam iisdem omnibus ulcus accedit. Interdumque nullam habet proprietatem: interdum simile his est, quae vocant Graeci
- 10 *κονδυλώματα*; aspredine quadam et magnitudine sua. Colorque ejus ruber est, aut lenticulae similis. Neque tuto fertur, nam protinus aut resolutio nervorum, aut distentio insequitur. Saepe homo ictus obmutescit, atque ejus anima deficit. Quibusdam etiam, si
- 15 id ipsum pressum est, quae circa sunt, intenduntur, et intumescit, namque pessimum id genus est, fereque primum id fit, quod cacoethes a Graecis nominatur. Deinde ex eo id carkinoma, quod sine ulcere est. Deinde ulcus; ex eo, thymium.
- 20 Tolli nihil, nisi cacoethes, potest: reliqua curationibus irritantur, et quo major vis adhibita est, eo magis. Quidam usi sunt medicamentis adurentibus, quidam ferro adusserunt, quidam scalpello exciderunt. Neque ulli unquam medicina proficit; sed ad-
- 25 usta, protinus concitata sunt, et increverunt, donec occiderent. Excisa etiam post inductam cicatricem tamen reverterunt, et causam mortis attulerunt. Cum interim plerique nullam vim adhibendo, qua tollere id malum tentent; sed imponendo tantum le-
- 30 nia medicamenta, quæ quasi blandiantur, quo minus ad ultimam senectutem perveniant, non prohibentur. Discernere autem cacoethes, quod curationem recipit, a carcinomate, quod non recipit, nemo scire potest, nisi tempore et experimento.
- 35 Ergo, ubi primum id vitium notatum est, imponi debent medicamenta adurentia. Si levatur malum, minuunturque ejus indicia, procedere curatio potest et ad scalpellum, et ad ustionem. Si protinus irritatum est, scire licet, jam carcinoma esse; removendaque sunt



funt omnia acria, omnia vehementia. Sed, si sine ulcere is locus durus est, imponi ficum quam pinguisimam, aut rhyodes emplastrum satis est. Si ulcus aequale est, ceratum ex rosa injiciendum est, adjiciendusque ei pulvis ex contrita testa ex qua faber ferrarius tingere candens ferrum solitus est. Sed si id nimium supercrevit, tentanda squama æris est (quae lenissima ex adurentibus est) eatenus ne quid eminere patiatur: sed ita, si nihil exacerbavit: si minus, eodem cerato contenti esse debebimus.

10

*De Theriomate et ejus curatione.*

Est etiam ulcus, quod *ἰσθίωμα* Graeci vocant. Id et per se nascitur, et interdum ulceri ex alia causa facto supervenit. Color est vel lividus, vel niger: odor foedus: multus, et muccō similis humor. Id ipsum ulcus neque tactum, neque medicamentum sentit: prurigine tantum movetur. At circa dolor est, et inflammatio. Interdum etiam febris oritur. Nonnunquam ex ulcere sanguis erumpit. At id quoque malum serpit. Quae omnia saepe intenduntur. Fitque ex his ulcus, quod herpetha est iomenon Graeci vocant; quia celeriter serpendo, penetrandoque usque ossa, corpus vorat. Id ulcus inaequale est, cocco simile; inestque multus humor glutinosus, odor intolerabilis; majorque, quam pro modo ulceris inflammatio. Utrumque, sicut omnis cancer, fit maxime in senibus; vel his, quorum corpora mali habitus sunt.

Curatio utriusque eadem est: sed in majore malo magis necessaria. Ac primum, a victus ratione ordinandus est: ut quiescat in lectulo: ut primis diebus a cibo absteineat: aquam quamplurimam assumat. Alvus quoque ei ducatur. Dein, post inflammationem, cibum boni succi capiat; vitatis omnibus acribus: potionis quantum volet, sic, ut interdiu quidem aqua contentus sit: in coena etiam vini austeri aliquid bibat. Non aequae tamen fame in his, quos herpes urget, atque in his, qui therioma adhuc

habebunt, utendum erit. Et victus quidem talis necessarius est.

Super ulcus vero inspergenda arida aloe oenanthe, et, si parum proficiet, chalcitis. Ac, si quis nervus, 5 exesa carne, nudatus est, contegendus ante linteolo est, ne sub eo medicamento aduratur. Si validioribus etiamnum remediis opus est, ad eas compositiones veniendum est, quæ vehementius adurunt. Quicquid autem inspergitur, averso specillo infundi debet. 10 Superdanda cum melle sunt vel linamenta, vel oleæ folia ex vino decocta, vel marrubium: eaque linteolo contegenda in aqua frigida madefacto, dein bene expresso. Circaque, qua tumor ex inflammatione est, imponenda, quae reprimant, cataplasmata, 15 Si sub his nihil proficitur, ferro locus aduri debet; diligenter nervis, si qui apparent, ante contactis. Adustum vel medicamentis vel ferro corpus, primum purgandum, deinde implendum esse, apparere cuilibet ex prioribus potest.

20

*De Sacro igne, et ejus curatione.*

Sacer quoque ignis malis ulceribus annumerari debet. Ejus duae species sunt. Alterum est subrubundum, aut mistum rubore atque pallore; exasperatumque per pustulas continuas, quarum nulla altera major est, sed plurimae perexiguæ. In his semper fere pus, et saepe rubor cum calore est: serpitque id nonnunquam sanesciente eo, quod primum vitiatum est: nonnunquam etiam exulcerato, ubi, ruptis 30 pustulis, ulcus continuatur, humorque exit, qui esse inter saniem et pus videri potest. Fit maxime in pectore, aut lateribus, aut eminentibus partibus, præcipueque in plantis. Alterum autem est in summae cutis exulceratione, sed sine altitudine, latum, sublividum, inaequaliter tamen; mediumque sanescit, extremis procedentibus: ac saepe id, quod jam sanum videbitur, iterum exulceratur. At circa, proxima cutis, quae vitium receptura est, tumidior et durior est, coloremque habet ex rubro subnigrum. Atque

hoc quoque malo fere corpora seniora tentantur, aut quae mali habitus sunt; sed in cruribus maxime.

Omnis autem facer ignis, ut minimum periculum habet ex his, quae serpunt; sic prope difficillime tollitur. Medicamentum ejus fortuitum est, uno die, febris, quae humorem noxium absumat. Cujus, quo crassius et albidius est, eo periculi minus est. Prodest etiam infra os ulcerum laedi, quo plus puris exeat; et id, quod ibi corruptum corpus est, extrahat. Sed tamen, si febricula accessit, abstinencia, lectulo, alvi 10 ductione opus est. In omni vero sacro igni, neque lenibus et glutinosis cibis, neque falsis et acribus utendum est; sed his, quae inter utrumque sunt: qualis est panis sine fermento, piscis, hœdus, aves, exceptoque apro, omnis fere venatio. Si non est fe- 15 bricula, et gestatio utilis est, et ambulatio, et vinum austerum, et balneum. Atque in hoc quoque genere potio magis liberalis esse, quam cibus, debet. Ipsa autem ulcera, si mediocriter serpunt, aqua calida: si vehementius, vino calido fovenda sunt. Deinde acu 20 pustulae, quaecunque sunt, aperiendae. Tum imponenda ea, quae putrem carnem exedant. Ubi inflammatio sublata, ulcusque purgatum est, imponi lenē medicamentum debet. In altero autem genere, possunt proficere mala cotonea in vino cocta, atque 25 contrita: potest emplastrum vel Hierae, vel tetrapharmakon; cui quinta pars thuris adjecta sit; potest nigra hederā ex vino austero cocta, ac si celeriter malum serpit, non aliud magis proficit. Purgato ulcere, quod in summa cute esse proposui, fatis ad sanitatem 30 eadem lenia medicamenta proficient.

*De Chironio ulcere, et ejus curatione.*

Chironium autem ulcus appellatur, quod et magnum est, et habet oras duas, callosas, tumentes. Exit sanies non multa, sed tenuis: odor malus; neque in 35 ulcere, neque in ejus tumore est nulla inflammatio: dolor modicus est. Nihil serpit, ideoque nullum periculum adfert; sed non facile sanescit. Interdum tenuis cicatrix inducitur, deinde iterum rumpitur, ul-



cusque renovatur. Fit maxime in pedibus et cruribus. Super id imponi debet, quod et lene aliquid, et vehemens, et reprimens habeat. Quale ejus rei causa fit ex his: squamæ æris, plumbi eloti combusti, 5 singulorum p. iv. \*. cadmiae, cerae, singulorum p. viii. \*. rosae quantum fatis est ad ceram simul cum eis molliendam.

*De ulceribus, quae ex frigore in pedibus et manibus oriuntur: et eorum curationibus.*

- 10 Fiunt etiam ex frigore hiberno ulcera, maxime in pueris, et praecipue pedibus, digitisque eorum, nonnunquam etiam in manibus. Rubor cum inflammatione mediocri est. Interdum pustulae oriuntur, deinde exulceratio. Dolor autem modicus: prurigo 15 major est. Nonnunquam humor exit, sed non multus; qui referre vel pus, vel saniem videtur. In primis multa calida aqua fovendum est, in qua rapa decocta; aut si ea non sunt, aliquae verbenae ex reprimentibus. Si nondum adaperitum ulcus est, æs, 20 quam maxime calidum quis pati potest, admoendum est. Si jam exulceratio est, imponi debet alumen, aequa portione cum thure contritum, cum vino adjecto; aut malicorium in aqua coctum, deinde contritum. Si summa detracta pellicula est, hic quoque 25 melius lenia medicamenta proficiunt.

*De Struma et ejus curatione.*

- Struma quoque est tumor, in quo subter concreta quaedam ex pure et sanguine quasi glandulae oriuntur. Quae vel praecipue fatigare medicos solent, 30 quoniam et febres movent, nec unquam facile maturescunt; et, sive ferro, sive medicamentis curantur, plerumque iterum juxta cicatrices ipsas resurgunt; multoque post medicamenta est opus. quibus id quoque accedit, quod longo spatio detinent. 35 Nascuntur maxime in cervice; sed etiam in alis, et inguinibus, et in lateribus. In mammis quoque foeminarum se reperisse, chirurgicus Meges auctor est. Propter haec et album veratrum recte datur, atque etiam saepius, donec ea digerantur. Et  
medi-

medicamenta imponuntur, quae humorem vel educant, vel dissipent; quorum supra mentio facta est. Adurentibus quoque quidam utuntur, quae exedunt, crustaque eum locum adstringunt: tunc vero ut ulcus curant. Quaecunque autem ratio curandi est, corpus, puro ulcere, exercendum atque alendum est, donec ad cicatricem perveniat. Quae cum medici doceant: quorundam rusticorum experimento cognitum, quem struma male habet, eum, si anguem edit, liberari.

16

*De Furunculo, et ejus curatione.*

Furunculus vero, est tuberculum acutum cum inflatione, et dolore; maximeque ubi jam in pus vertitur. Qui ubi adaperitus est, et exiit, super apparet pars carnis in pus versa, pars corrupta subalbida, subrubra; quem ventriculum quidam furunculi nominant. In eo nullum periculum est, etiamsi nulla curatio adhibeatur: maturescit enim per se, atque erumpit. Sed dolor efficit, ut potior medicina sit, quae maturius liberet.

20

Proprium ejus medicamentum galbanum est, sed alia quoque supra comprehensa sunt. Si caetera defunt, imponi debet, primum, non pingue emplastrum, ut id reprimat: deinde, si non repressit, quodlibet puri movendo accommodatum, si ne id quidem est, vel resina, vel fermentum. Expresso pure, nulla ultra curatio necessaria est.

*De Phymate, et ejus curatione.*

Phyma vero nominatur tuberculum furunculo simile, sed rotundius et planius, saepe etiam majus. Nam furunculus ovi dimidii magnitudinem raro explet, nunquam excedit. Phyma etiam latius patere consuevit: sed inflammatio dolorque sub eo minores sunt. Ubi evulsum est, pus eodem modo apparet ventriculus, quod in furunculo non invenitur: verum omnis corrupta caro in pus vertitur. Id autem in pueris et saepius nascitur, et facilius tollitur: in juvenibus rarius oritur, et difficilius curatur. Ubi aetas induravit, ne nascitur quidem. Quibus vero

indica-

medicamentis discuteretur, supra propositum est.

*De Phygethlo, et ejus curatione.*

φυγεθλον autem est tumor, non altus, sed latus, in quo quiddam pustulæ simile est. Dolor distentioque  
 5 vehemens est, et major quam pro magnitudine tumoris: interdum etiam febricula. Idque tarde maturefcit, neque magnopere in pus convertitur. Fit maxime aut in vertice, aut in alis, aut in inguinibus. Panem, ad similitudinem figuræ, nostri vocant. Atque  
 10 idipsum quo medicamento tolleretur, supra demonstravi.

Sed cum omnes hi nihil nisi minuti abscessus sint, generale nomen trahit latius vitium ad suppurationem spectans. Idque fere fit aut post febres, aut post  
 15 dolores partis alicujus, maximeque eos, qui ventrem infestarunt. Saepiusque oculis expositum est, siquidem latius aliquid intumescit ad similitudinem ejus, quod *φυμα* vocari proposui, rubetque cum calore, et paulo post etiam cum duritia, magisque innocenter  
 20 indolescit, et sitim vigiliamque exprimit. Interdum tamen nihil horum in cute deprehendi potest: maximeque, ubi altius pus movetur: sed cum siti vigiliaeque sentiuntur intus aliquae punctiones. Et, quod de subito durius non est, melius est: et quamvis non  
 25 rubet, coloris tamen aliter mutati est, quae signa jam pure oriente nascuntur: tumor ruborque multo ante incipiunt.

Sed, si locus mollis est, avertendus is materiae aditus est per cataplasmata, quæ simul et reprimunt,  
 30 et refrigerant: qualia et alias et paulo ante in erysipellate proposui. Si jam durior est, ad ea veniendum est, quae digerant, et resolvant: qualis est ficus arida contusa: aut fex mista cum cerato, quod ex adipe suilla coactum sit; aut cucumeris radix, cui ex farina  
 35 duae partes adjectæ sint, ante ex mulso decoctæ. Licet etiam miscere aquis portionibus ammoniacum, galbanum, propolim, viscum, pondusque adjicere myrrhæ dimidio minus, quam in prioribus singulis erit. Atque emplastra quoque et malagmata idem effici-



efficiunt, quae supra explicui. Quod per haec  
discussum non est, necesse est, maturescat. Idque  
quo celerius fiat, imponenda est farina hordeacea, ex  
aqua cocta, recte miscetur. Eadem autem haec  
in minoribus quoque abscessibus, quorum nomina  
proprietasque supra reddidi, recte fiunt. Ea-  
demque omnium curatio: tantum modo distat.  
Crudum est autem, in quo magis quasi venarum  
motus est, et gravitas, et ardor, et distentio, et dolor,  
et rubor, et durities: et si major abscessus est, hor-  
ror, ut etiam febricula permanet: penitus condita  
suppuratio si pro his, quae alioqui cutis ostendit,  
punctiones sunt, ubi ista se remiserunt, jamque cutis  
prurit, et aut sublivida, aut subalbida est, matura  
suppuratio est. Eaque, ubi vel per ipsa medicamen-  
ta, vel etiam ferro aperta est, pus debet emitti.  
Tum, si qua in alis, vel inguinibus sunt, sine lina-  
mento nutrienda sunt. In caeteris quoque partibus,  
si una plaga exigua est, si mediocris suppuratio fuit,  
si non alte penetravit, si febris non est, si valet cor-  
pus, aequae linamenta supervacua sunt. In reliquis,  
parce tamen, nec, nisi plaga est, imponi debent.  
Commode vero mel super linamenta, vel sine his im-  
ponitur lenticula ex melle, aut malicorium ex vino  
coctum quae et per se et mista idonea sunt.

Si qua circa duriora sunt, ad ea mollienda, vel  
malva contrita, vel fœni Græci linive semen ex passio  
coctum superdandum est. Quicquid deinde impo-  
positum est, non adstringi, sed modice deligari debet,  
illo neminem decipi decet. Ut in hoc genere cerato  
utatur, caetera quae pertinent ad purgandum ulcus,  
ad implendum, ad cicatricem inducendam, conve-  
niuntque in vulneribus, exposita sunt.

*De Fistulis, earum generibus et curationibus.*

Nonnunquam autem ex ejusmodi abscessibus, et  
ex aliis ulcerum generibus, fistulae oriuntur. Id  
nomen est ulceri alto, angusto, calloso. Fit in omni  
fere parte corporis: habetque quaedam in singulis  
locis propria. Prius de communibus dicam. Genera  
igitur

igitur fistularum plura sunt, siquidem aliae breves sunt, aliae altius penetrant: aliae recte intus feruntur, aliae multoque plures transversae: aliae simplices sunt, aliae duplices triplicesve; ab uno ore intus orae quæ  
5 tres fiunt, aut etiam in plures sinus dividuntur: aliae rectæ, aliae flexæ, et tortuosae sunt: aliae intra carnem desinunt, aliae ad ossa aut cartilaginem penetrant; aut, ubi neutrum horum subest, ad interiora perveniunt: aliae deinde facile, aliae cum difficultate curantur,  
10 atque etiam quaedam insanabiles reperiuntur.

Expedita curatio est in fistula simplici, recenti, intra carnem. Adjuvatque ipsum corpus si juvenile, si firmum est. Inimica contraria his sunt: itemque, si fistula os, vel cartilaginem, vel nervum, vel mus-  
15 culos laesit; si articulum occupavit; si vel ad vesicam, vel ad pulmonem, vel ad vulvam, vel ad grandes venas arteriasve, vel ad inania, ut guttur, stomachum, thoracem penetravit. Ad intestina quoque eam tendere semper periculosum, saepe pestiferum est. Quibus multum mali accedit, si corpus vel  
20 aegrum, vel senile, vel mali habitus est.

Ante omnia autem demitti specillum in fistulam convenit; ut, quo tendat, et quam alte perveniat, scire possimus. Simul etiam, protinus humida, an  
25 siccior sit: quod extracto specillo patet. Id quoque dici potest, in osse vitium sit, necne: et, si jam eo fistula penetravit, quatenus nocuerit. Nam, si molle est, quod ultimo specillo contingitur, intra carnem adhuc vitium est: si magis id renititur, ad os ven-  
30 tum est. Ibi deinde si elabitur specillum, nondum caries est: si non labitur sed equali innititur, caries quidem, verum adhuc levis est: si inaequale quoque et asperum subest, vehementius os exesum est. At cartilago ubi subhaesit, ipsa sedes docet: perven-  
35 tumque esse ad eam, ex renixu patet. Sed ex his quidem colliguntur fistularum sedes, spatia, noxae. Simples vero hae sint, an in plures partes diducantur, cognosci potest ex modo puris, cuius si plus fertur, quam quod simplici spatio convenit, plures  
sinus

sinus esse manifestum est. Cumque fere juxta sint caro, et nervus, et aliqua nervosa, quales fere tunicae membranaeque sunt, genus quoque puris docebit, num plures sinus intus diversa corporis genera perferant. Siquidem ex carne pus laeve, album copiosius fertur: at ex nervoso loco, coloris quidem ejusdem, sed tenuis et minus: ex nervo, pingue et oleo non dissimile. Denique etiam corporis inclinatio docet, num in plures partes fistulae penetrarint, quia saepe, cum quis aliter decubuit, aliterque membrum collocavit, pus ferri, quod jam desierat, incipit; testaturque, non solum alium sinum esse, ex quo descendat, sed etiam in aliam corporis partem eum tendere. Sed si et in carne et si recens et simplex est; ac neque rugosa neque cava sede; neque in articulo, sed in eo membro, quod per se immobile, non nisi cum toto corpore movetur, satis proficiet emplastrum, quod recentibus vulneribus imponitur, dum habeat vel salem vel alumen, vel squamam æris, vel æruginem, ex metallicis ali- quid. Exque eo collyrium fieri debet altera parte tenuius, altera paulo plenius. Idque ea parte, qua tenuius est, altera antecedente demitti oportet in fistulam, donec sanguis purus se ostendat: quae in omnibus fistularum collyriis perpetua sunt. Idem deinde emplastrum in linteolo superimponendum; supraque injicienda spongia, in acetum ante demissa: solvique quinto die satis est. Genusque victus adhibendum est, quo carnem ali docui. Ac, si longius a præcordiis fistula est, ex intervallo jejunum radículas edisse, deinde vomere, necessarium est. Vetustate callosa fit fistula (callus autem neminem fallit, quia durus est, et aut albus, aut pallidus) sed tum validioribus medicamentis opus est. Quale est, quod habet papaveris lachrymae p. i. \*. gummi p. iii. \*. cad- miae p. iiiii. \*. atramenti futorii p. viii. \*. ex quibus aqua coactis collyrium fit. Aut in quo sunt gallae p. i. \*. æruginis, sandarachae, aluminis Aegyptii singulorum p. i. \*. atramenti futorii combusti p. ii. \*.



Aut quod constat ex chalcitide, et saxo calcis; quibus auripigmenti dimidio minus, quam in singulis prioribus est, adjicitur, eaque melle cocto excipiuntur. Expeditissimum autem est ex praecepto Megetis, æruginis rase p. ii. \*. conterere, deinde ammoniaci, thymiamatis p. ii. \*. aceto liquare, eoque infuso ex æruginе colligere. Idque ex primis medicamentis est. Sed, ut haec maximi effectus sunt, si cui ista non adfunt, facile tamen est callum quibusbet adurentibus medicamentis prodere: aut quibus haec maxime in effectum sunt erodere. Satiisque est vel papyrus intortum, vel aliquid ex penicillo in modum collyrii adstrictum eo illinere. Scilla quoque cocta et mista cum calce, callum exest. Si quando vero longior et transversa fistula est, demisso specillo, contra principium hujus incidi commodissimum est, et collyrium utrumque demitti. At si duplicem esse fistulam aut multiplicem existimamus, sic tamen ut brevis, intraque carnem sit, collyrio uti non debemus; quod utnam partem curet, reliquas omittat: sed eadem medicamenta arida in calamus scriptorium conjicienda sunt, isque ori fistulae aptandus, inspirandumque, ut ea medicamenta intus compellantur. Aut eadem ex vino liquanda; vel, si sordidior fistula est, ex mulso; si callosior, ex aceto sunt; atque intus infundendum, quicquid inditum est. Superponenda sunt, quae refrigerent et reprimant: nam fere, quae circa fistulam sunt, habent aliquid inflammationis. Neque alienum est, ubi quis resolverit, antequam rursus alia medicamenta conjiciat, per oricularium clysterem fistulam eluere; si plus puris fertur, vino; si callus durior est, aceto; si jam purgatur, mulso, vel aqua, in qua ervum coctum sit, sic ut huic quoque mellis paulum adjiciatur. Fere vero fit, ut ea tunica, quae inter ferramentum et integram carnem est, victa medicamentis tota exeat, infraque ulcus purum sit. Quod ubi contigit, imponenda glutinantia sunt; praecipueque spongia melle cocto illita. Neque ignoro, multis placuisse linamentum in modum collyrii compositum

positum tinctum melle, demitti: sed celerius id glutinatur, quam impletur. Neque verendum est, ne purum corpus puro corpori junctum non coeat, adjectis quoque medicamentis ad id efficacibus; cum saepe exulceratio digitorum, nisi magna cura pro-  
speximus, sanescendo in unum os jungat.

*De ulceris genere, quod κηρίον nominatur.*

Est etiam ulceris genus, quod a favi similitudine *μελικερία* a Graecis nominatur. Idque duas species habet. Alterum subalbidum, furunculo simile; sed majus, et cum dolore majore. Quod, ubi, maturascit, habet foramina; per quae fertur humor glutinosus, et purulentus; nec tamen ad justam maturitatem pervenit. Si divisum est, multo plus intus corrupti, quam in furunculo, apparet, altiusque descendit. Raro fit nisi in scapulis. Alterum est minus, super corpus eminens, durum, latum, subviride, subpallidum, magis exulceratum: siquidem ad singulorum pilorum radices foramina sunt, per quae fertur humor glutinosus, subpallidus, crassitudinem mellis, aut visci referens, interdum olei: si inciditur, viridis intra caro apparet. Dolor autem, et inflammatio ingens est, adeo ut acutam quoque febrem movere consuevit. Super id, quod minus crebris foraminibus exasperatum est, recte imponitur et ficus arida, et lini semen in mulso coctum, et emplastra ac malagmata materiam educentia, aut quae proprie huc pertinentia supra posui. Super alterum, et ea medicamenta, et farina ex mulso cocta, sic ut ei dimidium resinae terebinthinae misceatur; et ficus in mulso decocta, cui paulum hyssopi contriti sit adjectum; et uvae taminiae pars quarta fico adjecta. Quod si parum in utrolibet genere medicamenta proficiunt; totum ulcus usque ad sanam carnem excidi oportet. Et ulcere ablato, super plagam medicamenta danda sunt; primum, quae pus citent; deinde, quae purgent, tum, quae impleant.

*De Acrochordonē, et Thymio, et Myrmeciis, et Clavo.*

Sunt quaedam vero verrucis similia; quorum diversa nomina, ut vitia sunt. Ἀκροχορδῶνα Graeci vocant, ubi sub cute coit aliquid durius, et interdum paulo asperius, coloris ejusdem; infra tenue, ad cutem latius. Idque modicum est, quia raro fabae magnitudinem excedit. Vix unum tantum eodem tempore nascitur; sed fere plura, maximeque in pueris: eaque nonnunquam subito desinunt, nonnunquam mediocrem inflammationem excitant: sunt, quae etiam in pus convertuntur.

Ac thymion nominatur, quod super corpus quasi verrucula eminet, ad cutem tenue, supra latius, subdum, et in summo perasperum. Idque summum colorem floris thymi repraesentat; unde ei nomen est; ibique facile finditur, et cruentatur; nonnunquam aliquantum sanguinis fundit: fereque circa magnitudinem fabae Ægyptiae est, raro majus, interdum perexiguum. Modo unum modo autem, plura nascuntur, vel in talis vel in palmis, vel in inferioribus pedum partibus: pessima tamen in obscœnis sunt; maximeque ibi sanguinem fundunt. Μυρμηκία autem vocantur humiliora thymio durioraque: quæ radices altius exigunt, majoremque dolorem movent, infra lata, super autem tenuia, minus sanguinis mittunt: magnitudine vix unquam lupini modum excedunt. Nascuntur ea quoque aut in palmis aut in inferioribus partibus pedum.

Clavus autem nonnunquam quidem etiam alibi, sed in pedibus tamen maxime nascitur, praecipue tamen ex contuso, quamvis interdum aliter: doloremque, etiamsi non alias, tamen ingredienti movet.

Ex his Acrochordon sive thymium saepe etiam per se finiuntur, et, quo minora sunt, eo magis. Myrmecia et clavi sine curatione vix unquam desinunt. Acrochordon, si excisa est, nullam radiculam relinquit, ideoque ne renascitur quidem. Thymio clavoque excisis, subterrotunda radícula nascitur, quae penitus descendit ad carnem: eaque relicta, idem rursus



rursus exigit. Myrmecia latissimis radicibus inhaerent: ideoque ne excidi quidem sine magna exulceratione possunt. Clavum subinde deradere, commodissimum est, nam sine ulla vi sic emollescit, ac si sanguinis quoque aliquid emissum est, saepe emoritur. 5 Tollitur etiam, si quis eum circumpurgat, deinde imponit resinam, cui miscuit pulveris paulum, quem ex lapide molari contrito fecit. Caetera vero genera medicamentis adurenda sunt. Aliisque id, quod ex fece vini: myrmeciis id, quod ex alumine et sanda- 10 racha fit, aptissimum. Sed ea, quae circa sunt, foliis contegi debent, ne ipsa quoque exulcerentur: deinde postea lenticula imponi solet. Tollit thymium etiam ficus in aqua cocta.

*De Pustularum generibus, et eorum curationibus.* 15

At pustulae maxime vernis temporibus oriuntur. Earum plura genera sunt. Nam modo circa totum corpus partemve aspredo quaedam fit, similis his pustulis, quae ex urtica, vel ex sudore nascuntur: ἐξυ- 20 δήματα Graeci vocant, eaque modo rubent, modo colore cutis non excedunt. Nonnunquam plures, similes varis oriuntur, nonnunquam majores Pustulae, lividae, aut pallidae, aut nigrae, aut aliter naturali colore mutato: subestque his humor. Ubi hae ruptae sunt, infra quasi exulcerata caro apparet. 25 ἰλκώδεις Græce nominatur. Fiunt vel ex frigore, vel ex igni, vel ex medicamentis. φλυζακίον autem paulo durior pustula est, subalbida, acuta, ex qua ipsa quod exprimitur, humidum est. Ex pustulis vero nonnunquam etiam ulcuscula sunt, aut aridiora, aut humi- 30 diora: et modo tantum cum prurigine: modo etiam cum inflammatione aut dolore, exitque aut pus, aut sanies, aut utrumque. Maximeque id evenit in aetate puerili: raro, in medio corpore: saepe, in eminentibus partibus. Pessima pustula est, quæ ἐπιπυκτική 35 vocatur. Eo colore vel sublivida, vel subnigra, vel alba esse consuevit. Circa hanc autem vehemens inflammatio est; et, cum adaperata est, reperitur intus exulceratio mucosa, color est humori suo similis. Dolor

lor ex ea supra magnitudinem ejus est: neque enim ea faba major est. Atque hæc quoque oritur in eminentibus partibus, et fere noctu, unde nomen quoque a Græcis ei ἐπιουκτις impositum est. In omni vero  
 5 pustularum curatione primum est, multum ambulare, atque exerceri: si quid ista prohibet, gestari. Secundum est, cibum minuere: abstinere ab omnibus acribus et extenuantibus, eademque nutrices facere oportet, si lactens puer ita affectus est. Praeter hæc,  
 10 is, qui jam robustus est, si pustulae minutae sunt, desudare in balneo debet; simulque super eas nitrum inspergere; oleoque vinum miscere, et sic ungi; tum descendere in folium. Si nihil sic proficitur, aut si magis pustularum genus occupavit, imponenda len-  
 15 ticula est; detractaque summa pellicula, ad medicamenta lenia transeundum. 'Επιουκτις post lenticulam, recte herba, quoque sanguinali, vel viridi coriandro curatur. Ulcera ex pustulis facta tollit spuma argenti cum semine fœni Græci mixta, sic, ut his in-  
 20 vicem rosa atque intubi succus adjiciatur, donec mellis crassitudo fiat. Proprie ad eas pustulas, quæ infantes male habent, lapidis, quem συρίτην vocant. p. viii. \*. cum quinquaginta amaris nucibus miscetur, adjiciunturque olei cyathi tres. Sed prius ungi ex  
 25 cerussa pustulae debent, tum hoc illini.

*De Scabie, et ejus curatione.*

Scabies vero est durior cutis rubicundior, ex qua pustulae oriuntur, quaedam humidiores, quaedam sicciore. Exit in quibusdam sanies; fitque ex his  
 30 continuata exulceratio pruriens; serpitque in quibusdam cito. Atque in aliis quidem ex toto desinit, in aliis vero certo tempore anni revertitur. Quo asperior est, quoque prurit magis, eo difficilius tollitur. Itaque eam, quae talis est, ἀργίαν id est feram, Græci  
 35 appellant. In hanc quoque victus ratio eadem, quae supra necessaria est. Medicamentum autem ad incipientem hanc idoneum est; quod fit ex spodii, croci, æruginis, singulorum p. i. \*. piperis albi, omphacii, singulorum p. i. \*. cadmiæ p. viii. \*. Aut, ubi jam exul-

exulcerato est, id, quod fit ex sulphuris p. i. \*. ceræ p. iv. \*. picis liquidæ hemina, olei sextariis duobus, quæ simul incoquantur dum crassitudo mellis fiat. Est etiam, quod ad Protarchum auctorem refertur. Habet hæc farinae lupinorum sextarium, nitri cyathos quatuor, picis liquidæ heminam, resinae humidæ selibram, aceti cyathos tres. Crocum quoque, lycium, ærugo, myrrha, cinis, æquis portionibus recte miscentur, et ex passo coquantur. Idque omnem pituitam ubique sustinet. At, si nihil aliud est, 10 amurca ad tertiam partem decocta, vel sulphur pice liquidum mistum, sicut in pecoribus proposui, hominibus quoque scabie laborantibus opitulatur.

*De impetiginis speciebus, et curationibus.*

Impetiginis vero species sunt quatuor. Minime 15 mala est, quæ similitudine scabiem repræsentat, nam et rubet, et durior est, et exulcerata est, et roditur. Distat autem ab ea, quia magis exulcerata est, et varis similes pustulas habet; videnturque esse in ea quasi bullulae quaedam, ex quibus interposito tem- 20 pore squamulae resolvuntur, certioribusque hoc temporibus revertitur. Alterum genus pejus est simile papulae fere, sed asperius rubicundiusque, figuras varias habens: squamulae ex summa cute discedunt, rosio major est, celerius et latius procedit, certiori- 25 busque etiam nonnunquam prior temporibus et fit, et desinit. Rubrica cognominatur. Tertia etiamnum deterior est, nam et crassior est, et durior, et magis tumet; in summa cute finditur, et vehementius rodit. Ipsa quoque squamosa, sed nigra procedit et 30 late, et tarde, eminus serpit in temporibus, aut oritur, aut desinit, neque ex toto tollitur. Nigrae cognomen est. Quartum genus est, quod curationem omnino non recipit, distans colore, nam subalbidum est, et recenti cicatrici simile; squamulasque habet 35 pallidas, quasdam subalbidas, quasdam lenticulae similes: quibus demptis, profluit sanguis nonnunquam. Alioqui vero humor ejus albidus est, cutis dura atque fissæ est, proceditque latius. Haec vero omnia genera



genera maxime oriuntur in pedibus, et manibus; atque ungues quoque infestant. Medicamentum non aliud valentius est, quam quod ad scabiem quoque pertinere sub auctore Protarcho retuli. Serapion  
5 autem, nitri p. ii. \*. sulphuris p. iv. excipiebat resina copiosa, eoque utebatur.

*De papulis, et earum curatione.*

Papularum vero duo genera sunt. Altera est, in qua per minimas pustulas cutis exasperatur, et rubet,  
10 leviterque roditur, medium habet pauxillo levius: tarde serpit idque vitium maxime rotundum incipit, eademque ratione in orbem procedit. Altera autem est, quam *ἀγρίαν* i. e. feram Graeci appellant. In qua similiter quidem, sed magis cutis exasperatur, exulceraturque,  
15 ac vehementius et roditur, et rubet, interdum etiam pilos remittit. Quae minus rotunda est, difficilius sanescit: nisi sublata est, in impetiginem vertitur. Sed levis papula etiam, si jejuna saliva quotidie defricatur, sanescit. Major, commodissime murali her-  
20 ba tollitur, si sub ea detrita est. Ut vero ad composita medicamenta veniamus, idem illud Protarchi tanto valentius in his est, quanto minus in his vitii est. Alterum ad idem, Mironis; nitri rubri, thuris, singulorum p. i. \*. cantharidum purgatarum p. ii. \*.  
25 sulphuris ignem non experti tantundem. resinae terebinthinae liquidae p. xx. \*. farinae lolii semis git cyathos tres, picis crudae unum.

*De Vitiliginis speciebus, id est, de Albo, et Melane, et Leuce, et earum curatione.*

30 Vitiligo quoque, quamvis per se nullum periculum adfert: tamen foeda est, et ex malo corporis habitu fit. Ejus tres species sunt. *Ἀλφός* vocatur, ubi color albus est, fere subasper et non continuus, ut quaedam quasi guttae dispersae esse videantur. Interdum etiam  
35 latius, et cum quibusdam intermissionibus serpit. *Μέλας* colore ab hoc differt, quia niger est, et umbræ similis. Cætera eadem sunt. *Λευκή* habet quiddam simile albo, sed magis albida est, altius descendit; in eaque albi pili sunt, et lanugini similes. Omnia hæc  
serpunt:

serpunt: sed in aliis celerius, in aliis tardius. Alphos et Melas in quibusdam variis temporibus et oriuntur et desinunt. Leuce, quem occupavit, non facile demittit.

Priora curationem non difficillimam recipiunt: 5  
ultimum vix unquam sanescit; ac, si quid ei vitio demptum est, tamen non ex toto sanus color redditur. Utrum autem aliquod horum sanabile sit, an non sit, experimento facile colligitur. Incidi enim cutis debet, aut acu pungi, si sanguis exit, quod fere 10  
fit in duobus prioribus, remedio locus est: si humor albidus, sanari non potest. Itaque ab hoc quidem abstinendum est.

Super id vero, quod curationem recipit, imponenda lenticula mista cum sulphure et thure, sic, ut ea 15  
contrita ex aceto sit. Aliud ad idem, quod ad Irenaeum auctorem refertur. Alcyonium, nitrum, cuminum, fici folia arida paribus portionibus contunduntur, adjecto aceto. His in sole vitiligo perungitur: deinde non ita multo post, ne nimis ero- 20  
datur, eluitur. Proprie quidem, Mirone auctore, eos, quos Alphos vocari dixi, hoc medicamento perungunt: sulphuris p. ii. \*. nitri p. iv. \*. myrrhae aridae, contritae acetabulum miscent, deinde in balneo super vitiliginem inspergunt farinam ex faba, 25  
tum haec inducunt. Hi vero, quos Melanas vocari dixi, curantur, cum simul contrita sunt alcyonium, thus, hordeum, faba, sine oleo, in balneo ante sudorem insperguntur, tum genus id vitiliginis defricatur.

## A. CORN. CELSUS

D E

## M E D I C I N A.

## L I B E R S E X T U S.

## C A P U T I.

*De Vitiis singularum corporis partium.*

**D**IXI de his vitiis, quae per totum corpus orientia, medicamentorum auxilia desiderant: nunc ad ea veniam, quae non nisi in singulis partibus incidere consueverunt, orsus a capite.

5 *De Capillis fluentibus.*

In hoc igitur capillis fluentibus maxime quidem saepe radendo succurritur. Adjicit enim vim quandam ad continendum, ladanum cum oleo mistum. Nunc de his capillis loquor, qui post morbum fere  
 51 fluunt. Nam, quo minus caput quibusdam aetate nudetur, succurri nullo modo potest.

C A P. II. *De Porrigine, et ejus curatione.*

**P**Orrigo autem est, ubi inter pilos quaedam quasi squamulae surgunt, eæque a cute resolvuntur;  
 51 et interdum madent, multo saepius siccae sunt. Idque



que evenit, modo sine ulcere, modo exulcerato loco. Huic quoque modo malo odore, modo nullo accidente. Fereque id in capillo fit, rarius in barba, aliquando etiam in supercilio. Ac neque sine aliquo corporis vitio nascitur, neque ex toto inutile est. 5 Nam bene integro capite, non exit: ubi aliquod in eo vitium est, non incommodum est, summam cutem potius subinde corrumpi, quam id, quod nocet, in aliam partem magis necessariam verti.

Commodius est ergo subinde pectendo repurgare, 10 quam id ex toto prohibere. Si tamen ea res nimium offendit (quod humore sequente fieri potest, magisque, si id etiam mali odoris est) caput saepe radendum est; dein id super adjuvandum aliquibus ex leviter reprimentibus; quale est nitrum cum aceto, vel 15 ladanum cum myrteo vino, vel myrobalanum cum vino. Si parum per haec proficitur, vehementioribus uti licet; cum eo, ut sciamus, utique in recenti vitio id inutile esse.

29

## C A P. III.

*De Sycofi, et ejus curatione.*

**E**ST etiam ulcus, quod a fici similitudine σύκωσις a Graecis nominatur, caro excrescit: et id quidem generale est. Sub eo vero duae species sunt. 25 Alterum, ulcus durum et rotundum est: alterum, humidum et inaequale. Ex duro exiguum quiddam et glutinosum exit: ex humido plus, et mali odoris. Fit vero utrumque in iis partibus, quae pilis continguntur: sed, id quidem quod callosum et rotundum est, maxime in barba; id vero, quod humidum, praecipue est in capillo. Super utrumque oportet imponere elaterium, aut lini semen contritum et aqua coactum, aut ficum in aqua decoctam, aut emplastrum 35 tetrapharmacum ex aceto subactum. Terra quoque Eretria ex aceto liquata recte illinitur.

## C A P. IV.

*De Areis et eorum curationibus.*

5 **A**REARUM quoque duo genera sunt. Com-  
mune utrique est, quod, emortua summa pel-  
licula, pili primum extenuantur; deinde excidunt:  
ac, si ictus is locus est, sanguis exit liquidus, et mali  
odoris: increfcitque utrunque in aliis celeriter, in  
10 aliis tarde. Pejus est, quod densam cutem, et sub-  
pinguem, et ex toto glabram fecit. Sed ea, quae  
*αλωτεκία* nominatur, sub qualibet figura dilatatur. Fit  
et in capillo, et in barba. Id vero, quod a serpen-  
tis similitudine *ὄφιασις* appellatur, incipit ab occipitio:  
15 duorum digitorum latitudinem non excedit: ad au-  
res duobus capitibus serpit; quibusdam etiam ad  
frontem, donec se duo capita in priorem partem com-  
mittant. Illud vitium in qualibet aetate est: hoc  
fere infantibus. Illud vix unquam sine curatio-  
20 ne: hoc per se saepe finitur. Quidam haec genera  
arearum scalpello exasperant, quidam illinunt adu-  
rentia ex oleo; maximeque chartam combustam, qui-  
dam resinam terebinthinam cum thapsia inducunt.  
Sed nihil melius est, quam novacula quotidie radere:  
25 qua, cum paulatim summa pellicula excisa est, ada-  
periuntur pilorum radiculæ. Neque ante oportet  
desistere, quam frequentem pilum nasci apparuerit.  
Id autem, quod subinde raditur, illini atramento  
scriptorio fatis est.

30

## C A P. V.

*De Varis, et Lenticulis, et Ephelide: et eorum cura-  
tionibus.*

35 **P**ENE ineptiae sunt, curare varos, et lenticulas,  
et ephelidas: sed eripi tamen foeminis cura cul-  
tus sui non potest. Ex iis autem, quas supra po-  
sui, vari lenticulaeque vulgo notae sunt; quam-  
vis rarior ea species est, quam Xenion Graeci vocant,  
cum

cum sit ea lenticula rubicundior, et inaequalior  
 Ephelis vero a plerisque ignoratur: quae nihil est,  
 nisi asperitas quaedam et durities mali coloris.  
 Caetera non nisi in facie: lenticulae etiam in alia  
 parte nonnunquam nasci solent, de qua per se scri- 5  
 bere alio loco, visum operae pretium non est. Sed  
 vari commodissime tolluntur imposita resina, cui  
 non minus quam ipsa est, aluminis scissilis, et pau-  
 lum mellis adjectum est. Lenticulam tollunt galba- 10  
 num et nitrum, cum pares portiones habent, contri-  
 taque ex aceto sunt, donec ad mellis crassitudinem  
 venerint. His corpus illinendum, et interpositis plu-  
 ribus horis, mane eluendum est, oleoque leviter un-  
 guendum. Ephelidem tollit resina, cui tertia pars  
 salis fossilis et paulum mellis adjectum est. Ad om- 15  
 nia vero ista atque etiam ad colorandas cicatrices,  
 potest ea compositio, quae ad Tryphonem patrem  
 auctorem refertur. In ea pares portiones sunt myro-  
 balani, magmatis, cretae cimoliae subceruleae, nu-  
 cum amararum, farinae hordei atque ervi, struthii 20  
 albi, fertulae campanae feminis, quae omnia contrita,  
 melle quam amarissimo coquantur, illitumque a ves-  
 pere usque mane eluitur,

## C A P. VI.

25

*De oculorum morbis: et primo de his morbis qui lenibus me-  
 dicamentis curantur.*

**S**ED haec quidem mediocria sunt. Ingentibus  
 vero et variis casibus oculi nostri patent. Qui 30  
 cum magnam partem ad vitae simul et usum et dul-  
 cedinem conferant, summa cura tuendi sunt.

Protinus autem orta lippitudine, quaedam notae sunt,  
 ex quibus, quid eventurum sit, colligere possumus. Nam  
 simul ac lachryma et tumor et crassa pituita coeperint; 35  
 si ea pituita lachrymae mista est, et ea lachryma cali-  
 da est, pituita vero alba et mollis, tumor non durus,  
 longae valetudinis metus non est. At si lachryma multa  
 et calida, pituitae paulum, tumor modicus, idque in  
 uno



uno oculo est, longum id sed sine periculo, futurum est. Idque lippitudinis genus minime cum dolore est; sed vix ante vigesimum diem tollitur; nonnunquam per duos menses durat; sed quandoque finitur.

5 Si pituita alba et mollis esse incipit; lachrymaeque miscentur, aut, si simul hæ utrumque oculum invaserunt, potest esse brevior, sed periculum ulcerum est. Pituita autem sicca et arida dolorem quidem movet, sed maturius desinit; nisi quid exulceravit.

10 Tumor magnus si sine dolore est, et siccus, sine ullo periculo est: si siccus quidem, sed cum dolore est, fere exulcerat: et nonnunquam ex eo casu fit, ut palpebra cum oculo glutinetur. Ejusdem exulcerationis timor in palpebris pupillive est; ubi super magnum dolorem, lachrymae salsae calidaeque eunt, aut  
15 etiam, si tumore infinito, diu lachryma cum pituita profluit.

Pejus etiamnum est, ubi pituita calida aut livida est, lachryma calida aut multa profluit, caput calet, a  
20 temporibus ad oculos dolor pervenit, nocturna vigilia urget, siquidem sub his oculis plerumque rumpitur, votumque est, ut tantum exulceretur. Intus ruptum oculum febricula juvat. Si foras jam ruptus procedit, sine auxilio est. Si de nigro aliquid albidum factum est, diu manet. At, si asperum, crassum  
25 est, etiam post curationem vestigium aliquod relinquit. Curari vero oculos sanguinis detractio, medicamento, balneo, vino, vetustissimus auctor Hippocrates memoriae prodidit. Sed eorum tem-  
30 pora et causas parum explicuit: in quibus Medicinæ summa est. Neque minus in abstinentia et alvi ductione saepe auxilii est. Hos igitur interdum inflammatio occupat: ubi cum tumore in his dolor est; sequiturque pituitae cursus nonnunquam copiosior  
35 vel acrior, nonnunquam utraque parte moderatior. In ejusmodi casu prima omnium sunt quies et abstinentia. Ergo primo die, loco obscuro cubare debet sic, ut a sermone, quoque abstineat: nullum cibum  
assumere,

assumere; si fieri potest, ne aquam quidem; sin minus, certe quam minimum ejus.

Quod si graves dolores sunt, commodius secundo die; si tamen res urget, etiam primo sanguis mittendus est; utique si in fronte venae tument, si firmo corpori materia superest: si vero minor impetus, minus acrem curationem requirit. Alvum sed non nisi secundo tertiove die duci oportet. At modica inflammatio neutrum ex his auxilium desiderat: satisfique est, uti quiete et abstinentia. 10

Neque tamen in lippientibus longum jejunium necessarium est, ne pituita tenuior atque acrior fiat: sed secundo die dari debet id, quod levissimum videri potest ex iis, quae pituitam faciunt crassiolem; qualia sunt ova forbilia: si minor vis urget, pulticula quoque, aut panis ex lacte. In sequentibus diebus, quantum inflammationi detrahatur, tantum adjici cibis poterit; sed generis ejusdem: utique ut nihil falsum, nihil acre, nihil ex his quæ extenuant, fumatur; nihil potui praeter aquam. Et victus quidem ratio talis maxime necessaria est. 15

Protinus autem primo die, croci p. i. \*. et farinae candidae quam tenuissimae p. ii. \*. excipere oportet ovi albo, donec mellis crassitudinem habeat: idque in linteolum illinere, et fronti agglutinare, ut compressis venis, pituitae impetum cohibeat. Si crocum non est, thus idem facit. Linteolo an lana excipiat, nihil interest. Superinungi vero oculi debent, si ut croci quantum tribus digitis comprehendi potest, fumatur, myrrhae ad fabae, papaveris lachrymae ad lenticulae magnitudinem, eaque cum passo conterantur, et specillo super oculos inducantur. Aliud id idem: myrrhae p. i. \*. mandragorae succi p. ii. \*. papaveris lachrymae p. ii. \*. foliorum rosae, cicutae feminis, singulorum p. iv. \*. acaciae p. iv. \*. gummi p. viii. \*. Et haec quidem interdium: noctu vero, quo commodior quies veniat, non alienum est, superimponere candidi panis interiorem partem ex vino subactam, nam et pituitam reprimat, et, si quid lachry-

lachrymae processit, absorbet, et oculum glutinari non patitur.

Si grave id et durum, propter magnum oculorum dolorem, videtur, ovi et album et vitellus in vas defundendum est; adjiciendumque eo muli paulum, idque digito permiscendum; ubi facta unitas est, demitti debet lana mollis bene carpta, quae id excipiat, superque oculos imponi. Ea res et levis est, et refrigerando pituitam coercet, et non exarescit, et glutinari oculum non patitur. Farina quoque hordeacea cocta, et cum malo cotoneo cocto mista commode imponitur. Neque ab ratione abhorret, etiam penicillo potissimum uti expresso, si levior impetus est, ex aqua; si major, ex posca. Priora fascia deliganda sunt, ne per somnum cadant: et hoc superimponi satis est, quia et reponi ab ipso commode potest: et cum inaruit, iterum madefaciendum est. Si tantum mali est, ut somnum diu prohibeat, eorum aliquid dandum est, quae ἀργύριον Graeci vocant: satifque est puero, quod ervi; viro, quod fabae magnitudinem impleat. In ipsum vero oculum primo die, nisi immodica inflammatio est, nihil recte conjicitur: saepe enim potius concitatur eo pituita, quam minuitur. A secundo die, gravi quoque lippitudine per indita medicamenta recte succurritur, ubi vel jam sanguis missus, vel alvus ducta est; aut ubi neutrum necessarium esse, manifestum est.

*De diversis oculorum collyriis.*

Multa autem multorumque auctorum collyria ad id apta sunt; novisque etiam nunc misturis temperari possunt; cum lenia medicamenta, et modice reprimentia, facile et varie misceantur. Ergo nobilissima exequar.

*Philonis collyrium.*

Est igitur Philonis, quod habet cerussae elotae, spodii, gummi, singulorum p. i. \*. papaveris lachrymae combustae p. i. \*. Illud scire oportet, hic quoque omnia medicamenta, singula primum per se teri, deinde mista iterum, adjecta paulatim vel aqua, vel alio



alio humore. Gummi cum quafdam alias facultates habeat, hoc maxime praestare, ut, ubi collyria facta inaruerunt, glutinata sint, neque frientur.

*Dionysii collyrium.*

Dionysii vero collyrium est: papaveris lachrymae 5 combustae, donec tenerescat p. i. \*. thuris combusti, gummi, singulorum p. ii. \*. spodii p. iv. \*.

*Cleonis collyrium.*

Cleonis nobile admodum: papaveris lachrymae frictae p. i. \*. croci p. i. \*. gummi p. i. \*. quibus, 10 cum teruntur, adjicitur rosae succus. Aliud ejusdem valentius, squamae æris, quod *σέμωμα* appellant, p. i. \*. croci p. ii. \*. spodii p. iv. \*. plumbi et eloti, et combusti p. vi. \*. gummi tantundem. Ejus aliud quoque ad idem est, maxime ubi multa pituita pro- 15 fluit: castorei p. \*. aloes p. \*. 3. croci p. \*. xx. myrrhae p. \*. ii. cadmiae curatae p. viii. \*. lycii p. \*. iii. stibis tantundem, acaciae succi p. xii. \*. quod, cum gummi miscuit, liquidum in pixidula fervatur. Theodotus vero huic compositioni adjecit papaveris lacrymae combu- 20 stae p. \*. i. æris combusti et eloti p. ii. \*. nucleorum palmarum combustorum p. x. \*. gummi p. xii. \*.

*Theodoti collyrium, Acharistum appellatum.*

At ipsius Theodoti, quod a quibusdam *ἀχάριστον* nominatur, ejusmodi est: castorei, nardi Indici, singu- 25 lorum p. i. \*. lycii p. \*. papaveris lacrymae tantundem, myrrhae p. ii. \*. croci, cerussae elotae, aloes, singulorum p. iii. \*. cadmiae botyritodis elotae, æris combusti, singulorum p. viii. \*. gummi p. viii. \*. acaciae succi p. xx. \*. stibis tantundem; quibus aqua 30 pluvialis adjicitur.

*Cythion vel Tephron collyrium.*

Praeter haec, ex frequentissimis collyriis est id, quod quidam Cythion, quidam a cinereo colore Tephron appellant. Habet amyli, tragacanthae, aca- 35 ciae succi, gummi, singulorum p. i. \*. papaveris lachrymae p. ii. \*. cerussae elotae p. iv. \*. spumae argenti elotae p. viii. quae aequae ex aqua pluviali conteruntur.

*Euelpidis collyrium, Trygodes nominatum.*

Euelpides autem, qui aetate nostra maximus fuit  
 oculus medicus, utebatur eo, quod ipse compo-  
 fuerat; et *τρυγώδες* nominabat, castorei p. ii. \*. lycii,  
 5 nardi, papaveris lacrymae, singulorum p. i. \*. cro-  
 ci, myrrhae, aloes, singulorum p. iv. \*. æris com-  
 busti p. viii. \*. cadmia, et stibis, singulorum p. xii.  
 \*. acaciae fucci p. xxvi. \*. gummi tantundem.

Quo gravior vero quacque inflammatio est, eo ma-  
 10 gis leniri medicamentum debet, adjecto vel albo ovi,  
 vel muliebri lacte. At, si neque medicus, neque me-  
 dicamentum praesto est, saepius utrumlibet horum  
 in oculos penicillo ad ipsum factō infusum, id ma-  
 lum lenit. Ubi vero aliquis relevatus est, jamque  
 15 cursus pituitae constitit, reliquias fortasse leniores fu-  
 turas discutiunt balneum et vinum, igitur lavari de-  
 bet leviter, ante ex oleo perfricatus, diutiusque in  
 cruribus et feminibus; multaque calida aqua fovere  
 oculos; deinde per caput prius calida, tum egelida  
 20 perfundi: a balneo cavere ne quo frigore afflatu ve  
 laedatur: posthaec cibo paulo pleniore, quam ex eo-  
 rum dierum consuetudine, uti; vitatis tamen omni-  
 bus pituitam extenuantibus: vinum bibere lene, sub-  
 austerum, modice vetus; neque effuse, neque timi-  
 25 de; ut neque cruditas ex eo, et tamen somnus fiat,  
 lenianturque intus latentia acria. Sed, si quis in bal-  
 neo sensit majorem oculorum perturbationem, quam  
 attulerat (quod incidere his solet, qui, manente ad-  
 huc pituitae cursu, festinarunt) quamprimum disce-  
 30 dere debet: nihil eo die vini assumere; cibi minus  
 etiam, quam pridie, deinde cum primum satis pitui-  
 ta substitit, iterum ad usum balnei redire. Solet ta-  
 men evenire nonnunquam, siue tempestatum vitio,  
 siue corporis, ut pluribus diebus neque dolor, neque  
 35 inflammatio, et minime pituitae cursus finiatur.  
 Quod ubi incidit, jamque ipsa vetustate res matura  
 est, ab his eisdem auxilium petendum est, id est bal-  
 neo ac vino. Haec enim ut in recentibus malis alie-  
 na sunt; quia concitare ea possunt, et accendere: sic  
 in

in veteribus, quae nullis aliis auxiliis cesserunt, admodum efficacia esse consueverunt, videlicet hic quoque, ut alibi, cum secunda vana fuerint, contrariis adjuvantibus. Sed ante tonderi ad cutem convenit; deinde in balneo aqua calida quam plurima caput atque oculos fovere: tum utrumque penicillo detergere, et ungere caput irino unguento: continereque in lectulo se; donec omnis calor, qui conceptus est, finiatur; desinatque fudor, qui necessario in capite collectus est. Tum ad idem cibi vinique genus veniendum est, sic, uti potiones meracae sint; obtegendumque caput, et quiescendum. Saepe enim posthaec gravis somnus, saepe fudor, saepe alvi dejectio pituitae cursum finit. Si levatum malum est (quod aliquando sepius fit) per plures dies idem fieri oportet donec ex toto sanitas restituatur. Si diebus eisdem alvus nihil reddit, ducenda est; quo magis superiores partes leventur. Nonnunquam autem ingens inflammatio tanto impetu erumpit, ut oculos sua sede propellat. *πρὸς τὸ σιν* id, quoniam oculi procidunt, Graeci appellant. His utique, si vires patiuntur, sanguinem mitti: si id fieri non potest, alvum duci, longioremque inediam indici, necessarium est. Opus autem lenissimis medicamentis est. Ideoque Cleonis collyrio quidam, quod ex duobus ante positum est, utuntur. Sed optimum est Nilei: neque de ullo magis inter omnes auctores convenit.

*Nilei collyrium, omnium optimum.*

Id habet nardi Indici, papaveris lachrymae, singulorum p. i. \*. gummi p. i. \*. croci p. ii. \*. foliorum rosae recentium p. iv. \*. quae vel aqua pluviatili, vel vino leni subaustero coguntur. Neque alienum est, malicorium, vel fertulam campanam ex vino coquere, deinde conterere: aut myrrham nigram cum rosae foliis miscere: aut hyoscyami folia cum ovi cocti vitello cocta: aut farinam cum acaciae succo, vel passo, aut mulso. Quibus si folia quoque papaveris adjiciuntur, aliquanto valentiora sunt. Horum aliquo praeparato, penicillo fovere oculos oportet, ex aqua



calida expresso, in qua ante vel myrti vel rosae folia decocta sint: deinde, ex illis aliquid imponi. Praeter haec, ab occipitio incisa cute, cucurbitula admovenda est. Quod si per haec restitutus oculus in f<sup>5</sup>dem suam non est, eodemque modo prolapsus permanet, scire oportet, lumen esse amissum: deinde futurum, ut indurescat is, aut in pus vertatur. Si suppuratio se ostendit, ab eo angulo, qui propior tempori est, incidi oculus debet; ut, effuso pure, et inflammatio ac dolor finiatur, et intus tunicae res<sup>10</sup>istant, quo minus foeda postea facies sit. Utendum deinde vel iisdem collyriis est, ex lacte aut ovo; vel croco cui album ovi misceatur. Ac, si induruit, et sic emortuus est, ne in pus verteretur; quatenus fœ<sup>15</sup>de prominebit, excidendum erit sic, ut hamo summa tunica apprehendatur, infra id deinde scalpellus incidat: tantundem medicamenta erunt conjicienda, donec omnis dolor finiatur. Iisdem medicamentis in eo quoque oculo utendum est, qui primum procidit, deinde per plura loca fissus est.

*De Carbunculis oculorum et eorum curatione.*

Solent etiam carbunculi ex inflammatione nasci, nonnunquam in ipsis oculis, nonnunquam in palpebris: et in ipsis oculis, modo ab interiore, modo ab ex<sup>25</sup>teriore. In hoc casu alvus ducenda est: cibis minuendus: lac potui dandum; ut acria, quae laeserunt, leniantur. Quod ad cataplasmata et medicamenta pertinet, his utendum, quae adversus inflammationes proposita sunt. Atque hic quoque Nilei Collyri<sup>30</sup>um optimum est. Si tamen carbunculus in exteriori palpebrae parte est, ad cataplasmata aptissimum est lini semen ex mulso coctum; aut, si id non est, tritici farina eodem modo cocta.

*De Pustulis oculorum et curatione earum.*

<sup>35</sup> Pustulae quoque ex inflammationibus interdum oriuntur. Quod si inter initia protinus incidit, magis etiam servanda sunt, quae de sanguine et quiete supra posui; sin serius, quam ut sanguis mitti possit, alvus tamen ducenda est. Si id quoque aliqua res in<sup>hibet,</sup>

hibet, utique victus ratio fervanda est. Medicamentis autem hic quoque lenibus opus est; quale Nilei, quale Cleonis est.

*Philetis collyrium ad pustulas oculorum.*

Id quoque, quod Philetis vocatur, huic aptum est. Myrrhae, papaveris lachrymae, singulorum p. i. \*. plumbi eloti, terrae Samiae, quae ἀσὴρ vocatur, tragacanthae, singulorum p. iv. \*. stibis cocti, amyli, singulorum p. xvi. \*. spodii eloti, cerussae elotae, singulorum p. viii. \*. quae aqua pluviali excipiuntur. Usus collyrii, vel ex ovo, vel ex lacte est.

*De Ulceribus oculorum, et eorum curatione et de δια-  
βαλαν collyrio.*

Ex pustulis ulcera interdum fiunt; eaque recentia aequae lenibus medicamentis nutrienda sunt, et iisdem fere, quae supra in pustulis posui. Fit quoque proprie ad haec, quod diabalany vocatur. Habet æris combusti, et eloti, papaveris lachrymae frictae singulorum p. i. \*. spodii eloti, thuris, stibis combusti et eloti, myrrhae, gummi, singulorum p. ii. \*. 20

*Curatio aliquo casu imminutorum oculorum.*

Evenit etiam, ut oculi, vel ambo, vel singuli, minores fiant, quam esse naturaliter debeant. Idque et acer pituitae cursus in lippitudine efficit, et continuati fletus, et ictus parum bene curati. In his quoque iisdem lenibus medicamentis ex muliebri lacte utendum est: cibis vero his, qui maxime corpus alere, et implere consueverunt: vitandaque omni modo causa, quae lachrymas excitet, et cura domesticorum, quorum etiam, si quid tale incidit, ejus notitiae subtrahendum: atque acria quoque medicamenta, et acres cibi non alio magis nomine his nocent, quam quod lachrymas movent. 30

*De Pediculis palpebrarum.*

Genus quoque vitii est, qui inter pilos palpebrarum pediculi nascuntur. id φθειρίαν Graeci nominant. Quod cum ex malo corporis habitu fiat, raro non ultra procedit: sed fere, tempore interposito, pituitae cursus acerrimus sequitur; exulceratisque

vehementer oculis, aciem quoque ipsam corrumpit. His alvus ducenda caput ad cutem tondendum, diuque quotidie jejunis perfricandum. His ambulationibus aliisque exercitationibus diligenter utendum: gar-  
 5 garizandumque ex mulso, in quo nepeta et pinguis ficus decocta sit: saepe in balneo multa calida aqua fovendum caput: vitandi acres cibi; lacte vinoque pingui utendum: bibendumque liberalius, quam edendum, lenia danda sunt: ne acriorem pituitam concitent:  
 10 super ipsos vero pediculos alia, quae necare eos, et prohibere, ne similes nascantur, possint. Ad id ipsum spumae nitri p. i. \*. sandarachae p. i. \*. uvae taminiae, p. \*. i. simul teruntur, adjiciturque vetus oleum pari portione, atque acetum, donec ei mellis  
 15 crassitudo sit.

*De Oculorum gravioribus morbis, qui ex inflammationibus oriuntur, et validioribus medicamentis curantur, et de Andreae collyrio, et de διακνέματος.*

Haecenus oculorum morbi, lenibus medicamentis  
 20 nutriuntur. Genera deinde alia sunt, quae diversam curationem desiderant; fereque ex inflammationibus nata sunt sed finitis quoque his manentia, atque imprimis in quibusdam perseverat tenuis pituitae cursus. Quibus alvus ab inferiore parte evocanda est, demendum aliquid ex cibo. Neque alienum  
 25 est, illini frontem compositione Andreae. Quae habet gummi p. i. \*. cerussae, stibis, singulorum p. ii. \*. spumae argenti et coctae et elotae p. iv. \*. sed ea spuma ex aqua pluviali coquitur; et arida haec medicamen-  
 30 ta ex succo myrti conteruntur. His illita fronte, cataplasma quoque superinjiciendum est ex farina, quae frigida aqua coacta sit, cuique aut acaciae fucus, aut cupressus adjecta sit. Cucurbitula quoque, inciso vertice, recte accommodatur: aut ex temporibus  
 35 sanguis emittitur. Inungi vero eo debet, quod habet squamae aeris, papaveris lachrymae; singulorum p. \*. cervini cornu combusti et eloti, plumbi eloti, gummi, singulorum p. iv. \*. thuris p. xii. Hoc vero collyrium quia cornu habet, δια κνέματος nominatur.



tur. Quotiescunque non adjicio, quod genus humoris adjiciendum sit, aquam intelligi volo.

*Μεμυγμενον, Euelpidis collyrium.*

Ad idem Euelpidis, quod *μεμυγμενον* nominabat, in eo papaveris lachrymae, et albi piperis, singulae unciae sunt, gummi libra, æris combusti p. i. \*. Inter has autem curationes, post intermissionem aliquam, profunt balneum et vinum. Cumque omnibus lip-pientibus vitandi cibi sunt, qui extenuant; tum præcipue, quibus tenuis humor diu fertur. Quod si 10 jam fastidium est eorum, quae pituitam crassio-rem reddunt, sicut in hoc genere matèriæ maxime promptum est; confugiendum est ad ea, quae, quia ventrem, corpus quoque adstringunt.

*De Oculorum ulceribus supercrescentibus, sordidis, cavis, 15 veteribus: et de curationibus singulorum.*

At ulcera, si cum inflammatione finita non sunt, aut supercrescentia, aut sordida, aut cava aut certe vetera esse consueverunt. Ex his supercrescentia collyrio, quod *μεμυγμενον* vocatur, optime reprimuntur. 20 Sordida purgantur et eodem, et eo, quod Smilion nominatur.

*Smilion collyrium.*

Habet æruginis p. iii. \*. gummi tantundem, ammoniaci, minii sinopici, singulorum p. xvi. \*. quæ quidam ex aqua; quidam, quo vehementiora sint, ex aceto terunt. 25

*Phynon collyrium Euelpidis.*

Id quoque Euelpidis, quod Phynon appellabat, huic utile est: croci p. i. \*. papaveris lachrymae, gummi, singulorum p. ii. \*. æris combusti et eloti, myrrhae, singulorum p. iv. \*. piperis albi p. vi. \*. Sed ante linitum, hoc fingendum est. 30

*Sphaerion collyrium Euelpidis.*

Id quoque ejusdem, quod Sphaerion nominabat, 35 eodem valet. Lapidis hæmatitis eloti p. ii. \*. piperis grana sex, cadmiae elotae, myrrhae, papaveris lachrymae, singulorum p. iii. \*. croci p. iv. \*. gummi p. viii. \*. quae cum vino aminæo conteruntur.

*Liqui-*

*Liquidum Euelpidis collyrium.*

Liquidum quoque medicamentum ad idem com-  
ponebat; in quo erant hæc: æruginis p. \*. minii com-  
busti, atramenti futorii, cinnamomi, singulorum p.  
5 iii. \*. croci, nardi, papaveris lachrymae, singulorum  
p. i. \*. myrrhae p. ii. \*. æris combusti p. iii. \*. cineris  
ex odoribus p. iv. \*. piperis grana xv. Haec ex vino  
austero teruntur: deinde cum passi tribus heminis  
decoquuntur, donec corpus unum sit. Idque medi-  
10 camentum vetustate efficacius fit.

*De cavis oculorum ulceribus, et curationibus.*

Cava vero ulcera commodissime implent ex his,  
quae supra posita sunt, Sphæron, et id quod Phile-  
tos vocatur. Idem Sphæron vetustis ulceribus et vix  
15 ad cicatricem venientibus optime succurrit.

*Hermonis collyrium.*

Est etiam collyrium, quod cum ad plura valeat,  
plurimum tamen proficere in his ulceribus videtur.  
Refertur ad Hermonem auctorem. Habet piperis longi  
20 p. i. 3. \*. albi p. \*. cinnamomi, costi, singulorum p. i.  
\*. atramenti futorii, nardi, casiae, castorei, singulo-  
rum p. ii. \*. gallae p. v. \*. myrrhae, croci, thuris, ly-  
cii, cerussae, singulorum p. viii. \*. papaveris lachry-  
mae p. xii. \*. aloes, æris combusti, cadmiae, singulo-  
25 rum p. xvi. \*. acaciae, stibis, gummi, singulorum  
p. xxv. \*.

*De cicatricibus oculorum, quae ex ulceribus factae sunt, et quomodo curari debeant, et de Asclepia, et Canopite, et Pyxino, collyriis.*

Factae vero ex ulceribus cicatrices duobus vitiis  
periclitantur; ne aut cavae, aut crassae sint. Si cavæ  
sunt, potest eas implere id, quod Sphaerion vocari  
dixi; vel id, quod Asclepias nominatur. Habet pa-  
paveris lachrymae p. ii. \*. sagapeni, opopanacis, sin-  
35 gulorum p. iii. \*. æruginis p. iv. \*. gummi p. viii. \*.  
piperis p. xii. \*. cadmiae elotae, cerussae, singulorum  
p. xvi. \*. At, si crassae cicatrices sunt, extenuat vel  
Smilion, vel Canopite collyrium, quod habet cinna-  
momi, acaciae, singulorum p. i. \*. cadmiae elotæ,  
croci.

croci, myrrhae, papaveris lachrymae, gummi, singulorum p. ii. \*. piperis albi, thuris, singulorum p. iii. \*. æris combusti p. ix. \*. cum aqua pluviali. Vel Euelpidis Pyxinum, quod ex his constat: salis fossilis p. iv. \*. ammoniaci thymiamatis p. viii. \*. papaveris lacrymae p. xii. \*. cerussae p. xv. \*. piperis albi, croci Cilicii, singulorum p. lii. \*. gummi p. xiii. \*. cadmiae elotae p. ix. \*. Maxime tollere cicatricem videtur, id quod habet gummi p. iii. \*. æruginis p. i. \*. crocomagmatis p. iv. \*. 5 10

*De alio genere Inflammationis oculorum.*

Est etiam genus inflammationis, in qua, si cui tument ac distenduntur cum dolore oculi, sanguinem ex fronte emitti necessarium: multaque aqua calida caput atque oculos fovere: gargarizare ex lentis 15 cula, vel ex fici cremore: inungi acribus medicamentis, quae supra comprehensa sunt; maximeque eo, quod Sphaerion nominatur, quod lapidem haematiten habet. Atque alia quoque utilia sunt, quae ad extenuandam aspritudinem fiunt; de qua protinus 20 dicam. Hanc autem inflammatio oculorum ferre sequitur; interdum major, interdum lenior. Nonnunquam etiam ex aspritudine lippitudo fit deinde aspritudinem ipsam auget, fitque ea in aliis brevis, in aliis longa, et quae vix unquam finiatur. In hoc gene- 25 re valetudinis quidam crassas, durasque palpebras, et ficulneo folio, et asperato specillo, et interdum scalpello eradunt; versasque quotidie medicamentis suffricant. Quæ neque nisi in magna vetustaque aspritudine, neque saepe facienda sunt. Nam melius eodem 30 ratione victus et idoneis medicamentis pervenitur. Ergo exercitationibus utemur, et balneo frequentiore; multaque oculorum palpebras aqua calida fovebimus: cibos autem sumemus acres et extenuantes.

*Caesarianum collyrium.*

35

At medicamentum id, quod Caesarianum vocatur, habet atramenti futorii p. i. \*. misyos p. \*. piperis albi p. v. \*. papaveris lacrymae, gummi, singulorum p. ii. \*. cadmiae lotae p. iii. \*. stibis p. vi. \*. Sa-  
L 1 tis-



tisque constat, hoc collyrium adversus omne genus oculorum valetudinis idoneum esse; exceptis his, quae lenibus nutriuntur.

*Hieracis collyrium.*

5 Id quoque, quod Hieracis nominatur, ad aspritudinem potest. Habet myrrhae p. i. \*. ammoniaci thymiamatis p. ii. \*. aeruginis raseae p. iv. \*. cum aqua pluviali. Ad idem idoneum est etiam id, quod Canopite est, et id quod Smilion vocatur, et id quod  
10 Pyxinum, et id quod Sphaerion. Si composita medicamenta non adfunt, felle caprino, vel quam optimo melle satis commode aspritudo curatur.

*De Syrophthalmia genere aridae lippitudinis.*

Est etiam genus aridae lippitudinis, *Συροφθαλμία*  
15 Graeci appellant. Neque tument, neque fluunt oculi, sed rubent tantum, et cum dolore quodam gravefcunt, et palpebrae citra duritiem ullam noctu praegravi pituita inalefcunt: quantoque minor generis hujus impetus, tanto finis minus expeditus est.  
20 In hoc vitio multum ambulare, multum exerceri, lavari saepe, ibique defudare, multaque frictione uti necessarium est. Cibi neque qui implent, neque nimium acres, apti sunt, sed inter hos medii. Mane, ubi concoxisse manifestum est, non est alienum ex  
25 napi gargarizare, tum deinde caput atque os diutius perfricare.

*Rhinion collyrium.*

Collyrium vero hoc aptissimum est, quod Rhinion vocatur. Habet myrrhae, p. i. \*. papaveris lacrymae, acaciae succi, piperis, gummi, singulorum p.  
30 i. \*. lapidis haematitis, lapidis Phrygii, Lycii, lapidis scissilis, singulorum p. ii. \*. æris combusti p. iv. \*. Ac Pyxinum quoque eodem accommodatum est.

*Ad oculos scabros collyria.*

35 Si vero scabri oculi sunt, quod maxime in angulis esse consuevit, potest prodesse Rhinion, id quod supra positum est. Potest similiter prodesse id, quod habet aeruginis raseae, piperis longi, papaveris lacrymae, singulorum p. ii. \*. piperis albi, gummi, singu-  
lo-

lorum p. iv. \*. cadmiae lotae, cerussae, singulorum p. vi. \*. Nullum tamen melius est, quam Euelpidis, quod βασιλικὸν nominabat. Habet papaveris lacrymæ, cerussae, lapidis Aſii, singulorum p. ii. \*. gummi p. xiii. \*. piperis albi p. iv. \*. croci p. vi. \*. pſorici p. 5 xiii. \*. Nulla autem per se materia est, quae Pſoricum nominatur; sed chalcitidis aliquid, et cadmiae dimidio plus ex aceto simul conteruntur, idque in vas fictile additum, et contactum ficulneis foliis sub terra reponitur sublatumque post dies viginti rursus 10 teritur, et sic appellatur. Verum in basilico quoque collyrio convenit, ad omnes affectus oculorum id esse idoneum, qui non lenibus medicamentis curantur. Ubi non sunt autem medicamenta composita, scabros angulos laevant et mel et vinum. Succur- 15 ritque et his et aridae lippitudini, si quis panem ex vino subactum super oculum imponit. Nam, cum fere sit humor aliquis, qui modo ipsum oculum, modo angulos, aut palpebras exasperat, sic, et si quid prodit humoris, extrahitur; et si quid juxta est re- 20 pellitur.

*Ad Caliginem quae oculorum propter lippitudinem oritur remedia et collyria.*

Caligare vero oculi nonnunquam ex lippitudine, nonnunquam etiam sine hac, propter senectutem, im- 25 becillitatemve aliam, consueverunt. Si ex reliquis lippitudinis id vitium est, adjuvat collyrium, quod Asclepias nominatur. Adjuvat et id, quod ex crocomagmate fit.

*διὰ κρόκου collyrium*

30

Proprie etiam ad id componitur, quod διὰ κρόκου vocant. Habet piperis p. i. \*. croci Cilicii, papaveris lacrymae, cerussae, singulorum p. ii. \*. pſorici, gummi, singulorum p. iv. \*.

*Ad Caliginem oculorum quae propter senectutem, aut ali- 35 am imbecillitatem fit.*

At, si ex senectute aliave imbecillitate id est, recte inungi potest, et melle quam optimo, et cyprino, et oleo vetere. Commodissimum tamen est, balsami

partem unam, et olei veteris, aut cyprini partes duas, mellis quam acerrimi partes tres miscere. Utilia quoque huic medicamenta sunt, quae ad caliginem proxime, quaeque ad extenuandas cicatrices supra  
 5 comprehensa sunt. Cuicumque vero oculi caligabunt, huic opus erit multa ambulatione, atque exercitatione, frequenti balneo, ubi totum quidem corpus perfricandum est, praecipue tamen caput et quidem irino, donec infudet; velandumque postea, nec de-  
 10 tegendum, antequam sudor et calor domi conquierint. Tum cibis utendum acribus, et extenuantibus: interpositisque aliquibus diebus, ex sinapi gargarizandum.

*De Suffusione oculorum.*

15 Suffusio quoque, quam Graeci ὑπόχυσιν nominant, interdum oculi potentiae, qua cernit, se opponit. Quod si inveteraverit, manu curandum est. Inter initia nonnunquam etiam certis observationibus discutitur. Sanguinem ex fronte vel naribus mittere;  
 20 in temporibus venas adurere; gargarizando pituitam evocare; suffumigare; oculos acribus medicamentis inungere, expedit. Victus optimus est, qui pituitam extenuat.

*De resolutione oculorum quae paralysis dicitur.*

25 Ac ne resolutio quidem oculorum (quam παράλυσιν Græci nominant) alio victus modo, vel aliis medicamentis curanda est. Exposuisse tantum genus vitii satis est. Igitur interdum evenit, modo in altero oculo, modo in utroque, aut ex ictu aliquo, aut ex  
 30 morbo comitali, aut ex distentione nervorum, qua vehementer oculus ipse concussus est, ut is, neque quoquam intendi possit, nec omnino consistat; sed huc illucve sine ratione moveatur, ideoque ne conspectum quidem rerum praestet.

35 *De Mydriasi oculorum.*

Non multum ab hoc malo distat id, quod μυδριασιν Græci vocant. Pupilla effunditur et dilatatur, aciesque ejus hebescit; ac pene difficillime genus id imbecillitatis eliditur. In utraque vero, id est et paralyfi  
 et



et mydriasi, pugnandum est per eadem omnia, quae in caligine oculorum praecepta sunt, paucis tantum mutatis: siquidem ad caput irino interdum acetum, interdum nitrum adjiciendum est; melle inungi satis est. Quidam in posteriore vitio calidis aquis usi re-  
levatique: quidam sine ulla manifesta causa subito obcæcati sunt. Ex quibus nonnulli, cum aliquandiu nihil vidissent, repentina profusione alvi, lumen receperunt. Quo minus alienum videtur, ex recenti re et interposito tempore, medicamentis quoque mo-  
liri dejectiones, quæ omnem noxiam materiam in inferiora depellant.

*De imbecillitate oculorum.*

Præter hæc imbecillitas oculorum est, ex qua quidem interdum satis, noctu nihil cernunt; quod in faciem bene respondentibus mestrui non cadit. Sed sic laborantes inungi oportet sanguine jecinoris (maxime hircini; sin minus, caprini) ubi id assum coquitur, excepto: atque edi quoque ipsum jecur debet. Licet tamen etiam iisdem medicamentis non inutiliter  
uti, quae vel cicatrices, vel aspritudinem extenuant. Quidam contrito semine portulacae mel adjiciunt, eatenus, ne id ex specillo distillet, eoque inungunt. Exercitationibus, balneo, frictionibus, gargarizationibus iisdem, his quoque utendum est.

*Ad oculos, qui extrinsecus offenduntur, cum sanguine suffusi sunt.*

Et hæc quidem in ipsis corporibus oriuntur. Extrinsecus vero interdum si ictus oculum laedit, ut sanguis in eo suffundatur. Nihil commodius est, quam sanguine vel columbæ, vel palumbi, vel hirundinis inungere. Neque id sine causa fit; cum horum acies extrinsecus læsa, interposito tempore in antiquum statum redeat, celeberrimeque hirundinis. Unde etiam locus fabulae factus est, aut per parentes aut id herba chelidonia restitui, quod per se sanescit. Eorum ergo sanguis nostros quoque oculos ab externo casu commodissime tuetur, hoc ordine, ut sit hirundinis optimus, deinde palumbi, minime efficax columbae, et illi ipsi,

ipsi, et nobis. Supra percussum vero oculum, ad inflammationem leniendam, non est alienum imponere etiam cataplasmata. Sed sal ammoniacus, vel quilibet alius quam optimus teri debet, sic, ut ei paulatim oleum adjiciatur, donec crassitudo strigmenti fiat. Id deinde miscendum est cum hordeacea farina, quae ex mulso decocta sit. Facile autem, recognitis omnibus, quae medici quoque prodiderunt, apparere cuilibet potest, vix ullam ex iis, quae supra  
10 comprehensa sunt, oculi vitium esse, quod non simplicibus quoque, et promptis remediis submovere possit.

## C A P. VII.

15

*De aurium morbis, et curationibus.*

**H**ACTENUS in oculis ea reperiuntur, in quibus medicamenta plurimum possint: ideoque ad aures transeundum est; quarum usum proximum  
20 a luminibus natura nobis dedit. Sed in his aliquanto majus periculum est, nam vitia oculorum intra ipsos nocent: aurium inflammationes doloresque, interdum etiam ad dementiam mortemque praecipitant. Quo magis inter initia protinus succurrendum est, ne  
25 majori periculo locus sit. Ergo, ubi primum dolorem aliquis sensit, abstinere et continere se debet. Postero die, si vehementius malum est, caput tondere, idque irino unguento calido perungere, et operire. At magnus cum febre vigiliaque dolor exigit, ut sanguis quoque mittatur. Si id aliquae causae prohibent, alvus solvenda est. Cataplasmata quoque calida, subinde mutata proficiunt; sive foeni graeci, sivi lini, sive alia farina ex mulso decocta est. Recte etiam subinde admoventur spongiae, ex aqua calida expressae. Tum,  
35 levato dolore, ceratum circumdari debet ex irino, aut cyprino factum. In quibusdam tamen melius, quod ex rosa factum est, proficit. Si vehemens inflammatio somnum ex toto prohibet, adjici cataplasmati debent papaveris cortices fricti atque contriti  
sic,

fic, ut ex his pars dimidia sit; eaque tum simul ex passo misto decoquatur. In aurem vero infundere aliquod medicamentum oportet: quod semper ante tepefieri convenit, commodissimeque per strigilem instillatur, ubi auris repleta est, super lana mollis addenda est, quae humorem intus contineat. Et haec quidem communia sunt. Medicamentum vero est et rosae, et radicum arundinum succus, et oleum, in quo lumbrici cocti sunt, et humor ex amaris nucibus, aut ex nucleo mali Perfici expressus. Composita vero 10 ad inflammationem doloremque leniendum haec fere sunt: castorei, papaveris lacrymae, pares portiones conteruntur, deinde adjicitur his passum. Vel papaveris lacrymae, croci, myrrhae par modus sic teritur, ut invicem modo rosa, modo passum instilletur. 15 Vel id, quod amarum in Ægyptia faba est, conteritur, rosa adjecta. Quibus myrrhae quoque paulum a quibusdam miscetur, vel papaveris lacrymae, aut thus cum muliebri lacte, vel amararum nucum cum rosae succo. Vel castorei, myrrhae, papaveris lacrymae 20 pares portiones cum passo. Vel croci p. i. \*. myrrhae, aluminis scissilis, singulorum p. iii. \*. quibus, cum teruntur, paulatim miscentur passi cyathi tres, mellis minus cyatho. Idque ex primis medicamentis est. Vel papaveris lacryma ex aceto. Licet etiam 25 compositione uti Themisonis; quae habet castorei, opopanax, papaveris lacrymae ex aceto, singulorum p. ii. \*. spumae lycii p. iv. \*. quae contrita passo excipiuntur, donec cerati crassitudinem habeant; atque ita reponuntur. Ubi usus requiritur; rursus 30 idem medicamentum, adjecto specillo passo, teritur. Illud perpetuum est, quotiescunque crassius medicamentum est, quam ut in aurem instillari possit, adjiciendum cum esse humorem, ex quo id componi debet, donec satis liquidum sit. 35

Si vero pus quoque aures habent, recte lycium per se infunditur; aut irinum unguentum; aut porri succus cum melle; aut centaureae succus cum passo; aut punici mali dulcis succus in ipsius cortice tepefactus, adjecta



adjuncta myrrhae exigua parte. Recte etiam miscen-  
 tur myrrhae, quam *σταλιν* cognominant, p. i. \*. croci  
 tantundem, nuces amarae xv. mellis sesquicyathus;  
 quae contrita, cum utendum est, in cortice mali pu-  
 5 nici tepefiant. Ea quoque medicamenta, quae oris  
 exulcerati causa componuntur, aequae ulcera aurium  
 sanant. Quae si vetustiora sunt, et multa sanies fluit,  
 apta compositio est, quae ad auctorem Erasistratum  
 refertur; piperis, croci, singulorum p. i. \*. myrrhae,  
 10 misyos cocti, singulorum p. ii. \*. æris combusti p. ii. \*.  
 haec ex vino teruntur: deinde ubi inaruerunt, adji-  
 ciuntur passi heminae tres, et simul coquuntur. Cum  
 utendum est, adjicitur his mel et vinum. Est etiam  
 Ptolemæi chirurgici medicamentum, quod habet len-  
 15 tisci, gallae, singulorum p. i. \*. omphacii p. i. \*. fuc-  
 cum punici mali. Est Menophili validum admodum,  
 quod ex his constat: piperis longi p. i. \*. castorei p.  
 ii. \*. myrrhae, croci, papaveris lacrymae, nardi Syri-  
 aci, thuris, malicorii, ex Ægyptia faba partis interi-  
 20 oris, nucum amararum, mellis quam optimi, singulo-  
 rum p. iv. \*. Quibus, cum teruntur, adjicitur ace-  
 tum, quam acerrimum, donec crassitudo in his passi  
 fiat. Est Cratonis: cinnamomi, casiae, singulorum  
 p. i. \*. nardi, lycii myrrhae, singulorum p. i. \* aloes  
 25 p. ii. \*. mellis cyathi tres, vini sextarius. Ex qui-  
 bus vinum cum lycio decoquitur; deinde his alia  
 miscntur. At si multum puris, malusque odor est,  
 æruginis rasae, thuris, singulorum p. ii. \*, mellis cya-  
 thi duo, aceti quatuor simul incoquuntur; ubi uten-  
 30 dum est, dulce vinum miscetur. Aut aluminis scissi-  
 lis, papaveris lacrymae, acaciae succi par pondus mis-  
 cetur, hisque adjicitur hyoscyami succi dimidio mi-  
 nor, quam unius ex superioribus, portio; eaque trita  
 ex vino diluuntur. Per se quoque hyoscyami succus  
 35 satis proficit. Commune vero auxilium adversus om-  
 nes aurium casus, jamque usu comprobatum Ascle-  
 piades composuit. In eo sunt cinnamomi, casiae, sin-  
 gulorum p. i. \*. floris junci rotundi, castorei, piperis  
 albi, longi, amomi, myrobalani, singulorum scrupuli  
 duo.

duo, thuris masculi, nardi Syriaci, myrrhae pinguis, croci, spumae nitri, singulorum p. ii. \*. Quae separatim contrita, rursus mista, ex aceto conteruntur; atque ita condita, ubi utendum est, aceto diluuntur. Eodem modo commune auxilium auribus laboranti-  
bus est Polybii sphragis ex dulci vino liquata. Quae compositio priori libello continetur. Quod si et sanies profluit, et tumor est, non alienum est, misto vino per oricularium clysterem eluere; et tum infundere vinum austerum cum rosa mixtum, cui spodii paululum sit adiectum, aut lycium cum lacte, aut herbae sanguinalis succum cum rosa, aut mali punici succum cum exigua parte myrrhae. Si sordida quoque ulcera sunt, melius mulso eluuntur; et tum aliquod ex his, quae supra scripta sunt, quod mel habeat, infunditur. Si magis pus profluit, et caput utique tondendum est, et multa calida aqua perfundendum, et gargarizandum; et usque ad lassitudinem ambulandum, et cibo modico utendum est. Si cruor quoque ex ulceribus apparuit, lycium cum lacte debet infundi; vel aqua, in qua rosa decocta sit, succo; aut herbae sanguinalis, aut acaciae adiecto. Quod si super ulcera caro increvit, eaque mali odoris, sanguinem fundit, aqua tepida elui debet; tum infundi id, quod ex thure et æruginè, et aceto, et melle sit, aut mel cum æruginè incoctum. Squama quoque æris cum sandaracha contrita per fistulam recte instillatur.

*Adversus aurium Vermes.*

Ubi vero vermes orti sunt, si juxta sunt, protrahendi oriculario specillo sunt: si longius, medicamentis enecandi; cavendumque, ne postea nascantur. Ad utrumque proficit album veratrum cum aceto contritum. Elui quoque aurem oportet vino, in quo marrubium decoctum sit. Sic emortui vermes in primam auris partem provocabuntur, unde facillime educi possunt.

*Ad compressa aurium foramina.*

Sin foramen auris compressum est, et intus crassa sanies subest, mel quam optimum addendum est. Si

id parum proficit, mellis cyatho et dimidio, æruginis rosæ p. ii. \*. adjiciendum est, incoquendumque, et eo utendum. Iris quoque cum melle idem proficit. Item mellis et rosæ scrupuli duo. Item galbani p. ii. \*. myrrhæ cum melle, et fellis taurini, singulorum p. ii. \*. vini quantum satis est ad myrrham diluendam.

*Ad Gravem auditum.*

Ubi vero gravius aliquis audire cœpit (quod maxime post longos capitis dolores evenire consuevit) in primis aurem ipsam considerare oportet. Apparebit enim, aut crusta, qualis super ulcera innascitur, aut sordium coitus. Si crusta est, infundendum est aut oleum calidum, aut cum melle ærugo, vel porri succus aut cum mulso nitri paulum. Atque, ubi crusta a corpore jam recedit, eluenda auris est aqua tepida; quo facilius ea per se diducta oriculario specillo protrahatur. Si sordes eæque molles sunt, eodem specillo eximendæ sunt. At, si duræ sunt, acetum et cum eo nitri paululum cojiciendum est; cumque emollitæ sunt, eodem modo elui aurem, purgarique oportet. Quod si capitis gravitas manet, attundendum idem; et leniter, sed diu perfricandum est, adjecto vel irino vel laureo oleo, sic ut utrilibet paulum aceti misceatur: tum diu ambulandum, leniterque post unctionem aqua calida caput fovendum: cibisque utendum ex imbecillissima et media materia; magisque assumendæ dilutæ potiones: nonnunquam gargarizandum est. Infundendum autem in aures castoreum cum aceto et laureo oleo et succo radiculæ corticis: aut cucumeris agrestis succus, adjectæ rosæ foliis contritis. Immaturæ quoque uvæ succus cum rosa instillatus, adversus furditatem satis proficit.

*Ad Sonitum aurium intra seipfas.*

Aliud vitii genus est, ubi aures intra seipfas sonant. Atque hoc quoque fit, ne externum sonum accipiant. Levissimum est, ubi id ex gravedine est: pejus, ubi ex morbis, capitifve longis doloribus incidit: pessimum, ubi, magnis morbis venientibus, maxi-



maximeque comitali, provenit. Si ex gravedine est, purgare aurem oportet, et spiritum continere, donec, inde humor aliquis exspumet. Si ex morbo vel capitis dolore, quod ad exercitationem, frictionem, perfusionem, gargarizationemque pertinet, eadem facienda sunt: cibus non utendum nisi extenuantibus: in aurem dandus radiculæ succus cum rosa, vel cum succo radice ex cucumere agresti, vel castoreum ex aceto, et laureo oleo. Veratrum quoque cum aceto conteritur, deinde melle cocto excipitur, et deinde collyrium factum in aurem demittitur. Si sine his coepit, ideoque novo metu terret, in aurem dari debet castoreum cum aceto, vel irino, vel laureo oleo; aut huic mistum castoreum cum succo nucum amararum; aut myrrha et nitrum cum rosa et aceto. Plus tamen in hoc quoque proficit victus ratio: eademque facienda sunt, quæ supra comprehendit, cum majore quoque diligentia: et præterea, donec is sonus finiatur, a vino abstinendum. Quod si simul et sonus, et inflammatio est, laureum oleum conjecisse abinde est aut id, quod ex amaris nucibus exprimitur; quibus quidam vel castoreum, vel myrrham miscent,

*Ad ea, quæ in aurem inciderunt, extrahenda.*

Solet etiam interdum in aurem aliquid incidere, ut calculus, aliquodve animal. Si pulex intus est, compellendum eo lanae paulum est; quod ipse is subit, et simul extrahitur. Si non est secutus, aliudve animal est, specillum lana involutum in resinam quam glutinosissimam, maximeque terebinthinam demittendum, idque in aurem injiciendum, ibique verendum est, utique enim comprehendet et eximet. Sin aliquid exanime est, specillo oriculario protrahendum est, aut hamulo retuso paulum recurvato. Si ista nihil proficiunt, potest eodem modo resina protrahi. Sternutamenta quoque admota id commode elidunt, aut oriculario clystere aqua vehementer impulsus compulsa. Tabula quoque collocatur media innaerens capitibus utrinque pendentibus, superque nam homo deligatur in id latus versus, cujus auris

eo modo laborat, sic ut extra tabulam emineat: tum malleo caput tabulae, quod a pedibus est, feritur; atque ita concussa aure, id quod inest, excidit.

5

## C A P. VIII.

*De Narium morbis et curationibus.*

**N**ARES vero intus exulceratas fovere oportet  
vapore aquae calidae. Id est spongia expressa  
10 atque admota, fit et subiecto vase oris angusti calida  
aqua repleto. Post id fomentum, illinenda ulcera  
sunt, aut plumbi recremento, aut cerussa, aut argenti  
spumam cum quolibet horum aliquis conterit, ei-  
que dum teritur invicem vinum et oleum myrteum  
15 adjicit donec mellis crassitudinem fecerit. Sin autem  
ea ulcera circa nares sunt, pluresque crustas et odo-  
rem foedum habent, quod genus Graeci ὀζανον appel-  
lant; sciri quidem debet, vix ei malo posse succurri.  
Nihilominus tamen haec tentari possunt; ut caput  
20 ad cutem tondeatur, assidueque vehementer perfrice-  
tur, multa calida aqua perfundatur: multa ei ambu-  
latio fit; cibis modicus, neque acer, neque valentis-  
simus. Tum in narem ipsam, mel cum exiguo mo-  
do resinae terebinthinae conjiciatur (quod specillo  
25 quoque involuto lana fit) attrahaturque spiritu is-  
succus, donec in ore gustus ejus sentiatur. Sub his  
enim crustae resolvuntur, quae tum per sternutamen-  
ta elidi debent. Puris ulceribus vapor aquae calidae  
subjiciendus est: deinde adhibendum aut lycium ex  
30 vino dilutum, aut amurca, aut omphacium, aut  
menthae, aut marrubii succus; aut atramentum futori-  
um, quod candens factum, deinde contritum fit; aut  
interior scillae pars contrita; sic ut horum cuilibet mel  
adjiciatur. Cujus in caeteris admodum exigua pars  
35 esse debet; in atramento futorio tanta, ut ea mistura  
liquida fiat; cum scilla utique pars major; involven-  
dumque lana specillum est, et in eo medicamen in-  
tingendum, eoque ulcera implenda sunt. Rursusque  
linamentum involutum et oblongum eodem medica-  
mento

mento illinendum, demittendumque in narem est, et ab inferiore parte leniter deligandum. Idque per hiemem et ver bis die; per aestatem et autumnum, ter die fieri debet. Interdum vero etiam in naribus carunculae quaedam similes muliebribus mammis nascuntur, haeque imis partibus, quae carnosissimae sunt, inhaerent. Has curare oportet medicamentis adurentibus; sub quibus ex toto consumuntur. Polypus vero est caruncula, modo alba, modo subrubra, quae narium ossi inhaeret; et modo ad labra pendens narem implet, modo retro per id foramen, quo spiritus a naribus ad fauces descendit, adeo, increscit, uti post uvam conspici possit; strangulatque hominem, maxime austro aut euro flante; fereque mollis est, raro dura; eaque magis spiritum impedit, et nares dilatat; quae fere *καρκινώδες* est, itaque attingi non debet. Illud aliud genus fere quidem ferro curatur; interdum tamen inarescit; si addita in narem per linamentum aut penicillum ea compositio est, quae habet minii sinopici, chalcitidis, calcis, sandarachae, singulorum p. i. \*. atramenti futorii p. ii. \*.

## C A P. IX.

*De Dentium dolore, et curationibus.*

25

**I**N dentium autem dolore, qui ipse quoque maximis tormentis annumerari potest, vinum ex toto circumcidendum est: cibo quoque primo abstinendum, deinde eo modico mollique utendum, ne mandentis dentes irritet: tum extrinsecus admovendus per spongiam vapor aquae calidae; imponendumque ceratum ex cyprino aut irino factum, lanaque id comprehendendum, caputque velandum est. Quod si gravior is dolor est, utiliter et alvus ducitur, et calida cataplasmata super maxillas injiciuntur, et ore humor calidus cum medicamentis aliquibus continetur, saepiusque mutatur. Cujus rei causa et quinquefolii radix in vino misto coquitur; et hyoscyami radix



radix vel in posca, vel in vino mixto coquitur sic, ut paulum his salis adjiciatur; et papaveris non nimium aridi cortices, et mandragorae radix, eodem modo. Sed in his tribus utique vitandum est, ne,  
5 quod haustum erit, devoretur. Ex populo quoque alba cortex radice in hunc usum in vino mixto recte coquitur, et in aceto cornu cervinum rasum et nepeta cum teda pingui: ac item ficus pinguis vel in mulso, vel in aceto et melle, ex quibus cum ficus decocta est, is humor percolatur. Specillum quoque  
10 lana involutum in calidum oleum demittitur, eoque ipso dens fovetur. Quinetiam quaedam quasi cataplasmata in dentem ipsum illinuntur, in quem usum ex malo punico acido atque arido malicorii pars inferior cum pari portione et gallae et pinei corticis  
15 conteritur, misceturque his minium: eaque contrita aqua pluviali coquuntur: aut panacis, papaveris lacrymae, peucedani, uvae tamineae sine feminibus pares portiones conteruntur: aut galbani partes tres,  
20 papaveris lacrymae pars quarta. Quicquid dentibus admotum est, nihilominus supra maxillam ceratum (quale supra posui) esse debet lana obtectum. Quidam etiam myrrhae, cardamomi, singulorum p. i. \*. croci, pyrethri, fisorum, piperis, singulorum p. iv. \*.  
25 sinapis p. viii. \*. contrita linteolo illinunt, imponuntque in humero partis ejus, qua dens dolet; si is superior est, a scapulis; si inferior, a pectore: idque dolorem levat, et cum levavit, protinus submovendum est. Si vero exesus est dens, festinare ad eximendum  
30 eum, nisi res coegit, non est necesse: sed cum omnibus fomentis, quae supra posita sunt, adjiciendae quaedam valentiores compositiones sunt, quae dolorem levant, quales haec sunt, habet autem papaveris lacrymae p. i. \*. piperis p. ii. \*. psoreos p. x. \*. quae  
35 contrito galbano excipiuntur, idque circumdatur: aut Menemachi, maxime ad maxillares dentes, in qua sunt, croci p. i. \*. cardamomi, thuris fuliginis, fisorum parvorum, pyrethri, singulorum p. iv. \*. sinapi p. viii. \*. Quidam autem immiscent pyrethri, piperis, elaterii

elaterii, singulorum p. i. \*. aluminis scissilis, papaveris lacrymae, uvae tamineae, sulphuris ignem non experti, bituminis, lauri baccarum, sinapis, singulorum p. ii. \*. Quod si dolor eximi eum cogit, et piperis semen cortice liberatum, et eodem modo bacca<sup>5</sup>; hederac coniecta in id foramen, dentem findit, isque forte stans excidet. Et plani piscis (quam nos pastinacam, Graeci *τρύγωνα* vocant) aculeus torretur, deinde conteritur, resinaque excipitur, quae denti circumdata hunc solvit. Et alumen scissile in id foramen con-<sup>10</sup>fectum dentem citat. Sed id tum canna involutum in lanula demitti commodius est; quia sic dente servato, et dolorem levat. Hæc a Medicis accepta sunt, sed agrestium experimento cognitum est, cum dens dolet, herbam mentastrum cum suis radicibus velli<sup>15</sup> debere, et in pelvem conjici, supraque aquam infundi, collocarique juxta sedentem hominem undique veste contactum; tum in pelvem candentes filices demitti, sic, ut aqua tegantur, hominemque eum hiante ore vaporem excipere, ut supra dictum est,<sup>20</sup> undique inclusum. Nam et sudor plurimus sequitur, et per os continens pituita defluit; idque saepe longiorem, saepe annuam valetudinem bonam præstat.

## C A P. X.

28

*De Tonsillis, et earum cura.*

**S**I vero tonsillae sine exulceratione per inflammationem intumuerunt, caput velandum est, extrinsecus is locus vapore calido fovendus; multa<sup>30</sup> ambulatione utendum; caput in lecto sublime habendum; gargarizandumque est ex reprimentibus. Radix quodque ea, quam dulcem appellant, contusa et in passo mulsove decocta, idem præstat. Leniterque quibusdam medicamentis eas illini non alienum<sup>35</sup> est; quae hoc modo fiunt. Ex malo punico dulci succus exprimitur, et ejus sextarius in leni igne coquitur, donec ei mellis crassitudo sit; tum croci, myrrhae, aluminis scissilis, singulorum p. ii. \*. per  
fe

se conteruntur, paulatimque his adjiciuntur vini lenis cyathi duo, mellis unus; deinde priori succo ista miscentur, et rursus leniter incoquuntur: aut ejusdem fucci sextarius eodem modo coquitur, atque eadem ratione trita ei adjiciuntur haec; nardi p. \*. omphacii p. i. \*. cinnamomi, myrrhae, casiae, singulorum p. i. \*. Eadem autem haec et auribus et naribus purulentis accommodata sunt. Cibus quoque in hac valetudine lenis esse debet, ne exasperet.

10 Quod si tanta inflammatio est, ut spiritum impediat, in lecto conquiescendum: a cibo abstinendum, neque assumendum quicquam praeter aquam calidam est: alvus quoque ducenda est: gargarizandum ex fico et mulso: illinendum mel cum omphacio, intrin-

15 secus admovendus, sed aliquanto diutius, vapor aquae calidae, donec ea suppurent, et per se aperiantur. Si pure substante non rumpuntur hi tumores, incidendi sunt, deinde ex mulso calido gargarizandum ex fico. At, si modicus quidem tumor, et exulceratio est, furfurum cremori ad gargarizandum paulum mellis adjiciendum est, illinendaque ulcera hoc medicamento: passi quam dulcissimi tres heminae ad unam coquuntur; tum adjicitur thuris p. i. \*. croci, myrrhae, singulorum, p. i. \*. leniterque omnia rursus

20 fervere. Ubi pura ulcera sunt, eodem furfurum cremore, vel lacte gargarizandum est. Atque hic quoque cibus lenibus opus est; quibus adjici dulce vinum potest.

30

## C A P. XI.

*De Oris Ulceribus, et curationibus et quae antherae sunt.*

ULCERA autem oris, si cum inflammatione sunt, et parum pura ac rubicunda sunt, optime his medicamentis curantur, quae supraposita ex malis punicis fiunt. Continendusque saepe ore reprimens cremor est, cui paulum mellis sit adjectum: utendum ambulationibus, et non acri cibo. Simul atque vero pura ulcera esse ceperunt, lenis humor, interdum



interdum etiam quam optima aqua ore continenda est. Prodestque assumptum purum vinum, pleniorque cibus; dum acribus vacet: inspergigue ulcera debent alumine scissili, cui dimidio plus gallae immaturae sit adjectum. Si jam crustas habent, quales in adustis 5 esse consuerunt, adhibendae sunt hæ compositiones, quas Graeci ἀσθηρὰς nominant. Junci quadrati, myrrhae, sandarachae, aluminis, pares portiones: aut croci, myrrhae, singulorum p. ii. \*. iridis, aluminis scissilis, sandarachae, singulorum p. iv. \*. junci qua- 10 drati p. viii. \*. aut gallae, myrrhae, singulorum p. ii. \*. aluminis scissilis p. ii. \*. rosae foliorum p. iv. \*. Quidam autem croci p. \*. aluminis scissilis, myrrhae, singulorum p. i. \*. sandarachae p. ii. \*. junci quadrati p. iv. \*. miscent. Priora arida insperguntur: 15 hoc cum melle illinitur; neque ulceribus tantum, sed etiam tonsillis. Verum ea longe periculosissima sunt ulcera, quas ἄφθας Graeci appellant; sed in pueris, hos enim saepe consumunt, in viris et mulieribus idem periculum non est. Haec ulcera a gingi- 20 vis incipiunt; deinde palatum, totumque os occupant; tum ad uvam faucesque descendunt, quibus obsessis, non facile fit, ut puer convalescat, ac miserius etiam est, si lactens adhuc infans est, quo minus imperari remedium aliquod potest. Sed imprimis nutrix co- 25 genda est exerceri ambulationibus hisque operibus, quae superiores partes movent: mittenda in balneum, jubendaque ibi calida aqua mammas perfundere: tum alenda cibus lenibus, et his qui non facile corrumpuntur: potiones, si febricitat puer, aquae: si 30 sine febre est, vini diluti, ac, si alvus nutrici subsistit, ducenda est. Si pituita in os ejus coit, vomere debet. Tum ipsa ulcera perungenda sunt melle, cui rhos quem Syriacum vocant, aut amaræ nuces adjectæ sunt: vel mistis inter se rosae foliis aridis, nucleis 35 pineis, menthae coliculo, melle, vel eò medicamento, quod ex moris fit: quorum succus eodem modo, quo punici mali, ad mellis crassitudinem coquitur, eademque ratione ei crocum, myrrha, alumen, vi-  
N n num,

num, et mel miscetur. Neque quicquam dandum, ad quod humor evocari possit. Si vero jam firmior puer est: gargarizare debet his fere, quæ supra comprehensa sunt. At, si lenia medicamenta in eo parum proficiunt, adhibenda sunt ea, quæ adurendo crustas ulceribus inducant. Quale est scissile alumen, vel chalcitis, vel atramentum futorium. Prodest etiam fames et abstinencia, quanta maxima imperari potest. Cibus debet esse lenis. Ad purganda tamen ulcera, interdum caseus ex melle recte datur.

## C A P. XII.

*De Linguae ulceribus.*

**L**INGUÆ quoque ulcera non aliis medicamentis legent, quam quæ prima parte superioris capitis exposita sunt. Sed quæ in latere ejus nascuntur, diutissime durant. Videndumque est, num contra dens aliquis acutior sit, qui fanescere saepe ulcus eo loco non finit, ideoque limandus est.

## C A P. XIII.

*De Parodontidibus, gingivarum tuberculis, deque aliis, ulceribus gingivarum.*

**S**OLENT etiam interdum juxta dentes in gingivis tubercula quaedam oriri dolentia; *παροδοντιδαι* Graeci appellant. Haec initio leniter sale contrito perfricare oportet; aut inter se mixtis sale fossili combusto, cupresso, nepeta; deinde eluere os cremore lenticulae, et inter haec hiare, donec pituitae satis profluat. In majore vero inflammatione iisdem medicamentis utendum est, quæ ad ulcera oris supposita sunt: et mollis linamenti paulum involvendum aliqua compositione ex his, quas *ανδρας* vocari dixi: demittendumque id inter dentem et gingivam. Quod si durior erit, et id prohibebit, extrinsecus admoventus erit spongiae vapor calidus, imponendumque ceratum. Si suppuratio se ostendet, diutius eo vapore

pore utendum erit: erit et continendum ore calidum  
 mulsum, in quo ficus decocta sit. Itemque subcru-  
 dum incidendum, ne, si ibi diutius pus permanferit,  
 os laedat. Quod si major is tumor est, commodius  
 totus exciditur, sic ut ex utraque parte dens libere-  
 tur. Pure exempto, si levis plaga est, fatis est ore cali-  
 dam aquam continere, et extrinsecus fovere eodem  
 vapore: si major est, lenticulae cremore uti, iisdem  
 medicamentis, quibus caetera ulcera oris curantur.  
 Alia quoque ulcera in gingivis plerumque oriuntur,  
 quibus eadem, quae in reliquo ore, succurrunt. Ma-  
 xime tamen mandere ligustrum oportet, succumque  
 eum ore continere. Fit etiam interdum, ut ex gingi-  
 vae ulcere, siue *παρὰδεντιδης* fuit, siue non fuit, diutius  
 pus feratur, quod dente aut corrupto, aut fracto,  
 vel aliter vitiato osse: maximeque id per fistulam  
 venire consuevit. Ubi incidit, locus aperiendus,  
 dens eximendus; testa ossis, si qua excessit, reciden-  
 da est; si quid vitiosum est, radendum. Post quae,  
 quid fieri debeat, supra in aliorum ulcerum curatione  
 comprehensum est. Si vero a dentibus gingivae re-  
 cedunt, eadem antherae succurrunt. Utile est etiam  
 pira aut mala non permatura mandere, et ore eum  
 humorem continere. Idemque praestare non acre  
 acetum in ore retentum potest.

25

## C A P. XIV.

*De Uvae morbo, et curatione.*

UVAE vehemens inflammatio terrere quoque  
 debet. Itaque in hac abstinencia necessaria est,  
 et sanguis recte mittitur; et, si id aliqua res prohi-  
 bet, alvus utiliter ducitur: caputque super haec ve-  
 landum, et sublimius habendum est: tum aqua gar-  
 garizandum, in qua simul rubus et lenticula decocta  
 sit. Illinenda autem ipsa uva vel omphacio, vel  
 galla, vel alumine scissili, sic ut cuilibet eorum mel  
 adjiciatur. Est etiam medicamentum huic aptum,  
 quod Andronium appellatur, constat ex his; alumine



scissili, squama æris rubri, atramento futorio, galla, myrrha, mify; quae per se contrita, mistaque rursus paulatim adjecto vino austero, teruntur, donec his mellis crassitudo sit. Ubi horum aliquo illita uva est.  
 5 Chelidoniae quoque succo per cochlear illita uva maxime prodest, fere multa pituita decurrit: cumque ea quievit, ex vino calido gargarizandum. Quod si minor in ea inflammatio, laser terere, eique adjicere frigidam aquam satis est, eamque aquam cochleari  
 10 exceptam ipsi uvae subjicere. Ac mediocriter eam tumentem aqua quoque frigida, eodem modo subiecta, reprimit. Ex eadem autem aqua gargarizandum quoque est, quae vel cum lasere, vel sine eo, hac curatione uvae subiecta est.

15

## C A P. XV.

*De Cancro oris.*

**S**I quando autem ulcera oris cancer invasit, pri-  
 20 mo considerandum est, num malus corporis habitus sit, eique occurrendum: deinde ipsa ulcera curanda. Quod si in summa parte id vitium est, satis proficit anthora, humido ulceri arida inspersa: sic-  
 ciori, cum exigua parte mellis illita. Si paulo altius,  
 25 chartæ combustæ partes duæ, auripigmenti pars una. Si penitus malum descendit, chartæ combustæ partes tres, auripigmenti pars quarta aut pares portiones salis fricti, et iridis frictæ: aut item pares portiones chalcitidis, calcis, auripigmenti. Necessarium autem  
 30 est linamentum in rosa tingere, et super adurentia medicamenta imponere; ne vicinum et sanum locum lædant. Quidam etiam in acris aceti heminam frictum salem conjiciunt, donec tabescere desinat; deinde id acetum coquunt, donec exsiccetur; eumque sa-  
 35 lem contritum inspergunt. Quoties autem medicamentum injicitur; et ante et post os diluendum est vel cremore lenticulae, vel aqua, in qua aut erum, aut oleæ, aut verbenae decoctæ sint, sic, ut cuilibet eorum paulum mellis misceatur. Acetum quoque ex  
 scilla

scilla retentum ore, fatis adversus haec. ulcera proficit: ex aceto cocto sali, sicut supra demonstratum est, rursus mistum acetum sed et diu continere utrumlibet, et id bis aut ter die facere, prout vehemens malum est, necessarium est. Quod si puer est, cui id incidit, specillum lana involutum in medicamentum demittendum est, et super ulcus tenendum; ne per imprudentiam adurentia devoret. Et, si dolor in gingivis est, moventurque aliqui dentes, refici eos oportet, nam curationes vehementer impediunt. Si nihil 10 medicamenta proficient, ulcera erunt adurenda. Quod tamen in labris ideo non est necessarium, quoniam excidere commodius est. Et id quidem, æque adustum, atque excisum, sine ea curatione, quæ corpori manu adhibetur, impleri non potest. Gingivarum 15 vero ossa, quae hebetia sunt, in perpetuum ustione nudantur; neque enim postea caro increscit. Imponenda tamen adustis lenticula est, donec sanitatem, qualis esse potest, recipiant.

20

## C A P. XVI.

*De Parotidibus quae sub auribus oriuntur.*

**H**ÆC in capite fere medicamentis egent. Sub ipsis vero auribus oriri *παρωτιδεις* solent; modo in 25 secunda valetudine, ibi inflammatione orta; modo post longas febres, illuc impetu morbi converso. Id abscessus genus est. Itaque nullam novam curationem desiderat: animadversionem tantummodo hanc habet necessariam, ut, si sine morbo id intumuit, primum reprimendum experimentum est: si ex adversa 30 valetudine, illud inimicum est, maturarique et quam primum aperiri commodius est.

C A P. XVII. *De Umbilici prominentis curatione.*

35

**A**D umbilicos vero prominentes, ne manu ferroque utendum sit, ante tentandum est, ut abstineant, alvus his ducatur: imponatur super umbilicum id, quod ex his constat; Cicutæ et fuliginis, singulorum

gulorum p. i. \*. cerussae elotae p. iv. \*. plumbi eloti p. viii. \*. ovis duobus; quibus etiam folani succus adjicitur. Hoc dilutius impositum esse oportet; et interim conquiescere hominem: cibo modico uti, sic  
5 ut vitentur omnia infantia.

## CAP. XVIII.

*De obscenarum partium vitiis, et curationibus.*

10 **P**roxima sunt ea, quae ad partes obscenas pertinent; quarum apud Graecos vocabula et tolerabilius se habent, et accepta jam usu sunt, cum omni fere medicorum volumine atque sermone jactentur: apud nos foediora verba, ne consuetudine quidem aliqua verecundius loquentium commendata  
15 sunt: ut difficilis haec explanatio sit, simul et pudorem, et artis praecepta servantibus. Neque tamen ea res a scribendo detertere me debuit. Primum, ut omnia, quæ salutaria accepi, comprehenderem: dein,  
20 quia in vulgus eorum curatio etiam praecipue cognoscenda est, quæ invitissimus quisque alteri ostendit.

*De Colis morbis, et curationibus.*

Igitur si ex inflammatione coles intumuit, reduci-  
que summa cutis, aut rursus induci non potest, mul-  
25 ta calida aqua fovendus locus est. Ubi vero glans contacta est, oriculario quoque clystere inter eam cutemque aqua calida inferenda est; si mollita sic et extenuata cutis ducenti paruit, expeditior reliqua curatio est: si tumor vicit, imponenda est vel lenticula  
30 vel marrubium, vel oleæ folia ex vino cocta, sic ut cuilibet eorum, dum teritur, mellis paulum adjiciatur: sursumque coles ad ventrem deligandus est: quod in omni curatione ejus necessarium est: isque homo continere se, et abstinere a cibo debet, et po-  
35 sitione aquae tantum a siti vindicari. Postero die rursus adhibendum iisdem rationibus aquae fomentum est, et cum vi quoque experiundum, an cutis sequatur: eaque, si non parebit, leviter summo scalpello concidenda erit: nam, cum sanies profluxerit, exte-  
nuabitur



nuabitur is locus, et facilius cutis ducetur. Sive autem hoc modo victa erit, sive nunquam repugnauerit; ulcera vel in cutis ulteriore parte, vel in glande, ultrave eam in cole reperientur: quae necesse est, aut pura siccae sint, aut humida et purulenta: si sicca, sunt primum aqua calida fovenda sunt: deinde imponendum lycium ex vino est, aut amurca cocta cum eodem, aut cum rosa butyrum. Si levis iis humor est, vino eluenda sunt; tum butyri et rosae et mellis paulum, et resinae terebinthinae pars quarta adjicienda est, eoque utendum. Aut, si pus ex iis profluit, ante omnia elui mulso calido debent: tum imponi piperis p. i. \*. myrrhae p. ii. \*. croci, misyos cocti, singulorum p. ii. \*. quae ex vino austero coquantur, donec mellis crassitudinem habeant. Eadem autem compositio tonsillis, uvæ madenti oris nariumque ulceribus accommodata est. Aliud ad eam, piperis p. i. \*. myrrhae p. i. \*. croci p. ii. \*. misyos cocti p. i. \*. æris combusti p. ii. \*. quae primum ex vino austero conteruntur; deinde, ubi inaruerunt, iterum teruntur ex passi tribus cyathis, et incoquantur, donec visci crassitudinem habeant. Ærugo quoque cum cocto melle, et ea, quae ad oris ulcera supra comprehensa sunt, curant. Aut Erasistrati compositio, aut Cratonis, recte super purulenta naturalia imponitur. Folia quoque oleae ex novem cyathis, vini coquantur; his adjicitur aluminis scissilis p. iv. \*. lycii p. viii. \*. mellis sesquicyathus: ac, si plus puris est, id medicamentum ex melle: si minus, ex vino diluitur. Illud perpetuum est; post curationem, dum inflammatio manet, quale suprapositum est, cataplasma supra dare, et quotidie ulcera eadem ratione curare. Quod si pus et multum, et cum malo odore coepit profluere, elui cremore lenticulae debet, sic, ut ei mellis paulum adjiciatur: aut oleae aut lentisci folia; vel marrubium decoquendum est, eoque humore eodem modo cum melle utendum: imponendaque eadem; aut etiam omphacium cum melle; aut id, quod ex aerugine et melle ad aures fit; aut

aut compositio Andronis; aut anthera, sic, ut ei paulum mellis adjiciatur. Quidam ulcera omnia, de quibus adhuc dictum est, lycio ex vino curant.

Si vero ulcus latius atque altius serpit, eodem modo elui debet: imponi vero, aut ærugo, aut òmphacium cum melle; aut Andronis compositio; aut marubii, myrrhae aut croci, aluminis scissilis cocti, rosae foliorum aridorum, gallae, singulorum p. i. \*. minii sinopici p. ii. \*. quæ per se singula primum teruntur; deinde juncta iterum, melle adjecto, donec liquidi cerati crassitudinem habeant; tum in æneo vase leniter coquuntur, ne superfluant; cum jam guttae indurescunt, vas ab igne removetur: idque medicamentum prout opus est, aut ex melle aut ex vino liquatur. Idem autem per se etiam ad fistulas utile est. Solet etiam interdum ad nervos ulcus descendere; profluitque multa pituita, sanies tenuis malique odoris, non coacta, aut aquæ similis, in qua caro recens lota est: doloresque is locus, et punctiones habet. Id genus quamvis inter purulenta est, tamen lenibus medicamentis curandum est; quale est emplastrum τετραφάρμακον ex rosa liquatum, sic, ut thuris quoque paulum ei misceatur: aut id, quod ex butyro, rosa, resina, melle fit; supra vero a me positum est. Præcipueque id ulcus multa calida aqua fovendum est, velandumque, neque frigori committendum. Interdum autem per ipsa ulcera coles sub cute exesus sic, ut glans excidat. Sub quo casu cutis ipsa circumcidenda est. Perpetuumque est, quoties glans, aut ex cole aliquid, vel excidit, vet abscinditur, ~~hanc~~ non esse servandam, ne confidat, ulcerique agglutinetur, ac neque reduci possit postea, et fortasse fistulam quoque urinæ cludat. Tubercula etiam, quæ σύματα Graeci vocant, circa glandem oriuntur; quæ vel medicamentis, vel ferro aduruntur; et cum crustae exciderunt, squama æris inspergitur, ne quid ibi rursus incre scat.

*De Cancris qui in Cole nascitur, curatione.*

Hæc citra cancrum sunt; qui cum in reliquis partibus,

tibus, tum in his quoque vel praecipue ulcera infestat. Incipit a nigritie; quæ si cutem occupavit, protinus specillum subjiciendum, eaque incidenda est; deinde orae vulsellaprehendendae, tum, quicquid corruptum est, excidendum, sic, ut ex integro quoque paulum demat, idque adurendum. Quoties quid nustum est, id quoque sequitur, ut imponenda lenticula sit: deinde, ubi crustæ exciderunt, ulcera sic ut alia curentur. At, si cancer ipsum colem occupavit, inspergenda aliqua sunt ex adurentibus, maximeque id, 10 quod ex calce, chalcitide, auripigmento componitur. Si medicamenta vincuntur, hic quoque scalpello, quicquid corruptum est, sic, ut aliquid etiam integri trahat, præcidi debet. Illud quoque æque perpetuum est; exciso cancro, vulnus esse adurendum. Sed si 15 ex medicamentis, si ex ferro crustae occalluerint, magnum periculum est, ne his decidentibus, ex cole profusio sanguinis insequatur. Ergo longa quiete et immobili pene corpore opus est, donec ex ipso crustae purae leviter resolvantur. At si vel volens aliquis, vel imprudens, dum ingreditur immature, crustas diduxit, et fluit sanguis, frigida aqua adhibenda est. Si haec parum valet, decurrendum est ad medicamenta, quae sanguinem supprimunt. Si ne haec quidem succurrunt, aduri diligenter et timide debet: 25 neque ullo postea motu dandus eidem periculo locus est.

*De Phagedæna in Cole nascentis curatione.*

Nonnunquam etiam id genus ibi cancri, quod *φάγδαρυα* a Græcis nominatur, oriri solet. In quo minime 30 differendum, sed protinus iisdem medicamentis occurrendum est; et, si parum valent, ferro adurendum. Quaedam etiam nigrities est, quae non sentitur, et serpit, ac, si sustinuimus, usque ad vesicam tendit: neque succurri postea potest. Si id in summa 35 glande, circa fistulam urinae est, prius in ea tenue specillum demittendum est, ne claudatur; deinde id ferro adurendum: si vero alte penetravit, quicquid

O o

occu-



occupatum est, praecidendum est. Cæterum eadem, quae in aliis cancris facienda sunt.

*De Carbunculo, qui in Cole nascitur.*

Occallescit etiam in cole interdum aliquid; idque  
 5 omni pene sensu caret; quod ipsum quoque excidi  
 debet. Carbunculus autem ibi natus, ut primum apparet, oriculario clystere eluendus est: deinde ipse quoque medicamentis urendus, maximeque chalcitide cum melle, aut ærugine cum cocto melle, aut  
 10 ovillo stercore fricto et contrito cum eodem melle. Ubi is excidit, liquidis medicamentis utendum est, quae ad ora ulceris componuntur.

*De Testiculorum morbis, et eorum curatione.*

In testiculis vero, siqua inflammatio sine ictu orta  
 15 est, sanguis ex talo mittendus est: a cibo abstinendum: imponendum, ex faba farina ex mulso cocta, cum cumino contrito ex melle cocto; aut contritum cuminum cum cerato ex rosa facto; aut lini semen frictum, contritum, et in mulso coctum; aut tritici  
 20 farina ex mulso cocta cum cupresso; aut lilii radix contrita. Aut, si iidem induruerunt, imponi debet lini vel fœni Graeci semen ex mulso coctum; aut ex cyprino ceratum: aut similia ex vino contrita, cui paulum croci sit adjectum. Si vetustior jam durities est, maxime proficit cucumeris agrestis radix  
 25 ex mulso cocta, deinde contrita. Si ex ictu tument, sanguinem mitti necessarium est, magisque, si etiam livent. Imponendum vero utrumlibet ex his, quae cum cumino componuntur, supraque proposita  
 30 sunt; aut ea compositio, quae habet nitri cocti p. i. \*. resinae pineae, gummi, singulorum p. ii. \*. uvae taminiae sine seminibus p. iv. \*. mellis quantum satis sit ad ea cogenda. Quod si ex ictu testiculis aliquid desit, fere quoque pus increfcit; neque aliter  
 35 succurri potest, quam si, inciso scroto, et pus emissum, et ipse testiculus excisus est.

*De Rhagadiis.*

Anus quoque multa taedique plena mala recipit, nec in se multum abhorrentes curationes habet. At

pri-

primum in eo saepe, et quidem pluribus locis, cutis exciditur, *payadia* Graeci vocant. Id si recens est, quiescere homo debet, et in aqua calida desidere. Columbina quoque ova coquenda sunt, et, ubi induerunt, purganda: deinde alterum jacere in aqua, bene calida debet, altero calido foveri locus, sic, ut invicem utroque aliquis utatur. Tum tetrâpharmacum, aut rhypodes rosa diluendum est; aut hyssopum recens miscendum cum cerato liquido ex rosa factô; aut eidem cerato liquido plumbum elotum adjiciendum; aut resinae terebinthinae myrrha; aut spumæ argenti vetus oleum; et quolibet ex his id perungendum. Si quicquid laesum est, extra est, neque intus reconditum, eodem medicamento tinctum linamentum superdandum est, et quicquid ante adhibuimus, cerato contegendum. In hoc autem casu, neque acribus cibus utendum, neque asperis, nec alvum comprimentibus: ne aridum quidem quicquam fatis utile est, nisi admodum paulum. Liquida, lenia, pingua, glutinosa, meliora sunt. Vino leni uti nihil prohibet.

*De Candylomate.*

Condyloma autem est tuberculum, quod ex quadam inflammatione nasci solet. Id ubi ortum est, quod ad quietem, cibos potionesque pertinet, eadem fervari debent, quae proxime scripta sunt. Iisdem etiam ovis recte tuberculum id fovetur, sed desidere ante homo in aqua debet, in qua verbenae decoctae sunt ex reprimentibus: tum recte imponitur et lentacula cum exigua mellis parte, et sertula campana ex vino cocta, et rubi folia contrita cum cerato ex rosa factô; et cum eodem cerato contritum vel cotoneum malum, vel malicorii ex vino cocti pars interior: et chalcitis cocta atque contrita, deinde hyssopo ac rosa excepta; et ex ea compositione, quae habet thuris p. i. \*. aluminis scissilis p. ii. \*. cerussae p. iii. \*. spumae argenti p. v. \*. quibus, dum teruntur, invicem rosa et vinum instillatur. Vinculum autem ei loco linteolum aut panniculus quadratus est, qui

ad duo capita duas anfas, ab altera vero parte totidem fascias habet: cumque subjectus est, ansis ac ventrem datis, a posteriore parte in eas adductae fasciae conjiciuntur, atque, ubi arctatae sunt, dexterior  
 5 sinistra, sinisteriori dextra procedit, circumdataeque circa alvum inter se novissime nodo deligantur. Sed si vetus condyloma jam induruit, neque sub his curationibus desidit, aduri medicamento potest, quod ex his constat; æruginis p. ii. \*. myrrhae p. iv. \*  
 10 gummi p. viii. \*. thuris p. xii. \*. stibis, papaveris lacrymae, acaciae, singulorum p. xvi. \*. Quo medicamento quidam etiam ulcera, ne quibus proximè dixi, renovant. Si hoc parum in condylomate proficit, adhiberi possunt etiam vehementius adurentia  
 15 Ubi consumptus est tumor, ad medicamenta lenia transeundum est.

*De Haemorrhoidibus.*

Tertium autem vitium est, ora venarum tanquam ex capitulis quibusdam surgentia, quae saepe sanguinem fundunt; *αιμορροΐδας* Græci vocant. Idque etiam  
 20 in ore vulvae foeminarum incidere consuevit. Atque in quibusdam parum tuto supprimitur; qui sanguinis profluvio imbecilliores non fiunt, habent enim purgationem hanc, non morbum. Ideoque curant  
 25 quidam, cum sanguinis exitum non haberent, inclinata in praecordia ac viscera materia, subitis et gravissimis morbis correpti sunt. Si cui vero id nocet, is desiderare in aqua ex verbenis debet: imponere maxime malicorium cum aridis rosae foliis contritum  
 30 aut ex his aliqua, quae sanguinem supprimunt. Solet autem oriri inflammatio, maxime ubi dura alvum locum laesit. Tum in aqua dulci desidendum est, et id fovendum ovis, imponendi vitelli cum rosae foliis ex passio subactis: idque, si intus est, digito  
 35 illinendum; si extra, superillitum panniculum imponendum est. Ea quoque medicamenta, quae recentibus scissuris posita sunt, hic idonea sunt. Cibis vero in hoc casu iisdem, quibus in prioribus, utendum est. Si ista parum juvant, solent imposita medica-  
 menta



menta adurentia ea capitula absumere. Ac, si jam vetustiora sunt, sub auctore Dionysio inspergenda sandaracha est: deinde imponendum, quod ex his constat; squamae æris, auripigmenti, singulorum p. v. \*. faxi calcis p. viii. \*. postero die acu compungendum. Aduſtis capitulis fit cicatrix, quae sanguinem fundi prohibet. Sed, quoties is suppressus est, ne quid periculi afferat, multa exercitatione digerenda materia est: praetereaque et viris, et foeminis, quibus menstrua non proveniunt, interdum ex brachio sanguis mittendus est.

*Si Anus, vel Os vulvae procidit, qua curatione utendum sit.*

At, si anus ipse, vel os vulvae procidit (nam id quoque interdum fit) considerari debet, purum ne sit, quod provolutum est, an humore mucoso circumdatum. Si purum est, in aqua desidere homo debet, aut falsa, aut cum verbenis vel malicorio incocta. Si humidum, vino austero subluendum est, illinendumque fece vini combusta. Ubi utrolibet modo curatum est, intus reponendum est: imponendaque plantago contrita, vel folia falicis in aceto cocta, tum linteolum et super lana, æque deliganda, cruribus inter se devinctis.

*De ulcere Fungo simili in ano aut vulva.*

Fungo quoque simile ulcus in eadem sede nasci solet. Id, si hiems est, egelida; si aliud tempus, frigida aqua fovendum est; dein squama æris inspergenda, supraque ceratum ex myrteo factum, cui paulum squamae, fuliginis, calcis sit adjectum. Si id hac ratione non tollitur, vel medicamentis vehementioribus, vel ferro adurendum est.

## C A P. XIX.

*De Digitorum ulceribus.*

35

**D**igitorum autem vetera ulcera commodissime curantur, aut lycio, aut myrrha cocta; cum utrolibet vinum adjectum est. In iisdem recedere caruncula

cula ab ungue cum magno dolore consuevit; *πτερυγιον* Graeci appellant. Oportet alumen Melium rotundum in aqua liquare, donec mellis crassitudinem habeat: tum, quantum ejus aridi fuit, tantundem  
5 mellis infundere, et radicula miscere, donec similis croco colore fiat, eoque illinere. Quidam ad eundem usum decoquere simul malunt, cum paria pondera aluminis aridi et mellis miscuerint. Si hac ratione ea non exciderunt, excidenda sunt: deinde  
10 digiti fovendi aqua ex verbenis, imponendumque super medicamentum ita factum: chalcitis, malicorium, squamae æris excipiuntur fico pingui leniter cocto ex melle; aut chartae combustae, auripigmenti, sulphuris ignem non experti par modus cerato  
15 miscetur ex myrteo facto; aut æruginis rasae p. i. \*. squamae p. ii. \*. mellis cyatho coguntur; aut pares portiones miscentur, faxi calcis, chalcitidis, auripigmenti. Quicquid horum impositum est, tegendum linteolo aqua madefacto est. Tertio die digitus  
20 resolvendus est, si quid aridi est, iterum excidendum, similisque adhibenda curatio est. Si non vincitur, purgandus est scalpello, tenuibusque ferramentis adurendus est, et sicut reliqua usta, curandus est.

At, ubi scabri ungues sunt, circum aperiri debent,  
25 qua corpus contingunt: tum super eos ex hac compositione æque imponi; sandarachae, sulphuris, singulorum p. ii. \*. nitri, auripigmenti, singulorum p. iv. \*. resinæ liquidæ p. viii. \*. tertioque id die resolvendum est. Sub quo medicamento vitiosi ungues  
30 cadunt, et in eorum locum meliores renascuntur.

---



---

A. CORN. CELSUS

DE

M E D I C I N A.

---

LIBER SEPTIMUS.

I N C I P I T.

*De Chirurgica, et qui in ea claruerint, et qualis esse Chirurgicus debeat, et quid hoc in libro describatur.*

**T**ERTIAM esse medicinæ partem, quæ manu curet, et vulgo notum, et a me propositum est. Ea non quidem medicamenta atque victus rationem omittit; sed manu tamen plurimum præstat; estque ejus effectus inter omnes medicinæ partes evidentissimus. Si quidem in morbis cum multum fortuna conferat, eademque sæpe salutaria, sæpe vana sint; potest dubitari, secunda valetudo medicinæ, an corporis beneficio contigerit. In his quoque, in quibus medicamentis maxime nitimur, quamvis profectus evidentior est, tamen sanitatem et per hæc frustra quæri, et sine his reddi sæpe, manifestum est. Sicut in oculis quoque deprehendi potest; qui a medicis diu vexati, sine his interdum sanescunt. At in ea parte, quæ manu curat, evidens est, omnem  
15  
pro-



profectum, ut aliquid ab aliis adjuvetur, hinc tamen plurimum trahere. Hæc autem pars, cum sit vetustissima, magis tamen ab illo parente omnis medicinæ Hippocrate, quam a prioribus excolta est. Deinde, 5 posteaquam diducta ab aliis habere professores suos cœpit, in Ægypto quoque increvit, Philoxeno maxime auctore, qui pluribus voluminibus hanc partem diligentissime comprehendit. Gorgias quoque et Sostratus, et Hieron et Appolonii duo, et Ammonius A- 10 lexandrinus, multique alii celebres viri, singuli quædam reppererunt. Ac Romæ quoque non mediocres professores, maximeque nuper Tryphon pater, et Eulpistus, Phlegetis filius, et, ut ex scriptis ejus intelligi potest, horum eruditissimus Meges, quibusdam in 15 melius mutatis, aliquantum ei disciplinæ adjecerunt.

Esse autem Chirurgicus debet adolescens, aut certe adolescentiæ propior; manu strenua, stabili, nec unquam intremiscente, eaque non minus sinistra, quam dextra promptus; acie oculorum acri, claraque; ani- 20 mo intrepidus, immisericors, sic, ut sanari velit eum, quem accipit, non ut clamore ejus motus, vel magis, quam res desiderat, properet, vel minus, quam necesse est, secet: sed perinde faciet omnia, ac si nullus ex vagitibus alterius affectus oriatur.

25 Potest autem requiri, quid huic parti proprie vendicandum sit: quia vulnerum quoque ulcerumque multorum curationes, quas alibi executus sum, Chirurgici sibi vendicant. Ego eundem quidem hominem posse omnia ista præstare concipio: atque, ubi 30 se diviserunt, eum laudo, qui quamplurimum percipit. Ipse autem huic parti ea reliqui, in quibus vulnus facit medicus, non accipit; et in quibus vulneribus ulceribusve plus perfici manu, quam medicamento, credo: tum, quicquid ad ossa pertinet. Quæ 35 deinceps exequi aggrediar, dilatisque in aliud volumen ossibus, in hoc cætera explicabo: præpositisque his, quæ in qualibet parte corporis fiunt, ad ea, quæ proprias sedes habent, transibo.

C A P. I. *De Luxatis, et vexatis.*

LUXATA igitur in quacunque parte corporis sunt, quamprimum sic curari debent, ut, qua dolor est, ea scalpello cutis crebro incidatur, deter- 5 gaturque eodem adverso profluens sanguis; quod si paulo tardius subvenitur, jamque etiam rubor est, qua rubet corpus, si tumor quoque accessit, quacunque is est, id optimum auxilium est. Tum superdanda reprimentia sunt; maximeque lana succida ex a- 10 ceto et oleo. Quod si levior is casus est, possunt etiam, sine scalpello, imposita eadem mederi. Et, si nihil aliud est, cinis quoque; maxime ex sarmentis: si is non est, quilibet alius ex aceto, vel etiam ex aqua coactus. 15

## C A P. II.

*De his, quae per se intumescunt, quomodo excidenda, et curanda sint.* 20

VERUM hoc quidem promptum est, in his autem negotium majus est, quae per se, vitio intus orto, intumescunt, et ad suppurationem spectant. Ea omnia genera abscessuum esse alias proposui, medicamenta- 25 que his idonea executus sum: nunc superest, ut dicam in iisdem quæ manu fieri debeant. Ergo, priusquam indurescant, cutem incidere, et cucurbitulam accommodare oportet; quæ, quicquid illum malae corruptaeque materiae coiit, extrahat: idque iterum, tertioque recte fit, donec omne indicium inflammationis excidat. Neque tamen fas non est, nihil cucurbitulam agere. Interdum enim, sed raro, quicquid abscedit, velamento suo includitur; id antiqui tunicam nominabant. Meges, quia tunica omnis nervosa est, dicit, non nasci sub eo vitio nervum, quo 35 caro consumeretur, sed subjecto jam vetustiore pure, callum circumdari. Quod ad curationis rationem nullo loco pertinet; quia quicquid dixi, si tunica est, idem, si callus est, fieri debet: neque ulla res prohibet, 40

bet, etiam si callus est, tamen, quia cingit, tunicam nominari: tum, pure quoque maturior haec interdum esse consuevit: ideoque, quod sub ea est, extrahi per cucurbitulam non potest; sed facile id intelligitur, ubi nihil admota illa mutavit. Ergo, si id incidit, si jam durities est, in hac auxilii nihil est: et ut alias scripsi, vel avertenda concurrens eo materia, vel digerenda, vel ad maturitatem perducenda est. Si priora contigerunt, nihil praeterea necessarium est. Si pus maturuit, in alis quidem et inguinibus raro secandum est: item ubicunque mediocris abscessus est: item quoties in summa cute, vel etiam carne vitium est; nisi festinare cubantis imbecillitas cogit. Satisque est cataplasomatis efficere, ut per se pus aperiatur; nam fere sine cicatrice potest esse is locus, qui expertus ferrum non est. Si autem altius malum est, considerari debet, nervosusne is locus sit, an non sit. Nam, si sine nervis est, candenti ferramento aperiri debet; cuius haec gratia est, quod exigua plaga diutius ad pus evocandum patet, parvaeque postea cicatrix sit. At, si nervi iuxta sunt, ignis alienus est; ne vel distendantur hi vel membrum debilitent: necessaria vero opera scalpelli est. Sed caetera etiam subcruda aperiri possunt; inter nervos vero ultima expectanda maturitas est, quae cutem extenuet, ei-que pus jungat, quo propius reperiatur. Itemque alia rectam plagam desiderant, in carne: quia fere vehementer cutem extenuat, tota ea super pus excidenda est. Semper autem, ubi scalpellus admovetur, id agendum est, ut et quam minimae et quam paucissimae plagae sint: cum eo tamen, ut necessitati succurramus, et in modo, et in numero. Nam majores sinus, latius; interdum etiam duabus, aut pluribus lineis incidendi sunt. Dandaque opera, ut imus sinus exitum habeat ne quis humor intus subsidat, qui proxima et adhuc sana rodendo sinuet. Est etiam in rerum natura, ut cutis latius excidenda sit. Nam, ubi post longos morbos totus corporis habitus vitiatum est, lateque si sinus suffudit, et in eo pars cutis pallet;




let; scire licet, eam jam emortuam esse, et inutilem futuram. Ideoque excidere commodius est: maxime, si circa articulos majores id evenit, cubantemque ægrum fluens alvus exercuit, neque per alimenta quicquam corpori accedit. Sed excidi ita debet, ut plaga ad similitudinem myrtei folii fiat, quo facilius sanescat, idque perpetuum est, ubicunque medicus ex quacunque causa cutem excidit. Pure effuso, in alis vel inguinibus linamento opus non est, spongia ex vino imponenda est. In caeteris partibus, si æque 10 ea linamenta supervacua sunt, purgationis causa paulum mellis infundendum; dein glutinantia superdanda: si illa necessaria sunt, super ea quoque similiter dari spongia eodem modo ex vino expressa debet. Quando autem linamentis opus sit, quando non sit 15 alias dictum est. Cætera eadem, incisa suppuratione, facienda sunt, quae ubi per medicamenta rupta est, facienda esse proposui.

## C A P. III.

20

*De bonis, malisve signis exulceratorum.*

**P**Rotinus autem, quantum curatio efficiat, quantumque aut sperari aut timeri debeat, ex quibusdam signis intelligi potest; fereque iisdem, quae 25 in vulneribus exposita sunt. Nam bona signa sunt, somnum capere, facile spirare, siti non confici, cibum non fastidire, si febricula fuit, ea vacare: itemque habere pus album, læve, non foedi odoris. Mala sunt, vigilia, spiritus gravitas, sitis, cibi fastidium, febris, 30 pus nigrum, aut feculentum, et foedi odoris: item procedente curatione eruptio sanguinis; aut si, antequam sinus carne impleatur, oræ carnosæ fiunt, illa quoque ipsa carne hebetæ, nec firma. Deficere tamen animam vel ipsa curatione, vel postea, pessimum om- 35 nium est. Quinetiam morbus ipse, sive subito solutus est, dein suppuratio exorta est; sive effuso pure permanet, non injuste terret. Estque inter causas timoris, si sensus in vulnere rodentium non est. Sed ut



hæc ipsa fortuna huc illucve discernit; sic medici  
partium est, veniti ad reperiendam sanitatem. Ergo,  
quoties ulcus resolverit, eluere id, si reprimendus  
humor videbitur, vino ex aqua pluviali misto, vel  
5 aqua, in qua lenticula cocta sit, debet: si purgan-  
dum erit, mulso, rursusque imponere eadem. Ubi  
jam repressus videbitur humor, ulcusque purum erit,  
produci carnem conveniet, et foveri vulnus pari por-  
tione vini ac mellis, superque imponi spongia ex vi-  
10 no et rosa tincta: per quæ cum caro producat. Plus  
tamen, ut alias quoque dixi, victus ratio eo confert.  
Id est, solutis jam febribus et cibi cupiditate reddita,  
balneum rarum; quotidiana, sed lenis gestatio: cibi  
potionesque corpori reficiendo apteque omnia, quæ  
15 per medicamenta quoque suppuratione rupta, sequun-  
tur. Sed, quia magno malo vix sine ferro mederi li-  
cet, in hunc locum reservata sunt.

C A P. IV. *De Fistulis.*

20

**A**Dversus fistulas quoque, si altius penetrant, ut  
ad ultimas demitti collyrium non possit, si  
tortuosae sunt, si multiplices, majus in manu, quam  
in medicamentis praesidium est, minusque operae  
25 est, si sub cute transversae feruntur, quam si recte  
intus tendunt. Igitur, si sub cute transversa fis-  
tula est, demitti specillum debet, supraque id ea in-  
cidi. Si flexus reperiuntur, hi quoque simul specil-  
lo et ferro persequendi sunt. Idemque faciendum, si  
30 plures se quasi ramuli ostendunt. Ubi ad fines fistu-  
lae ventum est, excidendus ex toto callus est, su-  
perque fibulae dandae, et medicamentum, quo glu-  
tinetur. At, si recta subter tendit, ubi, quo maxi-  
me ferat, specillo exploratum est; excidi is signus de-  
bet: dein fibula oris cutis injicienda est, et eique glu-  
35 tinantia medicamenta superdanda sunt; aut, si cor-  
ruptius ulcus (quod interdum osse vitiato fit) ubi id  
quoque curatum est, pus moventia. Solent autem  
inter costas fistulae subter exire. Quod ubi incidit,

eo loco costa ab utraque parte decidenda et eximenda est, ne quid intus corruptum relinquatur. Solent, ubi costas tranſierunt, ſeptum id, quod tranſverſum a ſuperioribus viſceribus inteſtina diſcernit, violare. Quod intelligi et ex loco, et ex magnitudine doloris poteſt, et quia nonnunquam ſpiritus eo cum humore quaſi bullante prorumpit, maximeque, ſi hunc ore ille continuit. In eo medicamini locus nullus eſt. In caeteris vero, quæ circa costas ſanabilia ſunt, pingua medicamenta inimica ſunt, cæteris, quæ ad vulnera accom-  
modantur, uti licet: optime tamen ſicca linamenta, vel, ſi purgandum aliquid videtur, in melle tinctâ imponuntur.

Ventri nullum os ſubeſt; ſed ibi pernicioſæ admodum fiſtulæ ſunt: adeo ut Soſtratus inſanabiles eſſe crediderit. Id non ex toto ita ſe habere uſus oſtendit. Et quidem, quod maxime mirum videri poteſt, tutior fiſtula eſt contra jecur, et lienem, et ventriculum, quam contra inteſtina: non quo pernicioſiores ibi ſit, ſed quo alteri periculo locum faciat. Cujus  
experimento moti quidam auctores parum modum rei cognoverunt. Nam venter ſæpe etiam telo perforatur, prolapſaque inteſtina conduntur, et oras vulneris futuræ comprehendunt; quod quemadmodum fiat, mox indicabo. Itaque, etiam ubi tenuis fiſtula  
abdomen perrumpit, excidere eam licet, futuraque oras conjungere. Si vero ea fiſtula intus patuit, exciſa neceſſe eſt latius foramen relinquat; quod niſi magna vi utique ab interiore parte ſui non poteſt: qua quaſi membrana quædam finit abdomen, quam  
*πυριτράσιον* Græci vocant. Ergo, ubi aliquis ingredi ac moveri coepit, rumpitur illa futura, atque inteſtina ſolvuntur; quo ſit, ut pereundum homini ſit. Sed non omnimodo res ea deſperationem habet: ideoque tenuioribus fiſtulis adhibenda curatio eſt.

*De Ani fiſtulis.*

Propriam etiamnum animadverſionem deſiderant hæ, quæ in ano ſunt. In has dimiſſo ſpecillo, ad ultimum ejus caput incidi cutis debet: dein novo  
fora-



foramine specillum educi lino sequente, quod in aliam ejus partem, ob id ipsum perforatum, conjectum fit. Ibi lino prehensendum vinciendumque cum altero capite est, ut laxa cutem, quae super fistulam  
5 est, teneat. Idque lino debet esse crudum, et duplex triplexve, sic tortum, ut unitas facta sit. Interim autem licet negotia agere, ambulare, lavari, cibum capere, perinde atque sanissimo. Tantummodo id lino bis die, salvo nodo, ducendum est sic, ut  
10 subeat fistulam pars, quae superior fuerit. Neque committendum est, ut id lino putrescat; sed tertio quoque die nodus resolvendus est, et ad caput alterum recens lino alligandum est, eductoque veterere, id in fistula cum simili nodo relinquendum.  
15 Sic enim id paulatim cutem, quae supra fistulam est; incidit: simulque et id sanescit, quod a lino relictum est: et id, quod ab eo mordetur, inciditur. Haec ratio curationis longa, sed sine dolore est. Qui festinat, adstringere cutem lino debet, quo celerius secetur;  
20 nocturneque ex periculo tenuia quaedam intus demittere, ut cutis hoc ipso extenuetur, quo extenditur, sed haec dolorem movent. Adjicitur celeritati, sicut tormento quoque, si et lino, et id, quod ex penicillo est, aliquo medicamento illinitur ex iis,  
25 quibus callum exedi posui. Poterit tamen fieri, ut ad scalpelli curationem etiam illo loci veniendum sit, si intus fistula fert, si multiplex est. Igitur in haec genera demisso specillo, duabus lineis incidenda cutis est; ut media inter eas habenula tenuis admodum  
30 ejiciatur, ne protinus ora coeant; sitque locus aliquis linamentis, quae quam paucissima super injicienda sunt; omniaque eodem modo facienda, qui in abscessibus positus est. Si vero ab uno ore plures sinus erunt, recte fistula scalpello erit incidenda, ab eo cæ-  
35 terae, quae jam patebunt, lino excipiendae. Si intus aliqua procedet, quo ferrum tuto pervenire non poterit, collyrium demittendum erit. Cibus autem in omnibus ejusmodi casibus, si manu, si medicamentis agatur, dari debet humidus; potio liberalis, diuque

diuque aqua, ubi jam caro increfcit, tum demum et balneis raris utendum erit, et cibis corpus implentibus.

## C A P. V.

5

*De Telis e corpore extrahendis.*

**T**ELA quoque, quae illata corporibus intus haerunt, magno negotio faepe ejiciuntur. Suntque quaedam difficultates ex generibus eorum; quaedam ex his sedibus, in quas illa penetrarunt. Omne autem telum extrahitur, aut ab ea parte qua venit, aut ab ea, in quam tetendit. Illic viam qua redeat, ipsum sibi fecit: hic, a scalpello accipit, nam contra mucronem caro inciditur. Sed si non alte telum infedit, et in summa carne est, aut certe magnas venas et loca nervosa non transit, nihil melius est, quam, qua venit, id evellere. Si vero plus est, per quod telo revertendum, quam quod perrumpendum est; jamque venas nervosque id transit, commodius est aperire quod superest, eaque extrahere, nam et propius petitur, et tutius evellitur. Et in majore membro, si medium mucro transiit, facilius sanescit, quod pervium est; quia utrinque medicamento fovetur. Sed, si retro telum recipiendum est, amplianda scalpello plaga est; quo facilius id sequatur, quoque minor oriatur inflammatio: quæ major fit, si ab illo ipso telo, dum redit, corpus laniatur. Item si ex alia parte vulnus aperitur, laxius esse debet, quam ut telo postea transeunte ampliatur. Summa autem utraque parte ita habenda cura est, ne nervus, ne vena major, ne arteria incidatur. Quorum ubi aliquid detectum est, excipiendum hamo retuso est, abducendumque scalpello. Ubi autem satis incisum est, telum eximendum est: tunc quoque eodem modo, et eadem cura habita, ne sub eo, quod eximetur, aliquid eorum laedatur, quæ tuenda esse proposui.

Haec communia sunt: propria quaedam in singulis telorum generibus subjicienda sunt, quæ pro-

protinus subjiciam. Nihil tam facile in corpus, quam sagitta, conditur, eademque altissime insidit. Haec autem eveniunt, et quia magna vi fertur illa, et quia ipsa in angusto est. Saepius itaque ab altera parte, 5 quam ex qua venit, recipienda est; praecipueque, quia fere spiculis cingitur; quae magis laniant, si retro, quam si contra trahuntur. Sed inde, aperta via, caro diduci debet ferramento ad similitudinem facto Graecæ literæ ψ: deinde, ubi apparuit si mucro, si 10 mucroni arundo inhæret, propellenda est, donec ab altera parte apprehendi et extrahi possit. Si jam illa decidit, solumque intus ferrum est; mucro vel digitis apprehendi, vel forfice, atque ita educi debet. Neque alia ratio extrahendi est, ubi ab ea parte, qua 15 venit, evelli magis placuit, nam, ampliato vulnere, aut arundo, si inest, evellenda est; aut, si ea non est, ferrum ipsum. Quod si spicula apparuerunt, eaque brevia et tenuia sunt, forcipe ibi comminui debent, vacuumque ab his telum educi; si eo majo- 20 ra valentioraque sunt, fissis scriptoriis calamis contegenda, ac, nequid lacerent, sic evellenda sunt. Et in sagittis quidem haec observatio est. Latum vero telum, si conditum est, ab altera parte educi non expedit; ne ingenti vulnere ipsi quoque ingens vulnus ad- 25 jiciamus. Evellendum est ergo genere quodam ferramenti, quod διοκλῆς γραφίσκειν Græci vocant; quoniam auctorem Dioclem habet; quem inter priscos maximosque medicos fuisse, jam posui. Lamina vel ferrea, vel ænea etiam; ab altero capite duos utrinque 30 deorsum converfos uncōs habet; ab altero duplicata lateribus, leviterque extrema eam in partem inclinata, quae sinuata est; insuper ibi etiam parte inclinata, quae perforata est. Hæc juxta telum transversa demittitur: deinde, ubi ad imum mucronem ventum 35 est, paulum torquetur, ut telum foramine suo excipiat: cum in cavo mucro est, illico duo digiti, subiecti partis alterius uncis, simul et ferramentum id extrahunt, et telum. Tertium genus telorum est, quod interdum evelli debet, plumbea glans, aut lapis,



pis, aut simile aliquid, quod perrupta cute, integrum intus infedit. In omnibus his latius vulnus aperiendum, idque, quod inest, ea qua venit, forfice extrahendum est. Accedit vero aliquid difficultatis sub omni ictu, si telum vel ossi inhæsit, vel in articulo se inter duo ossa demersit. In osse usque eo movendum est, donec laxetur is locus, qui mucronem momordit; et tum vel manu vel forfice telum extrahendum est, quae ratio quoque in dentibus ejicientibus est. Et vix unquam ita telum non sequitur, sed, si morabitur, excuti quoque ictum aliquo ferramento poterit. Ultimum est, ubi non evellitur, terebra juxta forare, ab eo quoque foramine, ad speciem literæ  $\psi$  contra telum os excidere, sic ut lineæ, quae diducuntur, ad telum spectent: eo facto, id necesse est labet, et facile auferatur. Inter duo vero ossa si per ipsum articulum perruperit, circa vulnus duo membra fasciis habenisve deliganda, et per has in diversas partes diducenda sunt, ut nervos distendant: quibus extensis, laxius inter ossa spatium est, ut sine difficultate telum recipiatur. Illud videndum est, sicut in aliis locis posui, ne quis nervus, aut vena, aut arteria a telo laedatur, dum id extrahitur, eadem scilicet ratione, quae supra posita est. At. si venenato quoque telo quis ictus est, iisdem omnibus, si fieri potest, etiam festinantius actis, adjicienda curatio est, quae vel epoto veneno, vel a serpente ictis adhibetur. Vulneris autem ipsius, extracto telo, medicina non alia est, quam quae esset, si corpore icto nihil inhaesisset, de qua fatis alio loco dictum est.

306

## C A P. VI.

*De Gangliis, et Meliceride, et Atheromate, et Steatomate, capitis tuberculis.*

35

**H**ÆC venire in qualibet parte corporis possunt: reliqua certas sedes habent, de quibus dicam, orsus a capite. In hoc multa variaque tubercula oriuntur, γάγγλια, μελικεριδας, et ἀθερώματα nominant; aliisque etiam-

tiamnum vocabulis quaedam alii discernunt; quibus ego *σεατόματα* quoque adjiciam, quae quamvis et in cervice, et in alis, et in lateribus oriri solent; per se tamen non posui; cum ista omnia mediocres differentias habeant, ac neque periculo terreant, neque diverso genere curentur. Omnia autem ista et ex parvulo incipiunt, et diu paulatimque crescunt, et tunica sua includuntur. Quedam ex his dura ac renitentia, quaedam mollia cedentiaque sunt: quaedam spatio nudantur, quaedam tecta capillo suo permanent, fereque sine dolore sunt. Quid intus habeant, ut conjectura praefagiri potest; sic ex toto cognosci, nisi cum ejecta sunt, non potest. Maxime tamen in his, quae renituntur, aut lapillis quaedam similia, aut concreti confertique pili reperiuntur. In his vero, quae cedunt, aut melli simile aliquid, aut tenui puliculae, aut quasi rase cartilagini, aut carni hebeti et cruentae, quibus aliqui colores esse confuerunt. Fereque ganglia renituntur: atheromati subest quasi tenuis pulicula: meliceridi liquidior humor; ideoque pressu circumfluit: steatomati pingue quiddam, idque latissime patere consuevit, resolvitque totam cutem superpositam sic, ut ea labet; cum in caeteris sit adstrictior. Omnia derafa ante, si capillis conteguntur, per medium oportet incidere, ut effundatur, quicquid intus coit. Sed steatomatis tunica quoque secanda est: quia non facile a cute subjecta carne ea separaretur. In caeteris ipsa tunica inviolata servanda est. Protinus autem, ista alba et intenta se ostendit, tum scalpelli manubriolo diducenda a cute et carne est, ejiciendaque cum eo, quod intus tenet. Si quando tamen ab inferiore parte tunicae musculus inhæsit, ne is lædatur, superior pars illius decidenda, alia ibidem relinquenda est. Ubi tota exempta est, committendae orae, fibulaque his injicienda, et super medicamentum glutinans dandum est. Ubi vel tota tunica, vel aliquid ex ea relictum est, pus moventia adhibenda sunt.

## C A P. VII.

*De Oculorum vitiis, quae scalpello et manu curantur.*

**S**ED ut hæc neque genere vitii, neque ratione curationis inter se multum distant: sic in oculis, quae manum postulant, et ipsa diversa sunt, et aliter aliterque curantur. Igitur in superioribus palpebris vesicae nasci solent, pingues gravesque; quae vix attollere oculos sinunt, levesque pituitae cursus, sed assiduos, in oculis movent. Fere vero in pueris nascuntur. Oportet, compresso digitis duobus oculo, atque ita cute intenta, scalpello transversam lineam incidere, suspenso leviter manu, ne vesica ipsa vulneretur, et ut, locus est ei patefactus, ipsa prorumpat; tum digitis eam apprehendere oportet, et evellere; facile autem sequitur. Dein superungi collyrio debet ex iis aliquo, quo lippientes oculi superinunguntur; paucissimisque diebus cicatrix inducitur. Molestius est, ubi incisa vesica est, effundit enim humorem; neque postea, quia tenuis admodum est, potest colligi. Si forte id incidit, eorum aliquid imponendum est, quae puri movendo sunt.

*De Crithe tuberculo palpebrarum.*

In eadem palpebra super pilorum locum tuberculum parvulum nascitur, quod a similitudine hordei, a Graecis *κριθὴ* nominatur. Tunica quiddam, quod difficulter maturescit, comprehensum est. Id vel calido pane, vel cera subinde calefacta foveri oportet sic, ne nimius is calor sit, sed facile ea parte sustineatur; hac enim ratione saepe discutitur, interdum concoquitur. Si pus se ostendit, scalpello dividi debet, et, quicquid intus humoris est, exprimi: eodem deinde vapore postea quoque foveri, et superinungi, donec ad sanitatem perveniat.

*De Chalazio palpebrarum.*

Alia quoque quædam in palpebris huic non dissimilia nascuntur; sed neque utique figurae ejusdem, et mobilia, simul atque digito huc vel illuc impelluntur.



tur. Ideoque ea, χαλαζία vocant. Hæc incidi debent, si sub cute sunt ab exteriori parte; si sub cartilagine, ab interiori: dein scalpelli manubriolo deducenda ab integris partibus sunt. Ac, si intus plaga est, inungendum primo lenibus, deinde acrioribus: si extra, superdandum emplastrum, quo id glutinetur.

*De Ungue oculorum, quod pterygion a Graecis vocatur.*

Unguis vero, quod πτερυγιον Graeci vocant, est membranula nervosa, quae oriens ab angulo quae nonnunquam ad pupillam quoque pervenit, eique officit. Saepius a narium, interdum etiam a temporum parte nascitur. Hunc recentem non difficile est discutere medicamentis, quibus cicatrices in oculis extenuantur. Si inveteravit, jamque ei crassitudo quoque accessit, excidi debet. Post abstinentiam vero unius diei, vel adversus in sedili contra medicum is homo collocandus est, vel sic averfus, ut in gremium ejus caput resupinus effundat. Quidam, si in sinistro oculo vitium est, adversum: si in dextro, resupinum collocari volunt. Alteram autem palpebram a ministro diduci oportet, alteram a medico: sed ab hoc, si ille adversus est, inferiorem; si supinus, superiorem. Tum idem medicus hamulum acutum, paulum mucrone intus recurvato, subicere extremo ungui debet, eumque insigere; atque eam quoque palpebram tradere alteri: ipse, hamulo apprehenso, levare unguem, eumque acu trajicere linum trahente: deinde acum ponere, lini duo capita apprehendere, et per ea erecto ungue, si qua parte oculo inhaeret, manubriolo scalpelli diducere, donec ad angulum veniat: deinde invicem modo remittere, modo attrahere, ut sic et initium ejus, et finis anguli reperiatur. Duplex enim periculum est; ne vel ex ungue aliquid relinquatur, quod exulceratum vix ullam recipiat curationem; vel ex angulo quoque caruncula abscidatur; quae, si vehementius unguis ducitur, sequitur ideoque decipit ac si abscissa est, patescit foramen, per quod postea semper humor descendit: πύαδα Graeci vocant. Verus ergo anguli finis

finis utique noscendus est; qui ubi fatis constitit; non nimium adducto ungue scalpellus adhibendus est; deinde excidenda ea membranula, ne quid ex angulo laedatur. Eo deinde ex melle linamentum superdandum est, supraque linteolum, et aut spon-<sup>5</sup>gia aut lana succida: proximisque diebus diducendus quotidie oculus est, ne cicatrice inter se palpebrae glutinentur (siquidem id quoque tertium periculum accedit) eodemque modo linamentum imponendum, ac novissime inungendum collyrio, quo ulcera ad ci-<sup>10</sup>catricem perducuntur. Sed ea curatio vere esse debet, aut certe ante hiemem. De qua re, ad plura loca pertinente, semel dixisse fatis erit. Nam duo genera curationum sunt: alia, in quibus eligere tempus non licet, sed utendum est eo, quod incidit: sicut in vulneri-<sup>15</sup>bus, et fistulis; alia, in quibus nullus dies urget, et expectare tutissimum et facile est; sicut evenit in iis, quae et tarde crescunt, et dolore non cruciant. In his ver expectandum est: aut, si quid magis pressit, melior tamen autumnus vel aestas quam hiems est; <sup>20</sup>atque is ipse medius, jam fractis aestatibus, nondum ortis frigoribus. Quo magis autem necessaria pars erit, quae tractabitur, hoc quoque majori periculo subiecta est, et saepe, quo major plaga facienda, eo magis haec temporis ratio servabitur.

25

*De Encanthide tuberculo.*

Ex curatione vero unguis, ut dixi, vitia nascuntur, quae ipsa aliis quoque de causis oriri solent. Interdum enim fit in angulo, parum ungue exciso, vel aliter, tuberculum, quod palpebras parum diduci pa-<sup>30</sup>titur: *εγκανθίς* Graece nominatur. Excidi hamulo, et circumcidi debet: hic quoque diligenter temperata manu, ne quid ex ipso abscindat. Tum exiguum linamentum respergendum est vel cadmia, vel atramento sutorio; inque eum angulum, diductis palpebris, <sup>35</sup>inferendum, supraque eodem modo deligandum: proximisque diebus similiter nutriendum, tantum ut primis aqua egelida, vel etiam frigida foveatur.

*De Ancyloblepharo, oculorum vitio.*

Interdum inter se palpebrae coalescunt, aperiri-  
 que non potest oculus, Cui malo solet etiam illud acce-  
 dere, ut palpebrae cum albo oculi cohaerescant: sci-  
 licet, cum in utroque fuit ulcus negligenter cura-  
 tum, sanescendo enim quod diduci potuit et debuit,  
 5 glutinabit ἀγκυλοβλέφαρον sub utroque vitio Graeci vo-  
 cant. Palpebrae tantum inter se cohaerentes, non  
 difficulter diducuntur; sed interdum frustra, nam  
 10 rursus glutinantur. Experiri tamen oportet; quia  
 bene res saepius cedit. Igitur adversum specillum  
 inferendum, diducendaeque eo palpebrae sunt: de-  
 inde exigua penicilla interponenda, donec exulcera-  
 tio ejus loci finiatur. Aut, ubi albo ipsius oculi pal-  
 15 pebra inhæsit, Heraclides Tarentinus auctor est, ad-  
 verso scalpello subsecare, magna cum moderatione,  
 ut neque ex oculo, neque ex palpebra quicquam ab-  
 scindatur; ac, si necesse est, ex palpebra potius. Post  
 haec, inungatur oculus medicamentis, quibus aspri-  
 20 tudo curatur: quotidieque palpebra vertatur, non so-  
 lum ut ulceri medicamentum inducatur, sed etiam  
 ne rursus inhæreat: ipsique etiam præcipiatur, ut sæ-  
 pe eam duobus digitis attollat. Ego sic restitutum  
 esse neminem memini. Meges se quoque multa ten-  
 25 tasse, neque unquam profuisse, quia semper iterum  
 oculo palpebra inhæserit, memoriae prodit.

*De Aegilope, fistula oculorum.*

Etiamnum in angulo, qui naribus propior est, ex  
 aliquo vitio quasi parva fistula aperitur, per quam pi-  
 30 tuita assidue distillat: αἰσίλωπα Graeci vocant. Idque  
 assidue male habet oculum: nonnunquam etiam ex-  
 eso osse, usque ad nares penetrat. Idque interdum  
 naturam carcinomatis habet: ubi intentae venae et  
 recurvatae sunt, color pallet, cutis dura est, et levi  
 35 tactu irritatur, inflammationemque in eas partes,  
 quae conjunctae sunt, evocat. Ex his eos, qui quasi  
 carcinoma habent, curare periculosum est; nam mor-  
 tem quoque ea res maturat. Ea vero, quibus ad na-  
 res tendit, supervacuum; neque enim sanescunt. At,  
 quibus



quibus id in angulo est, potest adhiberi curatio; cum eam, non ignotum sit, esse difficilem, quantoque angulo propius id foramen est, tanto difficilior est; quoniam perangustum est, in quo versari manus possit: recenti tamen re mederi facilius est. Sed hamulo summum ejus foraminis excipiendum: deinde totum id cavum, sicut in fistulis dixi, usque ad os excidendum; oculoque et caeteris junctis partibus bene obtectis, os ferramento adurendum est vehementius, quod si jam carie vexatum est, quo crassior his squama accedat, quidam adurentia imponunt, ut atramentum sutorium, vel chalcitidem, vel æruginem rasam, quod et tardius et non idem facit. Osse adusto, curatio sequitur eadem, quae in caeteris uestis.

15

*De Pilis palpebrarum oculum irritantibus.*

Pili vero, qui in palpebris sunt, duabus de causis oculum irritare consueverunt. Nam modo palpebrae superioris summa cutis relaxatur, et procidit; quo fit, ut ejus pili ad ipsum oculum convertantur, quia non simul cartilago quoque se remisit; modo sub ordine naturali pilorum alius ordo subcrescit. qui protinus intus ad oculum tendit. Curationes vero hæ sunt. Si pili nati sunt, qui non debuerunt, tenuis acus ferrea ad similitudinem hastae lata, in ignem conjicienda est: deinde candens, sublata palpebra sic, ut ejus perniciosi pili in conspectum curantis veniant, sub ipsis pilorum radicibus ab angulo immittenda est, ut ea tertiam partem palpebrae transuat: deinde iterum, tertioque usque ad alterum angulum, quo fit, ut omnes pilorum radices adustæ emorian-  
tur. Tum superimponendum medicamentum est, quod inflammationem prohibeat: atque ubi crustae exciderunt, ad cicatricem perducendum. Facillime autem id genus sanescit. Quidam aiunt, acu transui juxta pilos in exteriorem partem palpebrae oportere, eamque transmitti duplicem capillum muliebrem ducentem; atque ubi acus transiit, in ipsius capilli finem, qua duplicatur, pilum esse injiciendum, et per-

eum

eum in superiorem palpebrae partem attrahendum, ibique corpori adglutinandum, et imponendum medicamentum, quo foramen quoque glutinetur, sic enim fore, ut is pilus in exteriorem partem postea spectet. Id primum fieri non potest, nisi in pilo longiore; cum fere breves eo loco nascantur. Deinde si plures pili sunt, necesse est longum tormentum cum toties acus tranfuet magnam inflammationem moveat. Novissime, cum humor aliquis ibi subsit, 10 oculo et ante per pilos et tum per palpebrae foramina affecto, vix fieri potest, ut gluten, quo vinctus est pilus, non resolvatur: eoque fit, ut is eo, unde vi abductus est, redeat. Ea vero curatio, quae palpebrae laxioris ab omnibus frequentatur, nihil habet dubii. 15 Siquidem oportet contacto oculo mediam palpebrae cutem, siue ea superior est, apprehendere digitis, ac levare, tum considerare, quantulo detracto futurum sit, ut naturaliter se habeat. Siquidem hic quoque duo pericula circumstant: si nimium fuerit excisum 20 ne contegi oculus non possit; si parum, ne nihil actum sit, et frustra sectus aliquis sit. Qua deinde incidendum videbitur, per duas lineas attramento notandum est sic, ut de interiore, quae pilos continet, et propiore ei linea, aliquid reliquatur, quod apprehendere acus postea possit. His constitutis, scalpellus adhibendus est: et, si superior palpebra est, ante; si inferior, postea propius ipsis pilis incidendum: initiumque faciendum in sinistro oculo, ab eo angulo, qui temporis; in dextro, ab eo, qui naribus 30 propior est: idque, quod inter duas lineas est, excidendum, deinde orae vulneris inter se simplici futura committendae, operiendusque oculus est; et, si parum palpebra descendet, laxanda utique; si nimium, aut adstringenda, aut etiam rursus tenuis 35 habenua ab ulteriore ora excidenda. Ubi secta est, aliae futurae adjiciendae, quae supra tres esse non debent. Praeter hæc, in superiore palpebra sub pilis ipsis incidenda linea est, ut ab inferiore parte diducti pili sursum spectent. Idque, si levis inclinatio est, etiam

etiam solum satis tuetur. Inferior palpebra eo non eget. His factis, spongia, ex aqua frigida expressa, super deliganda est. Postero die glutinans emplastrum injiciendum. Quarto futura tollenda est, et collyrio, quod inflammationes reprimat, superinungendum. 5

*De Lagophthalmo, oculorum.*

Nonnunquam autem, nimium sub hac curatione excisa cute, evenit, ut oculus non contegatur. Idque interdum etiam alia de causa fit, *λαγώφθαλμον* Graeci appellant. In quo si nimium palpebrae deest, 10 nulla id restituere curatio potest: si exiguum, mederi licet. Paulum infra supercilium cutis incidenda est lunata figura, cornibus ejus deorsum spectantibus. Altitudo esse plagae usque ad cartilaginem debet, ipsa illa nihil laesa, nam, si ea incisa est, palpebra concidit, neque attolli postea potest. Cute igitur tantum 15 diducta sit, ut paululum in ima oculi ora descendat; hiantem scilicet super plagam in quam linamentum injiciendum est, quod et conjungi diductam cutem prohibeat, et in medio carunculam citet: quae ubi 20 eum locum implevit, postea recte oculus operitur.

*De Ektropio.*

Ut superioris autem palpebrae vitium est, quod parum descendit, ideoque oculum non contegit: sic inferioris, quod parum sursum attollitur, sed pendet et 25 hiat, neque potest cum superiore committi. Atque id quoque evenit interdum ex simili vitio curationis, interdum etiam senectute, *ἐκτροπιον* Graeci vocant, si ex mala curatione est, eadem ratio medicinae est, quae supra posita est: plagae tantum cornua ad maxillas, non 30 ad oculum convertenda sunt. Si ex senectute est, tenui ferramento id totum extrinsecus adurendum est; deinde melle inungendum a quarto die, vapore aquae calidae fovendum, inungendumque medicamentis ad cicatricem perducentibus. 35

*De Staphylemate oculi.*

Haec fere circa oculum in angulis palpebrisque incidere consueverunt. In ipso autem oculo nonnunquam summa attollitur tunica, sive ruptis intus membranis

R r

ali-



aliquibus, five laxatis; et similis figura acino fit, unde id *σαφύλωμα* Graeci vocant. Curatio duplex est. Altera, ad ipsas radices per medium transfuere acu duo lina ducente; deinde alterius lini duo capita ex  
 5 superiore parte, alterius ex interiore adstringere inter se, quae paulatim secando id excidunt. Altera, in summa parte ejus ad lenticulae magnitudinem excidere; deinde spodium aut cadmiam infricare. Utrolibet autem facto, album ovi lana excipiendum et  
 10 imponendum; posteaque vapore aquae calidae fovendus oculus, et lenibus medicamentis ungendus est.

*De Clavis oculorum.*

Clavi autem vocantur callosa in albo oculi tubercula; quibus nomen a figurae similitudine est. Hos ad imani  
 15 radicem perforare acu commodissimum est, infraque eam excidere, deinde lenibus medicamentis inungere.

*De Oculorum natura, et eorum suffusione.*

Suffusionis jam alias feci mentionem; quia cum recens incidit, medicamentis quoque saepe discutitur,  
 20 sed ubi vetustior facta est, manus curationem desiderat, quae inter subtilissimas haberi potest. De qua antequam dico, paucis ipsius oculi natura indicanda est. Cujus cognitio, cum ad plura loca pertineat, tum vel praecipue ad hunc pertinet. Is igitur sum-  
 25 mas habet duas tunicas: ex quibus superior a Graecis *κερατοειδής* vocatur; ea qua parte alba est, satis crassa, pupillae loco extenuatur. Huic inferior adjuncta est media parte, qua pupilla est, modico foramine concava, circa tenuis, ulterioribus partibus ipsa quoque  
 30 plenior, quae *χοριοειδής* a Graecis nominatur. Hæ duæ tunicae, cum interiora oculi cingant, rursus sub his coeunt; extenuataeque et in unum coactae per foramen, quod inter ossa est, ad membranam cerebri perveniunt, eique inhaerescunt. Sub his autem, qua  
 35 parte pupilla est, locus vacuus est: deinde infra rursus tenuissima tunica; quam Herophilus arachnoeide nominavit. Ea media subsidit; eoque cavo continet quiddam, quod, a vitri similitudine, yaloeides Graeci vocant. Id neque liquidum, neque aridum est; sed  
 quasi

quasi concretus humor. Ex cujus colore pupillæ color vel niger est, vel cæsius, cum summa tota tunica alba sit. Id autem superveniens ab interiore parte membranula includit. Sub his gutta humoris est, ovi albo similis: a qua videndi facultas proficiscitur, 5  
*χρυσάλλοσιδης* a Graecis nominatur. Igitur vel ex morbo, vel ex ictu concrefcit humor sub duabus tunicis, qua locum vacuum esse proposui; isque paulatim indurascens, interiori potentiae se opponit. Vitiique ejus plures species sunt, quaedam sanabiles, quædam quæ 10 curationem non admittunt. Nam si exigua suffusio est, si immobilis, colorem vero habet marinae aquae, vel ferri nitentis, et a latere sensum aliquem fulgoris relinquit, spes superest. Si magna est, nigra pars oculi, amissa naturali figura, in aliam se vertit, si 15 suffusioni color cœruleus est, aut auro similis, si labat, et hac atque illac movetur, vix unquam succurritur. Fere vero pejor est, quo ex graviore morbo, majoribusve capitis doloribus, vel ictu vehementiore orta est. Neque idonea curationi si senilis ætas 20 est; quæ sine novo vitio, tamen aciem hebetem habet: at ne puerilis quidem, sed inter hæc media ætas. Oculus quoque curationi neque exiguus, neque concavus, fatis opportunus est. Atque ipsius suffusionis quaedam maturitas est. Expectandum igitur est, 25 donec jam non fluere, sed durities quaedam concrevisse videatur. Ante curationem autem modico cibo uti, bibere aquam triduo debet; pridie, ab omnibus abstinere. Post hæc in adverso fedili, collocandus est loco lucido, lumine adverso, sic ut contra medicus 30 paulo altius sedeat; a posteriore autem parte caput ejus, qui curabitur, minister contineat, et immobile id præstet: nam levi motu eripi acies in perpetuum potest. Quinetiam ipse oculus, qui curabitur, immobilior faciendus est, super alterum lana imposita et 35 deligata. Curari vero sinister oculus dextra manu, dexter sinistra debet. Tum acus admovenda est, aut acuta, aut forte non nimium tenuis, eaque demittenda, sed recta, est per summas duas tunicas medio loco

inter nigrum oculi et angulum tempori propiorem, e regione mediae suffusionis sic, ne qua vena lædatur. Neque tamen timide demittenda est, quia inani loco excipitur. Ad quem cum ventum est, ne mediocriter quidem peritus falli potest; quia prementi nihil renititur. Ubi eo ventum est, inclinanda acus ad ipsam suffusionem est, leniterque ibi verti et paulatim eam deducere infra regionem pupillae debet; ubi deinde eam transit, vehementius imprimi, ut inferiori parte insadat. Si hæsit, curatio expleta est. Si subinde redit, eadem acu magis concidenda, et in plures partes dissipanda est: quæ singulæ et facilius conduntur, et minus late officiunt. Post hæc educenda acus recta est, imponendumque est lana molli exceptum ovi album, et supra, quod inflammationem coerceat, atque ita devinciendum. Post hæc opus est quiete, abstinencia, lenium medicamentorum inunctionibus, cibo (qui postero die satis mature datur) primum liquido, ne maxillæ laborent; deinde, inflammatione finita, tali, qualis in vulneribus propositus est. Quibus, ut aqua quoque diutius bibatur, necessario accedit.

*De Pituita oculorum.*

De pituitae quoque tenuis cursu, qui oculos infestat, quatenus medicamentis agendum est, jam explicui. Nunc ad ea veniam, quæ curationem ex manu postulant. Animadvertimus autem quibusdam nunquam siccescere oculos, sed semper humore tenui madere: quæ res aspritudinem continuat, ex levibus momentis inflammationes et lippitudines excitat, totam denique vitam hominis infestat. Idque in quibusdam nulla ope adjuvari potest, in quibusdam sanabile est. Quod primum discrimen est nosse oportet, ut alteri succurratur, alteri manus non injiciatur. Ac primum supervacua curatio est in his, qui ab infantibus id vitium habent; quia necessario mansurum est usque mortis diem. Deinde non necessaria etiam in his, quibus non multa, sed acris pituita est. siquidem manū nihil adjuvantur; medicamentis, et victus



victus ratione, quae crassio rem pituitam reddit, ad sanitatem perveniunt. Lata etiam capita vix medicinae patent. Tum interest, pituitam emittant venae, quae inter calvariam et cutem sunt, an quae inter membranam cerebri et calvariam : superiores ferre per tempora oculos rigant; inferiores, per eas membranas, quae ab oculis ad cerebrum tendunt. Potest autem adhiberi remedium his, quae supra os fluunt; non potest his, quae sub osse. Ac ne his quidem succurritur, quibus pituita utrinque descendit : 10 quia levata altera parte, nihilominus altera infestat.

Quid sit autem, hac ratione cognoscitur. Raso capite ea medicamenta, quibus in lippitudine pituita suspenditur, a superciliis usque ad verticem illini debent : si ficci oculi esse coeperunt, apparet per eas venas, quae sub cute sunt, irrigari : si nihilominus mudent, manifestum est sub osse descendere : si est humor, sed levior, duplex vitium est. Plurimi tamen ex laborantibus reperiuntur, quos superiores venae exerceant; ideoque pluribus etiam opitulari licet. 20 Idque non in Græcia tantummodo, sed in aliis quoque gentibus celebre est : adeo ut nulla medicinae pars magis per nationes quoque exposita sit. Reperti in Græcia sunt, qui novem lineis cutem capitis inciderent : duabus in occipitio rectis, una super eas 25 transversa : dein duabus super aures, una inter eas item transversa : tribus inter verticem et frontem rectis. Reperti sunt, qui a capite recte eas lineas ad tempora deducerent; cognitisque, ex motu maxillarum muscutorum initiis, leviter super eos cutem inciderent, 30 inductisque per retusos hamos oris, infererent linamenta, ut neque inter se cutis antiqui fines committerentur, et in medio caro cresceret, quæ venas, ex quibus humor ad oculos transiret, adstringeret. Quidam etiam atramento duas lineas duxerunt a media aure ad mediam alteram aurem; deinde a naribus ad verticem : tum ubi lineæ committebantur, 35 scalpello inciderunt; et post sanguine fuso, os ibidem adusserunt. Nihilominus autem et in temporibus, et inter

inter frontem atque calvariam eminentibus venis idem candens ferrum admoverunt. Frequens curatio est, venas in temporibus adurere, quæ fere quidem in ejusmodi malo tument: sed tamen, ut inflentur magisque se ostendant, cervix ante modice deliganda est. Tenuibusque ferramentis, et retusis venæ adurendæ; donec in oculis pituitæ cursus conquiescat. Id enim signum est quasi excæcatorum itinerum, per quæ humor ferebatur. Valentior tamen medicina est, ubi tenues conditæque venæ, ideoque legi non possunt, eodem modo cervice deligata, retentoque ab ipso spiritu, quo magis venæ prodeant, atramento notare eas contra tempora, et inter cervicem ac frontem: deinde cervice resoluta, qua notæ sunt, venas incidere, et sanguinem mittere: ubi satis fluxit, tenuibus ferramentis adurere; contra tempora quidem, timide: ne subjecti muscoli, qui maxillas tenent, sentiant: inter frontem vero et verticem, vehementer ut sic squama ab osse recedat. Efficacior tamen etiamnum est Afrorum curatio, qui verticem usque ad os adurunt sic, ut squamam remittat. Sed nihil melius est, quam quod in Gallia quoque comata sit, ubi venas in temporibus et in superiore capitis parte legunt. Adusta quomodo curanda sint, jam explicui. Nunc illud adjicio; neque ut crustæ decidant, neque ut ulcus impleatur, adustis venis, esse properandum; ne vel sanguis erumpat, vel cito pus supprimatur: cum per hoc siccescere eas partes opus sit; per illud exhauriri opus non sit. Si quando tamen sanguis eruperit, infricanda medicamenta esse, quæ sic sanguinem supprimant, ne adurant. Quemadmodum autem venæ deligendæ sint, quidque lectis his faciendum sit, cum venero ad crurum varices, dicam.

## C A P. VIII.

35

*De Aurium morbis, qui manu et scalpello curantur.*

**V**ERUM ut oculi multiplicem curationem, etiam manus exigunt: sic in auribus admodum pauca sunt, quæ in hac medicinae parte tractentur. Solet tamen

tamen evenire vel a prima natali die protinus, vel postea facta exulceratione, deinde per cicatricem aure repleta, ut foramen in ea nullum sit, ideoque audiendi usu careat. Quod ubi incidit, specillo tentandum est, altene id repletum, an in summo tantum glutinatum sit. Nam si alte est, prementi non cedit: si in summo, specillum protinus recipit. Illud attingi non oportet; ne sine effectus spe oriatur distentio nervorum, et ex ea mortis periculum sit: hoc facile curatur. Nam qua cavum esse debet, vel medicamentum aliquod imponendum est ex adurentibus, vel candente ferro aperiendum, vel etiam scalpello incidendum. Cumque id patefactum, et jam ulcus purum est, conjicienda eo pinna est, illita medicamento cicatricem inducente: circaque idem, medicamentum dandum, ut cutis circa pinnam sanescat; quo fit, ut ea remota, postea facultas audiendi sit. At ubi aures in viro, puta, perforatae sunt, et offendunt, trajicere id cavum celeriter candente acus fatis est, ut leniter ejus orae exulcerentur; aut etiam adurente medicamento idem exulcerare: postea deinde imponere id quod purget; tum quod cum locum repleat, et sic cicatricem inducat. Quod si magnum id foramen est, sicut solet esse in his, qui majora pondera auribus gesserunt, incidere, quod super est, ad extremum oportet: supra deinde oras scalpello exulcerare, et postea fuere, ac medicamentum, quo id glutinetur, imponere. Tertium est, si quid ibi curti est, sarcire, quae res cum in labris quoque et naribus fieri possit, eandem etiam curationem habet, simul explicanda est.

## C A P. IX.

*Curta in auribus, labrisque ac naribus, quomodo sarciri et curari possint.*

35

**C**URTA igitur in his tribus, ac si qua parte parva sunt, curari possunt: si qua majora sunt, aut non accipiunt curationem, aut ita per hanc ipsam



fam deformantur, ut minus indecora ante fuerint. Atque in aure quidem et naribus deformitas sola timeri potest: in labris vero, si nimium contracta sunt, usus quoque necessarii jactura fit; quia minus facile  
5 et cibus assumitur, et sermo explicatur. Neque enim creatur ibi corpus; sed ex vicino adducitur, quod in levi mutilatione, et nihil eripere, et fallere oculum potest; in magna, non potest. Neque senile autem corpus, neque quod mali habitus est, ne-  
10 que in quo difficulter ulcera sanescunt, huic medicinae idoneum est: quia nusquam celerius cancer occupat, aut difficiliter tollitur. Ratio curationis ejusmodi est: id quod curtatum est, in quadratum redigere; ab interioribus ejus angulis lineas transversas  
15 incidere, quae citiorem partem ab ulteriore ex toto diducant; deinde ea, quae sic resolvimus, in unum adducere. Si non satis junguntur, ultra lineas, quas ante fecimus, alias duas lunatas, et ad plagam converfas immittere, quibus summa tantum cutis diducatur: sic enim fit, ut facilius quod adducitur, sequi possit, quod non vi cogendum est; sed ita adducendum, ut ex facili subsequatur, et demissum non multum recedat. Interdum autem ab altera  
20 parte cutis haud omnino adducta deformem, quem reliquit locum, reddit. Hujusmodi loci altera pars incidenda, altera intacta habenda est. Ergo neque ex imis auribus, neque ex medio naso imisve narium partibus, neque ex angulis labrorum quicquam attrahere tentabimus. Utrinque autem petemus, si quid  
30 summis auribus, si quid imis naribus, aut mediis labris deerit. Quae tamen interdum etiam duobus locis curata esse consueverunt: sed eadem ratio curandi est. Si cartilago in eo, quod incisum est, eminet, excidenda est: neque enim aut glutinatur, aut acu tuto trahitur. Neque longe tamen excidi debet, ne inter  
35 duas oras liberae cutis utrinque coitus puris fieri possit. Tum junctae orae inter se fuendae sunt, utrinque cute apprehensa; et qua priores lineae sunt, ea quoque futurae injiciendae sunt. Siccis locis, ut in nari-

naribus, illita spuma argenti, satis proficit. In interiores vero, lunatasque plagas, linamentum dandum est; ut caro increfcens vulnus impleat. Summaque cura, quod ita futum est, tuendum esse, apparere ex eo potest, quod de cancro supra posui. Ergo etiam tertio quoque die fovendum erit vapore aquae calidae, rursusque idem medicamentum injiciendum ferreque septimo die glutinatum est. Tum futurae eximi, et ulcus ad sanitatem perducere debent.

## C A P. X.

*De Polypi curatione per ferrum.*

**P**olypum vero, qui in naribus nascitur, praecipue ferro curari jam alias posui. Ergo etiam hunc ferramento acuto, in modum spathae facto, resolvere ab osse oportet: adhibita diligentia, ne infra cartilago laedatur; in qua difficilis curatio est. Ubi abscissus est, unco ferramento extrahendus est. Tum implicitum linamentum, vel aliquid ex penicillo respergendum est medicamento, quo sanguis supprimitur, eoque nares leniter implendae. Sanguine suppresso, linamento vulnus purgandum est. Ubi purum est, eo pinna, eodem modo, quo in aure supra positum est, medicamento illita, quo cicatrix inducitur, intus demittenda, donec ex toto id sanescat.

C A P. XI. *De Ozena.*

**I**D autem vitium, quod ὄζαινα a Graecis vocatur, si medicamentis non cederet, quemadmodum manu curandum esset, apud magnos Chirurgicos non reperi. Credo, quia res raro ad sanitatem satis proficit; cum aliquod in ipsa curatione tormentum habeat. Apud quosdam tamen positum est, vel subtilem fistulam, vel eodem scriptorium calamus in nares esse conjiciendum, donec sursum ad os perveniat: tum per id tenue ferramentum candens dandum esse ad ipsum os: deinde adustum locum purgandum

esse ærugine et melle: ubi purus est, lycio ad sanitatem perducendum. Vel narem incidendam esse ab ima parte ad os, ut et conspici locus possit, et facilis candens ferramentum admoveri. Tum sui narem  
 5 debere; et adustum quidem ulcus eadem ratione curari: futuram vero illini vel spuma argenti, vel alio glutinante.

*De Oris vitiis, quae manu et ferro curantur.*

C A P. XII.

*De Dentibus.*

**I**N ore quoque quaedam manu curantur. Ubi in primis dentes nonnunquam moventur, modo  
 15 propter radicum imbecillitatem, modo propter gingivarum arefcentium vitium. Oportet in utrolibet candens ferramentum gingivis admovere, ut leviter attingat, non ut insadat. Adustae gingivae melle illinendae, et mulso eluendae sunt. Ut pura ulcera  
 20 esse cœperunt, arida medicamenta infricanda sunt ex his, quæ reprimunt. Si vero dens dolores movet, eximique eum, quia medicamenta nihil adjuvant, placuit, circumradi debet, ut gingiva ab eo resolvatur; tum is concutiendus est. Eademque facienda,  
 25 donec bene moveatur, nam dens haerens cum summo periculo evellitur, ac nonnunquam maxilla loco movetur. Idque etiam majore periculo in superioribus dentibus fit; quia potest tempora oculosve concutere. Tum, si fieri potest, manu; si minus, forfice  
 30 dens excipiendus est. Ac si exesus est ante, id foramen vel linamento, vel bene accommodato plumbo replendum est, ne sub forfice confringatur. Recta vero forfex ducenda est, ne inflexis radicibus os rari  
 35 que ideo nullum ejus rei periculum est; utique in dentibus brevibus, qui fere longiores radices habent: saepe enim forfex, cum dentem comprehendere non possit, aut frustra comprehendat, os gingivae prehendit et frangit. Protinus autem, ubi plus sanguinis



nis profluit, scire licet, aliquid ex osse fractum esse. Ergo specillo conquirenda est testa, quae recessit, et vossella protrahenda est: si non sequitur, incidi gingiva debet, donec labans ossis testa recipiatur. Quod si factum statim non est, indurefcit extrinsecus maxilla, ut os hiare non possit, sed imponendum calidum ex farina et fico cataplasma est, donec ibi pus moveatur: tum incidi gingiva debet. Pus quoque multum profluens, ossis fracti nota est. Itaque etiam tum id extrahi convenit. Nonnunquam etiam, eo laeso, fistula fit, quae eradi debet. Dens autem scaber, qua parte niger est, radendus est, illinendusque rosae flore contrito, cui gallae quarta pars et altera myrrhae sit adjecta, continendumque ore crebro vinum meracum. Atque in eo casu velandum caput, ambulatione multa, frictione capitis, cibo non acriter utendum est. At, si ex ictu vel alio casu aliqui labant dentes, auro cum his, qui bene haerent, vinciendi sunt; continendaque ore reprimentia, ut vinum, in quo malicorium decoctum, aut in quo galla candens coniecta sit. Si quando etiam in pueris alter dens nascitur, quam prior excidat, is qui cadere debuit, circumpurgandus et evellendus est; is, qui natus est in locum prioris, quotidie digito adurgendus, donec ad justam magnitudinem perveniat. Quotiescunque dente exempto radix relicta est, protinus ea quoque ad id facto forfice, quam *πίσαν* Graeci vocant, eximenda est.

*De Tonfillis induratis.*

Tonfillas autem, quae post inflammationes induruerunt, *ἀντιόδες* autem a Graecis appellantur, cum sub levi tunica sint, oportet digito circumradere et evellere; si ne sic quidem resolvuntur, hamulo excipere, et scalpello excidere: tum ulcus aceto eluere, et illinere vulnus medicamento, quo sanguis supprimatur.

*De Uva.*

Uva, si cum inflammatione descendit, dolorique est, et subrubicundi coloris, praecidi sine periculo non potest: solet enim multum sanguinem effundere,

itaque melius est his uti, quae alias proposita sunt. Si vero inflammatio quidem nulla est, nihilominus autem eo ultra justum modum a pituita diducta est, et est, tenuis, acuta, alba, praecidi debet, itemque, 5 si ima, livida et crassa; summa, tenuis est, Neque quicquam commodius est, quam volsella prehendere, sub eaque, quod volumus, excidere. Neque enim ullum periculum est, ne plus minusve praecidatur: cum liceat tantum infra volsellam relinquere, quan- 10 tum inutile esse manifestum est; idque praecidere, quo longior uva est, quam esse naturaliter debet. Post curationem eadem facienda sunt, quæ in tonsillis proxime posui.

*De Lingua.*

15 Lingua vero quibusdam cum subiecta parte a primo natali die juncta est: qui ob id ne loqui quidem possunt. Horum extrema lingua volsella prehenda-  
denda est, sub eaque membrana incidenda: magna cura habita, ne venae, quae juxta sunt, violentur, 20 et profusione sanguinis noceant. Reliqua curatio vulneris in prioribus posita est. Et plerique quidem, ubi consanuerunt, loquuntur. Ego autem cognovi, qui succisa lingua, cum abunde super dentes eam premeret, non tamen loquendi facultatem consecutus est. 25 Adeo in medicina, etiam, ubi perpetuum est, quod fieri debet, non tamen perpetuum est id, quod sequi convenit.

*De Abscessu sub lingua.*

Sub lingua quoque interdum aliquid abscedit; 30 quod fere consistit in tunica, doloresque magnos movet. Quod si exiguum est, incidi semel satis est: si majus, summa cutis usque ad tunicam excidenda est; deinde utrinque orae hamulis excipiendae, et tunica, undique circumdata, liberanda est: magna 35 diligentia per omnem curationem habita, ne qua major vena incidatur.

*De Labris.*

Labra autem saepe finduntur, eaque res habet cum dolore etiam hanc molestiam, quod sermo prohibetur;

tur; qui subinde eas rimas cum dolore diducendo sanguinem citat. Sed has si in summo sunt, medicamentis curare commodius est, quae ad ulcera oris fiunt: si vero altius descenderunt, necessarium est tenui ferramento adurere, quod spathae simile, quae si transcurrere, non imprimi debet, postea faciendae eadem sunt, quae in auribus adustis exposita sunt.

## C A P. XIII.

*De Cervicis vitiiis, et curatione.*

10

**A**T in cervice, inter cutem et asperam arteriam, tumor increfcit (*βρογχόκληλην* Græci vocant) quo, modo caro hebes, modo humor aliquis, melli aquæve similis, includitur; interdum etiam minutis ossibus 15 pili immisti. Ex quibus quicquid est, quod tunica continetur, potest adurentibus medicamentis curari. Quibus summa cutis cum superjecta tunica exeritur; quo factò, siue humor est, profluit; siue quid densius, digitis educitur: tum ulcus sub linamentis fa- 20 nescit. Sed scalpelli curatio brevior est. Medio tumore una linea inciditur usque ad tunicam: deinde vitiosus sinus ab integro corpore digito separatur, totusque cum velamento suo eximitur: tum aceto, cui vel salem vel nitrum aliquis adjecit, eluitur; oræ- 25 que una futura junguntur; cæteraque eadem, quae in aliis futuris, superinjiciuntur; leniter deinde, ne fauces urgeat, deligatur. Si quando autem tunica eximi non potuerit, intus inspergenda adurentia linamentis idque curandum est, cæteris pus moven- 30 tibus.

## C A P. XIV.

*De Umbilici vitiiis.*

35

**S**UNT etiam circa umbilicum plura vitia; de quibus, propter raritatem, inter auctores parum constat. Verisimile est autem, id a quoque prætermis- sum, quod ipse non cognoverat: a nullo id, quod non



non viderat, fictum. Commune omnibus est, umbilicum indecore prominere. Causæ requiruntur? Meges tres has posuit: modo intestinum eo irrumpere, modo omentum, modo humorem. Softratus nihil de omento dixit. Duobus iisdem adjecit, carnem ibi interdum increfcere, eamque modo integram esse, modo carcinomati similem. Gorgias ipse quoque omenti mentionem omisit: sed eadem tria caufatus, spiritum quoque interdum eo dixit irrumpere. Hieron omnibus his quatuor positis, et omenti mentionem habuit, et ejus, quod simul et omentum et intestinum habuerit. Quid autem horum fit, his indiciis cognoscitur. Ubi intestinum prolapsum est, tumor neque durus, neque mollis est: omni frigore commi-  
15 nuitur; non solum sub omni calore, sed etiam retento spiritu crescit: sonat interdum; atque, ubi resupinatus est aliquis, delapso intestino, ipse desidit. Ubi vero omentum est, cætera similia sunt, tumor mollior, et ab ima parte latus, extenuatus in verticem est; si  
20 quis apprehendit, elabitur. Ubi utrumque est, indicia quoque mista sunt, et inter utrumque mollities. At caro durior est, semperque etiam resupinato corpore tumet, prementique non cedit, prioribus facile cedentibus. Si vitiosa est, easdem notas habet, quas  
25 in carcinomate exposui. Humor autem; si premittitur, circumfluit. At spiritus pressus cedit, sed protinus redit: resupinato quoque corpore tumorem in eadem figura tenet.

Ex his id, quod ex spiritu vitium est, medicinam  
30 non admittit. Caro quoque, carcinomati similis, cum periculo tractatur, itaque omittenda est. Sana excidi debet; idque vulnus linamentis curari. Humorem quidam vel inciso summo tumore effundunt, et vulnus iisdem linamentis curant. In reliquis variae  
35 sententiae sunt. Ac resupinandum quidem corpus esse, res ipsa testatur; ut in uterum, sive intestinum, sive omentum est, delabatur. Sinus vero umbilici, tum vacuus, a quibusdam duabus regulis exceptus est, vehementerque earum capitibus deligatis, ibi e-  
mori-

moritur: a quibusdam ad imum acu trajectatur, duo  
lina ducente; deinde utriusque lini duobus capiti-  
bus diversae partes adstringuntur, (quod in uva quo-  
que oculi fit:) nam sic id, quod supra vinculum est,  
moritur. Adjecerunt quidam, ut antequam vinci-  
rent, summum una linea inciderent: exciderentque  
quo facilius digito demisso, quod illuc irrupisset, de-  
pellerent: tum deinde vinxerunt. Sed abunde est,  
jubere spiritum continere, ut tumor, quantus maxi-  
mus esse potest, se ostendat: tum imam basin ejus  
atramento notare; resupinatoque homine, digitis tu-  
morem eum premere, ut, si quid delapsum non est,  
manu cogatur: post haec, umbilicum adtrahere, et  
qua nota atramenti est, lino vehementer adstringere:  
deinde partem superiorem aut medicamentis, aut  
ferro adurere, donec emoriatur: atque, ut caetera  
usta, ulcus nutrire. Idque non solum ubi intesti-  
num, vel omentum, vel utrumque est; sed etiam, u-  
bi humor est, optime proficit. Sed ante quaedam  
visenda sunt, ne quod ex vinculo periculum sit.  
Nam curationi neque infans, neque aut robustus an-  
nis, aut senex aptus est; sed a septimo fere anno ad  
quartum decimum. Deinde ei corpus idoneum est  
id, quod integrum est: at quod mali habitus est,  
quodque papulas, impetigines, similiaque habet, i-  
doneum non est. Levibus quoque tumoribus facile  
subvenitur: at in eorum, qui nimis magni sunt, cu-  
ratione periculum est. Tempus autem anni et au-  
tumnale, et hibernum vitandum est. Ver idoneum  
maxime est. Ac prima aetas non aliena est. Prae-  
ter haec, abstinere pridie debet. Neque id fatis est:  
sed alvus quoque ei ducenda est; quo facilius omnia  
quae excesserunt, intra alvum confidant.

C A P. XV. *Quomodo aqua hydropicis emittatur.*

35

**A**QUAM his, qui hydropici sunt, emitti opor-  
tere, alias dixi; nunc, quemadmodum id fiat,  
dicendum. Quidam autem sub umbilico, fere qua-  
tuor interpositis digitis a sinistra parte; quidam, ipso  
umbi-

umbilico perforato, facere confuerunt: quidam, cute primum adusta, deinde interiore abdomine inciso; quia, quod per ignem divisum est, minus celeriter coit. Ferramentum autem demittitur magna cura habita, ne qua vena incidatur. Id tale esse debet, ut fere tertiam digiti partem latitudo mucronis impleat: demittendumque ita est, ut membranam quoque transeat, qua caro ab interiore parte finitur: eo tum plumbea aut ænea fistula injicienda est, vel recurvatis in exteriorem partem labris, vel in media circumfurgente quodam nodo; ne tota intus delabi possit. Hujus ea pars, quæ intra, paulo longior esse debet, quam quæ extra; ut ultra ulteriorem membranam procedat. Per hanc effundendus humor est: atque ubi major pars ejus evocata est; cludenda demisso linteolo fistula est; et in vulnere, si id ustum non est, relinquenda. Deinde per insequentes dies circa singulas heminas emittendum, donec nullum aquæ vestigium appareat. Quidam tamen etiam non usta cute, protinus fistulam recipiunt, et super vulnus spongiam expressam deligant: deinde postero die rursus fistulam demittunt (quod recens vulnus paulum diductum patitur) ut, si quid humoris superest, emitatur: idque bis ita fecisse contenti sunt.

25

## C A P. XVI.

*De Intestinorum vulneratorum curationibus.*

NONnunquam autem venter ictu aliquo perforatur; sequiturque, ut intestina evolvantur. Quod ubi incidit, protinus considerandum est, an integra ea sint; deinde, an his color suus maneat. Si tenuius intestinum perforatum est, nihil profici posse, jam retuli. Latius intestinum fuit potest: non quod certa fiducia sit; sed quod dubia spes, certa desperatione sit potior, interdum enim glutinatur. Tum, si utrumlibet intestinum lividum, aut pallidum, aut nigrum est, quibus illud quoque necessario accedit, ut sensu careat, medicina omnis inanis est.

Si



Si vero adhuc ea sui coloris sunt, cum magna festinatione succurrendum est: momento enim alienantur externo et insueto spiritu circumdata. Resupinandus autem homo est, coxis erectioribus; et, si angustius vulnus est, quam ut intestina commodè refundantur, incidendum est, donec fatis pateat. Ac, si jam sicciora intestina sunt, perluenda aqua sunt, cui paulum admodum olei sit adjectum. Tum minister oras vulneris leviter diducere manibus suis, vel etiam duobus hamis, membranae interiori injectis, debet: medicus priora semper intestina, quae posteriora prolapsa sunt, condere sic, ut orbium singulorum locum servet. Repositis omnibus, leviter homo concutiendus est, quo fit, ut per se singula intestina in suas sedes deducantur, et in his confidant. His conditis, omentum quoque considerandum est: ex quo, si quid jam nigri et emortui est, forfice excidi debet: si quid integrum est, leviter super intestina diduci: futura autem, neque summae cutis, neque interioris membranae per se, satis proficit; sed utriusque. Et quidem duobus linis vincienda est, spissior quam alibi; quia et rumpi facilius motu ventris potest, et non aequè magnis inflammationibus pars ea exposita est. Igitur in duabus acubus fila trajicienda, eaque duabus manibus tenenda: et prius interiori membranae futura injicienda est sic, ut sinistra manus in dexteriore ora, dextra in sinisteriore a principio vulneris orsa, ab interiori parte in exteriorem acum immittat, quo fit, ut ab intestinis ea pars semper acum longe sit, quae retusa est. Semel utraque parte trajecta, permutandae acus inter manus sunt, ut ea sit in dextra, quae fuit in sinistra, ea veniat in sinistram, quam dextra continuit: iterumque eodem modo per oras immittendae sunt: atque ita tertio et quarto, deincepsque permutatis inter manus acubus includenda plaga. Post hæc, eadem fila, eademque ad cutem transferendae, similique ratione ei quoque parti utraque futura injicienda; semper ab interiore parte acubus venientibus, semper inter manus trajectis.

jectis. Dein glutinantia injicienda. Quibus aut spon-  
giam, aut succidam lanam ex aceto impressam acce-  
dere debere, manifestius est, quam ut semper dicen-  
dum sit. Impositis his leviter deligari venter debet.

5

## C A P. XVII.

*De Interiore parte abdominis rupta, et qua ratione curanda.*

**I**NTERDUM tamen vel ex ictu aliquo, vel retento  
10 diutius spiritu, vel sub gravi fasce, interior abdo-  
minis membrana, superiore cute integra, rumpitur.  
Quod fœminis quoque ex utero saepe evenire con-  
suevit: fitque praecipue circa ilia. Sequitur autem,  
cum superior caro mollis sit, ut non satis intestina  
15 contineat, hisque intenta cutis indecora intumescat.  
Atque id quoque aliter ab aliis curatur. Quidam  
enim per acum duobus linis ad imam basim inmissis  
sic utrinque devinciunt, quemadmodum et in umbi-  
lico, et in uva positum est, ut, quicquid super vin-  
20 culum est, emoriatur. Quidam medium tumorem  
excidunt, ad similitudinem myrtacei folii (quod sem-  
per eodem modo servandum esse jam posui) et tum  
oras futura jungunt. Commodissimum est autem,  
resupinato corpore, experiri manu, qua parte is tu-  
25 mor maxime cedat, quia necesse est, ea parte rupta  
membrana sit; quaque integra est, ea magis obnita-  
tur: tum, qua rupta videbitur, incidendae scalpello  
duae tunicae sunt, ut exciso medio, interior membra-  
na utrinque recentem plagam habeat; quia, quod  
30 vetus est, futura non coit. Loco patefacto, si qua  
parte membrana non novam plagam, sed veterem  
habet, tenuis excidenda habena est, quae tantum ora  
ejus exulceret. Caetera, quae ad futurae reliquam  
curationem pertinent, supra comprehensa sunt.

35

*De Varicibus ventris.*

Praeter hæc evenit, ut in quorundam ventribus  
varices sint, quarum quia nulla alia curatio est, quam  
quæ in cruribus esse consuevit, tum eam partem ex-  
planaturus, hanc quoque eo differo.

C A P.

## C A P. XVIII.

*De Testiculorum natura, et morbis eorum.*

VENIO autem ad ea, quae in naturalibus parti-  
 bus circa testiculos oriri solent, quae quo faci-  
 lius explicem, prius ipsius loci natura paucis propo-  
 nenda est. Igitur testiculi simile quiddam medullis  
 habent, nam sanguinem non emittunt, et omni sensu  
 carent: dolent autem in ictibus et inflammationibus  
 tunicae, quibus hi continentur. Dependent vero ab  
 inguinibus per singulos nervos, quos κρεμαστήρας Græci  
 nominant, cum quorum utroque binæ descendunt et  
 venae et arteriae. Hæ autem tunica conteguntur  
 tenui, nervosa, sine sanguine, alba, quae ἐλντροειδής a 15  
 Graecis nominatur. Super eam valentior tunica est,  
 quae interiori vehementer ima parte inhaeret, δαρτόν  
 Græci vocant. Multæ deinde membranulae venas et  
 arterias, eosque nervos comprehendunt; atque inter  
 duas quoque tunicas superioribus partibus leves par- 20  
 vulaeque sunt. Haecenus propria utrique testiculo et  
 velamenta et auxilia sunt. Communis deinde utrique,  
 omnibusque interioribus sinus est, qui jam conspici-  
 tur a nobis ὄρχεόν Græci, scrotum nostri vocant. Is-  
 que ab ima parte mediis tunicis leviter innexus est, 25  
 a superiore tantum circumdatus est. Sub hoc igitur  
 plura vitia esse consueverunt, quae modo ruptis tuni-  
 cis, quas ab inguinibus incipere proposui, modo his  
 integris fiunt, siquidem interdum vel ex morbo pri-  
 mum inflammatur, deinde postea pondere abrumpi- 30  
 tur, vel ex ictu aliquo protinus rumpitur tunica, quæ  
 diducere ab inferioribus partibus intestina debuit.  
 Tum pondere eo devolvitur, aut omentum, aut eti-  
 am intestinum: at ibi reperta via, paulatim ab in-  
 guinibus in inferiores quoque partes demissum, sub- 35  
 inde nervosas tunicas, et ob id, ejus rei patientes di-  
 ducit, ἰντερεκήλην et ἐπιπλοκήλην Græci vocant: apud nos  
 indecorum, sed commune his herniæ nomen est.  
 Deinde, si descendit omentum, nunquam in scroto



tumor tollitur, siue inedia fuit, siue corpus huc illucve conuersum, aut aliquo modo collocatum: itemque si retentus est spiritus, non magnopere increfcit, tactu vero inæqualis est, et mollis, et lubricus.

5 At si intestinum quoque descendit, tumor is siue inflammatione modo minuitur, modo increfcit; estque fere siue dolore et, cum conquiescit aliquis aut jacet, interdum ex toto desidit, interdum sic dividitur, ut in scroto exiguae reliquiae maneant: at si  
10 clamore, et satietate, et si sub aliquo pondere is homo nixus est, crescit: frigore omni contrahitur, calore diffunditur: estque tum scrotum et rotundum, et tactu leue: idque, quod subest, lubricum est; si pressum est, ad inguen reuertitur; dimissumque, ite-  
15 rum cum quodam quasi murmure devolvitur, et id quidem in levioribus malis evenit. Nonnunquam autem stercore accepto vastius tumet, retroque compelli non potest: adfertque tum dolorem et scroto, et inguinibus, et abdomini. Nonnunquam stoma-  
20 chus quoque affectus primum rufam bilem per os reddit, deinde viridem, quibusdam etiam nigram.

Integris vero membranis interdum eam partem humor distringit. Atque ejus quoque species duae sunt. Nam vel inter tunicas is increfcit, vel in mem-  
25 branis, quae ibi circa venas et arterias sunt, ubi hae gravatae occalluerunt. Ac ne ei quidem humori, qui inter tunicas est, una sedes est. Nam modo inter summam et mediam, modo inter mediam et imam consistit. Graeci communi nomine, quicquid  
30 est, *ὕδρoκληιν* appellant: nostri, ut scilicet nullis discriminibus satis cognitis, hoc quoque sub eodem nomine, quo priora, habent. Signa autem quaedam communia sunt, quaedam propria. Communia, quibus humor deprehenditur: propria, quibus locis.  
35 Humorem subesse dicimus, si tumor est, nunquam ex toto se remittens, sed interdum levior, aut propter famem, aut propter febriculam, maximeque in pueris: isque mollis est, si non nimius humor subest; at, si is vehementer increvit, renititur sic ut  
uter

uter repletus arcte adstrictus: venæ quoque in scroto inflantur; et, si digito premimus, cedit humor, circumfluenſque id, quod non pressus, attollit; et tanquam in vitro cornuve per scrotum apparet; isque, quantum in ipso est, sine dolore est. Sedes autem ejus sicprehenditur. Si inter summam mediamque tunicam est, cum digitis duobus pressus, paulatim humor inter eos revertens subit: scrotum ipsius albidius est; si ducitur, aut nihil, aut parvulum intenditur: testiculus ea parte neque visu, neque tactu sentitur. At, si sub media tunica est, intentum scrotum magis se attollit, adeo ut superior coles sub tumore deliteſcat. Praeter haec aequè integris tunicis ramex innascitur, *κισσοκήλην* Graeci appellant, cum venae intumescunt. Hae quoque intortae, conglomerataeque ad superiorem partem, vel ipsum scrotum implent, vel mediam tunicam, vel imam: interdum etiam sub ima tunica, circa ipsum testiculum nervumque ejus, increſcunt. Ex his eae, quae in ipso scroto sunt, oculis patent: hae vero, quae mediae imaevetunicae insident, ut magis conditae non aeque quidem cernuntur, sed tamen etiam visui subjectae sunt: praeterquam quod et tumoris aliquid est, pro venarum magnitudine et modo, et id prementi magis renititur, ac per ipsos venarum toros inaequale est; et, qua parte id est, testiculus magis justo dependet. Cum vero etiam super ipsum testiculum nervumque ejus id malum increvit, aliquanto longius testiculus ipse descendit, minorque altero fit, utpote alimento amisso. Raro, sed aliquando caro quoque inter tunicas increſcit, *σαρκοκήλην* Graeci vocant.

Interdum etiam ex inflammatione tumet ipse testiculus, ac febres quoque adfert; et nisi celeriter ea inflammatio conquievit, dolor ad inguina atque ilia pervenit; partesque hae intumescunt, nervus, ex quo testiculus dependet, plenior fit, simulque indureſcit. Super haec, inguen quoque nonnunquam varices implent, *βυζωνοκήλην* appellant.

## C A P. XIX.

*De Testiculorum curationibus communibus : et primo de incisione et curatione Inguinis, vel Scroti.*

5 **H**IS cognitis, de curatione dicendum est. In qua quædam communia omnium sunt, quædam propria singulorum. Prius de communibus dicam. Loquar autem nunc de his, quæ scalpellum desiderant; nam quæ vel sanari non possint, vel aliter nutrirî debeant, dicendum erit, simul ac ad species singulas venero. Inciditur autem interdum inguen, interdum scrotum. In utraque curatione homo ante triduum bibere aquam; pridie abstinere etiam a cibo  
15 debet: ipso autem die collocari supinus: deinde, si inguen incidendum est, idque jam pube contegitur, ante radendum est: et tum, extento scroto, ut cutis inguinis intenta sit, id incidendum sub imo ventre, qua tum abdomine tunicae inferiores committuntur.  
20 Aperendum autem audacter est, donec summa tunica, quæ ipsius scroti est, incidatur, perveniaturque ad eam, qua media est. Plaga facta, foramen deorsum versus subest. In id demittendus est sinistra manus digitus index, ut deductis intervenientibus membranulis, simul laxet. Minister autem, sinistra manu  
25 comprehenso scroto, sursum versus eum debet extendere, et quam maxime ab inguinibus abducere; primum cum ipso testiculo, dum medicus omnes membranulas, quæ super mediam tunicam sunt, si digito  
30 deducere non potest, scalpello abscindat: deinde sine eo, ut is delapsus ipsi plagæ jungatur, digitoque inde promatur, et super ventrem cum duabus suis tunicis collocetur. Inde si qua vitiosa sunt, circumcidenda sunt. In quibus cum multae venae discurrant,  
35 tenuiores quidem præcidi protinus possunt: majores vero ante longiore lino deligandae sunt; ne periculose sanguinem fundant. Sin media tunica vexata erit, aut sub ea malum increverit, excidenda erit sic, ut alte ad ipsum inguen præcidatur. Infra tamen non

tota



tota demenda est: nam quod ad basin testiculi vehementer cum ima tunica connexum est, excidi sine summo periculo non potest, itaque ibi relinquendum est. Idem in ima quoque tunica, si læsa est, faciendum est. Sed non a summa inguinis plaga, verum; infra paulum ea abscindenda; ne, læsa abdominis membrana, inflammationes moveat. Neque tamen nimium ex ea sursum relinquendum est; ne postea sinuetur, et sedem eidem malo præstet. Purgatus ita testiculus per ipsam plagam cum venis, et arteriis, 10 et nervo suo leviter demittendus est; videndumque, ne sanguis in scrotum descendat, neve concretus aliquo loco maneat. Quae ita fient, si venis vinciendo medicus prospexerit. Lina, quibus capita earum continerentur, extra plagam dependere debebunt: quæ, 15 pure orto, sine ullo dolore excident, ipsi autem plagae injiciendae duae fibulae sunt; et insuper medicamentum, quo glutinentur. Solet interdum ab altera ora necessarium esse aliquid excidi, ut cicatrix major et latior fiat. Quod ubi incidit, linamenta super 20 non fulcienda, sed leviter tantum ponenda sunt; superaque ea, quae inflammationem repellant, id est, ex aceto vel lana succida, vel spongia: caetera eadem, quae, ubi pus moveri debet, adhibenda sunt. At, cum infra incidi oportet, resupinato homine, 25 subjicienda sub scroto sinistra manus est; deinde id vehementer apprehendendum, et incidendum: si parvulum est, quod nocet, modice, ut tertia pars integra, ad sustinendum testiculum, infra relinquatur: si majus est, etiam amplius, ut paulum tantummodo ad 30 imum, cui testiculus incidere possit, integrum maneat. Sed primo rectus scalpellus quam levissima manu teneri debet, donec scrotum ipsum diducat: tum inclinandus mucro est, ut transversa membrana fecet, quae inter summam mediamque tunicam sunt. 35 At, si vitium in proximo est, mediam tunicam attingi non oportet: si sub illa quoque conditur, etiam illa incidenda est; sicut tertia quoque, si illa vitium tegit. Ubicumque repertum malum est, ministrum

- strum ab inferiore parte exprimere moderate scrotum oportet: medicum, digito, manubriolo vel scalpello diductam inferiorem partem, tunica extra collocare; deinde eam ferramento, quod ad similitudinem  
5 curvum vocant, incidere sic, ut intrare duo digiti, index et medius possint: his deinde coniectis, excipienda reliqua pars tunicae, et inter digitos scalpellus immittendus est, eximendumque aut effundendum quicquid est noxium.
- 10 Quamcumque autem tunicam quis violavit, illam quoque debet excidere, ac mediam quidem; ut supra dixi, quam altissime ab inguine; imam autem, paulo infra. Ceterum antequam excidantur, hæ quoque vinciri lino summe debent; et ejus lini capita extra  
15 plagam relinquenda sunt, sicut in aliis quoque venis, quæ id requisierint. Eo facto, testiculus intus reponendus est: oræque scroti futuris inter se committendæ; neque paucis, ne parum glutinentur, et longior fiat curatio; neque multis, ne inflammationem  
20 augeant. Atque hic quoque videndum est, ne quid in scroto sanguinis maneat: tum imponenda glutinantia sunt. Si quando autem in scrotum sanguis defluxit, aliquidve concretum ex eo decidit, incidi subter id debet; purgatoque eo spongia, acri aceto ma-  
25 dens circumdari. Deligatur autem vulnus omne, quod ex his causis factum est, si dolor nullus est, quinque primis diebus non est resolvendum; sed bis die tantum aceto irroranda, lana vel spongia: si dolor est, tertia die resolvendum; ubi fibulae sunt, hæ  
30 incidendæ; ubi linamentum, id mutandum est; rosæque et vino madefaciendum id, quod imponitur. Si inflammatio increscit, adjiciendum prioribus cataplasma ex lenticula et melle; vel ex malicorio, quod in austero vino coctum sit; vel ex his mixtis. Si sub  
35 his inflammatio non conquirit, post diem quintum multa calida aqua vulnus fovendum, donec scrotum ipsum et extenuetur, et rugosius fiat: tum imponendum cataplasma ex triticea farina, cui resina pinea adjecta sit, quæ ipsa, si robustus curatur, ex aceto;  
si te-

si tener, ex melle coquenda sunt. Neque dubium est, quodcunque initium fuit, si magna inflammatio est, quin ea quae pus movent, imponenda sint. Quod si pus in ipso scroto ortum est, paulum id incidi debet, ut exitus detur; linamentumque eatenus imponendum est, ut foramen tegat. Inflammatione finita, propter nervos priore cataplasmate, dein cerato utendum est. Hæc proprie ad ejusmodi vulnera pertinent. Cætera, et in curatione, et in victu, similia his esse debent, quae in alio quoque vulnerum genere praecepimus.

C A P. XX. *De Intestini curatione.*

**H**IS propositis ad singulas species veniendum est. 15  
Ac, si cui parvulo puero intestinum descendit, ante scalpellum experienda junctura est. Fascia ejus rei causa fit, cui imo loco pila assueta est ex panniculis facta, quae ad repellendum intestinum ipsi illi subjicitur: deinde reliqua fasciæ pars arte circundatur, 20 sub quo saepe et intus compellitur intestinum, et inter se tunicae glutinantur. Rursus, si ætas processit, multumque intestini descendisse ex tumore magno patet, adjiciunturque dolor et vomitus (quae ex stercore, et ex cruditate eo delapso, fere accidunt) scalpellum 25 adhiberi sine perniciæ non posse, manifestum est: levandum tantummodo malum, et per alias curationes extrahendum est. Sanguis mitti ex brachio debet: deinde, si vires patiuntur, imperanda tridui abstinencia est; si minus, certe pro vi corporis quam 30 longissime. Eodem vero tempore superhabendum cataplasma ex lini semine, quod ante aliquis ex mulso decoxerit. Post hæc, et farina hordeacea cum resina injicienda; et is demittendus in solum aquæ calidæ; cui oleum quoque adjectum sit; dandumque aliquid 35 cibi lenis calidi. Quidem etiam alvum ducunt. Id deducere aliquid in scrotum potest. Educere ex eo non potest. Per ea vero, quae supra scripta sunt, levato malo, si quando alias dolor reverterit,



eadem erunt facienda, Sine dolore quoque si multa intestina prolapsa sunt, secari supervacuum est: non quod excludi a scroto non possint (nisi tamen id inflammatio prohibuit) sed quo repulsa inguinibus immorentur, ibique tumorem excitent, atque ita fiat mali non finis, sed mutatio. At in eo, scalpello curari oportebit, simul atque ad mediam tunicam vulnus in inguine factum pervenerit, duobus hamulis ea juxta ipsas oras apprehendi debebit, dum  
 10 eductis omnibus membranulis medicus eam liberat. Neque enim cum periculo læditur, quae excidenda est; cum intestinum esse, nisi sub ea, non possit. Ubi deducta autem erit, ab inguine usque ad testiculum incidi debebit sic, ne is ipse laedatur; tum excidi. Fere tamen hanc curationem puerilis ætas, et modicum malum recipit. Si vir robustus est, majusque id vitium est, extrahi testiculus non debet, sed in sua sede permanere. Id hoc modo fit. Inguen eadem ratione usque ad mediam tunicam scalpello aperitur; eaque tunica eodem modo duobus hamis excipitur sic, ut a ministro testiculus eatenus contineatur, ne per vulnus exeat: tum ea tunica deorsum versus scalpello inciditur: sub eaque index digitus sinistrae manus ad imum testiculum demittitur, eumque ad plagam compellit: deinde dextræ manus duo  
 25 digiti, pollex atque index, venam et arteriam et nervum tunicamque eorum a superiore tunica diducunt, quod si aliquae membranulae prohibent, scalpello resolvuntur, donec ante oculos tota jam tunica  
 30 sit. Excisis, quae excidenda sunt, repositoque testiculo, ab ora quoque ejus vulneris, quod in inguine est, demenda habénula paulo latior est; quo major plaga sit, et plus creare carnis possit.

35 C A P. XXI. *De Omenti curatione.*

**A**T si omentum descendit, eodem quidem modo, quo supra scriptum est, aperiendum inguen, diducendæque tunicæ sunt. Considerandum autem est, majorne is modus, an exiguus sit. Nam quod

parvulum est, super inguen in alvum vel digito vel averſo ſpecillo repellendum eſt: ſi plus eſt, ſinere oportet dependere, quantum ex utero prolapſum eſt; idque adurentibus medicamentis illinere, donec emoriatur et excidat. Quidam hic quoque duo lina acuſ trajiciunt, binisque ſingulorum capitibus diverſas partes adſtringunt. Sub quo æque, ſed tardius emoriatur. Adjicitur, tamen hic quoque celeritati, ſi omentum ſuper vinculum illinitur medicamentis, quæ ſic exedunt, ne erodant, *σπιντή* Graeci vocant. 10 Fuerunt etiam, qui omentum forſice præciderent. Quod in parvulo non eſt neceſſarium: ſi majus eſt, poteſt profuſionem ſanguinis facere; ſiquidem omentum quoque venis quibuſdam, etiam majoribus, illigatum eſt. Neque vero, ſi diſcuſſo ventre id, quod 15 prolapſum, forſice præciditur, cum et emortuum ſit, et aliter tutius avelli non poſſit, inde huc exemplum tranſferendum eſt. Vulnus autem curari, ſi relictum omentum eſt, futura debet: ſi id amplius fuit, et extra emortuum eſt, exciſis oris, ſicut ſupra propo- 20 ſitum eſt. Si vero humor intus eſt, incidendum eſt: in pueris quidem, inguen; niſi in hiſ quoque liquoris ejus major modus prohibet: in viris vero, et ubicunque multus humor ſubeſt, ſcrotum. Deinde, ſi inguen inciſum eſt, eo protractis tunicis humor ef- 25 fundi debet: ſi ſcrotum, et ſub hoc protinus vitium eſt, nihil aliud quam humor eſt effundendus, abſcindendæque membranulæ ſunt, ſi quæ eum continuerunt; deinde eluendum id ex aqua, quæ vel ſalem adjectum, vel nitrum habeat: ſi ſub media, imave 30 tunica, totæ hæ extra ſcrotum collocandæ, excidendæque ſunt.

C A P. XXII. *De Ramicis curatione.*

RAMEX autem, ſi ſuper ipſum ſcrotum eſt, a- 35 durendus eſt tenuibus et acutis ferramentis, quæ ipſis venis inſigantur; cum eo, ne amplius quam haſ urant; maximeque, ubi inter ſe implicatae glomerantur, eo ferrum id admovendum eſt; tum ſuper

farina ex aqua frigida subacta injicienda est; utendumque eo vinculo, quod idoneum esse ani curati-  
onibus posui: tertio die lenticula cum melle impo-  
nenda est, post, ejectis crustis, ulcera melle purgan-  
da, rosa implenda, ad cicatricem aridis linamentis  
perducenda sunt. Quibus vero super mediam tuni-  
cam venae tument, incidendum inguen est, atque tu-  
nica promovenda, ab eaque venae digito vel manu-  
briolo scalpelli separandae, qua parte vero inhaere-  
bunt, et ab superiore et ab inferiore parte lino vinci-  
endae; tum sub ipsis vinculis praecidendae, repo-  
nendusque testiculus est. At, ubi supra tertiam tu-  
nicam ramex infedit, mediam excidi necesse est. De-  
inde, si duae tresve venae tument, et ita pars aliqua  
obsidetur, ut majore vitio vacet, idem faciendum,  
quod supra scriptum est; ut ab inguine, et a testicu-  
lo deligatae venae praecidantur,isque condatur. Sin  
totum id ramex obsederit, per plagam demittendus  
digitus index erit, subjiciendusque venis sic, ut pau-  
latim protrahat aequae adducendo, donec is testicu-  
lus par alteri fiat; tum fibulae oris sic injiciendae,  
ut simul eas quoque venas comprehendant. Id hoc  
modo fit. Acus ab exteriori parte oram vulneris  
perforat: tum non per ipsam venam, sed per mem-  
branam ejus immittitur, per eamque in alteram oram  
compellitur. Venae vulnerari non debent, ne san-  
guinem fundant. Membrana semper inter has venas  
est, ac neque periculum affert, et filo comprehensas  
illas abunde tenet, itaque etiam satis est, duas fibu-  
las esse. Tum venae, quaecunque protractae sunt in  
ipsum inguen, adverso specillo comprehendi debent.  
Solvendi fibulas tempus, inflammatione finita, et  
purgato vulnere, est; ut una simul et oras et venas  
cicatrix devinciat. Ubi vero inter imam tunicam et  
ipsum testiculum nervumque ejus ramex ortus est,  
una curatio est, quae totum testiculum abscindit.  
Nam neque ad generationem quicquam is confert, et  
omnibus indecore, quibusdam etiam cum dolore de-  
pendet. Sed tum quoque inguen incidendum, media  
tunica



tunica promenda, atque excidenda est: idem in ima faciendum; nervusque, ex quo testiculus dependet, præcidendus. Post id venæ et arteriæ ad inguen lino deligandæ, et infra vinculum abscindendæ sunt.

## C A P. XXIII.

5

*De Carne, quæ inter tunicas testiculorum concrevit, et de Nervo indurato.*

**C**ARO quoque, si quando inter tunicas concrevit, 10 nihil dubii est, quin eximenda sit: sed id, ipso scroto inciso, fieri commodius est. At, si nervus induruit, curari res neque manu, neque medicamento potest. Urgent enim, febres ardentes; et aut virides, aut nigri vomitus: præter hæc, ingens sitis, 15 et linguae aspritudo; fereque a die tertio spumans bilis alvo cum rosione redditur. Atque neque assumi facile cibus, neque contineri potest: neque multo post extremæ partes frigescent, tremor oritur, manus sine ratione extenduntur; deinde in fronte 20 frigidus sudor, eumque mors sequitur.

C A P. XXIV. *De Ramice inguinis.*

**U**BI vero in ipso inguine ramex est, si tumor modicus est, semel incidi; si major, duabus lineis 25 debet, ut medium excidatur: deinde, non extracto testiculo, sicut intestinis quoque prolapsis interdum fieri docui, colligendæ venæ, vinciendæque ubi tunicis inhærebunt, et sub his notis præcidendæ sunt. Neque quicquam novi curatio vulneris ejus requirit. 30

## C A P. XXV.

*Ad tegendam Glandem colis, si nuda est.*

**A**B his ad ea transeundum est, quæ in cole ipso 35 fiunt. In quo si glans nuda est, vultque aliquis eam decoris causa tegere, fieri potest: sed expeditius in puero, quam in viro; in eo, cui id naturale est, quam in eo, qui quarundam gentium more circum-

cumcifixus est; in eo, cui glans parva juxtaque eam cutis spatiosior, vero ipse coles est, quam in quo contraria his sunt. Curatio autem eorum, quibus id naturale est, ejusmodi est. Cutis circa glandem prehenditur et extenditur, donec illam ipsam condatur; ibique deligatur: deinde, juxta pubem, in orbem tergus inciditur, donec coles nudetur; magnaue cura cavetur, ne vel urinae iter, vel venae, quae ibi sunt, incidantur. Eo facto, cutis ad vinculum inclinatur, nudaturque circa pubem velut circulus; eoque linamenta dantur, ut caro increseat et id impleat, satisque velamenti supra latitudo plagae praestat. Sed, donec cicatrix sit, vinctum esse id debet; in medio tantum relicto exiguo urinae itinere. At in eo, qui circumcifixus est, sub circulo glandis scalpello deducenda cutis ab interiore cole est. Non ita dolet, quia, summo soluto, deduci deorsum usque ad pubem manu potest; neque ideo sanguis profluit. Resoluta autem cutis rursus extenditur ultra glandem: tum multa frigida aqua fovetur; emplastrumque circa datur, quod valentem inflammationem reprimat; proximisque diebus ut prope a fame victus est, ne forte eam partem satietas excitet. Ubi jam sine inflammatione est, deligari debet a pube usque circumlum: super glandem autem adverso emplastroposito induci; sic enim fit, ut inferior pars glutinetur; superior ita sanescat, ne inhæreat.

*Quomodo Glans penis contexta aperiri possit.*

Contra, si glans ita contexta est, ut nudari non possit (quod vitium Græci *φίμωσις* appellant) aperienda est. Quod hoc modo fit. Subter a summa ora, cutis inciditur recta linea usque ad frænum; atque ita superius tergus relaxatum, cedere retro potest. Quod si parum sic profectum est, aut propter angustias, aut propter durtiem tergoris, protinus triangula forma cutis ab inferiore parte excidenda est sic, ut vertex ejus ad frænum; basis in tergo extremo sit. Tum superdanda linamenta sunt, aliaque medicamenta quæ ad sanitatem perducant. Necessarium autem est, donec

nec cicatrix sit, conquiescere: nam ambulatio, atterendo ulcus sordidum reddit.

*Infibulandi ratio.*

Infibulare quoque adolescentulos interdum vocis, interdum valetudinis causa quidam consueverunt: ejusque hæc ratio est. Cutis, quæ super glandem est, extenditur, notaturque utrinque a lateribus atramento, qua perforatur; deinde remittitur. Si super glandem notæ revertuntur, nimis apprehensum est, et ultra notari debet: si glans ab his libera est, is locus idoneus fibulae est. Tum, qua notae sunt, cutis acu filum ducente transfuitur, ejusque fili capita inter se deligantur, quotidieque id movetur, donec circa foramina cicatriculae fiant. Ubi hæ confirmatae sunt, exempto filo fibula additur, quæ quo melior eo levior est. Sed hoc quidem sæpius inter supervacua, quam inter necessaria est.

C A P. XXVI.

*De Urinae reddendae difficultate, et de calculo, curationibusque eorum.*

RES vero interdum cogit emoliri manu urinam, cum illa non redditur; aut quia senectute iter ejus collapsum est, aut quia calculus, vel concretum aliquid ex sanguine intus se opposuit: ac mediocris quoque inflammatio sæpe eam reddi naturaliter prohibet. Idque non in vires tantummodo, sed in foeminis quoque interdum necessarium est. Ergo aeneae fistulae fiunt: quae, ut omni corpori, ampliori minorique sufficiant, ad mares, tres; ad foeminas, duae medico habendae sunt. Ex virilibus maxima decem et quinque est digitorum; media, duodecim; minima, novem; ex muliebribus major, novem; minor, sex. Incurvas vero esse eas paulum, sed magis viriles oportet, laevesque admodum; ac neque nimis plenas, neque nimis tenues. Homo tum resupinus eo modo, quo in curatione ani figuratur, super subsellium aut lectum collocandus est. Medicus autem a dex-



a dextro latere, sinistra quidem manu colem masculi continere, dextra vero fistulam demittere in iter urinae debet: atque ubi ad cervicem vesicae ventum est, simul cum cole fistulam inclinatam in ipsam vesicam  
 5 compellere, eamque, urina reddita, recipere. Fœmina brevius urinae iter, similiter et rectius habet, quod mammulae simile inter imas oras super naturale positum, non minus saepe auxilio eget, sed aliquanto minus difficultatis exigit.

- 10 Nonnunquam etiam prolapsus in ipsam fistulam calculus, qui subinde ea extenuatur, non longe ab exitu inhaerescit. Eum si fieri potest, oportet velle-re, vel oriculario specillo, vel eo ferramento, quo in sectione calculus protrahitur. Si id fieri non potuit,  
 15 cutis extrema quam plurimum attrahenda et, condita glande, lino vincienda est: deinde a latere recta plaga coles incidendus, et calculus eximendus est: tum cutis remittenda, sic enim fit, ut incisum colem integra pars cutis contegat, et urina naturaliter pro-  
 20 fluat.

*Calculosis quae curatio adhibeatur.*

- Cum vesicae vero, calculique facta mentio sit; locus ipse exigere videtur, ut subjiciam, quae curatio calculosis, cum aliter succurri non potest, adhibeatur,  
 25 Ad quam festinare, cum praecipue sit, nullo modo convenit. Ac neque omni tempore, neque in omni aetate, neque in omni vitio id experiendum est: sed solo vere, in eo corpore, quod jam novem annos, nondum quatuordecim excessit; et, si tantum mali  
 30 subest, ut neque medicamentis vinci possit, neque etiam trahi posse videatur, quo minus interposito aliquo spatio interimat, Non quo non interdum etiam temeraria medicina proficiat; sed quo saepius utique in hoc fallat, in quo plura et genera et tempora peri-  
 35 culi sunt; quæ simul cum ipsa curatione proponam. Igitur, ubi ultima experiri statutum est, ante aliquot diebus victu corpus præparandum est, ut modicos, ut salubres cibos, ut minime glutinosos assumat, ut aquam bibat. Ambulandi vero inter hæc exercita-  
 tione

tione utatur, quo magis calculus ad vesicæ cervicem descendat. Quod an inciderit, digitis quoque, sicut in curatione docebo, demissis cognoscitur. Ubi ejus rei fides est, pridie is puer in jejunio continendus est; et tum loco calido curatio adhibenda: quæ hoc modo ordinatur. Homo praevalens et peritus in sedili alto confidit, supinumque eum et aduersum, super genua sua coxis ejus collocatis, comprehendit; reductisque ejus cruribus, ipsum quoque jubet, manibus ad suos poplites datis, eos, quam maxime possit, attrahere, simulque ipse sic eos continet. Quod si robustius corpus ejus est, qui curatur, duobus sedilibus junctis, duo valentes insidunt: quo et sedilia et interiora crura inter se deligantur, ne diduci possint. Tum is super duorum genua eodem modo collocatur, atque alter, prout confedit, sinistrum crus ejus, alter dextrum, simulque ipse poplites suos attrahit. Sive autem unus, sive duo continent, super humeros ejus suis pectoribus incumbunt. Ex quibus evenit, ut inter ilia sinus super pubem sine ullis rugis sit extentus, et in angustum compulsa vesica, facilius calculus capi possit. Præter hæc, etiamnum a lateribus duo valentes objiciuntur, qui circumstantes, levare vel unum vel duos, qui puerum continent, non sinunt.

Medicus deinde, diligenter unguinibus circumcisis, atque sinistra manu duos ejus digitos, indicem et medium, leviter prius unum deinde alterum in anum ejus demittit; dextraeque digitos super anum abdomen leviter imponit; ne, si utrinque digiti circa calculum vehementer concurrerint, vesicam laedant. Neque vero festinanter in hac re, ut in plerisque, agendum est; sed ita, ut quam maxime id tuto fiat. Nam læsa vesica nervorum distentiones cum periculo mortis excitat. Ac primum circa cervicem quaeritur calculus; ibi repertus, minore negotio expellitur. Et ideo dixi, ne curandum quidem, nisi cum hoc indiciis suis cognitum est. Si vero aut ibi non fuit, aut recessit retro, digitum ad ultimam vesicam dantur;

dantur; paulatimque dextra quoque manus ejus ultra translata subsequitur. Atque, ubi repertus est calculus (qui necesse est in manus incidat) eo curiosius deducitur, quo minor læviorque est; ne effugiat, 5 id est, ne sæpius agitata vesica sit. Ergo ultra calculum dextra semper manus ejus opponitur; sinistrae digiti eum compellunt deorsum, donec ad cervicem pervenitur. In quam, si oblongus est, sic compellendus est, ut pronus exeat: si planus, sic, ut trans- 10 versus sit: si quadratus, ut duobus angulis sedeat: si altera parte plenior, sic, ut prius ea, qua tenuior sit, evadat. In rotundo nihil interesse, ex ipsa figura patet; nisi, si lævior altera parte est, ut ea antecedit.

Cum jam eo venit, incidi super vesicae cervicem, 15 juxta anum cutis plaga lunata usque ad cervicem vesicae debeat, cornibus ad coxas spectantibus paulum: deinde ea parte, qua strictior ima plaga est, etiamnum sub cute, altera transversa plaga facienda est, qua cervix aperiatur: donec urinæ iter pateat sic, ut 20 plaga paulo major, quam calculus sit. Nam, qui metu fistulae (quam illo loco *ἑρίδης* Graeci vocant) parum patefaciunt, cum majore periculo eodem revolvuntur: quia calculus iter, cum vi promitur, facit, nisi accipit, idque etiam perniciosius est; si figura 25 quoque calculi, vel asperitudo aliquid eo contulit. Ex quo et sanguinis profusio, et distentio nervorum fieri potest, quae si quis evasit, multo tamen patentiorrem fistulam habiturus est rupta cervice, quam habuisset, incisa. Cum vero patefacta est, in conspec- 30 tum calculus venit: in cujus corpore nullum discrimen est. Ipse, si exiguus est, digitis ab altera parte propelli, ab altera protrahi potest. Si major, injiciendus a superiore ei parte uncus est, ejus rei causa factus. Is est ad extremum tenuis, in semicirculi 35 speciem retusae latitudinis; ab exteriori parte laevis, qua corpori jungitur; ab interiori asper, qua calculum attingit. Isque longior potius esse debet: nam brevis extrahendi vim habet. Ubi injectus est, in utrumque latus inclinandus est, ut appareat calculus,



et teneatur, quia, si apprehensus est, ille simul inclinatur. Ideoque eo minime opus est, ne, cum adduci uncus coeperit, calculus intus effugiat, hic in oram vulneris incidat, eamque convulneret. In qua re, quod periculum esset, jam supra proposui. Ubi satis teneri calculum patet, eodem pene momento triplex motus adhibendus est: in utrunque latus; deinde extra, sic tamen, ut leniter id fiat, paulumque primo calculus attrahatur: quo facto, attollendus uncus extremus est, uti intus magis maneat, faciliusque illum producat. Quod si aliquando a superiore parte calculus parum commode comprehendatur, a latere erit apprehendendus. Haec est simplicissima curatio.

Sed varietas rerum quasdam etiamnum animadversiones desiderat. Sunt enim quidam non asperitantummodo, sed spinosi quoque calculi, qui per se quidem delapsi in cervicem, sine ullo periculo eximuntur. In vesica vero, non tuto vel hi conquiruntur, vel attrahuntur; quoniam, ubi illam convulnerarunt, ex distentione nervorum mortem maturant; multoque magis, si spina aliqua vesicae inhæret, eamque cum duceretur, duplicavit. Colligitur autem eo, quod difficilius urina redditur, in cervice calculum esse; eo, quod cruenta distillat, illum esse spinosum: maximeque id sub digitis quoque experiendum est, neque adhibenda manus, nisi id constitit. Ac tum quoque leviter intus digiti objiciendi, ne violenter promovendo convulnerent: tum incidendum. Multi hic quoque scalpello usi sunt. Meges (quoniam is infirmior est, potestque in aliqua prominentia incidere, incisoque super illam corpore, qua cavum subest, non secare, sed relinquere, quod iterum incidi necesse sit) ferramentum fecit rectum, in summa parte labrosum, in ima semicirculatum acutumque. Id receptum inter duos digitos, indicem ac medium, super pollice imposito sic deprimebat, ut simul cum carne, si quid ex calculo prominebat, incideret. Quo cum sequebatur, ut semel, quantum satis esset, aperiret,

riret. Quocunque autem modo cervix ea parte fracta est, leviter extrahi, quod asperum est, debet; nulla, propter festinationem, vi admota.

*Signa calculorum, vel arenosorum, vel mollium.*

5 At calculus arenosus, et ante manifestus est; quoniam et urina, quae redditur, arenosa est: et in ipsa curatione; quoniam inter subjectos digitos neque æque, sed leniter renititur, et insuper dilatatur. Item mollis calculus, et ex pluribus minutisque, sed inter  
10 se parum adstrictis, compositus indicatur urina, in se attrahens quasdam quasi squamulas. Hos omneis, leviter permutatis subinde digitorum vicibus, sic oportet abducere, ne vesicam lædant, neve intus aliqua dissipatae reliquiae maneant, quæ postmodum  
15 curatione difficultatem faciant. Quicquid autem ex his in conspectum venit, vel digitis, vel unco eximendum est. At, si plures calculi sunt, singuli protrahi debent; sic tamen, ut, si quis exiguus supere-rit, potius relinquatur. Siquidem in vesica difficulter  
20 invenitur; inventusque celeriter effugit. Ita longa inquisitione vesica læditur, excitatque inflammationes mortiferas; adeo ut quidam secti, cum diu frustra per digitos vesica esset agitata, decesserint. Quibus accedit etiam, quod exiguus calculus, ad  
25 plagam urina postea promovente, excidit. Si quando autem is major non videtur, nisi rupta cervice, extrahi posse, findendus est, cujus repertor Ammonius, ob id λιδοτόμος cognominatus est. In hoc modo fit. Uncus injicitur calculo sic, ut facile eum con-  
30 cussum quoque teneat, ne is retro revolvatur: tum ferramentum adhibetur crassitudinis modicae, prima parte tenui, sed retusa, quod admotum calculum, et ex altera parte ictum, findit; magna cura habita, ne aut ipsam vesicam per ferramentum perveniat, aut  
35 calculi fractura ne quid incidat.

*De Calculis foeminarum.*

Hæ vero curationes in foeminis quoque similes sunt; de quibus parum, proprie tamen quaedam dicenda sunt. Siquidem in his, ubi parvulus calculus est,

est, scalpellus supervacuuus est; quia is urinam in cervicem non compellit, quae et brevior, quam in maribus, et laxior est. Ergo et per se saepe excidit, et, si in primo, quod est angustius, inhæret, eodem tamen unco sine ulla noxa educitur. At in majoribus calculis necessaria eadem curatio est. Sed virgini subjici digiti tanquam masculo, mulieri per naturalia ejus debent. Tum, virgini quidem, sub ima sinisterrima ora: mulieri vero, inter urinae iter et os pubis, incidendum est sic, ut utroque loco plaga transversa sit, neque terreri convenit, si plus ex muliebri corpore sanguinis profluit.

*Quae curatio calculo evulso habenda sit.*

Calculo evulso, si valens corpus est, neque magno-  
pere vexatum, finire oportet sanguinem fluere, quo minor inflammatio oriatur. Atque, ingredi quoque eum paulum, non alienum est, ut excidat, si quid intus concreti sanguinis mansit. Quod si per se non destitit, rursus, ne vis omnis intereat, supprimi debet. Idque protinus, in imbecillioribus, ab ipsa curatione faciendum est. Siquidem, ut distensione nervorum pericilitatur aliquis, dum vesica ejus agitur; sic alter metus excipitur, remotis medicamentis, ne tantum sanguinis profluat, ut occidat. Quod ne incidat, desiderare is debet in acre acetum, cui aliquantum salis sit adjectum, sub quo et sanguis fere conquiescit, et adstringitur vesica, ideoque minus inflammatur. Quod si parum proficit, agglutinanda cucurbitula est, et in inguinibus, et coxis, et super pubem. Ubi jam satis vel evocatus est sanguis, vel prohibitus, resupinus collocandus est sic, ut caput humile sit, coxæ paulum excitentur: ac super ulcus imponendum est duplex aut triplex linteolum, aceto madens. Deinde, interpositis duabus horis. in solium is aquae calidae resupinus demittendus est sic, ut a genibus ad umbilicum aqua teneat, cætera vestimentis circumdata sint; manibus tantummodo pedibusque nudatis, ut et minus digeratur, et ibi diutius maneat. Ex quo sudor multus oriri solet: qui spongia



gia subinde facile detergendus est. Finisque ejus fo-  
menti est, donec infirmo offendat. Tum multo is  
oleo perungendus, inducendusque hapsus lanæ mol-  
lis, tepido oleo repletus, qui pubem, et coxas, et in-  
5 guina, et plagam ipsam, contactam eodem ante se  
lindeolo, protegat: isque subinde oleo tepido made-  
faciendus est; ut neque frigus ad vesicam admittat,  
et nervos leniter molliat. Quidam cataplasmatibus ca-  
lescentibus utuntur. Ea plus pondere nocent, quæ  
10 vesicam urgendo vulnus irritant, quam calore pro-  
ficiunt. Ergo ne vinculum quidem ullum necessarium  
est. Proximo die, si spiritus difficiliter redditur, si  
urina non excedit, si locus circa pubem mature in-  
tumuit, scire licet, in vesica sanguinem concretum  
15 remansisse. Igitur, demissis eodem modo digitis, le-  
niter pertractanda vesica est, et discutienda, si qua  
coierunt: quo fit, ut per vulnus postea procedant.  
Non alienum etiam est, oriculario clystere acetum  
nitro mixtum per plagam in vesicam compellere,  
20 nam sic quoque discutiuntur, si qua cruenta coierunt.  
Eaque facere etiam primo die convenit, si timemus,  
ne quid intus sit: maximeque, ubi ambulando id  
elicere imbecillitas prohibuit. Cætera eadem facien-  
da sunt: ut demittatur in folium, ut eodem modo  
25 panniculus, eadem lana superinjiciatur. Sed neque  
sæpe, neque tamdiu in aqua calida puer habendus,  
quam adolescens est, infirmus, quam valens; levi,  
quam graviore inflammatione affectus; is, cujus  
corpus digeritur, quam is, cujus adstrictum est. In-  
30 ter hæc vero, si somnus est, et æqualis spiritus, et  
madens lingua, et sitis modica, et venter imus, sed  
et mediocris est cum febre modica dolor, scire licet,  
recte procedere curationem. Atque in his inflamma-  
tio fere quinto vel septimo die finitur: qua levata,  
35 folium supervacuum est, supini tantummodo vulnus  
aqua calida fovendum est, ut, si quid urinae rodet,  
abluatur. Imponenda autem medicamenta sunt pus  
moventia; et, si purgandum ulcus videbitur, melle  
linendum. Id, si rodet, rosa temperabitur. Huic  
cura-

curationi aptissimum videtur *ἐννεαφάρμακον* emplastrum, nam et sebum habet ad pus movendum, et mel ad ulcus repurgandum: medulla etiam, maximeque vitulina; quod in id, ne fistula relinquatur, praecipue proficit. Linamenta vero tum super ulcus non sunt; necessaria: super medicamentum, ad id continendum, recte imponuntur. At, ubi ulcus purgatum est, puro linamento ad cicatricem perducendum est. Quibus temporibus tamen, si felix curatio non fuit, varia circa pericula oriuntur. Quae praesagire protinus licet, si continua vigilia est, si spiritus difficultas, si lingua arida est, si sitis vehemens, si venter imus tumet, si vulnus hiat, si transfiliens urina id non rodit, si similiter ante tertium diem quaedam livida excidunt, si is aut nihil aut tarde respondet, si vehementes dolores sunt, si post diem quintum magnae febres urgent, et fastidium cibi permanet, si cubare in ventrem jucundius est. Nihil tamen pejus est distentione nervorum, et, ante nonum diem, vomitu bilis. Sed cum inflammationis sit metus, succurri abstinencia, modicis, et tempestivis cibis; inter haec, fomentis, de quibus supra scripsimus, oportet.

C A P. XXVII.

*De Cancro, qui excisa vesica nascitur: et qua curatione uti deceat.*

**P**roximus canceri metus est. Is cognoscitur, si, et per vulnus, et per ipsum colem, fluit sanies mali odoris, cumque eo quaedam a concreto sanguine non abhorrentia, tenuisque carunculæ lanulis similes, præter hæc, si oræ vulneris aridæ sunt, si dolent inguina, si febris non defuit, eaque in noctem augetur, si inordinati horrores accedunt. Considerandum autem est, in quam partem cancer is tendat. Si ad colem, indurefcit is locus, et rubet, et tactu dolorem excitat, testiculique intumescunt: si in ipsam vesicam, ani dolor sequitur, coxae durefcunt, non facile crura extendi possunt: at, si in alterutrum latus, oculis id

id expositum est, paresque utrinque easdem notas, sed minores, habet. Primum autem ad rem pertinet corpus recte jacere, ut superior pars semper eadem sit, in quam vitium fertur. Ita, si ad colem it, 5 supinus is collocari debet: si ad vesicam, in ventrem: si in latus, in id quod integrius est. Deinde, ubi ventum fuerit ad curationem, homo in aquam demittetur, in qua marrubium decoctum sit, aut cupressus, aut myrtus; idemque humor clystere intus adjicie- 10 tur: tum superponetur lenticula cum malicorio mista; quae utraque ex vino decocta sint; vel rubus, aut oleae folia, eodem modo decocta; aliaque medicamenta, quae ad cohibendos, purgandosque cancrios proposuimus, ex quibus, si qua erunt arida, per 15 scriptorium calamum inspirabuntur. Ubi stare coeperit cancer, mulso vulnus eluetur, vitabiturque eo tempore ceratum; quod, ad recipiendum id malum, corpus emollit, potius plumbum elotum cum vino inungetur: super quae idem linteolo illitum im- 20 netur. Sub quibus perveniri ad sanitatem potest: cum eo tamen, quod non ignoremus, orto cancro saepe affici stomachum, cui cum vesica quoddam confortium est: exque eo fieri, ut neque retineatur cibus, neque, si quis retentus est, concoquatur, neque 25 corpus alatur; ideoque ne vulnus quidem aut purgari, aut ali possit, quae necessario mortem maturant. Sed ut his succurri nullo modo potest, sic a primo tamen die tenenda ratio curationis est. In qua quaedam observatio, ad cibum quoque potio- 30 nemque pertinens, necessaria est. Nam cibus inter principia, non nisi humidus dari debet: ubi ulcus purgatum est, ex media materia, olera et falsamenta semper aliena sunt. Potione opus est, non modica. Nam, si parum bibitur, accenditur vulnus, et 35 vigilia urget, et vis corporis minuitur: si plus acquo assumitur, subinde vesica impletur, eoque irritatur. Non nisi aquam autem bibendam esse, manifestius est, quam ut subinde dicendum sit. Solet vero sub ejusmodi victu evenire, ut alvus non reddatur.



tur. Hæc aqua ducenda est, in qua vel foenum  
 graecum, vel malva decocta sit. Idem humor rosa  
 mistus in ipsum vulnus oriculario clystere agendus  
 est, ubi id rodit urina, neque purgari patitur. Fere  
 vero primo per vulnus exit haec: deinde, co sane-  
 scente, dividitur, et pars per colem descendere inci-  
 pit, donec ex toto plaga claudatur. Quod interdum  
 tertio mense, interdum non ante sextum, nonnun-  
 quam exacto quoque anno fit. Neque desperari de-  
 bet solida glutinatio vulneris, nisi ubi aut vehemen-  
 ter rupta cervix est, aut ex cancro multae magnae-  
 que carunculae, simulque nervosa aliqua exciderunt.  
 Sed, ut vel nulla ibi fistula, vel exigua admodum re-  
 linquatur, summa cura providendum est. Ergo, cum  
 jam ad cicatricem vulnus tendit, extentis jacere fe-  
 minibus et cruribus oportet; nisi tamen molles are-  
 nosive calculi fuerunt: sub his enim tardius vesica  
 purgatur. Ideoque diutius plagam patere necesari-  
 um est; et tum demum, ubi jam nihil tale extra fer-  
 tur, ad cicatricem perducitur.

Quod, si antequam vesica purgata est, oræ se glu-  
 tinarunt, dolorque et inflammatio redierunt; vulnus  
 digitis vel adverso specillo diducendum est; ut tor-  
 quentibus exitus detur. Hisque effusis, tum diutius  
 pura urina descendit, tum demum, quae cicatricem  
 inducant, imponenda sunt, extendendique, ut supra  
 docui, pedes, quam maxime vincti. Quod si fistu-  
 lae metus ex his causis, quas proposui, iubeſſe vide-  
 bitur, quo facilius claudatur ea, vel certe coanguste-  
 tur, in anuni quoque danda plumbea fistula est; ex-  
 tentisque cruribus femina talique inter se deliganda  
 sunt, donec, qualis futura est, cicatrix sit.

## C A P. XXVIII.

*Si Naturalia ſæminarum concubitus non admittunt, quo-  
 modo curari conveniat.*

ET hoc quidem commune eſſe maribus et ſœmi-  
 nis poteſt. Proprie vero quædam ad ſœminas  
 pertinent: ut in primis, quod earum naturalia non-

nunquam, inter se glutinatis oris, concubitum non admittunt. Idque interdum evenit protinus in utero matris: interdum exulceratione in his partibus facta, et per malam curationem his oris sanescendo  
 5 junctis. Si ex utero est, membrana ori vulvae opposita est: si ex ulcere, caro id replevit. Oportet autem membranam duabus lineis, inter se transversis, incidere ad similitudinem literae x, magna cura habita, ne urinae iter violetur: deinde undique eam  
 10 membranam excidere. Ac, si caro increvit, necessarium est recta linea patefacere: tum ab ora vel volfella vel hamo apprehensam, tanquam habenulam, excidere: et intus implicitum in longitudinem linamentum (*λημνίσκον* Graeci vocant) in aceto tinctum  
 15 demittere supraque succidam lanam aceto madentem deligare: tertio die solvere, et ulcus, sicut alia ulcera, curare. Cumque jam ad sanitatem tendet, plumbeam fistulam medicamento cicatricem inducente illinere, eamque intus dare: supraque idem  
 20 medicamentum injicere, donec ad cicatricem plaga perveniat.

## C A P. XXIX.

25 *Qua curatione partus emortuus ex utero excutiat.*

**U**BI concipit autem aliqua, si jam prope maturus partus intus emortuus est, neque excidere per se potest, adhibenda curatio est. Quae numerari inter difficillimas potest, nam et summam prudentiam moderationemque desiderat, et maximum periculum affert. Sed ante omnia vulvae natura mirabilis, cum in multis aliis, tum in hac re quoque facile cognoscitur. Oportet autem ante omnia resupinam mulierem transverso lecto sic collocare, ut feminibus  
 30 ejus ipsius illa comprimantur, quo fit, ut et imus venter in conspectu medici sit, et infans ad os vulvae compellatur; quae, emortuo partu, id comprimit: ex intervallo vero paulum dehiscere. Hac occasione usus medicus, unctae manus indicem digitum  
 primum

primum debet inferere, atque ibi continere, donec iterum ad os aperiatur, rursusque alterum digitum demittere debebit, et per easdem occasiones alios, donec tota esse intus manus possit. Ad cuius rei facultatem multum confert et magnitudo vulvae, et vis nervorum ejus, et corporis totius habitus, et mentis etiam robur: cum praesertim intus nonnunquam etiam duae manus dari debeant. Pertinet etiam ad rem, quam calidissimum esse inum ventrem, et extrema corporis; neque dum inflammationem incepisse, sed recenti re protinus adhiberi medicinam. Nam, si corpus jam intumuit, neque demitti manus, neque educi infans, nisi aegerrime potest; sequiturque saepe cum vomitu, et cum tremore, mortifera nervorum distentio. Verum intus emortuo corpori manus injecta protinus habitum ejus sentit, nam aut in caput, aut in pedes conversum est, aut in transversum jacet: fere tamen sic, ut vel manus ejus, vel pes in propinquo sit. Medici vero propositum est, ut eum manu dirigat vel in caput, vel etiam in pedes, si forte aliter compositus est. Ac, si nihil aliud est, manus vel pes apprehensus, corpus rectius reddit, nam manus in caput, pes in pedes eum convertet. Tum, si caput proximum est, demitti debet uncus, undique laevis, acuminis brevis, qui vel oculo, vel auri, vel ori, interdum etiam fronti recte injicitur: deinde attractus infantem educit. Neque tamen quolibet is tempore extrahi debet, nam, si compresso vulvae ore id tentatum est, non emittente eo, infans abrumpitur, et unci acumen in ipsum os vulvae delabitur, sequiturque nervorum distentio, et ingens periculum mortis. Igitur, compressa vulva, conquiescere; hiantem, leniter trahere oportet; et per has occasiones paulatim eum educere. Trahere autem dextra manus uncum; sinistra, intus posita, infantem ipsum, simulque dirigere eum debet. Solet etiam evenire, ut is infans humore distendatur; exque eo profluat foedi odoris sanies. Si quid tale est, indice digito corpus illud forandum est, ut, ef-



fuso humore extenuetur: tum id leniter per ipsas manus recipiendum est nam uncus injectus hebeti corpusculo facile elabitur, in quo quid periculi sit, supra positum. Sed in pedes quoque conversus infans non difficulter extrahitur, quibus apprehensis per ipsas manus commode educitur. Si vero transversus est, neque dirigi potuit, uncus alae injiciendus, paulatimque attrahendus est. Sub quo fere cervix replicatur, retroque caput ac reliquum corpus  
10 spectat. Remedio est, cervix praecisa; ut separatim utraque pars auferatur. Id unco fit, qui, priori similis, in internam tantum partem per totam aciem excutitur. Tum id agendum est, ut ante caput, deinde reliqua pars auferatur: quia fere, majore parte extracta, caput in vacuam vulvam prolabitur, extrahique sine summo periculo non potest. Si tamen id incidit., super ventrem mulieris duplici panniculo injecto, valens homo, non imperitus, a sinistro latere ejus debet assistere, et super imum ventrem  
20 ejus duas manus imponere, alteraque alteram premere, quo fit ut illud caput ad os vulvae compellatur, idque eadem ratione, quae supra posita est, unco extrahitur. At, si pes alter juxta repertus est, alter retro cum corpore est, quicquid protractum est, paulatim abscindendum est. Et, si clunes os vulvae urgere coeperunt, iterum retro repellendae sunt, conquisitusque pes ejus adducendus. Aliaeque etiam  
25 num difficultates faciunt, ut, qui solidus non exit, concisus eximi debeat.

30 Quoties autem infans protractus est, tradendus ministro est. Is eum supinis manibus sustinere, medicus deinde sinistra manu leviter trahere umbilicum debet ita, ne abrumpat, dextraque eum sequi usque ad eas, quas Secundas vocant, quod velamentum infantis intus fuit: hisque ultimis apprehensis, venulas membranulasque omnes eadem ratione manu diducere a vulva, totumque illud extrahere, et, si quid intus praeterea concreti sanguinis remanet. Tum compressis in unum feminibus, illa in conclavi collocanda

canda est, modicum calorem, sine ullo perflatu, habente. Super imum ventrem ejus imponenda lana succida, in aceto et rosa tineta. Reliqua curatio talis esse debet, qualis in inflammationibus, et in his vulneribus, quae in nervosis locis sunt, adhibetur. 5

C A P. XXX. *De Ani vitiis, et eorum curatione.*

**A**NI quoque vitia, ubi medicamentis non vincuntur, manus auxilium desiderant. Ergo, si qua scissa in eo vetustate induruerunt, jamque callum 10 habent, commodissimum est, ducere alvum; tum spongiam calidam admovere, ut relaxentur illa, et foras prodeant: ubi in conspectu sunt, scalpello singula excidere, et ulcera renovare; deinde imponere linamentum molle, et super linteolum illitum melle; 15 locumque eum molli lana implere, et ita vincire: altero die, deincepsque cæteris, lenibus medicamentis uti; quae ad recentia eadem vitia necessaria esse, alias proposui: et utique per primos dies forbitionibus eum sustinere, paulatim deinde cibis adjicere aliquid, 20 generis tamen ejus, quod eodem loco præceptum est. Si quando autem ex inflammatione pus in his oritur, ubi primum id apparuit, incidendum est; ne anus ipse suppuret. Neque tamen ante properandum est, nam, si crudum incisum est, inflammationis multum 25 accedit, et puris aliquanto amplius concitatur. His quoque vulneribus, lenibus cibis, iisdemque medicamentis opus est.

*De Condylomatum curatione.*

At tubercula, quae *κονδύλωματα* appellantur, ubi induruerunt, hac ratione curantur. Alvus ante omnia ducitur. Tum volsella tuberculum apprehensum, juxta radices exciditur. Quod ubi factum est, eadem sequuntur, quae supra post curationem adhibenda esse proposui: tantummodo, si quid increfcit, squa- 35 ma æris coercendum est. Ora etiam venarum, fundentia sanguinem, sic tolluntur. Ubi sanguini, qui effluit, sanies adjicitur, alvus acrius ducitur; quo magis ora promoveantur, eoque fit, ut omnia vasa, quasi

quasi capitula conspicua sint. Tum, si capitulum exiguum est, basimque tenuem habet, adstringendum lino paulum supra est, quam ubi cum ano committitur, imponenda spongia aqua calida est, donec id libeat: deinde aut ungue, aut scalpello, supra nodum id exulcerandum est. Quod nisi factum est, magni dolores subsequuntur: interdum etiam urinae difficultas. Si id majus est, et basis latior, hamulo uno aut altero excipiendum est, paulumque supra basim incidendum: neque relinquendum quicquam ex eo capitulo, neque quicquam ex ano demendum est, quod consequitur is, qui neque nimium, neque parum hamos ducit. Qua incisum est, acus debet immitti, infraque eam lino id capitulum alligari. Si duo triave sunt, imum quodque primum curandum est: si plura, non omnia simul; ne tempore eodem undique tenerae cicatrices sint. Si sanguis profluit, excipiendus est spongia: deinde linamentum imponendum, ungenda femina, et inguina, et quicquid juxta ulcus est, ceratumque superdandum est. Farina hordeacea calida implendus is locus, et sic deligandus est. Postero die is desiderare in aqua calida debet, eodemque cataplasmate foveri. Ac bis die, et ante curationem, et post eam, cervices ac femina liquido cerato perungenda sunt; tepidoque is loco continendus. Interpositis quinque aut sex diebus, oriculario specillo linamenta educenda, si capitula simul non exciderunt, digito promovenda: tum lenibus medicamentis, iisdemque, quae alibi posui, ulcera ad sanitatem perducenda. Finito vitio, quemadmodum agendum esset, jam alias superius exposui.

C A P. XXXI. *De Varicum curatione.*

35 **A**B his ad crura proximus transitus est. In quibus orti varices non difficili ratione tolluntur. Huc autem et earum venularum, quae in capite nocent; et eorum varicum, qui in ventre sunt, curationem distuli: quoniam ubique eadem est. Igitur vena omnis, quae noxia est, aut adusta tabescit, aut manu exci-



exciditur. Si recta est; Si quamvis transversa, tamen simplex; si modica, melius aduritur. Si curva est, et velut in orbes quosdam implicatur, pluresve inter se involvuntur, utilius eximere est. Adurendi ratio hæc est. Cutis superinciditur: tum patefacta, vena, tenui et retuso ferramento candente modice premitur; vitaturque, ne plagae ipsius orae adurantur: quas reducere hamulis facile est. Id interpositis fere quaternis digitis per totum varicem fit: et tum superimponitur medicamentum, quo adusta sanantur. 10 At exciditur hoc modo. Cute eadem ratione super venam incisa, hamulo orae excipiuntur; scalpelloque undique a corpore vena diducitur; cique retusus hamulus subjicitur; interpositoque eodem fere spatio, quod supra positum est, in eadem vena idem fit; quæ, 15 quo tendat, facile hamulo extento cognoscitur. Ubi jam idem, quacunque varices sunt, factum est, uno loco adducta per hamulum vena præciditur: deinde, qua proximus hamus est, attrahitur et evellitur; ibi rursus abscinditur. Ac sic undique varicibus crure 20 liberato, tum plagarum orae committuntur, et super emplastrum glutinans injicitur.

C A P. XXXII. *Curatio Digitorum cohaerentium.*

**A**T, si digiti vel in utero protinus, vel propter 25 communem exulcerationem postea cohæserunt, scalpello diducuntur: dein separatim uterque non pingui emplastro circumdatur: atque ita per se uterque sanescit. Si vero fit ulcus in digito, posteaque male inducta cicatrix curvum eum reddit; primum 30 malagma tentandum est: dein, si id nihil prodest (quod et in veteri cicatrice, et, ubi nervi laesi sunt, evenire consuevit) videre oportet, nervine id vitium, an cutis sit. Si nervi est, attingi non debet: neque enim sanabile est. Si cutis, tota cicatrix ex- 35 cidenda est, quæ fere callosa efficit, ut extendi digitum non patiatur. Tum rectus sic ad novam cicatricem perducendus est.

C A P. XXXIII. *De Gangrænæ curatione.*

**G**Angrænâ inter ungues alasque, aut inguina nasci; et, si quando medicamenta vincuntur, 5 membrum præcidi oportere, alio loco mihi dictum est. Sed id quoque cum periculo summo fit; nam sæpe in ipso opere, vel profusione sanguinis vel animæ defectione moriuntur. Verum hic quoque nihil interest, an satis tutum præsidium sit, quod unicum 10 est. Igitur inter sanam vitiatamque partem incidenda scalpello caro usque ad os est sic, ut neque contra ipsum articulum id fiat, et potius ex sana parte aliquid excidatur, quam ex ægra relinquatur. Ubi ad os ventum est, reducenda ab eo sana caro, et circa os 15 subsecanda est, ut ea quoque parte aliquid os nudetur: dein id ferrula præcidendum est, quam proxime sanæ carni etiam inhærenti: ac tum frons ossis, quam ferrula exasperaverit, lævanda est, supraque inducenda cutis; quæ sub ejusmodi curatione laxa esse 20 debet, ut quam maxime undique os contegat. Quo cutis inducta non fuerit, id linamentis erit contegendum, et super id spongia ex aceto deliganda. Cætera postea sic facienda, ut in vulneribus, in quibus pus moveri debet, præceptum est.

## A. CORN. CELSUS

D E

## M E D I C I N A.

## L I B E R O C T A V U S.

## C A P U T I.

*De positu et figura totius humani corporis.*

**S**UPEREST ea pars, quae ad ossa pertinet. Quae quo facilius accipi possit, prius positus figurasque eorum indicabo. Igitur calvaria incipit ex interiore parte concava, extrinsecus gibba, utrinque laevis, et, qua cerebri membranam contegit, et, qua cute, capillum gignente, contegitur. Eaque simplex, ab occipitio et temporibus; duplex, usque in verticem a fronte, est. Ossaque ejus, ab exterioribus, dura; ab interioribus, quibus inter se connectuntur, molliora sunt. Interque ea venae discurrent, quas his alimentum subministrare, credibile est. Raro autem calvaria solida, sine futuris est: locis tamen aestuosis facilius evenitur, et id caput firmissimum, atque a dolore tutissimum est: ex caeteris, quo futurae pauciores sunt, eo capitis valetudo com-  
modior est, neque enim certus earum numerus est, 15

Z z

sicut



sicut ne locus quidem. Fere tamen duae, super aures, tempora a superiore capitis parte discernunt: tertia, ad aures per verticem tendens, occipitium a summo capite diducit: quarta ab eodem vertice per medium caput ad frontem procedit; eaque modo sub imo capillo definit, modo frontem ipsam secans inter supercilia finitur. Ex his caeterae quidem futurae in unguem committuntur: hae vero, quae super aures transversae sunt, totis oris paulatim extenuantur; atque ita inferiora ossa superioribus leniter insidunt. Crassissimum vero in capite os post aurem est; quia capillus, ut verisimile est, ob idipsum non gignitur. Sub iis quoque musculis qui tempora connectunt, os medium, in exteriorem partem inclinat, positum est. At facies futuram habet maximam; quae a tempore incipiens, per medios oculos, naresque transversa pervenit ad alterum tempus. A qua breves duae sub interioribus angulis deorsum spectant. Et malae quoque in summa parte singulas transversas futuras habent. A mediisque naribus, aut superiorum dentium gingivis, per medium palatum una procedit; aliaque transversa idem palatum secat. Et futurae quidem in plurimis hae sunt. Foramina autem, intra caput, maximaque oculorum sunt; deinde narium; tum quae in auribus habemus. Ex his, quae oculorum sunt, recta simpliciaque ad cerebrum tendunt. Narium duo foramina osse medio discernuntur; siquidem haec primum a superciliis, angulisque oculorum, osse inchoantur ad tertiam fere partem: deinde in cartilagine versae, quo propius ori descendunt, eo magis caruncula quoque molliuntur. Sed ea foramina, quae a summis ad imas nares simplicia sunt; ibi rursus in bina itinera dividuntur: aliaque ex his, ad fauces pervia, spiritum et reddunt et accipiunt; alia ad cerebrum tendunt. In ultima parte in multa et tenuia foramina dissipantur, per quae sensus odoris nobis datur. In aure quoque primo rectum et simplex iter procedendo flexuosum fit. Quod ipsum juxta cerebrum in multa et tenuia foramina

mina diducitur, per quae facultas audiendi est. Juxta ea duo parvuli quasi sinus sunt; superque eos finitur os, quod transversum a genis tendens, ab inferioribus ossibus sustinetur. Jugale appellari potest ab ea similitudine a qua id Graeci *ζυγάδες* appellant. Maxilla vero est molle os, eaque una est. Cujus eadem et media, et etiam ima pars mentum est: a quo utrinque procedit ad tempora; solaque ea movetur. Nam malae cum toto osse, quod superiores dentes exigit, immobiles sunt. Verum ipsius maxillae partes extremae quasi bicornes sunt. Alter processus, intralator, vertice ipso tenuatur, longiusque procedens sub osse jugali subit, et super id temporum musculis illigatur. Alter brevior et rotundior, et in eo sinu, qui juxta foramina auris est, cardinis modo fit; ibique huc et illuc se inclinans maxillae facultatem motus praestat.

Duriores osse dentes sunt: quorum pars maxillae, pars superiori ossi malarum haeret. Ex his quaterni primi, quia secant, *τοῦστοι* a Graecis nominantur. Hi deinde quatuor caninis dentibus ex omni parte cinguntur. Ultra quos utrinque fere maxillares quaterni sunt, praeterquam in iis, in quibus tres ultimi, qui fero gigni solent, non increverunt. Ex his priores singulis radicibus, maxillares utique binis, quidam etiam ternis, quaternisve nituntur. Fereque longior radix brevior dentem edit; rectique dentis recta etiam radix, curvi flexa est. Ex eadem radice in pueris novus dens subit, qui multo saepius priorem expellit; interdum tamen supra infrave eum se ostendit. Caput autem spina excipit. Ea constat ex vertebra quatuor et viginti. Septem in cervice sunt, duodecem ad costas, reliquae quinque sunt proximae costis. Hae teretes brevesque, ab utroque latere, processus duos exigunt: mediae perforatae, quae spinae medulla cerebro commissa descendit: circa quoque per duos processus tenuibus cavis perviae, per quae a membrana cerebri similes membranulae deducuntur. Omnesque vertebrae (exceptis tribus

fummis) a superiore parte in ipsis processibus parum  
 deficientes sinus habent: ab inferiore alios deorsum  
 versus processus exigunt. Summa igitur protinus  
 caput sustinet, per duos sinus receptis exiguis ejus  
 5 processibus. Quo fit, ut caput sursum deorsum ver-  
 sus tuberibus exasperetur. Secunda superiori parti  
 inferiore. Quod ad circuitum pertinet, pars summa  
 angustiore orbe finitur, itaque superior summae cir-  
 cumdata in latera quoque caput moveri finit. Ter-  
 10 tia eodem modo secundum excipit. Ex quo facilis  
 cervici mobilitas est. Ac, ne sustinere quidem caput  
 posset, nisi utrinque recti valentesque nervi collum  
 continerent, quos *καρδοται* Graeci appellant, siquidem  
 horum inter omnes flexus alter semper intentus ul-  
 15 tra prolabi superiora non patitur. Jamque vertebra  
 tertia tubercula, quae inferiori inferantur, excipit.  
 Caeterae processibus deorsum spectantibus in inferio-  
 res insinuantur, ac per sinus, quos utrinque habent,  
 superiores accipiunt, multisque nervis et multa car-  
 20 tilagine continentur. Ac sic, uno flexu modico in  
 promptum dato, caeteris negotiis homo et rectus in-  
 sistit, et alioqui ad necessaria opera curvatur. Infra  
 cervicem vero summa costa contra humeros sita est.  
 Inde undecim inferiores usque ad imum pectus per-  
 25 veniunt: haeque, primis partibus rotundae et leni-  
 ter quasi capitulae, vertebrarum transversis proces-  
 sibus, ibi quoque paulum insinuatis, inhaerent: in-  
 de patefcunt, et in exteriorem partem recurvatae  
 paulatim in cartilagine degenerant; eaque parte  
 30 rursus in interiora leniter flexae committuntur cum  
 osse pectoris. Quod valens ac durum a faucibus in-  
 cipit, ab utroque latere lunatum, et a praecordiis,  
 jam ipsum quoque cartilagine mollium, termina-  
 tur. Sub costis vero prioribus quinque (quas *ροθας*  
 35 Graeci nominant) breves tenuioresque, atque ipsae  
 quoque paulatim in cartilagine versae, extremis ab-  
 dominis partibus inhaerescunt; imaque ex his, ma-  
 jore jam parte nihil, nisi cartilago est.

Rursus, a cervice duo lata ossa utrinque ad scapu-  
 las



las tendunt: nostri scoptula operta; ὠμοπλάτας Græci nominant. Ea in fummis verticibus sinuata, ab his triangula, paulatimque lateſcentia ad ſpinam tendunt; et, quo latiora quaque parte ſunt, hoc hebetiora. Atque ipſa quoque, in imo cartilaginofa, poſ-<sup>5</sup> teriore parte velut innatant; quoniam, niſi in ſummo, nulli oſſi inhaereſcunt. Ibi vero validis muſculis nervisque conſtricta ſunt. At a ſumma coſta paulo interius, quam ubi ea media eſt, os excreſcit, ibi quidem tenue, procedens vero, quo propius lato ſcapularum oſſi fit, eo plenius latiusque et paulatim in exteriora curvatum, quod propius altera verticis parte modice intumeſcens, ſuſtinet jugulum. Id autem ipſum recurvum ac neque inter duriffima oſſa numerandum, altero capite in eo, quod poſui, alte-<sup>15</sup> ro in exiguo ſinu pectoralis oſſis inſidit, paulumque motu brachii movetur, et cum lato oſſe ſcapularum, infra caput ejus, nervis et cartilagini connectitur.

Hinc humerus incipit, extremis utrinque capitibus tumidus, mollis, ſine medulla, cartilaginofus: <sup>20</sup> medius teres, durus, medulloſus: leniter et, in priorem et in exteriorem; gibbus, in poſteriore et exteriorem partem. Prior autem pars eſt, quae a pectore eſt: poſterior, quae ab ſcapulis: interior, quae ad latus tendit: exterior, quae ab eo recedit, quod <sup>25</sup> ad omnes articulos pertinere, in ulterioribus patebit. Superius autem humeri caput rotundius, quam cætera oſſa, de quibus adhuc dixi, verticillatis ſcapularum oſſibus parvo exceſſu inferitur, ac maiore parte ex tranſitu nervis deligatur. At inferius duos proceſſus habet: <sup>30</sup> inter quos, quod medium eſt, magis etiam extremis partibus ſinuatur. Quae res ſedem brachio praeſtat; quod conſtat ex oſſibus duobus. Radius, quem *ῥαδις* Graeci appellant, ſuperior breviorque, et primo, tenuior, rotundo et leniter cavo capite exiguum hu-<sup>35</sup> meri tuberculum recipit, atque ibi nervis et cartilagine continetur. Cubitus inferior longiorque, et primo plenior, in ſummo capite duobus quaſi verticibus extantibus in ſinum humeri, quem inter duos proceſſus

cessus ejus esse proposui, se inserit. Primo vero duobus radiis brachii ossa juncta paulatim dirimuntur, rursusque ad manum coeunt, modo crassitudinis mutato. Siquidem ibi radius plenior, cubitus admodum  
 5 tenuis est. Dein radius, in caput cartilaginofum confurgens, in cervicem ejus sinuatur. Cubitus rotundus in extremo, parte altera paulum procedit. Ac, ne sæpius dicendum sit, illud ignorari non oportet, plurima ossa in cartilagine[m] desiderare, nullum articu-  
 10 lum non sic finire. Neque enim aut moveri posset, nisi lævi inniteretur; aut cum carne nervisque conjungi, nisi ea media quædam materia committeret. In manu vero prima palmarum pars ex multis minutisque ossibus constat, quorum numerus incertus est. Sed ob-  
 15 longa omnia, et triangula, structura quadam inter se connectuntur, cum invicem superior ultimus angulus alterius planities sit: eoque sit ex his unius ossis paulum in interiora concavi species. Verum ex manu duo exigui processus in sinus radii conjiciuntur. Tum ex  
 20 altera parte quinque ossa recta, ad digitos tendentia, palmam explent. A quibus ipsi digiti oriuntur: qui ex ossibus ternis constant, omniumque eadem ratio est. Interius os in verticem sinuatur, recipitque exterioris exiguum tuberculum, nervique ea continent.  
 25 A quibus orti ungues indurescunt. Ideoque non ossi sed carni magis radicibus suis inhærent. Ac superiores quidem partes sic ordinatæ sunt. Ima vero spina in coxarum osse desidit; quod transversum longeque valentissimum, vulvam, vesicam, rectum intestinum tuetur. Idque ab exteriori parte gibbum;  
 30 ad spinam, resupinatum; a lateribus, id est, in ipsis coxis, sinus rotundos habet. A quibus oritur os, quod pectinem vocant; idque, super intestina sub pube transversum, ventrem firmat: rectius in viris,  
 35 recurvatum magis in exteriora in foeminis, ne partum prohibeat.

Inde femina oriuntur. Quorum capita rotundiora etiam, quam humerorum sunt; cum illa ex cæteris rotundissima sint. Infra vero duos processus a priore  
 et

et a posteriore parte habent. Dein dura, et medullosa, et ab exteriori parte gibba, rursus ab inferioribus quoque capitibus intumescunt: superiora in sinus coxæ, sicut humeri in ea ossa, quæ scapularum sunt, conjiciuntur; tum infra introrsus leniter tendunt, quo æqualius superiora membra sustineant. Atque in eo inferiora quoque capita media sinuantur, quo facilius excipi a cruribus possint. Quæ commissura ossæ parvo, molli, cartilaginosa tegitur, patellam vocant. Hæc super innatans, nec ulli ossi inhærens, sed carne et nervis deligata, pauloque magis ad femoris os tendens, inter omnes crurum flexus juncturam tuetur. Ipsum autem crus est ex ossibus duobus. Etenim per omnia femur humero, crus vero brachio simile est: adeo ut habitus quoque et decor alterius ex altero cognoscatur, quod ab ossibus incipiens, etiam in carne respondet. Verum alterum os ab exteriori parte supra positum est: quod ipsum quoque Sura recte nominatur. Id brevius, supraque tenuis, ad ipsos talos intumescit. Alterum a priore parte positum, cui tibiæ nomen est, longius et in superiore parte plenius, solum cum femoris inferiore capite committitur; sicut cum humero cubitus. Atque ea quoque ossa, infra supraque conjuncta, media, ut in brachio dehiscunt. Excipitur autem crus infra ossæ ex transverso talorum; idque ipsum super os calcis situm est, quod quadam parte sinuatur, quadam excessus habet, et procedentia ex talo recipit, et in sinum ejus inferitur. Idque sine medulla durum, magisque in posteriorem partem projectum, teretem ibi figuram repræsentat. Cætera ossa pedis ad eorum, quæ in manu sunt, similitudinem instructa sunt. Plantæ palmis, digiti digitis, ungues unguibus respondent.

## C A P. II.

*Ossa vitata et corrupta quibus signis cognoscantur, et quæ ratione curentur.*

OMNE autem os, ubi injuria accessit, aut vitatur, aut finditur, aut frangitur, aut foratur, aut collidi-



lidunt, aut loco movetur. Id, quod vitiatum est, primo fere pingue fit, deinde vel nigrum, vel cariosum, quæ, supernatis gravibus ulceribus aut fistulis, hisque vel longa vetustate, vel etiam cancro occupatis, eveniunt. Oportet ante omnia os nudare, ulcere exciso, et, si latius ejus vitium est, quam ulcus fuit, carnem subsecare, donec undique os integrum pateat: tum id, quod pingue est, semel iterumve satis est admoto ferramento adurere, ut ex eo statu secedat; aut eradere, donec jam aliquid cruoris ostendatur, quæ integri oris nota est, nam necesse est aridum fit id, quod vitiatum est. Idem in cartilagine quoque læsa faciendum est, siquidem ea quoque scalpello radenda est, donec integrum id fit, quod relinquitur. Deinde, si vel os sive cartilago rasa est, nitro bene trito respergendum est. Neque alia facienda sunt, ubi caries, nigritiesve in summo osse est, siquidem id vel paulo diutius eodem ferramento adurendum, vel radendum est, qui radit hæc, audacter imprimere ferramentum debet, ut et agat aliquid, et maturius desinat. Finis est, cum vel ad album os, vel ad solidum ventum est. Albo finiri ex nigritie vitium, soliditate quadam ex carie, manifestum est. Accedere etiam cruoris aliquid integro, supra dictum est. Si quando autem altius descenderit utrumlibet, dubium est. In carie quidem expedita cognitio est, specillum tenue in foramen demittitur; quod magis minusve intrando, vel in summo cariem esse, vel altius descendisse, testatur. Nigrities colligi quidem potest etiam ex dolore, et ex febre, quæ ubi mediocria sunt, illa alte descendisse non potest. Manifestior tamen adacta terebra fit, nam finis vitii est, ubi scobis nigra esse desinit. Igitur, si caries alte descendit, per terebram urgenda crebris foraminibus est, quæ altitudine vitium æquent: tum in ea foramina demittenda candentia ferramenta sunt, donec inde siccum os ex toto fiat, simul enim post hæc et resolvetur ab inferiore osse, quodcunque vitiatum est; et is sinus carne replebitur; et humor aut nullus postea fere-

feretur, aut mediocris. Sin autem nigrities est, aut si caries ad alteram quoque partem ossis transit, oportet excidi. Atque idem quoque in carie, ad alteram partem ossis penetrante, fieri potest. Sed quod totum vitiatum, totum eximendum est. Si inferior pars integra est, eatenus, quod corruptum est, excidi debet. Item siue capitis, siue pectoris os, siue costa cariosa est, inutilis vitio est, et excidendi necessitas est. Neque audiendi sunt, qui osse nudato, diem tertium expectant, ut tunc excidant, ante inflammationem 10 enim tutius omnia tractantur. Itaque, quantum fieri potest, eodem momento et cutis incidenda est, et os detegendum, et omni vitio liberandum est. Longeque perniciosissimum est, quod in osse pectoris est: quia vix, etiamsi recte cessit curatio, veram sanita- 15 tem reddit.

## C A P. III.

*Quomodo os excidatur; et de Modiolo, et Terebra, ferramentis ad id paratis.* 20

**E**XCIDITUR vero os duobus modis. Si parvulum est, quod læsum est, modiolo, quem *χοιρίκιον* Græci vocant: si spatiosum, terebris. Utriusque rationem proponam. Modiolus ferramentum 25 concavum, teres, est, imis oris ferratum: per quod medium clavus, ipse quoque interiore orbe cinctus demittitur. Terebrarum autem duo genera sunt: alterum simile ei, quo fabri utuntur: alterum capituli longioris, quod ab acuto mucrone incipit, deinde 30 subito latius fit; atque iterum ab alio principio paulo minus quam æqualiter sursum procedit. Si vitium in angusto est, quod comprehendere modiolus possit, ille potius aptatur. Et, si caries subest, medius clavus in foramen demittitur. Si nigrities, angulo scal- 35 pri sinus exiguus sit, qui clavum recipiat, ut, eo insistente, circumactus modiolus delabi non possit: deinde is habena quasi terebra, convertitur. Estque quidam premendi modus, ut et foretur, et cir-

cumagatur : quia, si leviter imprimitur, parum proficit; si graviter, non movetur. Neque alienum est, instillare paulum rosæ, vel lactis, quo magis lubrico circumagatur, quod ipsum tamen, si copiosius est, 5 aciem ferramenti hebetat. At, ubi jam iter modiolopressum est, medius clavus educitur, et ille per se agitur, deinde, cum sanitas inferioris partis scobe cognita est, modiolus removetur. At, si latius vitium est, quam ut illo comprehendatur, terebra res 10 agenda est. Ea foramen sit in ipso fine vitiosi ossis atque integri: deinde alterum non ita longe, tertiumque, donec totus is locus, qui excidendus est, his cavis cinctus sit, atque ibi quoque, quatenus terebra agenda sit, scobis significat. Tum excisforius scalper ab 15 altero foramine ad alterum malleolo adactus id, quod inter utrumque medium est, excidit; ac si ambitus similis ei sit, qui in angustiore orbem modioloprimitur. Utro modo vero id circumductum est, idem excisforius scalper, in osse corrupto planus, 20 summam quamque testam læsit, donec integrum os relinquatur. Vix unquam nigrities integrum, caries per totum os perrumpit, maximeque ubi vitiosa calvaria est. Id quoque signi specillo significatur, qui depressus in id foramen, quod infra solidam sedem 25 habet, et ob id renitens aliquid invenit, et madens exit. Si pervium invenit, altius descendens inter os et membranam, nihil oppositum invenit, educiturque ficcus : non quo non subsit aliqua vitiosa sanies; sed quoniam ibi, ut in latiore sede, diffusa sit. Sive autem 30 nigrities, quam terebra detexit, sive caries, quam specillum ostendit, os transit, modioli quidem usus fere supervacuus est; quia latius pateat necesse est, quod jam alte processit. Terebra vero ea, quam secundo loco posui, utendum; eaque, ne nimis incal- 35 lescat, subinde in aquam frigidam demittenda est. Sed tum majore cura agendum est; cum jam aut simplex os dimidium perforatum est; aut in duplici superius, illud spatium ipsum; hoc sanguis significat. Ergo tum lentius ducenda habena, suspendendaque  
magis



magis sinistra manus est, et sæpius attollenda, et foraminis altitudo considerata, ut, quandocunque os perrumpitur, sentiamus, neque periclitemur, ne mucrone cerebri membrana lædatur: ex quo graves inflammationes, cum periculo mortis oriuntur. Factis 5 foraminibus, eodem modo media sæpe, sed multo circumspectius, excidenda sunt; ne forte angulus scalpri eandem membranam violet; donec fiat aditus, per quem membranæ custos immittatur, *μηνιγοφύλακα* Græci vocant, lamina ænea est, firma, paulum resima, 10 ab exteriori parte lævis. Quæ demissa est, ut exterior pars ejus cerebro propior sit, subinde ei subjicitur, quod scalpro discutiendum est: ac, si excipit ejus angulum, ultra transire non patitur eoque et audacius, et tutius, scalprum malleolo subinde medicus 15 ferit, donec excisum undique os, eadem lamina levetur, tollique sine ulla noxa cerebri potest. Ubi totum os ejectum est, circumradendæ lævandæque sunt oræ, et si quis scobis membranæ infedit, colligendum. Ubi, superiore parte sublata, inferior relicta est, non ora 20 tantum, sed os quoque totum lævandum est, ut sine noxa postea cutis increseat, quæ aspero offi innascens protinus non sanitatem, sed novos dolores movet. Patefacto cerebro, qua ratione agendum sit, dicam, cum ad fracta ossa pervenero. Si basis aliqua 25 servata est, superimponenda sunt medicamenta non pingua, quæ recentibus vulneribus accommodantur; supraque imponenda lana succida, oleo atque aceto madens. Ubi tempus processit, ab ipso ore caro increscit, eaque factum manu finum complet. Si quod 30 etiam os adustum est, a parte sana recedit; subitque inter integram atque emortuam partem caruncula, quæ, quod abscessit, expellat, eaque fere, quia testa tenuis et angusta est, *λεπίς*, id est squama, a Graecis nominatur. Potest etiam evenire, ut ex ictu neque 35 findatur os, neque perfringatur; sed summum tamen collidatur, exaspereturque. Quod ubi incidat, radi et lævari fatis est. Hæc quamvis maxime fiunt in capite, tamen caeteris quoque ossibus communia sunt;

ut ubicunque idem incidet, eodem remedio sit utendum. Atque, cum ea fracta, fissa, forata, collisa sint, quasdam proprias in singulis generibus, quasdam communes in pluribus curationes requirunt. De quibus protinus dicam, initio ab eadem calvaria accepto.

C A P. IV. *De Calvariae curatione.*

**I**GITUR, ubi ea pertusa, protinus requirendum est, num bilem is homo vomuerit; num oculi ejus  
 10 obcaecati sint; num obmutuerit; num per nares auresve sanguis ei effluxerit; num conciderit; num sine sensu quasi dormiens jacuerit. Haec enim non nisi osse fracto eveniunt. Atque, ubi inciderunt, scire licet, necessariam, sed difficilem curationem esse. Si  
 15 vero etiam torpor accessit; si mens non constat, si nervorum vel resolutio vel distentio secuta est; verisimile est, etiam cerebri membranam esse violatam: eoque in angusto magis spes est. At, si nihil horum secutum est, potest etiam dubitari, an os fractum sit;  
 20 et protinus considerandum est, lapide, an ligno, an ferro, an alio telo percussum sit, et hoc ipso laevi an aspero, mediocri an vastiore, vehementer an leviter, quia quo mitior ictus fuit, eo facilius os ei restitisse credibile est. Sed nihil tamen melius est, quam cer-  
 25 tiore id nota explorare. Ergo, qua plaga est, demitti specillum oportet, neque nimis tenue, neque acutum; ne, cum in quosdam naturales sinus inciderit, opinionem fracti ossis frustra faciat: neque nimis plenum; ne parvulae rimulae fallant. Ubi specillum  
 30 ad os venit, nihil nisi lene et lubricum occurrit, integrum id videri potest: si quid asperi est, utique qua futurae non sint, fractum os esse testatur. A futuris se deceptum esse, Hippocrates memoriae prodidit, more scilicet magnorum virorum, et fiduciam magnarum  
 35 rerum habentium. Nam levia ingenia, quia nihil habent, nihil sibi detrahunt. Magno ingenio, multaque nihilominus habituro, convenit etiam simplex veri erroris confessio; praecipueque in eo ministerio quod utilitatis causa posteris traditur; ne qui deci-

piantur eadem ratione, qua quis ante deceptus est. Sed haec quidem, alioquin memoria magni professoris, uti interponeremus, effecit. Potest autem futura eo nomine fallere, quae æque aspera est; ut aliquis hanc esse, etiamsi rima est, existimet eo loco, 5 quo subesse hanc verisimile est. Ergo eo nomine decipi non oportet: sed os aperire tutissimum est. Nam neque utique certa sedes, ut supra posui, futurarum est: et potest idem et naturaliter commissum et ictu fissum esse, juxta ve aliquid fissum habere. Quin ali- 10 quid etiam, ubi ictus fuerit vehementior, quamvis specillo nihil invenitur, tamen aperire commodius est. At, si ne tum quidem rima manifesta est, inducendum super os atramentum scriptorium est, deinde scalpro id detrahendum, nigritiem enim conti- 15 net si quid fissum est. Solet etiam evenire, ut altera parte fuerit ictus, et os altera fiderit. Itaque, si graviter aliquis percussus est, si mala indicia subsequuta sunt, neque ea parte, qua cutis discussa est, rima reperitur; non incommodum est, parte altera confide- 20 rare, num quis locus mollior sit, et tumeat; eumque aperire: siquidem ibi fissum os reperietur. Nec tamen magno negotio cutis fanescit, etiamsi frustra defecta est. Os fractum nisi succursum est, gravibus inflammationibus afficit, difficilisque postea 25 tractatur. Raro, sed aliquando tamen, evenit, ut os quidem totum integrum maneat, intus vero ex ictu vena aliqua in cerebri membrana rupta aliquid sanguinis mittat; isque ibi concretus magnos dolores moveat, et oculos quibus obcaecet. Sed fere contra 30 id dolor est, et, eo loco cute incisa, pallidum os reperitur; ideoque id quoque os excidendum est. Quacunque autem de causa curatio haec necessaria est, si nondum satis cutis patefacta est, latius aperienda est, donec, quicquid laesum est, in conspectu sit. 35 In quo ipso videndum est, ne quid ex ipsa membrana quae sub cute calvariam cingit, super os relinquatur: siquidem haec scalpro terebrisve lacerata, vehementes febres cum inflammationibus excitat. Ita-



Itaque eam commodius est ex toto ab osse deduci, Plagam, si ex vulnere est, talem necesse est habeamus, qualem acceperimus. Si manu facienda est, ea fere commodissima est, quæ duabus transversis lineis literæ X figuram accipit, ut deinde a singulis procedentibus angulis cutis subsequatur. Inter quae, si sanguis fertur, spongia subinde in aceto tincta cohibendus est, occupandusque objectis linamentis, et caput altius excitandum. Neque id vitium ullum metum, nisi inter musculos, qui tempora continent, affert: sed ibi quoque nihil tutius sit. In omni vero fissio fractove osse, protinus antiquiores medici ad ferra-  
10 menta veniebant, quibus id exciderent. Sed multo melius est, ante emplastra experiri, quae calvariae causa componuntur, eorumque aliquid oportet ex aceto molitum per se super fissum fractumve os imponere: deinde super id, aliquanto latius quam vulnus est, eodem medicamento illitum linteolum, et præterea succidam lanam aceto tinctam: tunc vulnus  
15 deligare, et quotidie resolvere; similiterque curare usque ad diem quintum. A sexto die etiam vapore aquæ calidæ per spongiam fovere: cætera ex eadem facere. Quod si caruncula increfcere coeperit, et febricula aut soluta erit, aut levior, et cupiditas cibi reverterit, fatisque somni accedet, in eodem medicamento erit perseverandum. Procedente deinde tem-  
20 pore emolliendum id emplastrum, adjecto cerato ex rosa facto; quo facilius carnem producat, nam per se reprimendi vim habet. Hac ratione saepe rimae callo quodam implentur; estque ea ossis velut cicatrix, et latius fracta ossa, si qua inter se non cohaerebant, eodem callo glutinantur, estque aliquanto melius velamentum cerebro, quam caro, quae exciso osse increfcit. Si vero sub prima curatione febris in-  
25 tenditur, brevesque somni, et iidem per somnia tumultuosi sunt, ulcus madet, neque alitur, et in cervicibus glandulae oriuntur, magni dolores sunt, cibique super haec fastidium increfcit; tum demum ad manum scalprumque veniendum est. Duo vero sub  
35 ictu

ictu calvariae pericula sunt; ne vel findatur vel medium desidat. Si fissum est, possunt orae esse compressae: vel quia altera super alteram excessit; vel etiam, quia vehementer rursus se commiserunt. Ex quo evenit, ut humor ad membranam quidem descendat, exitum vero non habeat; ac sic eam irretet, et graves inflammationes moveat.

Ubi medium os desedit, eandem cerebri membranam urget: interdum etiam ex fractura quibusdam velut aculeis pungentibus. His ita succurrendum est, ut tamen quam minimum ex osse dematur. Ergo, si ora alteri insedit, fatis est id, quod eminet, plano scalpro excidere. Quo sublato, jam rima hiat quantum, curationi fatis est. At, si orae inter se comprimuntur, a latere ejus, interposito digiti spatio, terebra foramen faciendum est: ab eoque scalper duabus lineis ad rimam agendus, ad similitudinem C literae; sic ut vertex ejus a foramine, basis ad rimam sit. Quod si rima longius patet, ab altero foramine rursus similis sinus fieri debebit: et ita nihil latens in eo osse concavum est, abundeque exitus datur intus laedentibus. Ne si fractum quidem os desedit, totum excidi necesse est: sed, si totum perfractum est, et ab alio ex toto recessit, si circumpositae calvariae inhaeret exigua parte, ab eo, quod naturaliter se habet, scalpro dividendum est. Deinde in eo, quod desedit, juxta rimam, quam fecimus, foramina addenda sunt, si in angusto noxa est, duo, si latius patet, tria; septaque eorum excidenda: et tum scalper utrinque ad rimam agendus sic, ut lumen sinum faciat, imaue pars ejus intus ad fracturam, cornua ad os integrum spectent. Deinde, si qua labent, ex facili removeri possunt, forfice ad id facta colligenda sunt, maximeque ea, quae acuta membranam infestant. Si id ex facili fieri non potest, subjicienda lamina est, quam custodem ejus membranae esse, proposui: et super eam, quicquid spinosum est, et intus eminet, excidendum est, eadem lamina, quicquid deorsum insedit, attollendum.

Hoc

Hoc genus curationis efficit, ut, qua parte fracta ossa tamen inhaerent, solidentur: qua parte abrupta sunt, sine ullo tormento sub medicamento tempore excidant, spaciumque inter haec fatis illi magnum ad  
5 extrahendam saniem relinquatur, plusque in osse propugnaculi cerebrum habeat, quam habiturum fuit, eo exciso.

His factis, ea membrana acri aceto respergenda est; ut, siue aliquid sanguinis ex ea profluit, cohibeatur,  
10 siue intus concretus cruor remanet, discutiatur: tum idem medicamentum eodem modo, qui supra positus est, mollitum, ipsi membranæ imponendum est; cæteraque eodem modo facienda sunt, quae ad linteolum illitum, et lanam succidam pertinent: collocan-  
15 dusque is loco in tepido: et curandum quotidie vulnus; bis etiam, aestate. Quod si membrana per inflammationem intumuerit, infundenda erit rosa tepida. Si usque eo tumebit, ut super ossa quoque emineat, coercebit eam bene trita lenticula, vel folia vitis contrita, et cum recenti vel butyro, vel adipe an-  
20 ferino mista: cervixque molliri debebit liquido cerato, ex irino facto. At, si parum pura membrana videbitur, par modus ejus emplastri et mellis miscendus erit; idque superinfundendum; ejusque  
25 continendi causa unum aut alterum linamentum injiciendum, et super linteolo, cui emplastrum illitum sit, contegendum. Ubi plus pura membrana est, eadem ratione adjiciendum emplastro ceratum, ut carnem producat. Quod ad abstinentiam vero, et  
30 primos ulterioresque cibos potionesque pertinet, eadem, quae in vulneribus præcepi, servanda sunt: eo magis, quo periculosius hæc pars afficitur. Quinetiam, cum jam non solum sustineri, sed ali his quoque apparebunt, tamen erunt vitanda, quaecunque man-  
35 denda sunt: item fumus, et quicquid excitat sternutamentum. Spem vero certam faciunt, membrana mobilis ac sui coloris, caro increfcescens rubicunda, facilis motus maxillae atque cervicis. Mala signa sunt, membrana immobilis, nigra, vel livida, vel aliter co-  
loris



loris corrupti, dementia, acris vomitus, nervorum vel resolutio vel distentio, caro livida, maxillarum rigor, atque cervicis. Cæteraque, quae ad somnum, cibi desiderium, febrem, puris colorem attinent, eadem, quae in cæteris vulneribus, vel salutaria, vel mortifera sunt. Ubi bene res cedit, incipit ab ipsa membrana; vel, si os eo loco duplex est, inde quoque caro increfcere, eaque id, quod inter ossa vacuum est, replet: nonnunquam etiam super calvariam excrescit. Quod si incidit, inspergenda squama æris est, ut id reprimat, cohibeatque, ea carni superdando, quae ad cicatricem perducant. Omnibusque ea locis commode inducitur, excepta frontis ea parte, quae paulum super id est, quod inter supercilia est. Ibi enim vix fieri potest, ut non per omnem aetatem sit exulceratio: quæ linteolo, medicamentum habente, contegenda sit. Illa utique, capite fracto, servanda sunt, ut, donec jam valida cicatrix erit, solvenda vitentur, frequens balneum, major vini modus.

20

C A P. V. *De narium fractarum curatione.*

**I**N naribus vero, et os, et cartilago frangi solet, et quidem modo adversa, modo a latere. Si adversa fracta sunt, alterumve ex his, nares desidunt, difficulter spiritus trahitur. Si a latere os fractum est, is locus cavus est: si cartilago, in alteram partem nares declinantur. Quicquid in cartilaginem incidit, excitandum leniter est, aut subjecto specillo, aut duobus digitis utrinque compressis: deinde in longitudinem implicata linamenta, et molli pellicula cincta circumfutaque, intus adjicienda sunt; aut eodem modo compositum aliquid ex arido penicillo; aut grandis pinna, gummi, vel fabrili glutine illita, et molli pellicula circumdata, quae desidere cartilaginem non sinat. Sed, si adversa ea fracta est, æqualiter utraque naris implenda est. Si a latere, id, quod inseritur, crassius esse debet ab ea parte, in qua nasus jacet, ab altera tenuius. Extrinsecus autem cir-

cumdanda habena est mollis, media illita mistis inter se similia et thuris fuligine: eaque ultra aures ducenda, et fronti duobus capitibus agglutinanda est, id enim corpori quasi gluten inhaerescit, et, cum induit, nares commode continet. Sin, quod intus inditum est, laedit; sicut maxime fit, ubi interior cartilago perfracta est, excitatae nares eadem tantummodo habena continendae sunt: deinde, post quatuordecem dies idipsum demendum est. Resolvitur autem aqua calida; eaque tum is locus quotidie fovendus est. Sin os fractum est, id quoque digitis in suam sedem reponendum est: atque ubi adversum id ictum est, utraque naris implenda est: ubi a latere, ca, in quam os impulsus est: imponendumque ceratum, et paulo vehementius deligandum est; quia callus eo loco non ad sanitatem tantummodo, sed etiam ad tumorem increscit, a tertio die fovendum id aqua calida est, tantoque magis, quanto propius esse sanitati debet. Quod si plura erunt fragmenta, nihilominus extrinsecus singula in suas sedes digitis erunt compellenda; imponendaque extrinsecus eadem habena, et super eam ceratum; neque ultra fascia adhibenda est. At, si quod fragmentum undique resolutum cum caeteris non glutinabitur, intelligetur quidem ex humore, qui multus ex vulnere feretur; vossella vero extrahetur: finitisque inflammationibus, imponetur aliquod medicamentum ex iis, quae leniter reprimunt. Pejus est, ubi aut ossi aut cartilagini fractae cutis quoque vulnus accessit, id admodum raro fit. Si incidit, illa quidem nihilominus eadem ratione in suas sedes excitanda sunt: cuti vero superimponendum emplastrum aliquod ex his, quae recentibus vulneribus accommodata sunt: sed insuper nullo vinculo deligandum est.

35

C A P. VI. *De Aurium fractarum curatione.*

**I**N aure quoque interdum rumpitur cartilago. Quod si incidit, antequam pus oriatur, imponendum glutinans medicamentum est, saepe enim suppurationem

nem prohibet, et aurem confirmat. Illud et in hac et in naribus ignorari non oportet; non quidem cartilaginem ipsam glutinari, circa tamen carnem incrementum, solidarique eum locum. Itaque, si cum cute cartilago rupta est, cutis utrinque fuitur. Nunc autem de ea dico, quae, cute integra, frangitur. In ea vero si jam pus natum est, aperienda altera parte cutis, et ipsa cartilago contra lunata plaga excidenda est: deinde utendum est medicamento leniter supprimente, quale lycium est aqua dilutum, donec sanguis fluere desinat: tum imponendum linteolum cum emplastro, sic, ut pingue omne vitetur: et a parte posteriore lana mollis auri subjicienda est, quae, quod est inter hanc et caput, compleat: tum leniter ea deliganda est, et a tertio die, vapore, ut in naribus posui, fovenda. Atque in his quoque generibus abstinentia primi temporis necessaria est, donec inflammatio finiatur.

## C A P. VII.

*De Maxillæ fractæ curatione, deque quibusdam ad omnia ossa pertinentibus.*

**A**B his ad maxillam venturus indicanda quædam puto communiter ad omnia ossa pertinentia, ne sæpius eadem dicenda sint. Omne igitur os, modo rectum, ut lignum in longitudinem finditur; modo frangitur transversum; interdum obliquum: atque id ipsum nonnunquam retusa habet capita, nonnunquam acuta; quod genus pessimum est: quia neque facile committuntur, quae nulli retuso innituntur; et carnem vulnerant, interdum quoque nervum aut musculum. Quinetiam aliquando plura fragmenta a fragmento sunt. Sed in aliis quidem ossibus ex toto sæpe fragmentum a fragmento recedit: maxillæ vero semper aliqua parte etiam vexata, ossa inter se hærent. Igitur inprimis digitis duobus utrinque prementibus, et ab ore, et a cute omnino ossa in suam sedem compellenda sunt: deinde, si maxilla transversa fracta est (sub quo casu fere dens super proximum



dentem excidit) ubi ea in suam sedem collocata est, duo proximi dentes, aut si hi labant, posteriores inter se seta deligandi sunt; id in alio genere fracturæ supervacuum est; cætera eadem facienda sunt, nam  
 5 linteolum duplex, madens vino et oleo, superinjiciendum cum eadem similia et eadem thuris fuligine est: deinde, aut fascia, aut mollis habena, media in longitudinem incisa, ut utrinque mentum complectatur; et inde capita ejus supra caput adducta ibi  
 10 deligantur. Illud quoque ad omnia ossa pertinens dictum erit; famem primum esse necessariam: deinde, a die tertio, humidum cibum; sublata inflammatione, paulo plenior, eumque, qui carnem alat: vinum per omne tempus esse alienum. Deinde tertio  
 15 die resolvi debere; foverique per spongiam vaporem aquæ calidæ, eademque, quæ primo fuerunt, superdari; idem quinto die fieri, et donec inflammatio finiatur; quæ vel octavo die, vel septimo fere resolvitur: ea sublata, rursus ossa esse tractanda, ut, si quod  
 20 fragmentum loco suo non est, reponatur; neque id esse solvendum, nisi duæ partes ejus temporis, intra quod quæque ossa conferuntur, transierunt. Fere vero inter quartumdecimum et unum et vigesimum diem sanescunt, maxilla, maxilla, jugulum, pectus, latus  
 25 os scapularum, costæ, spina coxarum, os tali, calx, manus, planta: inter vigesimum et trigesimum diem, crura, brachiaque: inter septimum et vigesimum et quadragesimum, humeri et femina. Sed in maxilla illud quoque adjiciendum est, quod humidus cibus  
 30 diu assumendus est. Atque etiam, cum tempus processit, in lagano, similibusque aliis perseverandum, donec ex toto maxillam callus firmarit. Item, primis utique diebus, habendum silentium.

C A P. VIII. *De Juguli fracti curatione.*

35

**JUGULUM** vero, si transversum fractum est, nonnunquam per se rursus recte coit, et, nisi moveatur, sanari sine junctura potest: nonnunquam vero, maximeque ubi motum est, elabitur; fereque id, quod

quod a pectore sub id, quod ab humero est, in posteriore partem inclinatur. Cujus ea ratio est, quod per se non movetur; sed cum humeri motu consentit. Itaque, eo subsistente, sub id humerus agitur. Raro vero admodum in priorem partem jugulum inclinatur: adeo ut magni professores nunquam se vidisse memoriae mandarint. Sed locuples tamen ejus rei auctor Hippocrates est. Verum, ut dissimilis uterque casus est, sic quædam dissimilia requirit. Ubi ad scapulas jugulum tendit, simul dextra manu plane propellendus in posteriorem partem humerus est, et illuc in priorem attrahendum. Ubi ad pectus conversum est, ipsum quidem retro dandum, humerus autem in priorem partem adducendus est: at, si is inferior est, non id, quod a pectore est, deprimentum est, quia immobile est; sed humerus ipse attollendus: si casu superior est, id, quod a pectore est, implendum lana, et humerus ad pectus deligandus est. Si acuta fragmenta sunt, incidi contra cutis debet; et ex ossibus ea, quæ carnem vulnerant, præcidendæ sunt; tunc retusa ossa committenda sunt; si quid ab aliqua parte eminet, opponendum ei est triplex linteolum in vino et oleo tinctum. Si plura fragmenta sunt, excipienda sunt ex ferula factæ canaliculo, eodemque intus incerato, ne fascia diducatur; quæ jugulo composito circumdanda est sæpius potius, quam valentius; quod ipsum quoque in omnibus ossibus fractis perpetuum est. A dextro vero jugulo, si id fractum est, ad alam sinistram; a sinistro, ad dextram, rursusque sub ala sana fascia dari debet: post hæc, si jugulum ad scapulas inclinatum est, brachium ad latus; si in partem priorem, ad cervicem deligandum est: supinusque homo collocandus; cæteraque eadem faciendæ, quæ supra comprehensæ sunt. Sunt vero plura ossa fere immobilia, vel dura, vel cartilaginosa, quæ vel franguntur, vel forantur, vel colliduntur, vel finduntur, ut malæ, pectus, latus os scapularum, costæ, spina costarum, os tali, calx, manus, planta. Horum omnium eadem curatio est.

Si

Si supra vulnus est, id suis medicamentis nutriendum est, quo fanefcente, rimas quoque offis, aut, si quod ferrumen est, callus implet. Si cutis integra est, et, os læsum esse, ex dolore colligimus, nihil aliud, quam  
5 quiescendum; imponendumque ceratum est, et leniter deligandum, donec sanitate offis dolor finiatur.

C A P. IX. *De Costarum fracturarum curatione.*

**P**ROPRIE tamen quaedam de costa dicenda sunt;  
10 quia juxta viscera est, gravioribusque periculis is locus expositus est. Haec quoque igitur interdum sic finditur, ut ne summum quidem os, sed interior pars ejus, quae rara est, lædatur: interdum sic, ut eam totam is casus perruperit. Si tota fracta non est,  
15 nec sanguis expuitur, nec febricula sequitur, nec quicquam suppurat, nisi admodum raro, nec dolor magnus est; tactu tamen is locus leviter indolescit: abunde est, eadem quæ supra scripta sunt, facere; et a media fascia incipere deligare, ne in alterutram partem hæc  
20 cutem inclinet. Ab uno vero et vigesimo die, quo utique os esse debet glutinatum, id agendum. Cibis uberioribus est utendum, ut corpus quam plenissimum fiat, quò melius os vestiatur: quod illo loco tenerum adhuc injuriæ sub tenui cute expositum est. Per  
25 omne autem tempus curationis, vitandus clamor, sermo quoque, tumultus, ira, motus vehementior corporis, fumus, pulvis, et quicquid vel tussim vel sternutamentum movet: ne spiritum quidem magnopere continere expedit. At, si tota costa perfracta  
30 est, casus asperior est. Nam et graves inflammationes, et febris, et suppuratio, et sæpe vitæ periculum sequitur, et sanguis spuitur. Ergo, si vires patiuntur, ab eo brachio, quod super eam costam est, sanguis mittendus est: si non patiuntur, alvus, tamen sine  
35 ullo acri, ducenda est; diutiusque inedia pugnandum. Panis vero ante septimum diem non assumendus; sed una forbitione vivendum: imponendumque ei loco ceratum ex lino factum, cui cocta quoque resina adjecta sit, aut Polyarchi malagma; aut panaces ex  
vino



vino et rosa et oleo ; superque imponenda lana succida mollis, et duæ fasciæ a mediis orfæ, minimeque adstrictæ. Multo vero magis omnia vitanda, quæ supra posui ; adeo, ut ne spiritus quidem sæpius movendus sit. Quod si tussis infestabit, ad id potio sumenda erit, vel ex trixagine, vel ex ruta, vel ex herba stœchade, vel ex cumino et pipere. Gravioribus vero doloribus urgentibus, cataplasma imponi quoque conveniet, vel ex lolio, vel ex hordeo, cui pinguis fici tertia pars sit adjecta. Et id quidem interdiu superjacebit : noctu vero idem aut ceratum, aut malagma, aut panni ; quia potest cataplasma decidere. Ergo quotidie quoque resolvetur, donec jam cerato aut malagmate possimus esse contenti. Et decem quidem diebus extenuabitur fame corpus : ab undecimo vero ali incipiet, ideoque etiam laxior, quam primo, fascia circum ligabitur. Fereque ea curatio ad quadragesimum diem perveniet. Quod si modus erit suppurationis, plus malagma, quam ceratum ad digerendum proficiet. Si suppuratio vicerit, neque per quæ supra scripta sunt, discuti potuerit ; omnis mora vitanda erit, ne os infra vitietur : sed, quâ parte maxime tumebit, demittendum erit candens ferramentum, donec ad pus perveniat ; idque effundendum. Si nusquam caput se ostendit, ubi maxime pus subit, sic intelligimus, creta cimolia totum locum illinimus, et siccari patiemur : quo loco maxime humor intus in ea perseverabit, ibi pus proximum erit ; eaque uri debet. Si latius aliquid abscedet, duobus aut tribus locis erit perforandum ; demittendum erit linamentum, aut aliquid ex penicillo, quod summum lino sit devinctum, ut facile educatur. Reliqua eadem, quæ in cæteris adustis, faciendæ sunt. Ubi purum erit ulcus, ali corpus debet, ne tabes perniciofa futura, id malum subsequatur. Nonnunquam etiam, levius ipso osse affecto, et inter initia neglecto, non pus, sed humor quidam muccis similis, intus coit ; mollescitque contra cutis. In quâ simili uestione utendum est.

*De spinæ curatione.*

In spina quoque est, quod proprie notemus. Nam si id quod ex vertebra excedit, aliquo modo fractum est, locus quidem concavus fit; punctiones autem in eo sentiuntur: quia necesse est ea fragmenta spinosa esse, quo fit, ut homo in interiorem partem subinde nitatur. Hæc noscendæ rei causa sunt. Medicamentis vero iisdem opus est, quæ plurima parte hujus capitis exposita sunt.

10

## C A P. X.

*De Humeroꝝ, brachioꝝ, femoꝝ, crũꝝ, digitoꝝ fractoꝝ, vel evulsoꝝ, communibus curationibus.*

**S**IMILES rursus ex magna parte casus curationesque sunt humeris et femoribus. Communia etiam quædam humeris, brachiis, femoribus, cruribus, digitis: siquidem ea minime periculose media franguntur: quo propior fractura capiti vel superiori vel inferiori est, eo pejor est, nam et majores dolores affert, et difficiliter curatur. Ea maxime tolerabilis est simplex, transversa: pejor, ubi obliqua, atque ubi fragmenta: pessimum, ubi eadem acuta. Nonnunquam autem fracta in his ossa in suis sedibus remanent, multo sæpius excidunt, aliudque super aliud effertur, idque ante omnia considerari debet: et sunt notæ certæ. Si suis sedibus mota, resima, punctionesque sensum repræsentant, tactu inæqualia sunt. Si vero non adversa, sed obliqua junguntur (quod fit, ubi loco suo non sunt) membrum id altero latere brevius est, et musculi ejus tument. Ergo, si hoc depressum est, protinus id membrum oportet extendere. Nam nervi musculique, intenti per ossa, contrahuntur: neque in suum locum veniunt, nisi illos per vim aliquis intendit. Rursus, si primis diebus id omis-  
sum est, inflammatio oritur. Sub qua et difficile, et periculose, vis nervis adhibetur, nam dissentio nervorum vel cancer sequitur; vel certum, ut diutissime alatur, pus, itaque, si ante reposita ossa non sunt, post ea, reponenda sunt. Intendere autem digi-  
gitum,

gitum vel aliud quoque membrum, si adhuc tenerum est, etiam unus homo potest: cum alteram partem dextra, alteram sinistra prendit. Valenti<sup>us</sup> membrum duobus eget, qui in diversa contendant. Si firmiores nervi sunt, ut in viris robustis, maximeque eorum feminibus et cru-<sup>5</sup>ribus evenit; habenis quoque, vel linteis fasciis utrinque capita articulorum deliganda, per plures et in diversa ducenda sunt. Ubi paulo longius, quam naturaliter esse debet, membrum vis fecit; tum demum ossa manibus in suam sedem compellenda sunt: indiciumque ossis <sup>10</sup>repositi est dolor sublatus. Et membrum alteri parti æquatum, involvendum duplicibus triplicibusve pannis et in vino et oleo tinctis: quos linteos esse, commodius est. Fere vero fasciis sex opus est. Prima brevissima adhibenda: quae circa fracturam ter voluta sursum versum <sup>15</sup>feratur, et quasi in cochlea serpat; fatisque est, eam ter hoc quoque modo circuire. Altera dimidio longiore eaque qua parte os eminet, ab ea, si totum æquale est, undelibet super fracturam incipere debet, priori adversa, deorsumque tendere; atque iterum de <sup>20</sup>fractura reversa, in superiore parte ultra priorem fasciam desinere. Super has injiciendum latiore linteo ceratum est, quod eas contineat. Ac, si qua parte os eminet, triplex ea pannus objiciendus, eodem vino et oleo madens. Hæc tertia fascia comprehendenda sunt, quarta-<sup>25</sup>que, sic, ut semper insequens priori adversa sit, et tertia tantum in inferiore parte, tres in superiore finiant: quia satius est sæpius circuire, quam adstringi: siquidem id, quod adstrictum est, alienatur, et cancro opportunum est. Articulum autem, quamminime vincire <sup>30</sup>opus est: sed, si juxta hunc os fractum est, necesse est. Deligatum vero membrum in diem tertium continendum est. Eaque junctura talis esse debet, ut primo die nihil offenderit, non tamen laxa visa sit; secundo laxior; tertio jam pene resoluta. Ergo tum rursus id mem-<sup>35</sup>brum deligandum, adjiciendaque prioribus quinta fascia iterumque quinto resolvendum est, et sexto fasciis involvendum, sic, ut tertia et quinta infra, cæteræ supra finiantur. Quotiescunque autem solvitur membrum, calida aqua fovendum est. Sed, si juxta



articulum fractura est, diu instillandum vinum est, exigua parte olei adjecta, eademque omnia facienda, donec ab eo inflammatio solvatur, vel levius quoque, quam, ex consuetudine, id membrum fiat, quod si septimus dies non dedit, certe nonus exhibet, tum facillime ossa tractantur. Rursus ergo, si parum commissa sunt, committi debent: si qua fragmenta eminent, in suas sedes reponenda sunt, deinde eodem modo membrum deligandum, ferulaeque superaccommodandae sunt, quae fissae circumpositaeque ossa in sua sede contineant: et, in quam partem fractura inclinat, ab eo latior valentiorque ferula imponenda est. Easque omnes circa articulum esse oportet resimas, ne hunc laedant, nec ultra adstringi, quam ut ossa contineant: et cum spatio laxentur, tertio quoque die paulum habentis suis coarctari; ac, si nulla prurigo, nullus dolor est, sic manere, donec duae partes ejus temporis, quod quoque os conservet, compleantur: postea levius aqua calida fovere; quia primo digeri materiam opus est, tum evocari. Ergo cerato quoque liquido id leniter est ungendum, perfricandaque summa cutis est; laxiusque id deligandum, est. Tertio quoque die solvendum, sic, ut remota calida aqua, cætera eadem fiant; tantummodo singulae fasciæ, quoties resolutæ fuerint subtrahantur.

25 *De Humeri fracti curatione.*

Hæc communia sunt: illa propria. Si quidem humerus fractus, non sic, ut membrum aliud, intenditur: sed homo collocatur alto sedili, medicus autem humiliore adversus. Una fasciæ, brachium amplexa, et cervice ipsius, qui læsus est, id sustineat: altera, ab altera parte super caput data, ibi accipit nodum: tertia juncto imo humero deorsum demittitur, ibi quoque capitibus ejus inter se junctis. Deinde ab occipitio ipsius, minister sub ea fasciæ, quam secundo loco posui, correpto, si dexter humerus ducendus est, dextro, si sinister, sinistro brachio, demissum inter femina ejus, qui curatur, baculum tenet: medicus super eam fasciam, de qua tertio loco dixi, planam injicit dextram, si sinister, sinistram, si dexter humerus sumatur; simulque alteram fasciam minister attollit, alteram premit medicus: quo fit,

fit, ut leniter humerus extendatur. Fasciis vero, si medium aut imum os fractum est, brevioribus opus est; si summum, longioribus: ut ab eo sub altera quoque ala per pectus et scapulas porrigantur. Protinus vero brachium, cum deligatur, sic inclinandum est, id quod, afficit ut ante fasciis quoque sic figurandum sit, ne postea suspensum aliter, aliter cum deligabatur, humerum inclinet, brachioque suspenso, ipse quoque humerus ad latus leniter deligandus est, per quae fit, ut minime moveatur, ideoque ossa sic se habent, ut aliquis 10 composuit. Cum ad ferulas ventum est, extrinsecus esse earum longissimae debent: a lacerto breviores; sed sub ala brevissimae. Saepiusque eae resolvendae sunt, ubi in vicinia cubiti humerus fractus est, ne ibi nervi rigescant, et inutile brachium efficiant. Quoties so- 15 lutae sunt, fractura manu continenda; cubitus aqua calida fovendus, et molli cerato perfricandus; ferulaeque vel omnino non imponendae contra eminentia cubiti, vel aliquanto breviores sunt.

*De Brachii fracti curatione.*

20

At, si brachium fractum est, in primis considerandum est, alterum os, an utrumque comminutum sit: non quod alia in ejusmodi casu curatio admovenda; sed primum, ut valentius extendatur, si utrumque os fractum est, quia necesse est minus nervos contrahi altero osse 25 integro, eosque intendente; deinde, ut curiosius omnia in continendis ossibus fiant, si neutrum alteri auxilio est, nam, ubi alterum integrum est, plus opis in eo, quam in fasciis ferulisque est. Deligari autem brachium debet, paulum pollice ad pectus inclinato; siqui- 30 dem is maxime brachii naturalis habitus sit: idque involutum mitella commodissime excipitur, quae latitudine ipsi brachio, perangustis capitibus collo injicitur: atque ita commode brachium ex cervice suspensum est. Idque paulum supra cubiti alterius regionem pendere 35 oportet. Quod si ex summo cubito id factum sit, glutinare id vinciendo alienum est, sit enim brachium immobile. Ac, si nihil aliud quam dolori occursum est, idem, qui fuit, ejus usus est.

*De Crurum Femorumque fractorum curatione.*

In crure aequae ad rem pertinet, alterum saltem os integrum manere, commune vero ei femorique est, quod, ubi deligatum est, in canalem conjiciendum  
5 est. Is canalus ab inferiori parte foramina habet, per quae, si quis humor excefferit, descendat: et a planta moram, quae simul et sustineat eam, et delabi non patiatur: et a lateribus cava, per quae loris datis, mora quidem crus femurque, ut collocatum est, detineat.  
10 Esse etiam is debet, a planta, si crus fractum est, circa poplitem; si femur, usque ad coxam; si juxta superius caput femoris, sic, ut ipsa quoque ei coxa sit. Neque tamen ignorari oportet, si femur fractum est, fieri brevius, quia nunquam in antiquum statum reverti-  
15 tur: summisque digitis postea cruris ejus insisti. Sed multa tamen femori debilitas est; foedior tamen, ubi fortunae negligentia quoque accessit.

*De Digiti fracti curatione.*

Digitum satis est ad unum circulum post inflamm-  
20 mationem ligari.

*Communes curationes ad humeros, brachia, crura, femina, digitosque confractos pertinentes.*

His proprie ad singula membra pertinentibus, rursus ista communia sunt; primis diebus fames: deinde tum,  
25 cum jam increfcere callum oportet, liberalius alimentum: longa a vino abstinencia: fomentum aquae calidae, dum inflammatio est, liberale; cum ea desit, modicum: tum etiam longior ulterioribus, e liquido cerato, membris, et mollis tamen unctio. Neque protinus  
30 exercendum id membrum, et ad antiquos usus reducendum est. Gravius aliquanto est, cum ossis fracturae carnis quoque vulnus accessit; maximeque, si id musculi femoris aut humeri senserunt, nam et inflammationes multo graviores, et promptiores caneros ha-  
35 bent. Ac femur quidem, si ossa inter se cesserunt, fere praecidi necesse est. Humerus vero quoque in periculum venit; sed facilius conservatur. Quibus periculis etiam magis id expositum, quod juxta ipsos articulos ictum est. Curiosius igitur agendum est, et per mediam plagam musculus quidem transversus praecidendus: fan-



sanguis vero, si parum fluxit, mittendus: corpus inedia extenuandum. Ac reliqua quidem membra lentius intendenda, et lenius in his ossa in suam sedem reponenda sunt: his vero neque intendi nervos, neque ossa tractari, satis expedit; ipsique homini permittendum est, ut sic ea collocata habeat, quemadmodum minime lædunt. Omnibus autem his vulneribus imponendum primo linamentum est vino madens, cui rosæ paulum admodum adjectum sit: cætera eadem deliganda fasciis sunt, aliquanto, quam vulnus, latioribus; scilicet laxius, quam si ea plaga non esset, quanto facilius et alienari et occupari cancro vulnus potest, numeris potius fasciarum id agendum est, ut laxae quoque aequae contineant. Quod in femore humeroque sic fiet, si ossa forte recte concurrerint: sin aliter se habebunt, catenus circumdari fascia debet, ut impositum medicamentum contineat. Cætera eadem, quæ supra scripsi, facienda sunt, præterquam quod neque ferulis, neque canalibus, inter quæ vulnus sanescere non potest; sed pluribus tantummodo et latioribus fasciis opus est: ingerendumque subinde in eas est calidum oleum, et vinum; magisque in principio fame utendum; vulnus calida aqua fovendum; frigusque omni ratione vitandum est, et transeundum ad medicamenta, quæ puri movenda sunt. Majorque vulneri, quam ossi cura agenda, ergo quotidie solvendum nutriendumque est. Inter quæ si quod parvulum fragmentum ossis eminet, id, si retusum est, in suam sedem dandum: si acutum, ante acumen ejus longius est præcidendum; si brevius, limandum, et utrumque scalpro limandum, tum ipsum recondendum est: ac, si id manus facere non potest, volsella, quali fabri utuntur, injicienda est recte se habenti ossis prominentis cuspidi, ab ea parte, qua sima est; ut ea parte, qua gibba est, eminens os in suam sedem compellat. Si id majus est, membranulisque cinguntur, sinere oportet ea sub medicamentis resolvi, idque os, ubi jam nudatum est, abscindere, quod maturius scilicet faciendum est, postque ea ratione et os coire, et vulnus sanescere: illud suo tempore; hoc, prout se habet. Nonnunquam etiam

in magno vulnere evenit, ut fragmenta quædam velut emoriantur, neque cum cæteris coeant; quod hic quoque ex modo fluentis humoris colligitur. Quo magis necessarium est, sæpius ulcus resolvere, atque nutrire: 5 sequitur vero, ut id os per se post aliquot dies excidat; cum tam misera antea conditio vulneris sit, tamen id interdum majus diutiusque facies. Sæpe enim integra cutis osse abrumpitur, protinusque prurigo et dolor oritur. Quæ solvere, si accidit, maturius oportet, et fovere aqua, 10 per æstatem, frigida; per hiemem, egelida: deinde ceratum myrteum imponere. Interdum fractura quibusdam velut aculeis carnem vexat. Quo a prurigine et puncti- onibus cognito, aperire id melius, eosque aculeos præ- cidere necesse habet. Reliqua vero curatio in utroque 15 hoc casu eadem est, quæ, ubi ictus protinus intulit. Puro jam ulcere, cibus hic quoque utendum est carnem pro- ducentibus. Si brevius adhuc membrum est, et ossa lo- co suo non sunt, paxillus tenuis quam lævissimi generis inter ea demitti debet, sic, ut capite paulum supra ulcus 20 emineat; isque quotidie plenior adigendus est, donec par id membrum alteri fiat. Tum paxillus removendus, vulnus sanandum est. Cicatrix inducta fovenda aqua frigida est, in qua myrtus, hederæ, aliæve similes verbe- nae decoctæ sint: illinendumque medicamentum, quod 25 ficcet; et magis etiam hic quiescendum, donec id mem- brum confirmetur. Si quando vero ossa non conferbu- erunt, quæ sæpe soluta, sæpe mota sunt, in aperto de- inde curatio est; possunt enim coire. Si vetustas occu- pavit, membrum extendendum est, ut aliquid lædatur: 30 ossa inter se manu dividenda, ut concurrento exaspe- rentur, ut, si quid pingue est, eradatur, totumque id quasi recens fiat; magna tamen cura habita, ne nervi musculive lædantur. Tum vino fovendum est, in quo malicorium decoctum sit; imponendumque idipsum ovi 35 albò mistum: tertio die resolvendum, fovendumque aqua, in qua verbenæ, de quibus supra dixi, decoctæ sint, quinto die idem faciendum, ferulæque circumdan- dæ: cætera, et ante, et post, eadem facienda, quæ su- pra scripsi. Solent tamen interdum diversa inter se os- sa coherere: eoque et brevius membrum, et indeco- rum

rum fit, et, si capita acutiora sunt, assidue punctiones sentiuntur. Ob quam causam frangi rursus ossa et dirigi debent. Id hoc modo fit. Calida aqua multa id membrum fovetur, et ex cerato liquido perfricatur, intenditurque: et inter hæc, medicus pertractans ossa, 5 ut adhuc tenero callo, manibus ea diducit, compellitque id, quod eminet, in suam sedem: et, si parum valuit, ab ea parte, in qua os inclinat, involutam lana regulam objicit; atque ita deligando, assuescere iterum vetustæ sedi cogit. Nonnunquam autem recte quidem 10 ossa cœperunt, superincrevit vero nimius callus; ideoque locus intumuit. Quod ubi incidit, diu leniterque id membrum perfricandum est ex oleo, et sale, et nitro: multum aqua calida falsa fovendum; et imponendum malagma, quod digerat; adstrictiusque al- 15 ligandum: oleribusque, et præterea vomitu utendum, per quæ cum carne callus quoque extenuatur: confertque aliquid de sinapi quod cum ficu in alterum pariter membrum impositum, donec id paulum erodat, eoque evocet materiam. Ubi his tumor extenuatus est, rur- 20 sus ad ordinem vitæ revertendum est.

C A P. XI. *De luxatis Ossibus.*

**A**C de fractis quidem ossibus hætenus dictum sit. Moventur autem eà sedibus suis duobus modis. 25 Nam modo, quæ juncta sunt, inter se dehiscunt: ut cum latum os scapularum ab humero recedit; et in brachio, radius a cubito; et in crure, tibia a fura; interdum a saltu, calcis os a talo; quod raro tamen fit: modo articuli suis sedibus excidunt. Ante de prioribus dicam. Quorum 30 ubi aliquid incidit, protinus is locus cavus est, depressusque digitus sinum invenit; deinde gravis inflammatio oritur; atque in talis præcipua: siquidem febres quoque, et caneros, et nervorum vel distentiones, vel rigores, qui caput scapulis annectunt, movere consuevit. 35 Quorum vitandorum causa facienda eadem sunt, quæ in ossibus mollibus læsis. Aliquid ubi incidit, protinus his locis proposita sunt, ut dolor tumorque per ea tollantur. Nam diducta ossa nunquam rursus inter se junguntur: et ut aliquid decoris eo loco sit, nihil usus admittitur.



mittitur. Maxilla vero et vertebra, omnesque articuli, cum validis nervis comprehendantur, excidunt aut vi expulsi, aut aliquo casu nervis vel ruptis, vel infirmatis; faciliusque in pueris et adolescentulis, quam in robustioribus. Hique elabuntur in priorem et in anteriorem partem: quidam omnibus modis, quidam certis. Suntque quædam communia omnium signa, quædam propria sunt cujusque. Siquidem semper ea parte tumor est, in qua os prorumpit; ea sinus, a qua recessit. Et hæc quidem in omnibus deprehenduntur, alia vero si in singulis, quæ, simul atque de quoque dicam, proponenda erunt. Sed ut excidere omnes articuli non possunt, sic non omnes reponuntur. Caput enim nonnunquam compellitur, neque in spina vertebra, neque ea maxilla, quæ, utraque parte prolapsa, antequam reponeretur, inflammationem movit. Rursum, qui nervorum vitio prolapsi sunt, compulsi quoque in suas sedes iterum excidunt. At, quibus in pueritia exciderunt, neque reposita sunt, minus quam cæteri crescunt: omniumque, quæ loco suo non sunt, caro ea increfcit, magisque in proximo membro, quam in ulteriore: utputa, si humerus loco suo non est, major in eo ipso fit, quam in brachio; major in hoc, quam in manus acie. Tum pro sedibus, et pro casibus, qui inciderunt, aut major aut minor usus ejus membri relinquitur: quoque in eo plus usus superest, eo minus id extenuatur. Quicquid autem loco suo motum est, ante inflammationem reponendum est. Si illa occupavit, dum conquiescat, tunc laceffendum non est: ubi finita tentandum est in his membris, quæ id patiuntur. Multum autem eo confert et corporis et nervorum habitus. Nam, si corpus tenue, si humidum est, si nervi infirmi, expeditius os reponitur; sed et primo facilius excidit, et postea minus fideliter continetur. Quæ contraria his sunt, melius continent: sed id, quod expulsum est, difficulter admittunt. Oportet autem ipsam inflammationem levare, super succida lana ex aceto imposita: a cibo, si valentioris articuli casus est, triduo; interdum etiam quinque diebus abstinere debet; bibere aquam calidam, dum sitim finiat: curiosiusque hæc facere,

cere, his ossibus motis, quae validis plenisque musculis continentur : si vero etiam febris accessit, multo magis : deinde ex die quinto fovere ex aqua calida ; remotaque lana, ceratum imponere ex cyprino factum ; nitro quoque adjecto, donec omnis inflammatio finiatur. Tunc, infriktionem ei membro adhibere : cibus uti bonis ; uti vino modice : jamque ad usus quoque suos id membrum promovere ; quia motus, ut in dolore pestifer, sic alias saluberrimus corpori est. Hæc communia sunt : nunc de singulis dicam.

10

*De Maxillae luxatae curatione.*

Maxilla in priorem partem propellitur, sed modo altera parte, modo utraque. Si altera, in contrariam partem, ipsa mentumque inclinatur, dentes paribus non respondent ; sed sub his, qui secant, canini sunt. At, si utraque, totum mentum in anteriorem partem promovetur ; inferioresque dentes longius, quam superiores excedunt ; intentique temporum super musculi apparent. Primo quoque tempore homo in sedili collocandus est, sic, ut minister a posteriore parte caput ejus contineat, vel sic, ut juxta parietem is sedeat, subiecto inter parietem et caput ejus scorteo pulvino duro, eoque caput per ministrum urgeatur, quo sit immobilius ; tum medici digiti pollices, linteolis vel fasciis, ne dilabantur, involuti in os ejus conjiciendi, cæteri extrinsecus admodum 25 vendi sunt ; ubi vehementer maxilla apprehensa est, si una parte procidit, concutiendum mentum, et ad guttur adducendum est : tunc simul et caput apprehendendum, et, excitato mento, maxilla in suam sedem compellenda, et os ejus comprimendum est, sic, ut omnia 30 pene uno momento fiant. Si in utraque parte prolapsa est, omnia eadem facienda ; sed æqualiter retro est maxilla agenda. Reposito osse, si cum dolore oculorum et cervicis iste casus incidit, ex brachio sanguis mittendus est. Cum omnibus vero, quorum ossa mota sunt, primo 35 liquidior cibus conveniat, tum his præcipue : adeo ut sermo quoque frequenti motu oris per nervos lædat.

*De Capite luxato.*

Caput duobus processibus in duos sinus summæ vertebræ demissis super cervicem contineri, in prima parte

proposui. Hi processus interdum in posteriorem partem excidunt: quo fit, ut nervus sub occipitio extendatur, mentum pectori agglutinetur, neque bibere is, neque loqui possit, interdum sine voluntate semen emittat; quibus celerrime mors supervenit. Ponendum autem hoc esse credidi, non quo curatio ejus rei ulla sit; sed ut res indicibus cognosceretur, et non putarent sibi medicum defuisse, si qui sic aliquem perdidissent.

*De Spina luxata.*

Idem casus manet eos, quorum in spina vertebrae exciderunt. Id enim non potest fieri, nisi ex medulla quæ per medium; et duabus membranulis, quæ per duos a lateribus processus feruntur; et nervis, qui continent, ruptis. Excidunt autem et in posteriorem partem, et in priorem; et supra septum transversum, et infra. Si in utramque partem exciderint, a posteriore parte vel tumor, vel sinus oritur. Si super septum incidit, manus resolvuntur, vomitus, aut distentio nervorum insequitur, spiritus difficulter movetur; dolor urget, et aures obtusae sunt. Si sub septo, femina resolvuntur, urina supprimitur, interdum etiam sine voluntate prorumpit. Ex ejusmodi casibus, ut tardius, quam ex capitis, sic tamen intra triduum homo moritur. Nam, quod Hippocrates dixit, vertebra in anteriorem partem prolapsa, pronum hominem collocandum esse, et extendendum, tum calce aliquem super ipsum debere consistere, id intus impellere: in his accipiendum est, quæ paulum excefferunt; non in his, quæ toto loco motæ sunt. Nonnunquam enim nervorum imbecillitas efficit, ut, quamvis non exciderit vertebra, paulum tamen in priorem partem promineat; id non jugulat. Ab exteriori si propulsum est, plerumque iterum redit: sed ab interiori parte non contingit quidem posse, nisi, quod admodum rarum est, vis nervis restituta est.

*De Humero luxato.*

Humerus autem modo in alam excidit, modo in partem priorem. Si in alam delapsus est, et victus cubitus recedit ab latere, rursus juxta ejusdem partis aurem cum humero porrigi non potest, longiusque alte-



ro id brachium est. Si in priorem partem, summum quidem brachium extenditur, minus tamen, quam naturaliter; difficilisque in priorem partem, quam in posteriorem cubitus porrigitur. Igitur, si in alam humerus excidit, et vel puerile adhuc est corpus, vel molle, certe imbecilibus nervis intentum est, satis est collocare id in fedili; et ex duobus ministris alteri imperare, ut caput lati scapularum ossis leniter reducat; alteri, ut brachium extendat: ipsum posteriore parte residentem, humerum genu sub ala ejus cogere, simulque et latum os, et altera manu brachium ejus ad latus impellere. At, si vastius corpus, nervive robustiores sunt, necessaria est spathula lignea, et quae crassitudinem duorum digitorum habet, et longitudine ab ala ad digitos pervenit, in qua summa capitulum est rotundum, et leniter cavum; ut recipere particulam aliquam ex capite humeri possit: in ea bina foramina tribus locis sunt, inter se spatio distantibus; inque ea lora mollia conjiciuntur. Eaque spatha fascia involuta, quo minus tactu laedat, ad alam a brachio dirigitur, sic, ut caput ejus summae alae subjiciatur: deinde, loris suis ad brachium deligatur; uno loco, paulum infra humeri caput; altero, paulum supra cubitum; tertio, supra manum, cui rei protinus intervalla tunc quoque foraminum aptata sunt. Sic brachium deligatum super scalae gallinariae gradum trajicitur, ita altae, ut consistere homo ipse non possit; simulque in alteram partem corpus demittitur, in alteram brachium intenditur: eoque fit, ut capite ligni caput humeri impulsum in suam sedem, modo cum sono, modo sine hoc compellatur. Multas esse alias rationes, scire facile est, uno Hippocrate lecto; sed non alia magis usu comprobata est. At, si in partem priorem humerus excidit, supinus homo collocandus est; fasciaeque, aut habena, media ala circumdanda est, capitaque ejus post caput hominis ministro tradenda; brachium alteri; praecipendumque, ut ille habenam, hic brachium extendat: deinde medicus, caput quidem hominis sinistra debet repellere, dextra vero cubitum cum humero attollere, et os in suam sedem compellere, faciliusque

id in hoc casu, quam in priore revertitur. Reposito humero, lana alæ subjicienda est; si in interiore parte os fuit, ut ei opponatur. Si in priore parte ut tamen commodius deligetur. Tum fascia, primum sub ala obvoluta, caput ejus debet comprehendere, deinde profectus ad alteram alam, ab eaque ad scapulas, rursusque ad ejusdem humeri caput tendere. Sæpiusque ad eandem rationem circumagi, donec bene id teneat. Vinc-tus hac ratione humerus commodius continetur. Si  
 10 adductus ad latus sit, ad id quoque fascia deligatur.

*De Cubiti luxati curatione.*

In cubito autem tria coire ossa, humeri, et radii et cubiti ipsius, ex his, quæ prima parte hujus voluminis posita sunt, intelligi potuit. Si cubitus, qui in-  
 15 nexum humero est, ab hoc excidit, radius qui ad-junctus est, interdum trahitur, interdum subsistit. In omnes vero quatuor partes excidere cubitus potest, sed si in priorem prolapsus est, extantum brachium est, neque recurvatur: si in posteriorem, brachium curvum  
 20 est, neque extenditur, breviusque altero est; interdum febrem, vomitumque bilis movet: si in anterioremve, brachium porrectum est, sed paulum in e-am partem, a qua os recessit recurvatum. Quicquid incidit, reponendi ratio una est (neque in cubito tan-  
 25 tum est sed in omnibus quoque membris longis, quæ per articulum longa testa junguntur) utrumque mem-brum in diversas partes extendere, donec spatium in-ter ossa liberum sit; tum id os, quod excidit ab ea parte, in quam prolapsum est, in contrariam impelle-  
 30 re. Extendendi tamen alia atque alia genera sunt, prout nervi valent, aut ossa huc illucve federunt. Ac modo manibus solis utendum est, modo quaedam alia adhibenda. Ergo, si in priorem partem cubitus pro-lapsus est, extendi per duas manus, interdum etiam  
 35 habenis injectis, satis est: deinde rotundum aliquid, a lacerti parte ponendum est, et super id repente cubi-tus ad humerum impellendus est. At in aliis casibus commodissimum est eadem ratione brachium extendere, quæ, fracto cubito supra posita est, et tum ossa reponere. Reliqua curatio eadem est, quæ in omnibus. Celerius tan-

tantum sæpiusque id resolvendum est; multoque magis aqua calida fovendum, diutius ex oleo et nitro ac sale perfricandum. In cubito enim celerius, quam in ullo alio articulo, sive extra remansit, sive intus revertit, callus circumdatur, isque, si per quietem increvit, flexus illius; postea prohibet.

*De Manu luxata.*

Manus quoque in omnes quatuor partes prolabitur. Si in posteriorem partem excidit, porrigi digiti non possunt: si in priorem, non inclinantur: si in alterutrum 10 latus, manus in contrarium, id est, aut ad pollicem, aut ad minimum digitum convertitur. Reponi non difficillime potest. Super locum durum et renitentem ex altera parte intendi manus, ex altera brachium debet, sic, ut prona sit, si in posteriorem partem os excidit; supina, si 15 in priorem; si in interiorem exterioremve, in latus. Ubi satis nervi conclusi sunt, si in alterutrum latus procidit, manus, brachium in contrarium repellendum est. At his, quæ in priorem posterioremve partem prolapsa sunt, superimponendum aliquid durum, idque supra prominens 20 os manu urgendum est, per quod vis adjecta facilius in suam sedem compellit.

*De Palma luxata.*

In palma quoque ossa interdum suis sedibus promoveantur, modo in priorem partem, modo in posteriorem. 25 In latus enim moveri, paribus ossibus oppositis, non possunt. Signum id solum est, quod omnium commune est; tumor ab ea, in quam os venit: sinus ab ea, a qua recessit. Sed sine intentione, digito tantummodo bene pressum os in suam sedem revertitur. 30

*De Digitis luxatis.*

At in digitis totidem fere casus, eademque signa sunt, quæ in manibus. Sed in his extendendis non æque vis opus est; cum et articuli breviores, et nervi minus validi sint. Super mensam tantummodo intendi debent, qui vel 35 in priorem vel in posteriorem partem exciderunt; tum palma compelli: atque id quod in latus elapsum est, digitis restitui.

*De Femore luxato.*

Cum de iis dixerim; de his quoque, quæ in cruribus sunt,



funt, videri possum dixisse: siquidem etiam in hoc casu quædam similitudo est femori et humero, et tibiæ et cubito, pedi et manui, quædam tamen separatim quoque de his dicenda sunt. Femur in omnes quatuor partes promovetur: sæpissime, in interiorem; deinde in  
5 exteriorem; raro admodum in priorem, aut posteriorem. Si in interiorem partem prolapsum est, crus longius altero et vastius est: extra enim pes ultimus spectat. Si in exteriorem, brevius, rarumque fit, pes intus  
10 inclinatur; calx ingressu terram non contingit, sed planta ima; meliusque id crus superius corpus, quam in priore casu, fert, minusque baculo eget. Si in priorem, crus extensum est, implicari non potest, alteri cruri ad calcem par est; sed ima planta minus in priorem par-  
15 tem inclinatur: dolorque in hoc casu præcipuus est; et maxime urina suppressitur. Ubi cum dolore inflammatio quievit, commode ingrediuntur, totusque eorum pes est. Sed et si in posteriorem, extendi non potest crus, breviusque est; ubi constitit, calx quoque terram non  
20 contingit. Magnum autem femori periculum est, ne vel difficulter reponatur: vel repositum rursus excidat. Quidam semper iterum excidere contendunt: sed Hippocrates, et Diocles, et Philotimus, et Nileus, et Heraclides Tarentinus, clari admodum auctores, ex toto se re-  
25 situisse memoriæ prodiderunt. Neque tot genera machinamentorum quoque, ad extendendum in hoc casu, femur, Hippocrates, Andreas, Nileus, Nymphodorus Protarchus, Heraclides, reperissent, si id frustra esset. Sed ut hæc falsa opinio est; sic illud verum est: cum ibi  
30 valentissimi nervi musculique sint, si suum robur habent, vix admittere, si non habent, postea non contineri. Tentandum igitur est, et, si tenerius membrum est, fatis est habenam alteram ab inguine, alteram a genu intendi: si validius, melius adducent, qui easdem habenas ad vali-  
35 da bacula deligarint; tumque eorum fustium imas partes oppositæ moræ objecerint, superioresque ad se utraque manu traxerint. Etiamnum valentius intenditur membrum super scamnum, cui ab utraque parte axes sunt, ad quos habenæ illæ deligantur: qui ut in torcularibus conversi, rumpere quoque, si quis perseveraverit,  
non

non solum extendere nervos et musculos possent. Collocandus autem homo super id scamnum est, aut pronus, aut supinus, aut in latus, sic, ut semper ea pars superior sit, in quam os prolapsum est; ea etiam inferior, a qua recessit. Nervis extentis, si in priorem os venit, 5 rotundum aliquid super inguen ponendum; subitoque super id genu adducendum est eodem modo, eademque de causa, qua idem in brachio sit; protinusque, si complicari femur potest, intus est. In cæteris vero casibus, ubi ossa per vim inter se recesserunt, medicus debet id, 10 quod eminet, retro cogere; minister contra inde coxam propellere. Posito osse, nihil novi aliud curatio requirit, quam ut diutius is in lecto detineatur; ne, si motum femur fuerit adhuc laxioribus nervis, rursus erumpat.

*De Genu luxato.*

15

Genu vero et in exteriorem, et quoque in interiorem, et in posteriorem partem excidere, notissimum est. In priorem non prolabi, plerique scripserunt; potestque id vero proximum esse; cum inde opposita patella, ipsa quoque caput tibiæ contineat. Meges tamen eum, cui in 20 priorem partem excidisset, a se curatum esse, memoriae prodidit. In his casibus intendi nervi rationibus iisdem, quas in femore retuli, possunt. Et id quidem, quod in posteriorem partem excidit, eodem modo rotundo aliquo super poplitem imposito, adductoque eo crure, re- 25 conditur. Caetera vero manibus simul, tum ossa in diversas partes compelluntur.

*De Talò luxato.*

Talus in omnes partes prolabitur. Ubi in interiorem partem excidit, ima pars pedis in exteriorem partem con- 30 vertitur. Ubi huic contrarius talus, contrarium etiam signum extat. Si in priorem partem erumpit, a posteriore latus nervus durus et infans est; minusque is opus est: si in posteriorem, calx pene conditur, plaga major fit. Reponitur autem is quoque per manus; prius in di- 35 versa pede et crure diductis. Et in hoc quoque casu diutius in lectulo perseverandum est; ne is talus, qui totum corpus sustinet, parum confirmatis nervis, ferendo oneri cedat, rursusque prorumpat. Calceamentis quoque humilioribus primo tempore utendum, ne junctura talum ipsum laedat.

*De*

*De Planta luxata.*

Plantæ ossa iisdem modis quibus in manu prodeunt, iisdemque conduntur. Fascia tantummodo calcem quoque debet comprehendere, ne, cum mediam plantam, 5 imumque ejus vinciri necesse est, liber talus in medio relictus, materiam pleniorē recipiat, ideoque suppuret.

*De Digitis luxatis.*

In digitis nihil ultra fieri debet, quam quod in his, qui sunt in manu, positum est.

10 Hæc facienda sunt in his casibus, ubi sine vulnere ossa exciderunt: sæpe tamen cum vulnere loco moventur. Hic quoque et ingens periculum est, et eo gravius, quo majus membrum est, quove validioribus nervis aut mus-  
culis continetur. Ideoque humeris, femoribusque, me-  
15 tus mortis est; ac, si reposita ossa sunt, spes nulla est: non repositis tamen, nonnullum periculum est. Eoque major in utroque timor est, quo propius vulnus articulo est. Hippocrates nihil tuto reponi posse, præter digitos, et plantas, et manus, dixit: atque in his quoque dili-  
20 genter esse agendum, ne præcipitarent. Quidam brachia quoque et crura reposuerunt: et, ne cancri, distentionesque nervorum orirentur, sub quibus in ejusmodi casu fieri et mors matura, sanguinem ex brachio miserunt. Verum ne digitus quidem, in quo minimum, ut malum,  
25 sic etiam periculum est, reponi debet ante inflammationem, aut postea, cum jam vetus res est. Si quoque, reposito osse, nervi distenduntur, rursus id protinus expellendum est. Omne autem membrum, quod cum vulnere loco motum, neque repositum est, sic jacere conve-  
30 nit, ut maxime cubantem juvat: tantum ne moveatur, neve dependeat. In omnique tali morbo magnum ex longa fame præsidium est: deinde ex curatione eadem quæ proposita est, ubi ossibus fractis vulnus accessit. Si nudum os eminet, impedimento semper futurum est. Id,  
35 quod excedit, abscindendum est; imponendaque super arida linamenta sunt, et medicamenta non pingua; donec, quæ sola esse in ejusmodi re sanitas potest, veniat, nam et debilitas sequitur, et tenuis cicatrix inducitur, quæ necesse est facile noxæ postea pateat.





















